





L.VII. 183.

XXXV. 181.

D.a.I.

1.

16. 20. 9. 1

# REGINALDI

POLI CARDINALIS BRITANNI

PRO ECCLESIASTICAE VNITATIS DEFENSIO-

ne, libri quatuor, in quibus conatus est maximo studio Ecclesiae

Romanae Primatum constabilire, nunc primum in Ger-

mania editi, qui tamen antea in Italia fuerant ex-

cuss, sed latitarunt diu et ad paucorum

manus perueniebant.

ADIECTVM EST ETIAM QVO-

RVNDAM ALIORVM GRAVISSIMORVM VIRO-

rum de Pontificis Romani Primatu

iudicium.



L. THRESSAL. V.

*Omnia probate, quod bonum est tenete.*



M. D. LV.











~~ſententiam deſcriptam~~  
~~non tamen deſcriptam~~

~~ſententiam deſcriptam~~  
~~non tamen deſcriptam~~  
 ſententiam deſcriptam non tamen deſcriptam.

## LIBER PRIMVS.

1



VID ad te hoc tēpore ſcribam, aut quid non ſcribam: ne uīam Princeps, ſi ſcio. ac ne illud quidem ſatis conſtitutum habeo, an omnino ſcribere debeam. ita non modo multa, ſed grauia etiam in omnes partes occurrunt, quę animum ſuſpenſum, & dubium, atque omnis conſilii inopem reddant.

Primum enim ut ad te ſcribam, quam poſſum iuſtiorẽ habere cauſam, q̃ te ita non ſolum uelle, ſed iube

re etiam, atq; huiuſmodi mihi ad ſcribendum argumentum proponere, quod maxime cum eo diſcipline genere coniunctum ſit, in quo ego aliquot iam annos, te fautore meorum ſtudioꝝ, operam conſumpſi. Hęc ſane iuſtiſſima ſcribendi cauſa uideri poſſet, niſi illa adhuc iuſtior accederet, q̃ ea res, de qua tu ut ſententiam de ſcripto dicā requiris: ad confeſſionem Chriſti nominis maxime pertinet. Qua in cauſa, ſi ſententiam rogatus, tace rem: non iam officium negligere, ſed pietatem prodere, ſed animi ſalutem abiicere uiderer. qua ſe haud dubie priuant, qui quauis de cauſa, ea quę ad Chriſti nominis confeſſionem pertinent, loqui reformidant. ita ſit, ut ſi me antea officii ratio ad ſcribendum commouebat: q̃ tu, cui omnia officiā debeo, hoc a me peteres: nunc certe adiuncta officio pietas, cogere ac proruſ impellere uideatur. Quid enim contra tantum, tantiq; faciendum excogitari poſſet, quod me non dicam retinere, ſed uel minimum retardare debeat, quo minus quę ipſe tali in cauſa ſentiam, libere dicam, ac quā copioſiſſime literis mādāta explicem? At ex altera parte, multa mihi ſunt impedimēto, multa me deterret. ante omnia, q̃ tu non ueritatis cognoscendę ſtudio, hoc mihi argumentum proponis, de poteſtate Pontificis Romani diſputandi, cui adiuncta cauſa eſt tui iſtius noui, & nunc primum uſurpati honoris, quo ſupremi Anglię eccleſię capitis ius tibi, ac nomē arrogasti: nec quaſi de rebus in controuerſia poſitis, quid probem, quaeris, ut per te liceat quod mihi probabilius uideatur, libere eſſari, idemq; ſcriptis expoſtere: ſed utruq; tanquam decretum aliquod tuum, & ratam ſententiam ponis: cum ſic alteri par ti, & ei quidem quę maxime cum ueritate pugnat, adharceas, ut qui contra ſentire ſe fateatur, cum tu hoſtis ac proditoris loco habeas, eadēq; in illum poenā, quā in ſceleratiſſimum quenq; ſtatuas. Quid ergo cum tecum ſentire non poſſim, commitam ne, ut contra tuam iſtam ſententiā, animi mei ſenſum aperiam,

A



Reſponſum ſententiam  
 in cauſa ſibi ſacer  
 non debet.

## LIBER

*Salm. lxxi.*

*Lxxi.*

atq; etiam literis commendem: ut meo scripto & testimonio  
 reum læsæ maiestatis constituam: & cuius nūc præter ceteros li-  
 beralitate fruor: eius iram in me indignationemq; nulla spe ul-  
 lius rei bonæ propolita, incendam? At cuius tandem prudentie,  
 uel cuius potius imprudentiæ id esset? quam aptiori uocabulo  
 historicus ille signauit, cum diceret, frustra fatigando se, nihil  
 præter odium quærere, extremæ esse dementiæ. Quam autem  
 frustra me fatigarem, si te conarer deducere de sententiâ, quid  
 nam certius declarare potest, q̃ eorum, qui idē, quod ego, senties-  
 bant, nullum aliud ob crimen effusus, sanguis? Qui cum initio  
 odium tuum, offensionemq; propterea suscepissent, quod uerita-  
 tis causam deferere nolissent: hoc ad ultimum assecuti uiden-  
 tur, ut sceleratorū pœnas homines innocentissimi subirent. Hęc  
 illis increps, hoc pretium operæ accessit. Ita labor tua causa ab  
 iis susceptus, nec tibi usui, & ipsis exitio fuit. Ita illi nō operam  
 tantum & oleum (quod dici solet) perdiderūt, sed uitam etiam  
 amiserunt. Sed quid ago? possum ne hoc dicere de iis uiris, quo-  
 rum de uirtute, doctrina, & in Deum pietate, tot & tam clara  
 extant testimonia, nec domi solum, sed iam etiam foris, q̃ longe  
 lateq; nomen Christianum patet, ut multis iam sæculis de nullo  
 nec plura, nec clariora memorentur? potest ne hoc mihi uerbum  
 excidere, ut dicam frustra eos, ecclesiæ causa, laborem suscepisse  
 se, sine fructu pro eadem mortem oppetisse? ego ne ut hoc dicā,  
 qui Christi uocem de huiusmodi uitis, toties summa cum ani-  
 mi uoluptate audiuerim, ne pilum quidem ullum de capite eorū  
 posse in terrā sine Dei prouidentia decidere? ego ne, ut nūc post  
 tot labores & ærumnas Christi causa toleratas, uitam etiam ibi  
 los temere ac sine fructu profudisse, aut animo sentire, aut lin-  
 gua proferre possim? Non possum Princeps, non possum. procul  
 a me absit omnis eiusmodi impietas. Impia enim fraude ac sce-  
 re me obligarem, si ita dicerem, cum ingratus in Deum essem.  
 Nam quid ingratius esset, quam si cum ipse, Deo & conscientia  
 mea testibus, tātum fructum ex eorum morte cepissem, quantū  
 ex multorum annorum studiis, in optimorum auctorum lectio-  
 ne consumptis, cum nihil præter animi fructum quærerem, nūc  
 quam colligere potuerim: id nunc dissimularem, ac fructuosam  
 negarem illorum mortem fuisse? præsertim cum minime dubitē,  
 plurimos in ecclesia Christi, candem aut etiam maiorem eadem  
 ex causa utilitatem cepisse. Qualis uero hic fructus sit, nō de-  
 erit, ut spero, hoc ipso in opere explicandi occasio, quæ cum se  
 obtulerit,

obtrulerit, ea utar. Nunc uero (quod dicere institueram) absit a me hæc impietas, ut quorum mortem mihi maximo usui fuisse sentiam: illos ego frustra mortuos esse dicam. Cum igitur impietas absit, tum omnis etiam eiusmodi animi timiditas facessat, ut pro qua causa tales uiri non dubitarunt, corpora sua ad supplicia offerre, cum capita sibi præcidi maluerunt, quæ ei sententiæ astipulari, quæ a corpore ecclesiæ, caput abscinderet: ea in causa ipse, quem Dei providentia longius a periculo summouit, dubitem scripta mittere, quæ meam sententiam perferant. Nunquam ergo, Deo ipso duce, dubitabo mittere. ac ne coram quidem si res ita ferat, eadem testari. Cum enim ad Dei & ecclesiæ gloriâ illa pertineant: quicquid inde acciderit, non poterit profecto non ualde utile & expetendum esse. Scribendum igitur est, neque ullo modo, tali præsertim in causa, talibusque ante oculos propositis exemplis, tergiversandum. Sed nunc quo modo scribam, quo modo te alloquar, & appellem, dubito. Ut enim frugis seruus, ac domini amans, ad eum grauiter ægrotantem accedens, cum ab illo conseruos suos eadem fide, & in ipsum beneuolentia præditos, quod illius ualitudinis curam habuissent, morte multatos uideret, dubitaret opinor, quo pacto eum appellaret: & ut medicus si ad egrotum accerseretur, a quo uel morbi agitato, alios sciret medicos esse interfectos: eum ante omnia prouidisset, nequa sibi uis ab illo afferri posset, adhuc tamē, credo, sollicitus esset, quo pacto eum appellaret, quo pacto in omni sermone tractaret, ut quæ minime irritaret, nec sine aliqua dubitatione id faceret: sic ego qui sanctissimos homines, conseruos meos, quasi quosdam animi tui medicos, eadem ob causam, quam ego nunc agere me ditor, uita priuatos uideam, quo pacto sermonis initium tecum instituiam, quo pacto persequar, ualde plane hæreo. & quidni hæream: maxime in iis, quæ progressu orationis non possunt non asperius, ita salutis tuæ cura exigente, tractari, cum ne hoc quidem satis habeam exploratum, uel potius eum ualde dubitem, possis: ne uel hæc ipsa quæ adhuc dixi, non dicam æquo animo ferre, sed omnino ferre. Quid enim poteris ne tu Princeps pariter, nunc ægro animo esse dici, & ita ægro, ut ne communem quidem rationis sensum atque usum retineas: cum illos necaueris, qui ut uiueres, qui ut sanus esses, laborabant? Quid igitur nunc ago? quod initium te appellandi facio? cum nemo mihi serui beneuoli nomen affectumque tollere possit, cum nemo, qui quidē me norit, hoc nesciat, me multos iam annos iis literis operâ dedisse, quæ

*Dubitat quo pacto  
Regem alloqui de  
beat.*

## LIBER

*Regi animus & gratia.*

ægritudines animi cum cognoscendi, tum etiam sanandi ratio nem scientiamque promittunt, cum ipse mihi sim conscius, certissi ma me signa grauissimi ac perniciosissimi morbi in te uidere. res media uero præsentissima habere, si te modo curari patiaris: an ego tali tuo tempore, hoc tantum timens, ne aures tuas offendā, eo uerbo abstinēam, quod nisi sæpe audias, sanari nunquam possis? & quid hoc aliud esset, quam tuæ salutis curam semel abiice re? an hoc serui beneuoli officium, an mecum esset, hoc tempore, cum sententiā a te sum rogatus: de iis tuis factis, quæ ipse totius mali caput esse sciam, reticeres? An ergo tuum istum animi morbum sic dissimulem me scire, ut ne nomē quidem profari audeam, præsertim cum reliqui omnes, factorum tuorum atrocitas te commoti, ita de te sentiant, & passim loquantur, ut iam non ægrotare, sed plane animam egisse dicant, & eo tempore extremum uitæ spiritum efflasse, cum sancti illi uiri a te sunt uitæ priuati. tum enim securim illam, quæ eis uitam eripuisse uideatur, re aut uera immortalitatem attulerit, per eorum ceruices actā, in ipsa animi tui uitalia penetrasse, ac tibi (quod magno cū dolore refero) æternam mortem intulisse, ut a nemine, nisi a solo Deo, ad uitam reuocari possis. Proinde stulte me facere, qui nūc humana aliqua remedia afferre coner: nec minus stulte, quod si quis, cum funus ducatur, medicorum consilia in mortui auribus infusus ret. hæc quidem alii, qui nō pauci sunt, imo omnes fere, ad quos tui illius facinoris, quo nihil iam est per uniuersum christianū orbem uulgatus, fama peruenit. Sed quid nunc ego? an illis credam? quid si autem credam? an stultitiæ opinionem timens, me teneam, quo minus te tanquam adhuc uiuum appellem, qui sæpe uiderim matres, quarum liberi efferrentur, funus non solum lacrimis, sed uoce etiam prosequi, mortuum compellantes, se se ab illo deferri conquerentes: quibus tamē illud non stultitiæ tribueretur, etsi insanorum facta imitarentur, alloquentes qui auidere non possent? sed pietati potius, & communis humanitatis sensui concederetur? Quanto ergo iustius hoc me in te pietati concedatur, si te mortuum alloquar, eo præsertim mortis genere, de qua hominis iudiciū, certum præsertim, esse non potest, quæ soli Deo est nota; qui (Deum testor) sic te semper dilexerim, ut nulla unquam mater magis unicum filium: sic coluerim, ut nunquam magis parentem filius: sic denique ueneratus sim, ut nemo alterius imperio subditus, magis iustissimum, & elementissimum Regem: cuius rei uel maximum argumentum hoc habes, quod

*Authoris ergo Regem amor.*

quod in tantis, & tam acerbis iniuriis, quantas meo iudicio ne-  
mo unquam istius insulae Rex, patriae intulit, nemo certe com-  
muni omnium nostrum parenti ecclesiae infligit, (quae quidem  
causae priuatas sic offensiones superant, ut ne conferri quidem des-  
beant) tamen amorem erga te meum abicere non possum. quan-  
to ergo iustius hoc mihi concedi debet, si cum omnes te animo  
mortuum mihi praedicent: tamē te alloquor, te appello, ea ad au-  
res tuas clamo ac uociferor, quae ad salutem tuam pertinent? Nec  
uero, ut omnes de te desperent, spem ego omnē tuae salutis abie-  
ci. Quid enim scio, an Deus meam uocem sit in uocem filii sui  
conuersurus, quam etiam mortui audiunt? quid? an non solet hoc  
usu uenire? an non hoc saepe in ecclesia accidisse uidimus, ut qui  
mortui propter scelera uidebantur, qui ab omnibus erant despe-  
rati, qui diu nihilo plus, q̄ mortui, ea quae ad salutem suam perti-  
nerent, audierant, cum a praestantissimis in medendo uiris plane  
mortui iudicati, & ab omnibus complorati essent, tamē uo alio  
quo uerbo, ab indocto quopiam & ignaro omnis eius artis, quae  
ad sanandos animos ualet, prolato, repente in uitam ex morte  
reuocarentur? quoniam aut huius rei causa esse potest, nisi quod  
illam uocem, Deus uocem filii sui fecit, quam semper mortui au-  
diunt? Cur ergo ipse propterea desperem, q̄ alios uideā me mul-  
to praestantiores, non illos quidem, quod ante negauī, frustra in  
te curando operam insumpsisse, sed certe quod propositum ha-  
buerant, ut te sanarent, non consecuisse? equidem nunquam despe-  
rabo, nunquam desinam te inclamare, maxime cum habeam  
communis nostrae matris exemplum, quae etsi iam te sua e domo,  
tanquam funestum aliquod cadauer, extulit, adhuc tamen tota  
lachrimis incumbit, te miserabiliter lugeat, se queritur abs te res-  
lictam, te quantum potest, si non uoce, at lachrimis certe & suspi-  
riis, reuocat. Haec est ecclesia Princeps, sponsa Christi, & nisi eā  
reiciis, imo etiam si reiciis, matrem adhuc tua. Nam ut maxime  
tu pietatis in illam sensum exueris, ut matrem minime agnoscas,  
ut infeceris etiam & impugnes; matris tamen officia ac partes  
obliuisci non potest, quae uel nunc, cum intollerabilem abs te in-  
iuriam accepit: tū te, quo reliquis suis filiis consulat, domo ex-  
cludere coacta est, adhuc prosequitur, inclamat, quam maxime  
de tua salute est sollicita. Sed quoniam haec sit iniuria, cur di-  
cam te ecclesiam matrem relinere, quas tragœdias mouere inci-  
piam, indignabundus hic queres: ac statim dices te, quae feceris  
quaecumq; in rebus ecclesiae iniouaris, ecclesiae ipsius causa fecis

Ie. v.

Mortui in ecclesia  
excitantur.

A iii

## LIBER

se, & eius uoluntatem, quam in sacris literis contineri tibi persuaseris, authorem tuorum omnium factorum habere. Hic Princeps patientiam tuam, & in audiendo benignitatem imploro, in re omnium maxima, quæ sic ad honorem, & salutem tuam pertinet, ut nulla magis. Agitur enim, an ea quæ in ecclesia innouasti, cum uoluntate ecclesiæ cõsentiant. quod idem ualeat, ut si dicas, an cum Christi uoluntate conueniant, a qua qui dissentit, is a salute sua dissentit: & qui iis pertinacius adhæret, quæ Christi & ecclesiæ uoluntati repugnant, exitiũ sibi ac perniciem conciliat. Quare cum eiusmodi de rebus sit controuersia, si unquam alias, nunc certe benigne & attente auscultare debes. Controuersiam porro huius generis, & quidem magnam esse, quid magis ostendere potest, quam quod multi ob hanc ipsam causam mortem obierint, quos nemo dicere potest, non & sapientia & uirtute, in primis præstitisse, quos omnes constat, si tibi assentiri uoluissent, in uita manere potuissent: ex quo illud opinor intelligitur, in magna dissensione positam esse hanc quæstionem. Quo magis oēs & amici, & inimici etiam, si qui forte existant, qui locum sibi hac in causa ad dicendum postulent, benigne ac patienter sunt audiendi, nulli reiciendi, ut tandẽ omnibus omniũ dictis ac sententiis diligenter perpenſis, ueritatẽ causæ, tantę præferam, facilius perspicere possis. Quod si quem omnino libetẽ audires, nemini certe iustius quam mihi tuam istam operam dederis: non quo ego ulla ex parte sum cum illis uiris conferendus, qui plurimi eadem in causa a te rogati, ante me sententiã dixerunt: sed quod siquid in literis possum, cum me audies, alumnũ tuum audies: cum quid in literis profeci, siquid modo in iis profeci, quarum causa, quasi cuiusdam pretiosissimę mercis, prouincias multas adii, magnam etiam ætatis partem peregre consumpsi: quoscuq; igitur ex literarum studiis fructus percepi, eos omnes tibi quo iure sumere ac uendicare possis, ut liberalitate tua partos, qui me unũ ex omni nobilitate Anglica in literis educandum statim a puero curaueris. Cum porro omnes sua libenter & uidere soleant, & amplecti, tum illud certe uereri non debes, ne tibi imponere, ne tibi falsa pro ueris, sciens ac prudens, persuadere uelim. Tanta enim sceleris atrocitas, tam immane & tam impium facinus illud foret, ut ne tenuissima quidem eius suspitio constitui in me, atq; hæreere possit. Non solum enim Regem, & Principem, pernicioſa sententiã fallerem, quod ipsum per se grauissimum esset, & tale plane, ut si fontem publicum, unde omnes haurirent, mortifero

*Regis alumnus in  
primis a Rege audiendus.*



fero aliquo ueneno inficerem (neque enim potest Princeps sine Reip. damno falli) sed quod multo etiā grauius foret, illis ipsi fructibus, quos ex Principis liberalitate cepissem, quibus ipse salutem meā deberem, Principi perniciosum inficere, ut iam nec proditoris nomen tanto sceleri satis esse posset, neq. aliud excogitari, quod atrocitati criminis responderet. Quare securus Princeps de uoluntate mea, alumnum nunc tuum audi, in quo auscultando, si eo usq. persecraris, dum finem dicendi fecero, iam tibi pollicor, (scio enim cuius sententia nixus, loquor,) de ueritate, & ipsa etiā salute tua, quæ in hac contētionē opinionum magno in periculo uersat, certum te, & omni dubitatione prorsus liberum fore. Nunc uero id primum excutiam, quod modo dixi, & quod totam hanc causam continet, quod negas te ecclesiam iniuria affecisse. Exponam autem de qua iniuria loquar, ut omnia sint clara, & cursu suo feratur oratio. Dico igitur, dico hanc abs te iniuriam ecclesiæ inferri, qua haud scio an maior potuerit, quod suum illi caput in terris aufers, cum Pontificem Romanum unicum in terris ecclesiæ caput, & Christi Vicarium negas. Alteram uero quæ hanc consequitur, q. supremi ecclesiæ Anglicanæ capitis locum, tibi uendicas. Dico autem hanc iniuriam ex priori consequi, q. tu ut hanc faceres, priorem intulisti. Ut enim te supremū caput ecclesiæ in Regno tuo cōstitueres, negasti unum in uniuersa ecclesia caput esse. isto quidē modo, altera res, alteram consequitur. Nam aliter non sequitur. Neq. enim si Pontifex Romanus in ecclesia caput non sit, continuo efficitur, Reges in suis regnīs capita ecclesiarum esse. Sed de hoc post uiderimus. Nunc illud consideremus, sit ne hæc iniuria, ab ecclesiæ gubernatione unū eius caput remouere: quod multis iam sæculis omnium consensu Pontifex Romanus fuit, quod tu solus ex tā multis Christiani nominis Regibus negas. Sed fortasse in tam amplo corpore, cuius magnitudo sensum effugiat, quale est ecclesiæ, haud ita facile conspici potest, qualis sit hæc iniuria. Spectemus ergo illam in alio corpore, cuius partes, & magnitudo magis se sensui nostro offerant, quo facilius ipsam comprehendere possimus, fac te in ciuitate quapiam eandem mutationem corpis inducere, quam in ecclesia exorsus es, ut statum eius mutares: ut quæ a multitudine gubernaretur, eā ad unius potestatem redigere uelles: parua ne hæc in ciuitatem iniuria esset? an ulla potest esse maior? Cōsule historias omnium ciuitatum, & inuenies nullam unquam iniuriam grauius tulisse

*Quātam iniuriam ecclesiæ faciat, qui illi unum in terris caput auferit.*

## LIBER

*Status mutatio per  
urbem Romam.*

*Monarchia, statum  
optimus.*

*In mutando statu  
Rex suum non eccle-  
siae commodum spe-  
ciat.*

ciuitates eas, quæ populi imperio constarent, quæ cum sub unius potestatem redigerent. Quam multa inde, & quanta bella, quot seditiones hac una ex causa sunt ortæ, dum & populi hanc iniuriam ulcisci parant: & qui intulerunt, tueri conantur? Age uero, eandem fac consideres in Regno. Qui sub regibus uiuere solent, cum ad multorum gubernationem uel traducunt, quæ egre ferunt? quæ grauem iniuriam ducunt? & sane ita est, nulla ullius status mutatio, sine magna iniuria, magna perturbatione Reip. esse potest. quod si omnis status mutatio, iniuriam ac periculum habet, quanto maior iniuria, quanto grauius periculum, cum ab optimo statu, ad deteriorem sit conuersior? quo e genere iniuria est, quam tu nunc ecclesiæ intulisti, cuius status cum sit, & is quidem multis iam sæculis confirmatus, ut ab uno gubernetur, qui status omnium iudicio, quicumque unquam de hominum ceteris, quas ciuitates uocant, constituendis, scripserunt, semper est iudicatus optimus. Ab hoc ergo statu tu nunc eam abstrahere paras, & multa capita in ecclesiæ constituere. non hæc parua iniuria est? At enim in ecclesiæ beneficium hoc facis. Pontifices enim mali. At si quod tuncque capita mala essent, statum mutare oporteret, quod regnum iam staret? in quanta confusione humanum genus uiuere? quando ullus status stabilis esset? cum de nulla fere prouincia, quæ Regum imperio subesset, legi adhuc possit, treis perperam tuae scrie Reges bonos fuisse; atque adeo uix patri filium successisse, quin continuo miremur, si pater bonus fuerit, non degenerasse ab eius moribus filium, siquidem diu regnarit. Ut ergo nec ciuitati, nec regno utile, propter unius prauam gubernationem, statum mutare, ita multo minus hoc ecclesiæ est utile, multo minus licet, multo magis contra ius fasque est, ecclesiæ statum mutari, qui non ab hominibus, sed a Deo est constitutus. Verum hoc adhuc mihi tecum non conuenit. sed post, ut spero, planum faciemus. nunc ut maxime ab hominibus hunc in ecclesiæ statum constet esse comparatum, tamē qui eum soluat, sua præsertim unius auctoritate, quemadmodum tu nunc facis, qui nunquam eius constitutendi auctor fuisti, maxima cum iniuria ecclesiæ afficere, omnibus, qui aliquo iudicio sint, est manifestum: & illud pariter est clarum, non te ecclesiæ commodum, sed tuam tantum utilitatem spectasse. Quid enim? an non tuam uoluntatem satis prodisti? cum reiecto totius ecclesiæ capite, ipsam tanquam agrum ex hostibus captum, tanquam prædam ex aliquo bello, quod tu omnium nomine imperator confeceris, inter reges diuidis, & eius partis

quæ

quæ tuo regno adiuncta est, te ipsum supremum caput constitu-  
is, ac quasi omnium dominus, in ecclesiæ bona impetum facis:  
statuis, mutas, ordinas in ecclesiæ rebus, quicquid tibi libet. &  
cum omnes ante te Reges, quicunque Christi fidem sunt professi,  
leges ab ecclesia acceperint, quibus libenter paruerint; tu leges  
imponis ecclesiæ, quibus ecclesiæ ministros ingratissimum parere co-  
gas. An hic opus est argumentis, ut huius facti iniquitas osten-  
datur? nonne satis est id afferre, quod modo dixi, te tibi hoc uen-  
dicare, quod nemo adhuc Rex in ecclesia tentandum esse iudica-  
uit? An defuerunt ecclesiæ Reges, qui honoris essent cupidissimi?  
nam non nimis multi fuissent. An defuerunt qui suum commo-  
dum, suam utilitatem spectarent? & huius etiam generis nimis  
multi. Quid ergo causæ fuit, cum hic maximus esset honos, si  
Rex supremum caput ecclesiæ constitueretur, cum maxima ex eo  
utilitas ostenderetur, ut nemo unquam Rex, neque tam ambitio-  
sus, nec tam avarus inuentus sit, qui hoc nomen supremi capitis  
ecclesiæ sibi sumere, aut etiam ambire auderet? Quid aliud, nisi  
summa rei absurditas, quæ statim illos deterrebat, ut quæ ne mi-  
nimam quidem iniustitiæ speciem haberet, ac ne habere quidem  
posset? Ita certe est, quicunque non aperte se Tyrannos profiten-  
tur, etiam si iniuste quid appetant, tamen speciem recti querunt.  
Huc igitur honoris titulum, cum ne speciem quidem ullam res-  
cti haberet, nemo inuasit. Sed tu quidē speciem inuenisti, & eam,  
ut tibi persuades, egregiam, qui hunc honorem scripturæ autho-  
ritate Regibus deferri affirmas. sed quid Princeps eorum ne  
qui ante te Principes fuerunt, nemo unquam, uel tam attentus,  
uel tam intelligēs scripturarum fuit, ut quæ uerba tā perspicue  
ad suum maximum honorem pertinerēt, aut non aduerteret, aut  
non caperet? Sed fac Princeps omneis ignaros scripturarū fuis-  
se. fac te plus reliquis omnibus, qui ante te fuerint, in sacris lite-  
ris scire: An nulli illis erant adulescentes, quæadmodum tibi nunc  
plures adfunt, qui hoc in scripturis inueniri admonerent? Quid  
quæso Princeps causæ est, ut cum tot Reges post Christi fidem  
receptam numerentur, in quibus multos honoris, plures lucri  
cupidos fuisse constet, nemo tamen sit adhuc inuentus, qui uel  
ipse hunc honoris titulum inueniret, uel adulatorem haberet, qui  
de eo admonere auderet? Quid causæ, ut nemo unquā adulator,  
tam proiecta audacia, & impudentia fuerit, cui ueniret in men-  
tem, cum uideret Principes nouos honorum titulos sibi undique  
uenari, & totas interdum paginas, id genus nominibus implere,

*Ante Hieron. viii.  
nullus Rex se caput  
ecclesiæ constituit.*

*Adulatores nunc non  
extingunt, pro Prin-  
cipibus gratificuntur.*

## LIBER

hoc supremi in ecclesia capituli nomen tam honorificum, tam fructuosum, principi suo obiceret cum præsertim uideamus tam esse sagaces adulatores, ut nihil sit ita additum, ita penitus abstrusum, quod ad gratificandum pertineat, quo non illi quasi quodam cogitationis odore perueniant? Quid hic dicemus? utrum oculatiores te adulatores habere, an impudentiores omnibus, qui unquam fuerunt, regibus? Ita est plane, nam ne ueri quidem simile est, in tot annorum spatio, in quo tam multi fuerunt & Principes qui cuperent, & adulatores quasi canes qui odorarentur, tam amplum atque augustum, tam utile etiam & quæstuosum honoris nomen, si ullam iusti speciem haberet, cæteros omnes latere, tuis solis adulatoribus patere potuisse. Itaque non tu omnium sagacissimos, sed certe omnium impudentissimos, & ad audendum paratissimos assentatores nactus es. Age uero, ueteres mittamus. fingamus te omnium primum rem nouam in scripturis inuenisse, quæ omnibus omnium superiorum ætatum Principibus, atque priuatis fuerit incognita. Quid est quod ex his qui hodie uiuunt Principibus, qui a te nunc de tuo hoc tam præclaro inuento sunt admoniti, quod tantopere ad ipsorum honorem simul & commodum pertineat, nemo rem approbat, nemo exemplum imitatur? quod nemo neque amicus, neque inimicus tibi inter tot Principes inuenitur, qui indicatum abs te hunc honoris titulum arripiat? cuius certe nemo non maxime cupidus esset, si uel iure sibi deferri, uel recte a se suscipi posse arbitraret. An non uides Christianissimam Regem tibi cæteris in rebus coniunctissimum, in hac una maxime a te dissentire, neque ullo modo adduci posse, ut aut ipse sibi hunc honorem sumat, aut te iure eundem sumpsisse iudicet? etsi tu non te sumpsisse, sed de concilii sententia tibi delatum recepisse dicis. An non aduertis, Carolum Cæsarem, ipsum quidem religionis maxime studiosum, ab hoc tuo honore ita abhorrere, ut te omni honore priuandum hoc uno nomine censeat? hoc idem cæteri Principes Christiani existimant, quorum nemo hac in causa tibi fauet, aduersantur omnes, neminem prorsus qui te imitetur habes. Sed si hic tandem ecclesiæ status sit, ut per plura capita regatur, horum autem capitum locum Reges teneant, quam quæso eam facis, cuius spiritu regi, si tot sæculis statum suum ignorauit? si nesciuit utrum ne ab uno an a pluribus regi deberet? si plus homines, cum adhuc in tenebris uersaretur, de statu uniuersi cognouisse facis, quam ecclesiam noua de cælo luce illustratam, post tot secula, de suis hoc enim certe Philosophi, etiam

*Nullus Rex Henrici, viii. fultum probat, nolum imitatur.*

*Ecclesia, quæ Dei spiritu regitur, statum suum tot sæculis ignorare non potuit.*

humana ratione tum maxime obtenebrata, cum ubiq; fere plus  
 reis deos colerent, tamen hoc cognouerunt, non a pluribus mun-  
 dum, sed ab uno regi. Ergo hoc Philosophi de statu uniuersi ui-  
 derunt: ecclesia de suo ipsius non uidit? An ne nunc quidem in-  
 telligis, quanta tu iniuria ecclesiam, imo Christum ipsum affici-  
 as, quæ cum spiritu Christi haud dubie docta sit, eâ uelis tot se-  
 culis ignorasse, utrum ab uno, an a pluribus regetur? utrum a  
 Regibus, an a Sacerdotibus? quanta hæc, pro Deum immorta-  
 lem, contumelia in sponfam Christi? quanta in ipsum Christum?  
 Verum huius generis rationes parû apud te ualere scio, & par-  
 uî te momenti eas ducere, q; sic nude sine testimonio scriptura-  
 rum proponatur. Qui enim acta tua impugnare uelis, inde opor-  
 tet rationes ducat, (ut ab iis admoneor, qui me tuo mandato ad  
 scribendum inuitarunt) unde tu fundamenta omnium tuarum  
 actionum petieris, idest a sacris scripturis, earum enim te autho-  
 ritate niti dicunt, non argumētis ab humana ratione ductis, nec  
 exemplis hominum qui ante fuerint. Eos enim & falli sæpe, &  
 fallere etiam posse, qui uero scripturis niranur, eos errare non  
 posse, ut quæ uera ac certa sint regula, ad quam nostra omnia di-  
 cta ac facta exigi debeant, has te omnium tuorum factorû quasi  
 normam habere. Et recte quidem Princeps hoc dicitur, eum qui  
 sacram scripturam suorum omnium factorum tâquam regulam  
 habeat, errare non posse, si modo qui ita loquitur, illa etiam ad-  
 dat, eum scriptura & uerbis constet, & sententiis, non sic sequen-  
 dam esse scripturam, ut sensa ipsa negligentes, uerba tantum, &  
 ea quidem, quæ prima facie ad libidinem nostram trahi possint,  
 consectemur, quæ nos, quoties nobis uisum fuerit, quasi plumbe-  
 am quandam regulâ, ad omnia torqueamus. hoc enim modo nul-  
 li perniciosius errant, quam qui scripturas sequi se profidentur.  
 hinc omnes quicumq; unquam in ecclesia hæretici fuerunt, occa-  
 sionem erroris ceperunt, dum uerba tantum scripturarum perse-  
 quentes, sensa ipsa uel negligrent, uel ad arbitrium suum tor-  
 quendo deprauarēt. Cuius te Princeps in primis putarem admo-  
 nendum, in hac tua causa, qui scripturæ autoritate, te niti dicis,  
 supremi capitis ecclesiæ nomen tibi uendicans, ut non uerba tan-  
 tum, siqua tuæ sententiæ prima statim facie consonare uiderent,  
 attenderes; sed magis in sensum penetrares: ita inquam te admo-  
 nendum putarem, si ullum uerbum in omnibus libris sacris inue-  
 nirem, quod tale aliquid, uel minus aduertēti, significare, aut in-  
 nuere uideretur, sed planc nullum inuenio, quin iam audeo affir-

*Non sunt consuetu-  
 da scripturæ uerba  
 solum per se sensu.*

*Ne uerba quidem  
 scripturæ tam Re-  
 gi aliamus.*

## LIBER

*Rich. Sampson.  
Cicestren. Episcopus  
par.*

*l. Pet. ii.*

*Inuitus certamen cum  
Sampsonem inuit.*

mare, non modo non illud a scripturis sacris, si quis eas recte intelligat, tribui regibus, ut capita ecclesiarum constituantur: sed ne uerbum quidem in scriptura ullum inueniri, quod uel leuiter id innuere uideatur; cum tamen perditissimis etiam hæreticis, in falsissimis dogmatibus defendendis, deesse multa non soleant. sed tibi in hac causa, quam esse uis optimam, non solum sensus scripturarum repugnat; sed ne uerba quidem ulla sunt, quæ quo modo suffragari posse uideatur. nisi forte ea uerba, quæ Richardus Sampson tuæ causæ patronus, affert in suo libello ad hoc scripto, hæc supremi capituli auctoritatem significare tibi uidentur: cum citat ex epistola Petri, Regem honorificare: Quod si tibi ita uideatur, duobus hisce uerbis talem auctoritatem, qualem nunc tibi uēdicās, declarari, primum quidem exteriorem uerborum faciem nihil tale significare omnibus constat. hic enim non capituli nomen, nec supremi, nec infimi, non ecclesiæ mentio ulla auditur. Quod si hæc auctoritas in sensu illorum uerborum latet, iam sententia Petri eo in loco est excutienda. iam cum Sampson est confligendum, qui ex iis uerbis illam Regum auctoritatem elici contendit. atque hūc quidem congressum, ita nunc non possum recusare, ut si tergiversarer, nemo me magis accusandus & reprehendus uideretur. & tamē nescio quo pacto inuitus in hanc arenam descendo. sed cur recusem? cur non summa alacritate pro ea sententia, quam esse uerissimam certo scio, ad omnem contentionem me offero? An aduersarii doctrinæ uim ac magnitudinem timeo? nihil equidem minus. Quid ergo est? quid me a contentione retinet? quid suspicor? quid reformido? dicam aperte Princeps, et si fortasse non tam ad rem pertinet, sed certe pertinet, & dicendum est. dicam ergo, quid me retineat, quid me tardiores faciat ad contendendum. Primum quidem natura mea, sua sponte ab omni contentione abhorrens: quam longa iam inde a puero consuetudo sic confirmauit, ut in hunc usque diem nec publice nec priuatim cum quoquam, quasi cum aduersario, contentionem habuerim, ac ne litem quidem apud iudices ullam, quam tamen, qui bona iure possessa habet, uix effugere possit. Sed nunquam cum quoquam contendi, ut iam a nulla re magis animo abhorream, quæ uel ab ipso contentionis nomine. Deinde Princeps, si cum Sampson solo mihi esset conrendendum, tamē inuito plane animo id facerē, præsertim in ea causa, in qua multa ad illius ingenii, doctrinæ, morū etiā atque animi uituperationē, ipsa me res dicere cogeret, id quod non sine magno meo dolore facere

facere possum, qui hoc animo semper fuerim, ut siquæ in quos  
 quam uitia inessent, ea occultada, & omni potius ratione sanan-  
 da putarem, q̄ ulla orationis acerbitate infectanda: uirtutes au-  
 tem omnium, quibus cum mihi familiaritas intercederet, ut cū  
 Sampsonē intercedit, prædicando augendas ducerem. Id quod  
 me uere dicere, non autem ostentandæ probitatis causa nūc fin-  
 gere, testari possunt, qui me interius norunt. Quanquā quid ue-  
 reor, ne quis me hoc suspicetur laudis meæ causa dicere, cum sci-  
 am esse multos, quibus hæc mea ratio non probetur, quicq̄ illam  
 cuidam potius lentitudinī animi, q̄ ulli naturæ lenitati aut cle-  
 mentix assignent: Verum utcūq̄ sit, rem ita se habere confirmo,  
 qui autem mihi non credit, is facta mea, tanquam seruos, in quæ-  
 stionem uocet, illis credat. Inuitus igitur facio, ut cum Sampso-  
 ne contendam. Sed si cum hoc inuitus, quanto dolore cum illo  
 qui Sampsoni adiutor adest, qui eius partes fouet: quanto dolo-  
 re tecum Princeps, qui sic ad latus Sampsoni astas, sic illū quasi  
 tuo corpore p̄tegis, ut ne telum quidē in illum iaci possit, quod  
 non prius in tuam famam tanquam in præcordia ipsa traici nec-  
 esse sit? Equidem quāto hīc dolore premar, solus is qui potest,  
 qui corda scrutatur Deus uidet, tāto certe opprimor, ut ipse qui  
 sentio, eius magnitudinem metiri animo non possum. Ac tanto  
 adhuc maior existit hīc dolor, q̄ fore uideo ut totius uitæ meæ  
 consilia hæc contētio perturbet. Ego enim Princeps ita mecum  
 statueram, siquid unquā in literis possem, quibus a puero sic fui  
 deditus, ut cum multi amici, tum tu ipse interdum pro tua beni-  
 gnitate, diligentiam meam reprehenderes, cum admoneres uale-  
 tudinī corporis tantum ac tam assiduū studium obesse, negligē-  
 tiam quidem certe, nemo unquā accusauit: ita igitur statues-  
 ram, quicquid ex tot laboribus, ac uigiliis assecutus essem, in eo  
 ponere ac consumere, ut egregiis animi tui uirtutibus, secundū  
 Deū, qui eas tibi dedisset, inseruire, & ut te, quem generosissima  
 natura præditum semper iudicassē, quantum possem, literis &  
 doctrina excitarem, ad ea faciēda cum amplissimo regni tui fru-  
 ctu, quæ tibi apud Deum & homines, immortalē gloriā pare-  
 rent, hoc me debere iudicabā excellenti benignitati tuæ in meis  
 studiis fonendis, hoc naturæ, quæ me tecum sanguine coniunxif-  
 ser, hoc Principi meo, hoc deniq̄ patriæ. Sed nunc (proh dolor)  
 quid dicam? quid primum querar? an mihi ereptam esse omnem  
 facultatem, diuturno meo, sanctissimo & ardentissimo desiderio  
 satisfaciendū? hoc quidem ipsum profecto queror, non tantum

## LIBER

sublatam mihi facultatem esse, ut tua cum laude, consilia tua, iis literis atque artibus, quas didici, iuuare possim; sed illud multo magis, tale tempus incidisse, ut tua omnia consilia oppugnare, tuis factis, measqualescūq; sunt, literas, & omnes ingenii uireis cogar opponere. Sed quæ est hæc uis, si non animum erga te mu-  
raui, si amorem erga te, si pietatem, & studiū honori tuo & com-  
modis seruicendi non abiici? Nihil quidem horum est. Animus enim non tantum idem manet, sed multo magis quam unquam alias, tibi seruire cupit hoc tempore, cum te uideo, eorum homi-  
num opera indigere, qui uere tuæ & dignitati & saluti faueant.  
Quid ergo me cogit, si & animus mihi est idem, & tu ipse sic me  
ad te inuitas, ut nunquam maiore benignitatis significatione  
quenquam inuitaris? Ita enim est profecto, negare non possum.  
Quo magis eam, quæ me nunc a te disungit, temporum iniqui-  
tatem queror, ac doleo, quæ mihi prorsus uim afferat, quæ faciat  
at, ne tu opera mea tuis in rebus uti possis. Quanq̃ ne hoc quidē  
tantopere dolendum est, cum alios me multo meliores habere  
possis. Sed mihi tamen priuatim dolendum, ea me nunc spe pri-  
uari, ad quam iam inde a puero totius uitæ meæ rationes ac con-  
silia direxeram, uerum illud omnium maxime est dolendū, hanc  
temporum iniquitatem, de qua tantopere conqueror; ita res os-  
tendit, tuas perturbasse, ut qui tuæ salutis ex animo consultum ue-  
lit, qualem me semper & fuisse, & futurum esse profiteor, is tuis  
actis aduersari omnibus modis cogatur. Atq; in hoc meo scrip-  
to, quod hoc tempore a me requiris, quod tanquam primitias  
quasdam literarum mearum tibi offerri, quo tuas uirtutes, tuas  
laudes, tuas res præclare gestas cōtineri ac celebrari oporteret:  
hoc iam animo prospiciēs, quo me quasi æstus orationis per me  
dia acta tua cursum tenentē, abrepturus sit, sola cogitatione an-  
gor. Sed quid faciam? si nec animum salutis tuæ deditum possum  
deponere, & res me eo trahit, ut si tibi amicus cupiam permanes-  
re, necessario me tibi aduersarium hac in causa cōstituerē & pro-  
ficere debeam, an mihi faciendum est, ut curam tuæ salutis abici-  
ciens, me tibi blandum oratione præbeam? At hoc si facerē, quæ  
maior proditio esset, existimare certe non possum. Eo ergo ag-  
grediendum est, eo cursus orationis dirigendus, ubi mihi spes  
tuæ salutis ostēditur, utrum autem simulare, an ex animo id scri-  
bam, exitus ipse declarabit. Quem quidem exitū si tu Princeps,  
me patienter atq; attente audiendo, expectare uolueris, iam tibi  
polliceor, etsi interea non accerrimus tantum aduersarius, sed sæ-  
uissimus

Qui Regi Henrico  
hæc uult, ut illius  
actis aduerset opera  
let.

Polliceor gloriosum  
Regem omnium  
tuum, si Rex patiens  
ut salu.



uissimus etiam hostis uidear, etsi te a me grauissime uulnerari existimes, etsi honorem tuum & famam lacerari, atque omnibus modis cum summa contumelia premi, putes (hec enim omnia tibi necesse est uideantur, tatum est a te mali contractum) latum tamen & gloriosum tibi futurum, ac talem plane, ut non modo te a me uulneratum non doleas, sed uehementer potius gaudeas. Salutaris enim manus affero, tuam famam, honorem tuum, quem prima specie in omne tempus tibi eripi arbitreris, non eripere me conari, sed eo, qui falso tibi honos uideatur, sublato, restituere uelle confirmo, te ipsum dea; hae uictoria, quæ non tam mea, quàm tua, imo quam Christi erit, si uinci te a ueritate, cui omnia credere debent, passus eris, sic in solum illud tuum regium, a quo deici ac deturbari uidearis, te restitutum iri polliceor, ut qui nunc te tanquam ecclesiæ perniciem quandam auersantur, qui in te probra omnia iaciunt, qui auctores sunt atque hortantur, ut ex ecclesiâ tanquam ecclesiæ hostis expellaris, non modo te libenter uideant, sed quasi gloriosum Christi opus, quasi nouum Regem a Christo inunctum, multo nobiliorem, quàm ullum multis sæculis Regem, ecclesiæ autem multo utiliorem spectent, & non modo ueteres tibi honores reddendos, sed nouos etiam multo maiores tribuendos censeant. Hoc tibi polliceor Princeps si primum me patiaris, quas parteis mihi studium salutis tuæ imponit, eas recipere, ut me tibi aduersarium in omnibus, quæ perniciem tibi allatura uideantur, præbeam, deinde quo te oratione tanquam manu ducam, sequaris. Sed parteis aduersarii agere nunc ingredior, primum cum Sampson. deinde etiam tecum, & cum omnibus qui pro salutaribus pestifera tibi consilia offerunt, quibus quidem omnibus tam diu ero hostis. tam diu bellum inferam, dum illos in potestatem redegero, & iurare primum in tuam salutem, post autem in suam quoque coegero. & cogam certe si ueritas quæ omnium rerum est fortissima quæcunque cogere possit. Sed congregiamur primum cum Sampson, qui quasi ad singulare certamen omnes prouocat qui ei, quam ipse de honore tuo affert, sententiæ assentiri recusent. Nunc igitur aliquando uideamus quid Sampson pro te afferat, consideremus primum genus armorum quo usus est. Vero id iam uideo. Ordine primum longissimum idque a principio generis humani repetitum: in quo commemorat beneficia Dei in humanum genus, quo uis delictis hominum animos hac beneficiorum commemoratione, ad amorem Dei incendat. Deinde amoris affectu excitato pro-

iii. t. l. d. m.

Incipit con. goli. cum  
Sampson.

B ii



## LIBER

cedit. ut ostendat amoris argumentum esse si Dei præceptis par-  
 reatur. iuxta illud qui diligit me sermonem meum seruabit. in  
 sermone autem Christi omnia contineri docet quæ in sacris scrip-  
 turis præcipiuntur. Cum porro inter reliqua præceptum hoc  
 etiam inueniatur scriptum in libris canonicis. ex Petri uerbis,  
 ut Regem honorificent, quicumque Regis imperio subsint, tandè  
 concludit. hoc in primis ab omnibus sine ulla tergiversatione  
 obseruandum. quod si hoc obseruandum sit obediendum esse Re-  
 gi. facienda quæ Rex præcipiat. Hæc bella est illius conclusio,  
 quæ indicat quo genere armorum uti uelit. Vt enim Goliath il-  
 le hastam gerens immensæ longitudinis. cui ferrum nescio quoe  
 felis graue præfixum esset. procedebat ad pugnam in filios Isra-  
 el sic Sampson cõtra ecclesiæ filios. hoc tam longo proæmio ar-  
 matus progreditur. in quo non me quidem longitudo terret. sed  
 certe dolum uereor. Hoc enim Sampson plane mihi persuadeo.  
 si aperto Marte. in conspectu omnium. & sine dolo pugnare con-  
 stituißes nunquam te tam longo ac tam alte repetito proæmio  
 usurum fuisse. Quid enim opus erat. si i. genue nihil fraudis co-  
 gitans scriberes. cum illa uerba concludbas ex Petro. Regem  
 honorificate ut nihil scilicet amplius intelligi uelles per ea uer-  
 ba quam quod Petrus intellexisset. tam longe repetito exordio  
 uti ad id persuadendum. quod tibi omnes. sine ullo proæmio. si-  
 ne ulla authoritate Petri facile concessissent. Nam quis in eo ti-  
 bi repugnasset si uel nuda illa uerba protulisses. Regem esse ho-  
 norandum. Quis nõ statim tibi concessisset Regi esse parendum.  
 Sed nimirum fraudem tuam animaduerto ut quæ statim se ipsa  
 prodat. Vt enim omnium animos hac menciónẽ præcepti Dei de  
 honore & obedientia Regi præstada occupauisses tibi uisus es.  
 tum intulisti si ergo obediendum est Regi ex præcepto tum fas-  
 cienda sunt. quæ Rex præcipit. Sed Rex præcipit ne amplius  
 obediamus Pontifici Romano ut supremo capiti ecclesiæ in ter-  
 ris: sed ut eum honorem sibi suo in regno omnes tribuant. Regi  
 igitur omnes in eo obedire debent. hic Sampson decipere nos  
 uelles. & dolose agis. id quod certe non est uiri boni. At ipse ne  
 cui imponas fraudem tuam patefaciam. ac tecum in hoc nõ con-  
 tendam. Reges esse honorandos. sed plus etiam quæ tu ipse poscas.  
 tibi concedam tuas hic partem adiuuabo. Dico ergo. nõ modo  
 Reges christianos a christianis sed etiam si alienis a religione  
 nostra Regibus christianis subsint adhuc illos ab his honoran-  
 dos esse. cuius rei documentum atque exemplum a filiis Israel li-

*i. Reg. xvii.*

*i. i. long. Sampsonis  
proæmio doli lacti.*

*Reges etiam Ethnicos  
honorandi.*

ccet

cet accipere, qui captiui sub Rege Babylonio uiuebant, quibus non hoc solum a Deo præceptum est, ut Regi obedirent: sed ut libri Hieremix ostendunt, etiam graue supplicium irrogatum, quod Regi Nabuchodonosor parere recularunt. Verum hæc obediētia Sampson suos habet limites, obediebāt enim Regi exter no in iis quæ ad regis officium pertinebant, sed cum idem ille Rex iussisset cos statuam aureā adorare, quod præceptum fines excedebar potestatis Regiæ, tum potius habuerunt, qui optimi erant inter filios Israel, in fornacem ardentem coniici, quam ei præcepto Regis obedire: quorum uoluntatem sic Deus approbauit, ut illatos ab igne conseruari. Similia exempla, multa habemus de Christianis nostris, qui Reges & Imperatores ethnici cos honorabant: & certe de iis Petrus scripsit, cum dixit, honori ficat Regem, nullus enim Rex fidem adhuc acceperat: omnes erant infideles, & tamen cos esse honorandos Petrus monet. Ac illi quidem libenter in iis, quæ ad Regium & Imperatoriū mus spectarent, obediebant. Sed cum Domitianus uoluit, non ut Regem se honorari, uerum ut Deum coliturum uero omnes re stiterunt; neq; ullum supplicii genus fuit, quod non libentius subirent, quam illi præcepto parerent. sic autem resistendo, quis non uidet magis eos Dei præcepto obedisse, q̃ si ad omnia Re gis dicto audientes fuissent, cui tamen Deus præcipiat esse obe diendum? Eodem modo nunc Sampson, ut tecum propius iam congregiamur, nos Angli honoramus Regē nostrum, & illius præcepto obedimus. Sed cum ille dicat, honorate me ut supre mum caput ecclesiæ, date mihi locum uicarii Dei, nos prorsus recusamus. neq; enim hic aliquid ualet longa tua hasta, longum istud procemium, de amore Dei, & obediēti. eius mādatorum. Ipsa enim obediētia mandatorum Dei, nos docet non esse hic Regi obediendum, qui suos certos limites, non infinitos in præ cipiendo, habeat, quales nos quoq; in parendo habemus. quos si tu nouisses, uel potius si cum nouisses, ingenue nobiscum agere, quam dolose maluisses, nunquā sane aggressus esses eam, quam Christi Vicario ab ecclesia docti obediētiā debemus, huius modi argumentis oppugnare. Quibus tamen tu sic applaudis, sperās neminem tuas artes uidere posse, ut si nobilis palmarum multarum gladiator, cum primo statim congressu aduersarium confecisset, ad populum gloriabundus se cōuerteret, atq; aduersarii cœcam temeritatem mirari diceret, qui secum congressi au sus esset. Ita enim agit Sampson, postquam illud sibi conclusisse

*Obediētiā, quæ Re gi debetur, suis limitibus habet.*

*Dei, iii.*

*Domitianus.*

## LIBER

uifus est, Regem ut Dei in ecclesia Vicarium esse honorandum, quia Deus parendum esse Regi præcipiat: ad populum Angliæ, quem suo libro alloquitur, conuersus, mirari se dicit, ullos tam stultos & imprudentes reperiri, qui huic sententiæ aduersent. Stultus ergo & imprudens Sampsoni Morus uidetur, stultus & imprudens Rossensis: Imo non stulti solum & imprudentes, sed plane infani, qui non tantum uoce, sed ipso etiam sanguine ac uita, huic sententiæ restiterunt. Satis enim est, uel nomina sola talium uirorum, contra huius cæcæ & amentem arrogantiam opposere, præsertim apud te Princeps, qui de utroque tanta iudicia fecisti, quanta de nullis unquam tui regni hominibus: cum Rossensem me audiente, omnium, quos unquam nouisses, theologorum doctissimum appellares. Mori uero prudentiæ tantum tribueres, ut secundum te, regni tui gubernacula illi traderes. Sed si scilicet tales uiri, uni omnium sapientissimo Sampsoni, stulti indotique uidentur, ignari sensus scripturarum, prudentiæque communis expertes. Contra quem nihil aliud hoc tempore dicam, nisi ut eius egregiam sapientiam in scripturis intelligendis, hoc præsertim in loco, de quo tantum gloriatur paululum adhuc excutiā. Fulcit enim adhuc suam conclusionem Sampson de honore Regi tribuendo, aliis scripturæ locis, citatque ex Paulo etiam, cui se ualde familiarem facit. Omnis potestas est a Deo, & qui potestati resistit, Dei ordinationi resistit. cum ergo, quin Regia potestas sit a Deo, negari non possit: illi, inquit, non est resistendum, minister enim Dei est. hic abundat Sampson scripturarum testimoniis, Quod si minister Dei, locum Dei tenet, supremum igitur locum in terris Reges tenent, de quibus scriptura dicit, Regem honorificate. Quin ergo honorem cum qui supremo capiti in ecclesia debetur, regibus tribui oporteat, dubium esse non uult. Sed quaeso Sampson, quoniam ita te argumentari iuuat, & hac Petri admonitione, Regem honorificate, sic niteris, ut ex ea omnia quæ ad causam tuam defendendam pertinent, tibi suppedites, mihi hoc si uideatur, respondeas: an non etiam legisti in scripturis, honorandos esse parentes? quam bellum hic & prolixum procemium duci posset, ex aliis locis scripturæ, si quis liberos ad parentum honorem excitaret? Sed relinquamus procemiam, an non hæc Dei ordinatio est, ut parentes honoremus? an non, qui illis resistit, Dei ordinationi resistit? an non Dei ministri sunt? an non a Deo potestatem habent? Cum eadem omnia, quæ pro Rege, tibi pro parentibus honorandis suppetant, cur potius Regi, quam parentibus tuis,

*Regis de Moro, &  
Rossensis iudicium.*

*Ro. xiii.*

*Pet. ii.*

*Probat Sampsoni pa-  
rentem caput esse eccle-  
siae, similitudine, ac  
Sampson pro Rege  
utiliter.*

tuis, cum honorem tribuist' cur parentes tuos supremi capitis nomine decorandos non censes, Regem censes? cum nihil ex scriptura afferri possit, quãobrem Regi hoc tribuas, quod non idẽ, cur parentibus tuis. In Regem solũ gratius esse uis, in parentes non uis, in quos eodem modo ex scripturis oportet? Quod si pater tuus medicus fuisset, iam altera corona patri deberet'. quod si senex, tertiã, tum quidem supra omnes reges pater tuus esset. dicit enim scriptura, honora medicum, eadem dicit, senes esse honorandos. Quod si tu Regi supremi capitis honorem tribuist, quia semel inuenisti in scripturis, honorificate Regem: q̃ omnes honores regios superare debent, qui patri tuo a te debentur, si idem tuus pater medicus sit, & senex? Sed tu ludis Sampson, nõ pugnas, & me tecum cogis ludere. Verum si serio adhuc illa uerba, Regem honorificate, tantum ualere uidentur, ut per illa intel ligamus supremi capitis locum in ecclesia Regibus dari, aduersus te quæso paulo attentius illa uerba: & locũ ipsum totum, in quo scripta sunt, diligentius ausculta. Sed hoc mihi prius respondes, quis ea scripsit? Petrus. ad quos scripsit? ad eos qui Romanis parebant, qui tum erant totius orbis domini. ethnicos ne; an iam ad fidem conuersos, & Christianos? Christianos. eorum enim fides dem laudat. illos ergo monebat, ut Regem honorificarent. Ita est profecto. Age uero, ubi scripsit? Romæ. Quis tum Romæ regnabat? Nero, apud quem etiã Paulus Petri collega, causam dixit, & a quo uterq; interfectus est. Iussit igitur, ut Neronem, qui tum gladium, ut inquit Paulus, portabat, Christiani honorificarent. Hoc quidem negari non potest. Neq; uero uel Petrus, uel Paulus, ulla in re, quæ ad imperatoriam potestatem pertinebat, illi resistebat: sed uterq; tanquam Regi, & Imperatori, honorem tribuebat. Paulus etiã illum aliquñ, cum accusatus esset, appellas uit. quid ergo? si cum Sampson in intelligendis scripturis sapientes esse uolumus, quid concludemus? Quid aliud, quàm Nero nem fuisse caput ecclesiæ? O ridiculum tuum caput, cum ita concludas. equidem riderem ipse in re seria, nisi risus, quos tua nobis sapientia excitat, magnas secum lachrimas afferret. Iam profecto fateor, nec Rossensem, nec Morum, didicisse isto modo ex scripturis conclusiones ducere. At ne te quidem ipsum tam stupidum esse iudico, nec tam rudem omnis rationis argumentans di, ut ex illis Petri uerbis, quẽadmodum uideri uis, recte te conclusisse existimes. Ludere, ut uideris, uolebas in re omnium grauissima, uel potius, quia ex regia, tãquam ex Asylo, loquebaris,

Ecclesiast. xxxviii.

Act. xxv.

Ex Sampsoni et  
mentionem colligitur  
Neronem fuisse caput  
ecclesiæ.

## LIBER

popularibus tuis, & reliquis omnibus illudere, quo Regi gratū faceres: atq; experiri in pessima causa, sine Theologia cognitiōe, quantum eloquentia ualeres ad torquendos scripturæ locos, quibus eam sententiam confirmares, quam in aula plausibilem, & uis cupiditatibus explendis utilem fore arbitreris. Sed si aliud nihil, q̄ scribendo te exercere cogitabas, de tot scribēdi argumenris, quæ ex scripturis sumi possunt, nullum ne eo accomodariū eligere potuisti, in quo si ludas, cum perniciē & tua, & aliorum ludas? Tāti ne tibi fuit tuus iste lusus, uel porius, ut ueriores causam attingam, tua spes, (sperasti enim hac una ratio ne, si ita scriberes, posse te & Regis gladium uitare, & ea assequi ad quæ te tua cupiditas trahebat) ut tot millia animarum, quot par est eius modi scriptis posse corrumpi, & a uera sententia ecclesię abduci, nil prorsus curares? An tibi illius in mentem non uenerat, quod Christus clamat, Qui unum ex pusillis istis scādalizat, expedit illi, ut suspendatur mola asinaria in collo eius, & demergatur in profundum maris. Tu uero qui tot millia scādalizas, & prauis opinionibus imbuis, quam pœnam a Deo pro isto tuo impio lusu expectas? Sed hic tu tāquam serio loquaris, & ita plane, quemadmodum scribis, sentias, ac causæ tuæ maxime cōfidas: ita, si Deo placet, omnes doctos prouocas, ut uel unum locum ex omni scriptura proferant, ex quo colligi possit, aliquam potestatem regia maiorem a Christo esse constitutam, sic enim scribis. Velim qui se doctos arbitrantur, unam aliā potestatem proferant e sacris literis, quæ huic equari possit. O Goliad, Goliad, nec enim iam te Sampsonem appellabo in quo nulum Sampsonis signum, præter nomen, possum agnoscere. Goliad uero Philistæi multa, sic enim ille uniuersam ecclesiam Dei prouocabat, sic exprobrabat exercitui Dei uiuentis, ut scripturæ uerbis utar, sic fortissimum quenq; ad pugnam prouocabat, quemadmodum tu nūc doctissimum quenq; ex ecclesia ad disputandum de nouo tuo dogmare laceassis. Sed hoc te callidiorē consilio usum, q̄ Goliad ostendis, quod ille tum prouocabat, cū multū ei essent in Israel fortissimi uiri, tu in id tempus laceessere distulisti, cum fortissimus quisq; ex illorum numero, qui eam causam quā tu oppugnas, tueri solebant, e medio sublatus est; nemo autem fore uidebatur tam suæ salutis negligens, qui post taleis uiros ad eam causam defendendam accedere auderet. Nunc enim demum prouocas, cum fortissimis Ducibus hanc ipsam ob causam trucidatis, omnium animos perterritos esse putas, nam nō

Mat. xviii.

Sampsonis uerba, qui  
bus doctos omnes  
prouocat.

Sāpſon agit Goliad.

hoc iudicares, cur uiuis Roffensi & Moro (ut de his solis mentionem faciam) idem non fecistis coram quibus ne hircere quis dem his de rebus audebas. Verum ne hæc quidem te calliditas iuuerit, qui Dei consilia te nescire ostēdas: qui suam causam nō semper a fortissimis, sed nōnunquam etiam a debilissimis defendi uelit, ad ampliorem potentiæ suæ declarationem: quemadmodum cum fecit aduersus Goliath, cū puero Dauidi, qui omnis rationis, pugnandi rudis esset, in animum immisit, ut se Goliath fortissimo bellatori prouocanti offerret: quem ille diuina ope fretus, superauit, quemadmodum nunc etiam fecit, cum me puerū & pugna expertem, qui adhuc in pace ac mansuetudine colenda, tanquam Dauid in ouibus pascendis uitam traduxi, nunquā autem arma tractauī, tuæ prouocationi ut responderem, excitaui, qua in pugna eundem sane exitum expecto contra te, quem contra Goliath Dauid habuit, tu enim uenis ad me in gladio & hasta, ac elypeo instructus gratia, & potentia Regis, quorum armorum solo fulgore omnes terreri posse putas: ego cōtra, uenio ad te in nomine Domini exercituum, cui tu hodie exprobasti: & dabit te dominus in manum meam, & auferam caput tuum, ut sciat omnis terra, quia est dominus Deus Israel: & ut norit uniuersa ecclesia hæc, quia non in gladio, nec in hasta saluatur dominus. Sed iam congregiamur, atq; iterum repetamus prouocationis uerba, quæ sic se habent. Velim qui se doctos arbitratur, unam aliam potestatem in sacris literis proferant, quæ regiæ æquari possit. An ulla re alia te magis alienigenam (sic enim interpretari solet scriptura Phylīstæum) quam his uerbis ostēdere potuistis? an magis alienum a dogmatibus ecclesiæ, rudem & ignarū totius professionis Christianæ declarare? an magis exprobrare Christo filio Dei, cuius aduentus fructum omnem tollis, si hoc probas, nullam cum attulisse aut dedisse potestatem maiorem regiæ? Quid uero, cum potestatem hominibus dedit ut filii Dei fierent, utrum hæc potestas infra, an supra regiam fuit? an hanc potestatem Reges ante habuerunt? an dare potuerunt? Cum uero acceperunt homines a Christo potestatem, ut uincerent mundum, & principem huius mundi, cui Reges ipsi fasces summitebant, an illam minorem regiam fuisse existimari uis? an ante Christum quisquam Rex eam potestatem habuit? Sed quantā, & quam flagitiosa est hæc ignorantia tua, si nescis huius tantæ potestatis mentionem in scripturis fieri: quantā uero, & quā desperata impudētia, si cum hæc scires in scripturis tradi, tamen

i. Reg. xvii.

Verba Simplicia.

Philistæus.

Io. i.

Multi potestates, regum potestate maiores

quali nihil eiusmodi esset, hæc interrogasti. Quarum enim singula prope uerba, singulae certe sententiae, nihil aliud sonant, nisi diuinam quandam potestatem datam hominibus, non modo supra omnes, quæ unquam in rerum natura fuerint; sed supra omnem quæ excogitari possit: de illis tu scripturis, homo professione Christianus, nunc quæris, an alicuius potestatis mentionem faciant, quæ regiae æquari possint? Quid uero aliud diuini illi uiri, qui nobis spiritu Dei dictante, scripturas reliquerunt, quem seipsum alium in suis scriptis habuerunt, nisi ut huius dignitatis, ad quam uocati sunt, homines admoneant, & ut uitam tanta uocatione dignam præsentent, adhortentur? Tu autem quæris, an usquâ in sacris literis mentio habeatur maioris potestatis, quàm regiae. At uero, Reges quam diu suam potestatem retinuerunt, antequam Christus in terras descenderet, cum sub lege naturæ homines etiam tum uiuerent; de quorum potestate, ut Christus certe nihil decessit, ita maiorem sine ulla comparatione illum attulisse & dedisse se iis, qui ipsius doctrinæ obedirent, non tantum libri testantur, qui Christi historiam continent, quorum tu testimonium requiris; sed cælum ipsum & terra, sed uniuersa rerum natura loquitur & clamat. Quid enim est si de regia tantum potestate loquimur, Quid inquam est in ea, quod non multi & Philosophi, & politici ei homines, natura & ratione duce uiderint? quorum multi sic de illa disputauerunt, ut nihil pene quod de ea dici posset, in ipsorum libris desiderari uideatur. ex quo intelligis, nihil fere esse, quod ad regiam potestatem pertineat, quod eos latuerit. At illam potestatem, quam Christus attulit, quam Dei filius constituit in terris, cuius mentione scriptura passim redundat, non modo non penitus nosse, sed ne suspicari quidem si potuerunt, qui duce naturam, & rationem humanam sequebantur, ita supra naturam, & omne id quod uel ab ipsa natura cogitari potest, eminet. Nec enim unquam cogitari a natura, nec in cor hominis ascendere ea potuerunt, quæ preparauit Deus diligentibus se, cum Christum nobis daret: per quem noua creatura facti sumus, uocati in tantam dignitatem, ut consortes & participes simus gloriæ eius, qui naturam condidit. Quid apostoli ipsi a Christo instituti, & electi, atque in omnem terram ab eo dimissi? fugiebant ne memoriam tuam, cum illa scriberes, quum diceres nullius potestatis in scriptura mentionem fieri, quæ dignitate regiam antecederet? an horum etiam potestatem inferiorem regia existimas? Nullam enim eorum potestatem fuisse ut dicas, non possum credere.

I. Cor. iii.

*Apostolorum potestas  
Fiat, quæto firmatur  
quædam regia.*



dere, non dum te eo impietatis & uecordiæ processisse arbitror. Habuerunt ergo illi potestatem omnino aliquam, & cum potestate a filio Dei accepta, in totum orbē missi sunt. ministri enim Dei & erant, & appellabantur, quemadmodum ipsos etiam Reges & esse, & uocari debere, tibi cōcedimus. Sed si utra potestas Regum an Apostolorum, maior sit, nunc discutere uelimus: restat ut uideamus, quo in munere fungendo, Apostoli Dei ministri fuerint: quo reges ipsi etiā num sint. At hoc quidem per scripturam satis cōstat. Apostoli enim ministri erāt euangelii Dei, per quorum manus dabatur spiritus sanctus: quem qui acceperant, accipiebant autem omnes, qui illorum uerbo obediebāt) sic supra omnem potestatem, quæ in rerū natura inueniretur, excollebantur, ut iam domini naturæ, ciues regni celestis, heredes Dei, cohæredes autem filii Dei, & appellarentur, & essent. Nunc uero Regibus ipsis quid muneris imposuit, quam potestatem dedit Deus, cum illos etiam ministros suos constituit: constituit autem multis ante Christi aduentum sæculis, sæculis dico: imo iam tum, cum naturam ipsam humanam condidit, cum societatis ac uitæ communitaris appetentiores finxit, quā ullam apem, aut ullum gregarium animal: cum fecit, ut ipse sibi satis esse nemo posset, sed mutuo auxilio omnes indigerent, & proinde ad alios sui generis se se libenter aggregarent. cum denique hunc sensum animis nostris communem indidit atque inseruit, necesse esse ad uitam conuenienter naturæ degendam, uni alicui siue homini, siue hominum numero, summam rerum & imperium permitti, qui uim atque iniurias arceret, qui semel tum ea quæ officere huic uitæ societati uiderentur, amoueret: tum ea prospiceret ac compararet, quæ ad illam tuendam conseruandamque pertinerent. Christus igitur cum in mundum uenit, non tunc primum Reges constituit, ut qui iam ab ipsa natura tanquam præfides quidam ac defensores humanæ societatis constituti essent. Sed si quæras, quem iis honorem, quam potestatem tribuerit: ego uero respondeo, nullam illum nouam tribuisse, sed tantum quam a natura acceperant, eis confirmasse. Nisi hoc dicimus, quod uerissimum certe possumus: hoc nomine auctam uideri a Christo Regū potestatem, quod uim illis ad suum munus recte fungendum dederit, id quod certe natura præstare non potuit. Poruit enim natura Regem instituere: instituere perficere, ut munus suum recte, & ex dignitate tanti magistratus administraret, hoc non potuit. Quod certe Christus dedit, iis qui uerbo apostolorum suo

*Christus quam potestatem Regibus tribuit.*

## LIBER

rum obedissent. Vtra ergo maior potestas, quæ paret maximis in rebus, an quæ imperat? Quamquam istud Christus non magis concessit Regibus, quàm reliquis omnibus, qui a natura munus aliis quod ad conseruandam humanam societatem datum haberent. Sed si de Regibus solis loquamur, quod colligi potest de honore, quo Christus in terris agēs illos affecerit, id tale est, quod nihil de illorum autoritate detraxit. qua re maxime declaratur, iustam ipsorum potestatem fuisse, cum iniustas omnes potestates Christi aduentus dissoluerit. Ita enim res profecto se habet, ut si dominus aliquis in ueterem domum & familiam, a qua diutius abfuisset, reuerteretur, ibi enim cum multa recte initio comparata, propter suam absentiam, praua consuetudine male constricta & commutata offenderet, etsi propterea uenisset, ut multo præstantiorem, & domum & familiam redderet, atque adeo ut ciuitatem quandam nobilioribus legibus utentem ex ea faceret: Tamē neque priorem statum tollere uellet, sed tantummodo quod in illo uicii cōtractum esset, corrigeret: reliqua eodem modo esse se pateretur: & noua tamen, quæ ad nouæ ciuitatis statum pertinerent, munera atque officia describeret. Sic, Christus cum in orbem terrarum tanquam sua in domo Reges inuenisset necessario munere fungentis, ut conseruis suis in iis quæ ad uitam secūdam naturam degendam pertinet, cum autoritate præessent, hoc non mutauit: significauit tamen se conditorem nouæ ciuitatis uenisse, in qua qui præessent, omnes reges dignitate, & regendi ratione superarent, quibus omnes, quicunque in ueteri ciuitate præessent, subesse oporteret. id quod Prophetæ sæpe significant, eū de noua ciuitate a Christo fundanda loquuntur: & Christus ipse cum in aliis locis, tum in eo etiam quando Cæsaris nomine census ab ipso exigebatur, innuit: Tum enim ad discipulum conuersus, cui in noua ciuitate, in qua omnia præstantiori modo fieret, summam dignitatem erat tributurus, sumpto exemplo a Regibus terræ, cum interrogat. Reges terræ, inquit, a quibus accipiunt tributum? a filiis, an ab alienis? Ad quam questionem cum respondisset Petrus, ab alienis, dixit illi Iesus, ergo liberi sunt filii, quo uerbo significare uoluit, nec a se, nec a suis, qui non alieni essent, sed uere Dei filii, cuius est terra & plenitudo eius, cum reliqui omnes uetere in domo seruitutem seruirent, tributa debere exigi. ut autem non scandalizemus eos, inquit; Vade ad matrem, & mitte hamum, & eum piscem qui primus ascenderit, tolle; & aperto ore eius, inuenies staterem. Illum sumēs, da eis pro me & te.

*Simile.*

*Mat. xvii.*

*Mat. xviii.*

& re. Quo facto aperte testatus est, se & uere filium domini naturæ esse, cui supra naturæ rationē ita natura pareret, eoq; exemplo Regum terræ, qui a filiis tributum non exigerēt, immunem esse: & tamen ne scandalo esset, pendere tributum uoluisse pro se, & Petro, quem noui Regi in terris successorem delegisset. Quodd uero ipse Petrus admonet Christianos, ut subiecti sint Regi, tanquam præcellenti, huc prorsus pertinet, ne Christiani propter admirabilem illam dignitatem, in quam supra omne id quod a natura institui honorificum posset, uocabantur, honore illo, & libertate per Christum data, in contemptum eorum qui a natura constituti in dignitate essent, abuterentur. qua propter ut subiecti sint Regi, admonet, Quamquam non tam de Rege eo in loco Petrus loquitur, monens ut ei Christiani sint subiecti, q̄ de omnibus qui a natura, uel consuetudine naturam imitante, aliquam potestatem habeant. quibus etiam ut se subiiciant, suadet, id quod eius uerba eo in loco aperte declarant, cum dicit, Subiecti estote omni humanæ creaturæ propter dominum, siue Regi tanquam præcellenti, siue Ducibus tanquam ab eo missis. Sic etiam Paulus in genere loquitur, non tantum de potestate regiæ, cum de obedientia præstada rectoribus sæculi monet. Ita enim incipit, Omnis anima potestatibus sublimioribus subdita sit, non est enim potestas, nisi a Deo. Præcipuam autem aliquam, aut nouam potestatem tribui Regibus a scriptura, quæ ante tributa non esset: uel honorem deferri, qui non idem ante aduentum Christi deberetur, id uero scripturæ testimonio probare nō possis. Quod si non ultra progressus esses, de honore regibus præstando loquens, q̄ ut diceres, nihil illis per scripturam de dignitate detractum esse: hoc quidem tibi facillimum fuisset scripturæ autoritate cōfirmare. sic enim Pauli uerba aperte ostendūt, cum de eorum, qui naturæ lege præsent, honore loquitur: cui honorem (inquit) honorem, cui tributum, tributū, quasi de re per se notissima & tanquam animis hominum inscripta, loqueretur, de qua per Christum nihil esset immutatum: quasi diceret, solitos honores regibus tribuendos esse, & consueta tributa pendenda. interim admonens eos qui in Christi regnum uocati essent, (quod quidem ubiq; ambo apostoli, & reliqui omnes diuini scriptores faciunt) humilitatis & obedientiæ in Deum, ac ne ad uelamentum malitiæ, libertate sua abuterentur. & significās illam esse malitiā, si potestati a natura institutæ propterea resisterēt, q̄ in maiorem q̄ quæ a natura dari posset, dignitatem sublaci el

C

i. Pet. ii.

i. Idem.

"

"

i. Ro. xiii.

"

i. Ro. xiii.

i. Pet. ii.

## LIBER

Rex. xiii.

*Petri verba tam pot-  
vis hominem, quam  
Regem caput esse ec-  
clesiæ significant.*

Heb. xiii.

*Ex sententia Pauli  
probat gubernationem  
ecclesiæ ad sacerdo-  
tes spectare.*

sent, cum exemplum haberet eius qui author dignitatis suæ fuisset, qui cum dominus naturæ esset, legibus tamen a natura latis parere uoluisset. Illud autem simul indicabat, cum sic uel Regibus, uel potestatibus aliis, tanquam a natura institutis pareret: non tam naturæ eos & hominibus quæ Deo, a quo omnis illa potestas, & ordo defluxisset, obedire. Qui enim potestati resistit, Dei ordinationi resistit, non est enim potestas nisi a Deo. Loquitur ergo in genere ambo apostoli, de obedientia & honore potestati tribuendis. At quibus potestatibus? nempe iis etiam quæ tum erant extra ecclesiam, quæ non dum in corpus ecclesiæ coalescerant, sic autem loquitur de honore illis exhibendo, ut cur maior authoritas ex iis uerbis Regi tribui debeat, quæ cuius alii potestati, ostendi non possit, dicit enim Petrus Omnes honorate. Si igitur tibi placet hic modus argumentandi, Petrus dicit diuina authoritate loquens, Regem honorificare, ergo Rex est supremum caput ecclesiæ, ergo Rex est uicarius Christi; cum idem Petrus dicat, & eodem in loco, Omnes honorate, concludere isto tuo argumentandi modo possumus, ergo omnes sunt uicarii Christi, omnes supremi capitis locum tenent. An tu si te saltem ipsum audisses, si aliorum de te iudicium ueritus esses, si cæca illa cupiditas Regi adulandi non tibi mentem & sensus omnes ademisset, potuisses unquam induci, ut libros eiusmodi argumentis reos fertos in publicum ederes, in perniciem, (quæ tum quidem in te fuit) patriæ tuæ? Quid enim aliud propositum habuisti, quam patriam perdere, cum miseræ plebis animos decipere, & deprauare huiusmodi argumentis nixus es? At uero si tantam uim in uno illo uerbo esse putas, quo Petrus dicit, Honorificate Regem, ut ex eo ostendas, Petri sententia, Reges esse capita ecclesiarum: cur non mouent te magis pro sacerdotibus, illa uerba Pauli in epistola ad Hebræos, ad quos ita scribit. Obedite præpositis, & subiaccete illis qui peruigilant pro animabus uestris. Qui sunt isti Sampson, qui peruigilant pro animabus eorum qui sunt in ecclesia? Reges, an sacerdotes? non puto ita te ueterno correptum, & alienatum a sensibus, ut Reges dicas. si ergo ii sunt presbyteri & sacerdotes, quibus ecclesiæ cura committitur, attende pauli super illa uerba, quæ Paulus de iis ad ecclesiam scribit, dicit autem. Obedite & subiaccete. Hic si uerba ponderare uelimus, plus est subiaccere alicui cum obedientia, quam honorare. multos enim honoramus, quibus subiecti non sumus, quorumque legibus soluti sumus. Verum Paulus cum ecclesiam doceret, quo honore rectores,

res, qui pro animarum salute peruiſigilant, eſſent afficiendi: non contentus dixiſſe, obedite, adiūgit, & ſubiaceſte illis. quod quid aliud indicat, q̄, ut corpus animæ, & membrā corporis, capiti, lic nos præpoſitis noſtris, qui peruiſigilant pro animis noſtris ſubiacere debere? quo quid maius potuit dicere? Sed illum locū Pauli, ut uideris, non legiſti. ſi enim legiſſes, nunquam certe prouos caſſes doctos omnes, qui contra te ſentirēt, ut uel unum locum ex ſacris literis proferrent, quo ulli poteſtati tātum honoris tribui uideretur, quantum Regibus a Petro, ubi dicit, Regem honorificate, Ecce enim, ipſe nec doctus, & indignus, qui uel diſcipulus nominet eorum, quos tu omnes tanta audacia prouocas, cum uniuerſos ſcripturæ libros contra te afferre poſſim, unum aſſero locum ita apertum, ut quid huic reſpondeas, non habeas. Lege igitur illum locum Pauli ad Hebræos ultimo, nec enim niſi egregie diſſimules, legiſſe te oſtendis. & dic, uel iis uerbis, Obedite & ſubiaceſte, non obedientiæ atq; honoris tantum ſignificari, quantum hoc, Honorificate. uel illa etiā intelligi debere de Regibus, quorum officiū plane eſt, ſi per te ſuprema capita eccleſiarum conſtituant, ut pro animabus peruiſigilent, præſertim cum idem apoſtolus Paulus, in actis, legatur ſic allocutus præſbyteros Ephreſinæ eccleſiæ. Attendite uobis & uniuerſo gregi, in quo uos ſpiritus ſanctus poſuit epiſcopos, regere eccleſiā Dei, quam acquiſiuit ſanguine ſuo. Quæ ſi dices, te certe aduerſario liberabis. nam me qui contra diſputem, non habebis. nec enim cōtra tam acutās reſponſiones quicquam ualeo. Pudet me proſecto contra tam ſuſilem rationem tam multa dixiſſe, nec tam ante dimittere te poſſum, q̄ adhuc unum interrogauero, in quo mihi a te reſponderi peruciliū. Quæro enim, an in tota ſcriptura ſacra, quæ canonica habetur, uſq; legeris, ullum unquam Regem diſcipulum Chriſti fuiſſe, quā diu in terris uerſatus eſt; uel etiā cum apoſtoli prædicarent, auſcultaffe. Sed ego pro te reſpondebo, cum unum tantum habeas, quod uere poſſis reſpondere, neminem Regem eo tēpore diſcipulum Chriſti fuiſſe, quo ſacræ literæ conſcribebantur: de nullo mentionem eſſe factam, qui uel doctrinæ eius, ſe auditorem præbuerit. illud enim tēpus fuiſſe, de quo (ut Petro citante cognouiſimus) prophetæ ſunt uaticinati, fore, ut Reges maxime aduerſarentur actis & doctrinæ Chriſti. de qua re, ſunt hæc Dauidis uerba, Aſtiterūt Reges terræ, & principes conuenerūt in unum, aduerſus dominum & aduerſus Chriſtum eius. Quid ergo? Tibi ne credi uis, ſcripturæ

,,  
,,

*Episcoporum manus  
est vigilare pro  
animabus.*

,, Aſt. xx.

,,

*Nihil Rex christi  
nisi fuit quem sacre  
literæ ſcriberentur*

,, Aſt. iiii.

,, Psal. ii.

,,

# LIBER

*Reges capita ecclesiarum esse non possunt, tum quia membra non essent.*

”

*Christus cur nullam Regem constitueret Apostolum.*

*i. Cor. 1.*

”

*Ibidem.*

”

”

”

*Christus ante quam a terris discederet, ex se suam constituit.*

authoritate capita ecclesiarum constitutos esse Reges, prius q̄ ex scripturis ostendas, eos partem aliquā corporis ecclesiæ fuisse sequalia hic capita nobis describunt magis certe monstruosa, q̄ ille Horatianus pīctor, Humano capiti ceruicem pīctor equinā iungere si uelit. Dico enim, neq̄ aliter dici potest, nisi siquis a ueritate scripturarū spōte aberrare uelit: eos quibus tu uis per scripturas auctoritatem, & appellationem supremi capitis ecclesiæ dari, in nulla corporis parte, tum cum Christus in terris uersabatur, tum cum scripturæ conficiebantur, fuisse numeratos; nullos ab eo, ut corpori ecclesiæ infereretur, longius abfuisse. Id quod cum plurima scripturæ testimonia ostendunt, tum ordo ipse & progressus doctrinæ Christi, cognito scopo aduentus eius, maxime declarat, & cōfirmat. Christus enim, sicut omnes qui Christiani sumus nouimus, uenit, ut ea potestate, quæ nihil commune cum mundo habebat, mundum uisiceret. ut ergo omnibus constaret, ipsius nec doctrinam, nec potestatem a mūdo esse, Elegit (ut inquit Paulus) infirma mundi, ut fortia confunderet. quod si Reges ipsos primum elegisset, quorum auctoritas & potestas in mundo maxime elucebant, quis non uidet maximam fuisse confusionem futuram huius nouæ potestatis cum illa quæ prius apud Reges fuisset: nec tam constare hominibus potuisse, illam eius potestatem uere esse diuinam, neq̄ quicquam ab homine & mundo pendere: id quod mundo pare fieri Christus uoluit. Itaq̄ initio non Reges, non nobiles, non sapientes, non quēquam eorum, qui apud homines in pretio eēnt, elegit. Sed ut inquit Paulus, infirma mundi, ut confunderet fortia, ignobilia, & contemptibilia elegit deus, & ea quæ non sunt, ut ea quæ sunt confunderet, ut non gloriaretur omnis caro in conspectu eius. Viuo igitur, & in terris agente Christo, & apostolis, quātum quidem ex scripturis cognoscere possumus, tantum abest, ut Rex quispiam caput ecclesiæ sit constitutus, ut ne partis quidem ullius in ecclesia loco fuerit; cum tamē dici non possit, non ante q̄ e terris excesserit, ecclesiam fuisse ab illo constitutā. cui caput certē deesse non potuit, siquidem reliquis suis membris cumulari, & tanq̄ in ipsum perfectūq̄ corpus adulescere, ac crescere debuit. Quis autem non uidet eam creuisse primum, atq̄ id diu, eorum accessione, qui mundo despicabiles erant, ut illos quos mundus maxime miraretur, confunderet, deinde sensim incrementa capiētem, alio quando tandem Regibus etiam auctam esse, ad quos cum omnium ultimos, quasi ad pedes, deuenisset, crescēdi finem fecisse. Il-

li enim

li enim sicut omnium primū in potestate terrena, & apud homines erant sic in diuina illa cælitusq; tradita potestate per quam humana natura ipsa supra se attollebatur, omnium ultimi fuere. Quare si nūc me idem roges, quod prius, cum omnes qui doctrinam & literas proficerentur, prouocabas, ut tibi aliquam in scripturis potestatem nominem, quæ Regiæ æquari possit, non tibi iam, ut ante feci, columnas ipsas ecclesiæ edam, apostolos inquam, & reliquos qui primitias potestatis spiritus dei acceperunt, quorum tu prorsus oblitus uidebaris, cui illud quæreres: uerum ita agam. Primum quæstionem ipsam magis contraham, ac tibi prius de certis hominibus respondebo: deinde ad generalem quæstionem tuam reuertar, cui etiam in genere, quod quæraris, reddam. Primum enim perinde, ac si quæreres, cui existimem per scripturas maiorem auctoritatem dari, q̃ Regi, quem tu scripturæ auctoritate perniciose abutēs, ecclesiæ caput in regno suo facis, respondebo, & tibi notos homines afferam, eos ipsos: qui scripturarum auctoritate cōfisi, & Regi, & tibi, tuiq; similibus, usq; ad sanguinem restiterunt. Dico enim illis ipsis, quos Rex te & tui similibus instigantibus, (neq; enim ille unquam per se tantum sceleris concepisset) morte affecit: maiorem honorem, maiorem potestatem tributam esse, non modo q̃ Rex ipse habet, at, sed q̃ omnes Reges, q̃ omnes Imperatores, quotquot à mūdi initio fuerunt, habuerint. hos enim quæ Reges, nullam unquam potestatem habuisse dico, quæ conferri cum illorum potestate possit, quos tu, quia gladio Regis interfectos uides, miseros putas, & minorem q̃ illum qui necauerit, habere potestatem existimas. Sed cur ita iudicem, si explicare uelim, longiore mihi opus sit oratione, apud te præsertim, qui tanquam Iudæus quispiam, aut aliquis de fece uulgi, nullam te ostendis potestatem putare, præter eam, quæ uel corpus necare, uel externa eripere possit. Quare frustra id tibi nunc exponere conarer. Verum illud tantum breuiter dixisse non pigebit, me, cum uideam ab his uiris illum esse hostem superatū, qui te, & cæteros cædis eorum auctoritates omni scelerum & cupiditatis genere quasi cathenis uinctos tenet: cum uideam tela illa duo lætifera, quibus nulla unquam uis humana resistere potuerit, doloris & uoluptatis, ualidissime ab eodem hoste, principe huius mundi, ob crebras de mūdi principibus uictorias a scriptura appellato in hos uiros iacta & cōtorta, nihil ad ipsorum animi robur frangendum ualuisse: quum uideam nec præmiis eos ullis, quæ amplissima illis proponeban-

*Reges possent uis  
conferri ad ecclesiā.*

*qui Regi xpi assen-  
sum relinqueret,  
maiorē quā uis  
Rex, quā uis Rex,  
potestati habuerit.*

*Satanas cur princeps  
mundi appellatur.*

## LIBER

tur, nec poenīs quæ ſcūſſimæ intendebantur, adduci potuiſſe, ut ſe de ea quam per Chriſtum conſequuti eſſent, poteſtate, ueritas, tem conſitendi deſici paterentur, cum hæc omnia uideam: me dico non dubitaturum, quin tanquam præco quidam olympiorū, de illorū qui ita certarint, uictoria, honore, & poteſtate, hoc paſſam & clariffima uoce prædicem, ita illos, Regem, qui ſc iis ad, uerſarium obtulerit, honore ac poteſtate ſuperaiſſe, ut ne dignus, quidem ſit, qui hoc tempore ullo genere poteſtatis cum iis conſeratur. Quin hæc etiā amplius de eorum poteſtate dico, eam, regiæ ipſi poteſtati, in quocunq; inueniatur, quatenus quidē certe regiā poteſtatem non excedat, eſſe anteponendam. Cui meo præconio ita rerum euentus fauet, ut hoc commune iudiciū populi Chriſtiani uniuerſi nunc ſit. Vbiq; enim ii nunc nominantur, (nuſquam autem non nominantur) cum maximo honore & admiratione uiſutis, atq; a Deo traditæ ſupra hominis naturā poteſtatis, eorum nomē celebratur: in ore omnium & amore uerſantur: cum uos omnes, qui una cum uita famam uos illis & uirtutis opinionem eripere putabatis, maximo odio habeant, & diſris omnibus tanquam peſtifera quædam monſtra excercetur, quorum uel nomina uſurpare horreant. Sic ergo reſpondeo tuæ quæſtioni certas ad perſonas cōtractæ. Quod li in genere etiā ex me quæris, quæ poteſtas regiæ æquari poſſit, ita dico, Poteſtas eorum omnium, quibus a Chriſto donatum eſt, ut pro ipſo uincula patiantur, regiā maior eſt. Ac ne id a me ſolum dici putet, idem a ſanctiſſimis uiris, quorum doctrina in eccleſia maxiſ me, quaſi lux quædam fulget, didici, inter quos, diui Chryſoſtomi authoritas me maxime mouet, qui exponens illa uerba Pauli, Vincit uſu Chriſti, præfert hunc honoris titulum non modo regio nomini, ſed ipſis etiā apoſtolis, ſed ipſis angelis atq; archangelis. Verum tu ſimplicitatē horum hominum rides, qui poteſtatem aut dignitatem iis tribuant, qui fortiter acerbam patiuntur. Sed nos non ita dicimus, niſi etiā pro Chriſto patiantur: quemadmodū illi ſanctiſſimi uiri, a Rege, quod maxime eſt doſ lendum, Chriſtiano, grauia ſunt paſſi, quia ſponſæ Chriſti eccleſiæ, cum de ea in plura membra diſcerpenda ageretur, de eſſe nos lucrunt: ſuaq; potius ipſi corpora diſſecari, q̄ ab eccleſiæ corpore tolli unitatem ſuſtinuerunt. Hoc quidem modo, & ſimilibus de cauſis poſſe pati, Paulus maximum Dei donum eſſe teſtatur, qui ad Philippenſes ſcribens, cum illis de hoc tanto dono gratulatur, ſermonem hoc modo cōcludit. Vobis donatum eſt a Chriſto, non

*Virius interfectus  
a Rege omnibus ad  
miracionem eſt.*

*Omnium, quibus pro  
Chriſto pati datum  
eſt, maior poteſtas,  
quam Regis.*

*Io. Chryſoſtomus.*

*Eph. iii.*

*Ph. i.*



sto, nō solum ut in eum credatis, sed ut pro eo patiamini. Sed tu ne umbram quidem huius potestatis & gloriæ animo concipere potes, qui nunq̃ eam gustasti, ut aut scripta tua declarant, aliam nullam potestatem intelligere potes, præter ciuilem, & solum ci uilem gubernandi modum te agnoscere ostendis. Sic enim illa tua uerba apertissime declarāt, in quibus ais, te etiam ratione ab ipsa natura ducta probare uelle, Regem necessario caput ecclesiæ esse. Qua in re ut apertior sit sententia tua, uerba ipsa ponā, quæ hoc modo se habent. Quis nescit totum regnum unum politicum esse corpus, singulos homines huius corporis esse mēbra; ubi nam est huius corporis caput? est ne aliud q̃ Rex? aliud placeat ne non est. aliud usq̃ plane reperiri non potest. Vfus rei hoc te manifeste docet. Quid fieri, quid statui, quid decerni, sine regio consensu potest? Vides ne supremi capitis supremam potestatem? Video equidem (ut tuis ultimis uerbis primum respondeam) summam in te maliciam esse, qui ciueis tuos decipere ac fallere coneris, homonymia uocabuli capitis, quo duæ res ualde inter se differentes, communiter appellantur. Nam quā Rex in politia caput esset, quis unquā tibi negauit hoc etiā usus, ut dicis, ostendit. Sed num, quia in politia supremi capitis locum habet, eundem continuo locum in ecclesia teneat? Quis te docuit tam malitiose argumentari? Ideo enim malitiosam hanc argumentationem, & ad ciues tuos decipiendos confictam dico, quia non possum existimare te, aut tam rudem literarum, aut tam alienū a communi hominum intelligentia, expertemq̃ rationis naturalis, a qua te profiteris hoc loco probationem ducere; ut ex animo iudices hoc genus argumentationis ualere, quia in ciuitate omnes ciuium causæ referantur ad Regem, tanquam ad supremum caput corporis politici, idcirco in ecclesia, quæ nihil commune cum corpore politico habet, idem fieri debere, ipsum etiā in ecclesia supremum caput esse. Quis unquam, nisi penitus rationis expers, ita argumentaretur? At certe pro patre tuo, si is uiueret, & familiæ alicuius pater esset, longe melius concluderes ex iisdem principiis, Regem ipsum esse, & corporis politici supremum caput. Patres enim familias, & omnino qui uxores habent, in scripturis capitis nomine appellantur. Vir enim caput est uxoris, inquit Paulus: & habet sua membra, eos qui sunt in familia, qui quidem ad ipsum omnia, tanq̃ ad supremum caput, referunt. Quid enim in domo statui, quid decerni, sine consensu patris familias potest? ergo pater tuus Rex est, ergo caput corporis poli-

33

33 *Sempiternum uerbum.*

33

33

33

33

33

33 *Caput, & quince diebus.**Nō confingitur, quia Rex regis caput fit, eandem ecclesiam caput esse.*33 *i. Cor. vii.*

tici. plus enim affinitatis habet gubernatio æconomica cum politica, quàm politica cum ecclesiastica. neque tantum infra dignitatem politicæ gubernationis est æconomica, quàm politica ecclesiasticæ cedit. Itaque multo commodius ratio concluderet partem tuam esse Regem, quia regat domum, quàm Regem esse capitulum ecclesiæ, quia regat ciuitatem, aut regnum. Sed tota tua ratio concludit, te ecclesiam existimare corpus politicum esse. quod si ita est: equidem hac in parte crimine malitiæ te libero, sed idem perniciose ignorantia obsecratum esse dico. Quantum enim distat cælum a terra, tantum inter civilem potestatem & ecclesiasticam interest: tantum hoc corpus ecclesiæ, quod est corpus Christi, ab illo quod est politicum, & mere humanum, differt. Diuersum etiam modum gubernandi indicant illa Christi ipsius uerba ad eos quos in ecclesia rectores constituit. dicit enim, Reges gentium dominantur eorum. uos autem non sic. Nullam porro differentiam te ponere inter hæc corpora, declarat aperte, quod superius quærebas, num ulla mentio in scripturis haberetur alii cuius potestatis, quæ regiæ æquari posset, quasi illa supremum locum in omni genere gubernandi teneret. Quod si ita esset, iaceret quidem tota doctrina Christi, nulla prorsus esset ecclesia; frustra uenisset Christus. Sed prius cælum & terra deficiente, quàm Christi uerba. ecclesia autem sic supra petram est fundata, ut nulla potestas, nec in cælo, nec in terra possit eam demoliri. Christi uero aduentus fructum, etsi tu non sentis, sensere tamen omnes; quicumque uel æternam miseriam fugere, uel aliquam felicitatis partem, aut in hoc mundo gustare, aut in futuro consequi se possent, spem aliquam habuerunt. ex quo solo, uniuersæ quidem creaturæ salus & duratio pendet. Hæc ergo stabunt, tu uero & reliqui omnes qui hac sententia estis, ut putetis nullam esse potestatem datam hominibus regia maiorem, omnes peribitis. Atque utinam, si omnino uobis propositum est, hanc ad perniciem & interitum uiam tenere, non unam uobiscum optima indole principem traheretis, cum qui non ita pridem delitiæ ecclesiæ, & non minima, secundum Deum, totius Christiani nominis spes habebatur. quem uos nunc sic corripistis, ut uix aliquid ab eo boni sperari possit, certe ut omnia potius mala boni omnes timeant. Et profecto ita est Princeps, de te enim magno meo cum dolore loquor, & iam te appello. Si te ulla exempla amplissimorum & sanctissimorum hominum ab hac perniciose persuasionis reuocare possent, si consuetudo optima mouere, tu non sic quasi in cæno hærens,

*Inter ecclesiasticum  
corpus, & politicum  
permutari potest.*

*Luc. xxii.*

*Luc. xxi.*

rens, faceres in potestate pestilentissimorum adulatorum, desperata prope ab omnibus bonis salute tua, cum summo mœrore omnium, qui te ex animo amant. Adsunt enim hæc omnia, adsunt quæ te quidem liberare possent, nisi tu ea reiiceres, nisi sic eos qui tibi opitulari cupiunt tractares, ut omnes desperatione potius tuæ uoluntatis, quæ sana consilia auersari uideatur, quàm quia ipsis facultas desit tui adiuuandi, ab eo deterreantur. Et tamen cum mihi hoc oneris tuo mādato imponeretur, ut ipse quid in hac causa sentirem, dicerem: non defuerunt qui mihi scriberent, si rationes, sed eas ex sacris literis depromptas, afferre possem, quibus opinionem refellerem eorum quos tu authores secutus esses, te minime illas aspernaturum, sine his autem rationibus, nihil esse causæ, cur quisquam speraret, se aliquid apud te posse proficere. Quod utinam ita esset, ut tu rationes libèter audire posses, tum enim non sine magna spe ad hoc faciendum aggrederer, etsi aliæ saue erant potiores uiuæ, quæ & facilius & tutius ad ueritatis portum in eiusmodi difficultatibus nos ferret. Nihil enim admittere in iis quæ ad religionem pertinet, præter ea quæ nobis ratio nostra comprobet, quantumuis scripturæ sacræ autoritate se uèdiceret, id uero cum semper est periculosum, tum in multis solet etiam esse perniciosum. Sed tamen quoniam hunc solum ad te aditum nobis, qui salutare consilium tibi dare cupimus, relinquis, si rationes ex scripturis depròptas afferre possumus: hæc quidem, ut spero, non deerunt. Hoc tamen tibi a Deo concedi optamus, ut sic lumen suum oculis tuæ mēris præferat, ut cum allatæ fuerint, eas agnoscere & percipere possis. quæ sane nisi in lumine diuino, cernū mentis acie nequeunt, ut pote ex iis ductæ scripturis, quæ Dei spūritu dictante exceptæ sunt. Verum illud, quid Deo placeat, tum constabit, cum in medium prolatæ erunt. Nūc autem priusquam hoc facio, ut rationes ex ipsis scripturæ sacræ libris proferam, libèter de te Princeps hoc quesierim, Ecquid apud te ualeat consuetudo ecclesiæ? Ecquid mos maiorum? Ecquid exempla clarissimorum, atq; optimorum uiuorum? Vel si in omnibus probationes audire uis, hoc modo tibi proponam, Cum ab hac sententiā, quam ueram esse descendimus, stet consuetudo ecclesiæ iam a multis seculis firmata, stet mos maiorum, stent exempla clarissimorum & sanctissimorum hominum: alteri autem cui tu adhæres, nec mos, nec consuetudo, nec ullum exemplum boni, aut clari alicuius uiri patrocinetur: quæ uel nunc primum excogitata a uobis, noua omnium auribus ac-

*Ree nullas rationes audit, nisi quæ sunt ex crâ scripturæ sacre.*

*In religione nihil admittere, quod ratio non probet, periculosum.*

*Consuetudo ecclesiæ, mos maiorum, exempla clarissimorum uiuorum cetera Regem faciunt.*

## LIBER

cidit: uel si quando a quopiam prolata est, (quod equidem uix puto) sed ut fuerit prolata, statim optimi cuiusq; cōsensu explorata est, & cum auctore suo damnata: parum ne hæc probatio apud te ualebit, ut tu concedas hanc nostram ueram, salutarem, maximè amplectendam sententiam esse, alteram uero reiiciendam, & abominandam, ut quam nullus unquam bonorum cōsensus probauerit? Audio equidem nihil ualere, sed hoc te solitum esse dicere, cum huiusmodi rationes afferantur, id genus argumentandi hominum esse rudium & indoctorum, qui cum rationum pernuria laborent, pro argumentis, consuetudinem & morem ecclesiæ opponant, quod si qui ita agant, uel ingenio, uel doctrina aliis qua niteretur, nequaquam commissuros, ut simplicissimos & uulgo homines, aut etiā mulierculas imitentur. Solere enim idiotas hoc modo disputare, ut quoties urgeantur, nec rationem ullam reperiant, dicant, maiores suos ita uixisse, consuetudinem talem esse. Sed tamen Princeps, audio uiros illos quos tu ipse, antequam de noua hac sententia interrogarentur, cum doctissimis totius orbis comparabas, reliquis autem omnibus facile tuo iudicio præferbas, nemo certe in iis duntaxat quæ profitebantur, inscitæ unquam arguit: illos igitur tales uiros audio, cum plurima ex sacris libris argumēta ac testimonia attulissent, quibus suam causam tuerentur, hanc tamen rationē esse imprimis amplectos, quod dicerent, consensum ac consuetudinem ecclesiæ secū facere. Huic rationi sic Rassenfis, & Morus adhærebant, ut reliquis omnibus, quæ dici possent, & quas dixissent, omisissis, hanc semper tanquam præcipuam, in corde & ore haberent, cum qua etiā mori uoluerūt. O magnos illos uiros, & Deo charos: qui cum aliās semper in omni genere literarum, quæ liberali & Christiano homine dignæ sunt, se præter ceteros omneis populares suos excellere ostendissent, tum certe hoc uno responso, etiā præ cæteris spiritus diuini plenos declararunt, dum ecclesiæ consensum, reliquis omnibus & rationibus, & argumētis, autoritatis pondere prætulerunt. in quo sane quanta uis sit, nemo intelligere potest, qui non per ipsum Dei spiritū supra omne id quod humana ratio excogitare pōt, sublatus sit. Sed de hoc post, ut spero, dabit locus latius disserēdi. Nunc illud tū dicam, qui in hac re spiritus lumen, & uim non sentiat, ut quantum ualeat consuetudo & consensus ecclesiæ, animo pceptum habeat: eum ne rationes quidem ex sacris literis ductas posse unquam intelligere, prorsus ut possim merito dicere, frustra me conari, qui tibi uelim

Rassenfis, & Morus  
consensui ac consuetu-  
dini ecclesiæ pluri-  
mum tribuunt.

līm rationibus ex sacra scriptura depromptis hāc meam sententiam confirmare, cum ecclesiæ consensum tam parui facias. Sed ne desperemus, rationes in medium afferamus, reliqua Deo atq; illius spiritui committamus, qui ubi, & quando uult, pro sua uoluntate, spirat. Tibi uideo, nisi rationibus adductis, satisfieri nō posse. Atq; utinā uel sic satisfieri tibi patereris, ut rationibus te regi permitteres, & quo illæ uocarent, sequi non recusares. Sed magnam & uehementem suspicionem præbes, te ne iis quidem, ut cunctis causam explicantibus, parere uelle. Suspicio autem hac est, qua nulla maior esse potest, q̃ cum libros lego, qui tuæ opinionis sententiam continent & defendunt, non modo testimonium scripturæ nullum illic reperio, sed ne argumentationem quidem ullam probabilem animaduerto. & tamen sic te isti sententiæ affixum ostendis, ut nullus fame stimulatus leo magis præde adhærescat, quam quidem sententiam, quasi prædam, sic mordicus tenes, ut quicunq; te inde quoquo modo diuellere conentur, in eos ineptum facias, eos opprimas, ut multos iam a te hāc unam ob causam oppressos uidemus. Quid ergo: credā ne te rationes quæreret; qui simul ac a te duo tantum illa uerba audisti, Regem honorificate, cum cōtra pro Petri authoritate, quo cum nunc de honore contendis, cui parem te honore, & potestate facis, audias (ut nihil aliud nūc afferam) Christi ad eum uocem, clarissimum potestatis traditæ testimonium, Tibi dabo clauēis regni cælorum: cum audias curam Christi ouium ab ipso Christo illi commissam his uerbis, Petre si me amas, pasce oues meas; cum hæc audias, plus moueare duobus illis apostoli uerbis, Honorificate Regē, quæ tamen nisi uiolentissime detorta, eam sententiam, quam tu tueris, nunquam referent. Quod si neutra pars ulla scripturæ uerba proferre posset, quibus quod defenderet, probari expresse ac nominatim uideretur, tamen qui præse ferret, sicuti tu nunc facis, ratione se duci, eum certe conueniret, ubi maior rationis similitudo appareret, ubi maior copia argumentorum, & probabiliora omnia ostenderentur, eo potius accederet. Tu autem contra nunc facis, etsi unum tantum profertur, in quo nulla sit ne tenuissima quidem rationis similitudo, dum quod cupis, quoquo modo concludat, id arripis, id retines, ei hæres. & tamen, si Deo placet, te ratione duci ut credamus, postulas. Sed hic dicere potes, quod sæpe a te & tuis iactat, quod maiorem uim omni ratione habere uis, te non tam rationes nūc seque qui ex scripturis prolatas, in quibus quidem scripturis si nihil

*Magnam Rex suspensionem præbet, quod rationibus parere nō illi.*

*„ Rex cum Petro de honore certat.*

*„ Mat. xvi.*

*„ Is. xxi.*

*Eo accedendum uis maior rationum, et argueretur copie.*

## LIBER

repugnans tuæ sententiæ inueniretur, satis fuisse futurum: cum uero non modo nihil dissentiens, sed illud, quod magnam probabilitatem pro tua sententia habeat, illinc afferatur, hoc plus quam satis tibi esse) te inquam dices non tam rationes sequi, quæ consensum tuorum, consensum omnium ordinum regni tui, qui hunc tibi honorem detulerunt, ut supremum caput ecclesiæ in regno tuo esses, & huius nominis dignitatem haberes, hoc te consensu moueri, quo constitutus sis, non solum rerum ciuiliū, sed ecclesiasticarum etiā caput, ut ad te, & ad tuū tribunal, omnes causæ & controuersię deferatūr, ut tu arbiter, tu iudex omnium sis, omnesq; causas cuiuscunq; generis fuerint, tuo iudicio atq; autoritate decidas. O Constantinum illum magnum: nō enim me teneo, quin hoc loco exclamem, illumq; appellem, quia illius factum quoddam cum tuo simili in causa nūc comparem. Quamquam res ipsa fortasse postulare, ut statim tuæ isti responsioni occurrerem, ac dicere, neq; primates regni tui ius ullum habuisse se tibi hunc honorem deferēdi, neq; te iure potuisse accipere ab his delatum, qui dare non potuissent, quod utrunq; contra sacramentum, quo ambo obstricti essetis, fieret. Sed de hoc post alis quanto dicam. Nunc autē facere non possum, quin magnum Constantinum appellē, & eius factum quoddam exponā, quod cum tuo haud dissimili in genere comparem, ut ex hac comparatione clarius appareat, quale tuum istuc factum sit. Ille igitur cum in concilio illo nobili Nicææ habito, trecentorum & octo decim episcoporū, interesset: Tum autem, ut inter homines iisdem literis & artibus præstantes nunquam fere non accidit, primum ut æmulatio oriatur, deinde ut sensum ex æmulatione, opinionum uarietas nascatur, & tandem seditio erumpat: idem illis episcopis usu uenisset, qui cum literis & ingenio omnes excellere, non omnes se ab æmulatione continebant, ex quo opinio-num ac sententiarum diuersitas extiterat, quæ tandem ad male dicta usq; & apertas accusationes processerat, tantumq; iam exarserat, ut utraq; pars ira demum posse in commune optime consuli putaret, si omnes præsentem Imperatorem iudicem & disceptatorem suarum controuersiarum fecissent. cum ergo, ita tunc esset factum, & scriptos libellos, quibus capita accusationū continerentur, pars utraq; Imperatori obtulisset, quid tum ille fecit, tanta sibi autoritate delata ab iis qui maxime tum in uniuerso orbe literis & uirtute præstare existimabantur, quorum consensus & autoritas reliquum orbem christianum obligare posset

Quid

*Constantinus Magnus  
laudatur, qui delatum  
sui ab episcopis huius  
censu potestatem res  
calatur.*

*Concilium Nicææ*

Quid quæſo fecit magnus Imperator? recepit ne illā iudicis perſonam in florem illum ſacerdotum eccleſiæ, ut maior fieret, & ſibi dignitas ex eo creſceret? nihil minus cogitauit. Sed quid fecit, ille uere magnus uir? reſcufauit plane iudicis in eos perſonā; & ex eo maximus apparuit. & pro iudicis ac ſuperioris poteſtatis, filii perſonam induit: atq; ut filius errantem patrem ſumma cum reuerētia moneret, ſic ille epiſcopos illos omni honore uerborum adhibito, adinonuit, cogitarēt qui nam eſſent, & in quā excelſum honoris gradum a Deo uocati eſſent, quos deus ſupra omnes Reges, & Imperatores conſtituiſſet, de quibus illud in Pſalmo dictum eſſet, Ego dixi, Dii eſtis, & filii excelſi omnes. Tandem uero, cum ad hanc plenam pietatis admonitionem preces ſuas adiunxiſſet, & obſecraſſet, ut finem tandem diſſidendi facerent, & digna tanta uocatione facta præſtarent, conſulit de illorum controuerſiis hoc modo, ut diceret ad nullum nec Regem, nec Imperatorem pertinere, ut iudicis in illos perſonam gereret, ſed tātum ad eum, de quo in Pſalmis ſcriptum eſſet, Deus ſtetit in ſynagoga deorum. Hæc quidem ille tum magnus, uel potius in omne æuum maximus. quid autem ex hoc præclaro facto conſequutus eſt? Sane illud, ut pudore uicti epiſcopi, omnes contentiones deponerent, & inter ſe reconciliarentur. Tum autē ut ſummo conſenſu ad maximum eccleſiæ commodum ea ſtatuereſſent, quæ iam inde ab illo tempore tot ſæculorum ſpatio, nō minore religione ab omnibus catholicis chriſtianis obſeruantur, quæ quæ in ipſis euangeliorū libris perſcripta ſunt. Hoc enim fuit nobile illud Nicenum concilium, cuius acta poſtea non aliter ubicunq; Chriſti nomen colitur, in honore habentur, quæ ipſa apoſtolorum ſcripta: quæ nemo, qui quidem chriſtianus ſit, non habet ipſo ſpiritu ſancto edita fatetur. Quid ego nunc contra de honore tibi delato dicam in magna contētionē epiſcoporum inter ſcē? an hoc dicam, te exemplo Conſtātinī, eorum paci ac conciliatōni ſtudere debuiffe? honorem tali tempore delatum accipere non debuiffe, quoniam ad te nō ſpectet, ut iudicem agas in eos, qui in eccleſia ſuprema dignitate fungantur? Non ita dicam, nō ero tam ſeuerus. ſed hoc dicam, hunc honorem certe petere non debuiffeſ. hoc dicam, petere adhibitis etiā minis non debuiffeſ. ab inuitis exprimere non debuiffeſ, quemadmodum me quidem præſente feciſti, qui certis diplomatis, quibus maximæ ab illis tibi conceſſæ pecuniæ teſtimonium cōtinebatur, ſubſcribere reſcuſaris, niſi illud eſſet aſcriptum, tibi cam pecuniam, ut ſupremo

11. *ſp. Libani.*

12. *Ibidem.*

*Concilii Niceni auctoritas.*

*Rex Henri: ut litteras ſuas ab inuitis extorſit.*

D

## LIBER

in Angliā ecclesiæ capiti persolutam esse. sed si in hoc quoque ni-  
mum oneris tibi impono, certe contra iusiurandum fidemque ec-  
clesiæ datam, quo die insignia Regis accepisti, nihil tale moliri  
debuisses. Tum enim hoc te sacramento obstrinxisti, ut sancte  
iurares, priuilegia ecclesiasticis uiris a maioribus tuis cōcessa,  
non modo non ipsum diminuturum esse, sed ne passurum quidē  
ut quisquam alius te regnante uiolaret. Sed querar ne de priui-  
legiis non ab alio sed a te ipso sublati, eum fundamētum omni-  
um legum ecclesiasticarum iam, quātum in te est, euerteris? cum  
ecclesiā a capite suo diuellere coneris, & quasi cum tuis quæ-  
storibus negotium habeas, omnium rerum ante actarum ratio-  
nem reddere cogas? ne caput quidem esse uelis, ni liberos profes-  
rat, rationes ostendat, quare Pontificem Ro. tot annos ipsa pro-  
uicario Christi agnouerit? Quid quæso unquam simile in eccle-  
siā Christi est auditum? Cum tot Reges iam inde ab initio eccle-  
siæ fuerint, & in iis tot boni, tot improbi, nemo tñ unq̃ nec Rex  
tam ambiciosus est repertus, qui hunc honorem appetere, nec  
adulator tam pestilens, quod quidem maxime est mirādum, qui  
quasi prædam aliquam obsecreret. Quapropter siqui adulandi ar-  
tificio reliquos omneis superarunt, tuam optimam indolem, cui  
omnes insidias struxerant, corrumpere: nihil mirum, maxime cer-  
te est dolendum, hoc enim adulationis genus est, quod omnium  
est sceleratissimum. Quid enim sibi uolunt, qui dicunt, quia Rex  
es, ideo caput ecclesiæ es? An tu maior Rex Constantino, qui etiā  
Imperator fuit, ad quem regnum ipsum tuum sic pertinebat, ut  
uix minimæ particulæ locū in eius Imperio teneret? An eo tem-  
pore defuerunt, qui hunc honoris titulum libēter ei detulissent,  
si ulla iuris specie hoc se facere posse putassent, præsertim in tan-  
ta turba hæreticorum, quanta tum fuit, quibus hoc præcipuum  
semper studium fuit, ut Principum animis omni adulandi ratio-  
ne corrupēdis suas partes tuerētur? Sed isti tui consiliarii, qui  
omnes & adultores qui unquam fuerunt, exquisito quodam ge-  
nere adulandi, & hæreticos malitia antecunt, non te patiūtur ad  
uniūs hominis quamuis magni & præclari, exemplum respicere.  
Sed num uniūs tantum exemplum propono? quod etsi facerem,  
plurimum tamen moueri deberes, eius præsertim uiri, qui & Bri-  
tanniæ nostræ maximam gloriā attulit, in qua ex matre religio-  
sissima, ipsa etiā Britanna, natus est, & post acceptam a Principi-  
bus Christianis religionem, longe omnibus uirtute, & religio-  
nis laude, omnium iudicio est prælatus. Verum illius ne tantum  
modo

*Adultores corrup-  
tari Regis animam.*

*Rex Henricus Con-  
stantino maior nō est*

*Constantinus in Bri-  
tanniā natus, matre  
Britanna.*



modo & non omnium qui adhuc fuerunt, Christianorum Regū exempla profero, cum te ab eo honore inuadendo reuoco, quem aio nullum unquam Principem ante te ausum esse accipere: an abs te ita seuerè exemplum Constantini exigo, ut uelim in priuatis causis, quales fuerunt illæ episcoporum querelæ, iudicis te & arbitri personam in tales uiros recusare, quemadmodum ille fecerit: cum tamen, nisi eximia quædam illius obedientia, & in Christos Dei reuerentia obstitisset, accipere ab illis delatam ius te potuisset: equidem hæc eximia abs te non requiro, quāquam ea certe indole aliquando fuisti, ut nihil magnum & eximium a te non esset expectandum. Sed hanc omnē spem adulatōres tui, quibus solis aures iam præbes, plane præciderunt. Quare illa nunc non requiro: hoc requiro, & flagito, quod certe sine scelere denegare non potes, ut saltem ordinem sacerdotalem, diuersum & separatū a Regis munere esse patiaris: ut id munus diuina tractandi, præstantius esse uelis eo munere, quod totum ad huiusmana curanda comparatum est. hoc a te exigo, quod natura ipsa exigit, quod Dei ordinatio statuit, in his ut ad exemplum illius magni Imperatoris te geras, postulo, qui cū dignitas præfectorum ecclesiæ, nondum esset in oculis hominum ita perspicua, nō dum ita emineret, quemadmodum illam Christus postea eminere uoluit, quando in conspectu orbis, omnibus mundi rectoribus, ipsi libentibus & ultero concedētibz, sacerdotes præfecit, cum nihil adhuc tantæ authoritatis emineret in sacerdotibus, & ecclesiis: cū ipsa adhuc quasi adolescentula esset, & non dum constaret, an ad eam dignitatem, qua supra naturam attollebatur, Deus etiam leuiōres hosce honores, & bona mundi adiungeret: Tamē ille magnus honorem adhibuit: agnouit episcopos in ecclesia Dei supremum locum, superiorem omnibus mundi rectoribus, sibi a Deo datū tenere. quod si ille tum nouit: hoc a te exigo, ut hoc tempore, cum principes & rectores mundi ad Christi gloriam fasces suos sacerdotibus summisserunt, ne tu contra eos ad tuam dignitatem augendam, illorum autem minuendam, uel potius tollendam, fasces & lictores tuos immittas: ne te caput illorum constituas, cum tuum officium longe aliud sit, cum nemo te huc uocet, nulla authoritas, nulla lex, nulla consuetudo, cum hæc omnia contra te faciant, te repellant, & facti iniuriā maxime condemnent. Quod si nec exemplo unius, nec plurium, nec ulla omnino lege aut cōsuetudine moueri potes, ut istam tam opīmam prædam e manibus emitcas, illud saltem attende, quid rati-

*Requirit a Rege ut  
sacerdotale munus a  
Regio munere di-  
stinctum esse sinat.*

*Principes sua scripta  
sacerdotibus ad Christum  
sua gloriam summis-  
serunt.*

## LIBER

tio naturalis, & diuina dicet, & quādo rationis nomen semper in ore habes, cōsidera saltem quid naturalis ratio de tuo primū, idest Regis, deinde de sacerdotis officio nos doceat. Illa uero primum te reiciet ad finem & originem utriusq; considerandā, deinde ad munus quod tractant, & qua ratione uterq; in suo munere se gerat, te attendere iubebit. Sed ubi nunc Sampson uideatur aufugisse. Atqui hic, si usquam, uircis suas contra sacerdotū dignitatem experiundi locum habebat, ut principium, progressum, perfectionemq; ac finem, tam regii muneris, q̃ sacerdotii nobis explicaret. quæ sane, si manus cum aduersariis conferere in animo habebat, si in contētiōe & comparatione regii muneris cum sacerdotio Regem sacerdoti præponere, necessario ipsi explicanda erant. Sed nunc non comparat Sampson, subtrahit se, nihil prorsus dicit, nec de origine, nec de fine. hoc nūc mihi tollendum, ac sustinendum onus reliquit; quod ego certe, ne qua in re quæ ad explicationem huius causæ pertineat, subterfugisse uidear, libenter subibo. Sed eo breuius, quo id maius est, q̃ ut in concursu aliorum argumentorum tractari debeat: quod ipsum per se magnum uolumē desideraret, si quis hoc præcipue ageret, ut utriusq; muneris & officii, regii (inquam) ac sacerdotalis, ortum, progressum, finē, rationemq; omnem tractaret. Sed eo etiā breuior ero, quod aduersarius hac in re, nullā mihi causam diutius immorandi præbeat, qui nihil ipse attulerit, quod mihi cesset refellendum. Ego uero ea nūc ut spero, afferam, quæ maxime cum breuitate perspicuitatem habebunt. Crassa autem Minerva agam, ut saltem quæ dicam, ab omnibus intelligantur, quod contra Sampson facit, ut omnibus tenebras offundat, & omnia perturbet. Sic uero nunc agam. Primum de origine regis dignitatis & muneris disputabo. in quo illud mihi ante omnia succurrat, idem principium fuisse regii muneris apud uniuersas nationes, quod olim fuit apud populum Iudæorum. Quæ res ita describitur primo Regum. Cum populus Israel iudicum tædio uictus, & simul q̃ unius ductu, penes quem summa rerum esset, melius bella in hosteis geri & administrari posse existimaret, Regiam potestatem desiderare cepit. Sed uerba ipsa ponam, quæ sic se habent. sunt autem populi Samuelem alloquētis, qui sacerdotis, & iudicis locum tencens, eos ante regebat. Ecce tu senilis, & filii tui non ambulant in uis tuis. Quid autem hoc sibi uelit, in eodem loco paulo superius explicatur, cum scriptura dicat de filiis Samueles, qui erat uir iustissimus. Et non ambulauerūt filii

*Sampson fugi. ubi maxime fugandum fuit.*

*De origine muneris Regii.*

*1. Reg. viii.*

„  
„  
„

filiū eius in uīs eius, sed declinauerunt post auaritiā, acceperuntq; munera. Hæc ergo una occasio expetendæ potestatis regia fuit, iniustitiā eorum qui rempublicam gubernabant. Altera uero, quod commodius res bellicæ ab uno, qui regium nomē obtineret, tractari posse uiderentur, Vtranq; autem simul explicat Hebræorum populus Samueli, cuius consilio, cum is a Rege accipiendo dehortatus esset, minime assentiebatur. Nequaquam inquit, sed Rex erit super nos, & erimus nos quoq; sicut omnes nationes, & iudicabit nos Rex noster, & egredietur ante nos, & pugnabit pro nobis bella nostra. Hæc illi. in quibus uerbis ostēdunt se similes futuros cæteris nationibus, si unum haberēt, qui Regis nomine appellaretur, cui hæc duo commissæ essent, iuris dicendi in rebus & cōtrouersis ciuilibus autoritas, & belli gerendi, si quando uim hostium depellere oporteret, potestas. hæc enim erant officia regis apud alias nationes. & sane similem originem, neq; quicquam diuersam apud alias nationes Reges habuerunt. Nec uero aliam Philosophi, & politici homines, qui de his rebus scripsere, causam reges constituendi asserunt. Postquā enim multa de natura hominis, qui animal est sociale, tradiderunt, illud addunt; ad arcendas & prohibēdas duas quasi pestes omnis societatis, in qua uita hominis naturæ congruens continetur, iniustitiā domi, & ab externis uim: homines se se sponte sua unius imperio subiecisse, qui uiderent potentiorum iniurias ab imbecillioribus prohiberet, & omnes æquabili iustitiæ regula in officio contineret; foris autem, si quando opus esset, ciuium opera ad hostes ulciscendos uteretur. Si igitur ad hæc amolienda, populumq; in illa perpetua societatis cōcordia tuendum, humana sola prudentia, humana fortitudo, humanæ leges hominum ingeniis inuentæ, sufficerent, & hic finis hominis ultimus in uita ciuili positus esset: tum certe nihil in rerum natura supra Regem esset uideretur, nullius munus eius muneris præferendum esset. Sed si ad multitudinē in officio, & in ciuili illa societate continendam, nec satis est eius hominis prudentia, qui nihil supra prudentiam suam spectet; nec satis hominis fortitudo, qui nullam spem maiorem sua ipsius fortitudine habeat, cum regium munus hæc nō excedere origo ipsius doceat: si est aliud; quod altiori modo, & ciuilem societatem perfecte tueri, & uim humana maiorem aduersus hostium impetus afferre, idemq; ab homine administrari possit: necessario id munus, & officium, omnī regio muneris, quod humanam prudentiam non excedat, est

”

*Dubius de causis cō  
stituitur Reges.*

” *Ibidem.*

”

*Homo, pater & socius  
le.*

*Rex hominis pruden  
tia ac fortitudine nō  
titur.*

## LIBER

præferendum. Quæ autem historia est, quæ de sacerdotum munere & officio taceat: quæ unquam hominum societas, se ipsam uel domi a suis tueri, uel foris ab hostibus defendere potuit, ubi sacerdotum opera non eminuerit? Si enim nulla unquam hominum natio fuit sine cultu diuino, nullam plane unquam fuisse in qua sacerdotum opera non præcipua extiterit, necessario concludere possumus: qualis uero hæc eorum opera fuerit, quantæ dignitatis & honoris, quam uim habeat: si cum Regibus, sacerdotes maiestate ac dignitate muneris uolumus comparare, iam est explicandum. Sed neq; magna explicatione indiget, res tantum notanda est. Nam in quo utriusq; opera uerferur, nemini obscurum esse potest qui oculos ad eorum actiones conuertere uelit, & parumper cōsiderare, quid, & quibus cum uterq; agat. At hoc de Rege iam dictum est prudētia illum humana, fortitudine humana, res populi tueri & defendere. Sacerdos autem quicquid agit, ex diuinis legibus, ex oraculis diuinis, quibus semper cedit prudentia humana, cedunt semper leges ciuiles, cum populo agit. Quot uero exempla nobis suppeditant historiæ, quibus intelligamus, cum ratio humana hominum animos accendere ad pugnam in hosteis nullo modo possit, uel unum uerbum ex ore sacerdotis prolatum, quasi ex cerui propter animi timiditatem, leones in fortitudine ostendenda fecisse? Quoties uero Principes ipsi & Reges, capta iam consilia deponere, priora acta rescindere, interpolata sæpe religione, in qua sacerdotum totum munus uersatur, legimus? Quod autem de Romana ciuitate scribit Valerius, declarans quem locum in ea religio semper habuerit, quæ imperii magnitudine, omnibus de rebus unquam aliquid memorix proditum est, præstitit: idem de reliquis gentibus quæcumq; res magnas gessere, & Imperium suum plurimum auxere, est existimandum. Sic uero ille scribit de Romanorum ciuitate. Omnia inquit, religioni postponenda semper hæc ciuitas duxit, etiam in quibus summæ maiestatis decus conspici uoluit. Quapropter non dubitauerunt sacris Imperia seruire, ita humanarum rerum se habitura regimen existimantia. si diuinæ potentix bene atq; constantcr fuissent famulata. Si ergo summa imperia seruiunt sacris, quid dicere possumus, nisi munus Imperatoris, seruire muneri sacerdotis: quod aliud certe non est, q̃ ut sacra tractet, diuinam uoluntatem ex diuinis libris, Imperatoribus & Regibus promat: cui famulantes Imperatores, & Reges, se regimē humanarum rerum habere merito existimabant. Sed relin-

quamus

Sacerdotele muntar  
cum reșu ofițiaro cō  
parat.

Valerius MAX. 22  
23  
24  
25  
26  
Marius Imperatoris,  
seu Marii Imperatoris  
II.

quamus parumper hystorias, in naturam utriusq; muneris, & officii parumper, & in ipsam originem si fieri potest, penetremus. Et quidem de Rege iam diximus, quasi partum naturæ laborantis Regem esse, quæ sui conseruationem primum & perpetuitatem semper appetit. Cum enim natura humana ita constituta sit, ut singuli sibi ad uitam sufficere non possint, sed societas quærenda sit, ut singulis bene sit, hinc primum natura ad societatem impulsi: non esse bonum homini per se separatim uiuere, etiam in hoc natura agnoscit, quod sine societate non modo commoda uitæ, sed ne uictum quidem necessariū singuli sibi parare possunt. Vt ergo uiucretur, societas fuit primum quærenda, multitudo congreganda. Sed cum multitudo sua sponte sit apra dissolui, nisi ab uno aliquo contineatur, & quasi colligetur, hinc eadē natura, dissolutionem timens, & se in longissimum æuum propagare cupiens: unius gubernationem induxit, qui quæ in singulis ad uniuersæ multitudinis salutem conseruandam, & perpetuandam pertinerent, ea gubernaret, atq; disponderet. Atq; hoc principium Regum, hic ortus Imperii unius, cuius initium est propter conseruationem plurium. Propter populum igitur Rex, non populus propter Regem. cuius adhuc initiū, si clarioribus uerbis audire uolumus, illa M. Tullii, maxime nobis ob oculos, hoc quod quærimus ponent cum de fine illo, quem rectores rerum publicarum proponere sibi debent, scribit, in illo enim fine initium, & totum id quod ad Regis munus pertinet, continetur. sic autem ait. Vt gubernatori cursus secundus, medico salus, Imperatori uictoria, sic huic moderatori Reip. beata ciuiū uita posita esse debet. Hic ergo finis Regis, ut ciuicis beatos faciat. Sed hoc adhuc distinctius dici postulat, si finis plene intelligi debeat. id quod sane M. Tullius eodē loco minime omittit, sequitur enim. Vt gloria ampla, copiis locuples, uirtute honesta esse possit. En igitur absolutum omnibus partibus regium munus, ut ciuicis beatos faciat, homines porro naturæ præscripto uiuentes, tum se beatos iudicant, cum uitam ex uirtute in honore agentes, abundant iis rebus omnibus, quæ ad uitæ cum necessitatem, tum iucunditatem pertinent. Hoc uero se consequi facillime putant, si multi una congregati unius prudentiæ, iustitiæ, & fortitudinis se regendos subiciant. Sed finē nunc uidemus, & quicquid pertinet ad Regis munus, satis explicatum habemus. Quod utinam (Principes) Reges ipsi intelligerēt. qui gloriam, honorem, & felicitatem quarunt, hic profecto quærunt, in suo sibi com-

*Rex, partum naturæ laborans.*

*Rex propter populum, non populus propter Regem creatur.*

*M. Tullius.*

*En: regi uicari.*

*Felicitas naturalis.*

*Regis gloria & felicitas, in populi bono consistit.*

## LIBER

*Tyranni sunt, qui su-  
um bonum quaerunt.*

*Natura delicias regi-  
e committit ei,  
vincit in populi bono  
populi.*

*Rex si sacerdotis maxi-  
mo indiget.*

mendato munere quaerent, in bono populi quaerent, ubi inue-  
nient etiam suum. Nunc autem cum alibi hæc quaerant, in suo  
videlicet bono, naturæ institutum pervertentes, suum bonum a  
publico segregantes, non modo nomen Regis amittunt, (qui  
enim suum bonum quaerunt, Tyranni sunt,) sed una cum Regio  
nomine, & suam & populi felicitatem corrumpunt. De uero au-  
tem honore, de uera illa uitæ suauitate, quam natura preparauit,  
iis qui finem ab ipsa præscriptum sequerent, nihil ne primis quis-  
dem labris unquam gustant, & tamen quaerere non desinunt, sed  
semper frustra. Omnes enim suauitates huius uitæ, quæ secundū  
naturam ducitur, quicquid deliciarum, quicquid honoris & glo-  
riæ, Reges consequi possunt, ea omnia natura collocauit in bono  
populi, ut si illinc Reges ea petere recusent, nunquam prorsus, id  
quod maxime appetunt, beati esse possint: sed quo magis a bono  
populi se abungant, eo semper miserescent futuri sint. Sed haud  
scio, nimis ne digredi ab instituto uideamur, qui tantum propo-  
situm habuimus, ut Regis officium exponeremus, non ut etiam  
de peruerso regis potestatis usu loqueremur. cum autem uerum  
finem innensilemus, tum denique eundem cum sacerdotis officio  
contenderemus. Verum si felicitas populi, Regis prudentiæ, ut  
diximus, iustitiæ, & fortitudini est commissa: quodnam sacerdo-  
ti munus erit relictum, quod non sit Regis functione inferius,  
cum nullum maius munus procuratione felicitatis ne intelligi  
quidem possit? Quid si Rex ipse per se, quod illi committitur, præ-  
stare non potest? prudentia eius, iustitia, & fortitudo satis esse  
non possunt ad munus regium perfecte fungendum? si prudentia  
Regis ad aliud quiddam cum amandat, cuius opem implo-  
ret, quod sibi adiungi postulet, quod plus quam ulla prudentia hu-  
mana, & quam ullæ humanæ uires ad consequendam felicitatem uas-  
leat, quod denique prudentiam ipsius, iustitiam, & fortitudinem  
ad propositum finem obtinendum maxime adiuuet, & hoc est sa-  
cerdotis conciliare: non opinor munere suo sacerdos excludi-  
tur, nec de illius dignitate quicquam detrahitur, sed potius max-  
ime supra omnia eminere intelligitur, etiam si Regis curæ felici-  
tatem populi commendatam dicamus. Verum id nunc declara-  
tione indiget, quo pacto Rex tanquam superioris muneris, sacerdos  
tis operam requirat, cum tamē ipsi totius populi felicitatis com-  
missa sit. hic enim uidemur excludere sacerdotes e societate po-  
puli, nisi etiam uelimus dicere, curam sacerdotis Regi commis-  
sam, quod si ita dicamus, inferiorem necessario sacerdotem Re-  
ge faciemus.

ge faciemus. Sed nunc dicimus (ut statim huic scrupulo occurramus) etsi sacerdotes in populo numerentur: q̄ populi nomine omnes comprehendantur, quicunq̄ aliquo modo pars sunt eius societatis, cuius felicitas, per unius gubernationem quaritur: ita men nec illos finem eūdem quem populus, habere; nec eum finem regis potestati mandatum esse: imo eosdem affirmamus, cū Regem ipsum in ea quæ illi committitur felicitate populi comparanda, sic adiuuare, ut sine illis Rex nihil possit: tum uero proprium finem, ultra id omne quod & Rex spectet, & populus expectat, habere. ac suum quoddam munus multo præstantius & diuinius, quodq̄ Regis munus, & populi optata, lōge superat. Sed hæc declaratione maxime indigent, ut intelligi possint. Quod ergo in Rege fecimus, cum eius ortum in rerum natura describeremus, idem in sacerdotum origine aperienda conabimur. hoc enim certe faciendum est, si utriusq̄ comparatio in officii & muneris dignitate recte institui, & qualis sit perspicui debet. Sed hic rei difficultas, ac magnitudo me terret. Vercor enim, ne quod in scripturis de Melchisedech, de quo dicitur, fuit enim sacerdos Dei altissimi; cuius nec pater, nec mater, in scriptura nominatur, nulla origo eius explicatur, nulla genealogia: idem nobis in sacerdotis munere accidat, ut licet maxime queramus, nullum eius principium inueniamus, nullam originem. Sed tamen quoniam societas hæc humana, de qua loquimur, principium habuit, cuius gubernatio ad finem a natura expetitum Regi committitur, quem nunquam suum munus perfecte obire siue sacerdotis opera diximus: idcirco dicere possumus, necesse esse, ut se sacerdos cum Rege coniungat in re populi iuuanda, & huius rei principium inuenire; quod quidem satis sit ad id de quo querimus intelligendum, quæ utriusq̄ muneris dignitas sit, & utrius præstantior. hoc uero non erit admodum difficile ad inuestigandum, si paulum aduertamus, quo pacto se Rex in suo munere gerat, quibus præfidiis primum ut suis utatur, deinde quid a sacerdote accipiat. Ita enim melius ut spero uidebimus, quid sacerdos afferat. At in rege est perspicuum, quod sæpe iam diximus, eum uti prudētia humana, uiribus humanis, omni uirtute humana, & omni opera hominum, ut homines ad felicitatē perducatur. At qui plane si hominum res ab ipsis tantum hominibus deberent: si homo ipse dominus rerum humanarum esset, uel suarum, uel earum quæ in natura posite, eius usui seruiunt: tum quidem satis esset Regis munus ad omnia præstanda, quæcūq̄ ulla

*Sacerdos quom fin  
per populi, quomodo  
non sub fin Regi.*

*De origine muneris  
sacerdotis.*

” Gen. xiii.

”

”

*quom fin necessariū  
munus sacerdotis, qui  
cum Deo de populi  
rebus agit.*

# LIBER

P. l. xxiij.

societas humana desideraret. Sed cum hominis nihil sit proprium, omnia uero sint Dei, Domini enim est terra & plenitudo eius: homo uero, nec sui ipsius sit dominus, nec suorum, sed omnia a Dei benignitate dependeant, & ita dependeant, ut nisi ille qui est omnium dominus, assiduo officio colatur, & eo modo quem ipse præscripsit, & natura docuit, nulla hominum societas, parte ulla rerum naturæ, ad suam commoditatem frui possit: hinc factum est, ut non satis sit præsidium eius ad societatem humanam tuendam, cuius munus est, ut per homines hominum commodis consulat, sed necessario alterius opera requiratur, cuius officiū & munus sit, ut cum Deo de rebus populi agat, qui assiduo cultu Deum propitiū rebus humanis reddat. Hoc uero munus & officium, quanti momenti sit, & quanto plus quàm Regiū, ad populorum felicitatem conducatur, uel illud maxime indicat, quod multæ nationes sine Regibus commodissime uixerūt, cui rei ipsa Iudæorum natio testimonio esse potest, quæ felicissime multos annos uixit, antequam quisquam apud eos Regiū nomen habuerit. At uero sine sacerdote aliquam nationem uixisse, nullę unquam literæ prodiderunt: Quanquam Theophrastus philosophus, ut ex Simplicio didicimus, qui eius uerba citat, tradit quādam nationem, sine cultu Dei uixisse: sed eam tandem totam terram desiccante fuisse absorptam, uixisse uero absque ulla religione & sacerdotis opera aliquam societatem, quæ nomen aliquod habuerit, & aliquam partem felicitatis in rerum natura degustauerit, nunquam est auditum. Iam non sufficere operam humanam ad suam felicitatem consequendam, nisi superius numen colatur, in iis quæ ad uitam sunt maxime necessaria, rerum usus nos, ac natura ipsa docet; cum & in agris colendis, & in necessario uictu parando, postquā omnia quæ in nobis erant fecimus, nisi fauor cælestis accedat tempestates opportunas indulgendo, frustra nos operam posuisse quotidie experiamur. Eadem porro natura admonet, quo pacto numinis cælestis fauor concilietur, cum ad ea quæ supra nostram potestatem sunt, sed tamen nobis necessaria, precibus petenda impellit. Atque hæc illa uia est, quam Deus hominibus naturæ præscripsit, quem quidem uoluit uitam precando ac supplicando agere, sed ita tamen, non ut in otio, ac desidiosa iaceret, uerum ut cum omnia fecisset, quæ a natura doctus esset, reliqua quæ uireis suis, superare cognosceret, & quibus carere non posset, a Deo peteret. Laboriosam ergo, & ad precandū semper intentam uitam, nos Deus agere uoluit, si ullam partem felicitatis

*Multæ nationes sine Regibus commodissime uixerūt, nulla sine sacerdote.*

*Quædam natio quæ sine cultu Dei uixit, a terra, desiccata, absorpta est.*

*Certa numinis fauor non potest effici ab hominibus potest.*

*Humanam uitā Deo ut laboriosam, & precantem intentam esse.*



citatis in natura percipere uelimus. & hęc nata sunt duo illa maxima munera in rebus humanis, quorum alterum est Regis, la-  
 boriosum, & actuosum, alterum sacerdotis, qui humanas actio-  
 nes omnis deferens, solum in supplicando numini est occupatus.  
 Hic ita existere incipit sacerdotis munus, & aliquod sui initium,  
 atq; exortum, una cum dignitatis præstantia ostendere. si enim  
 præstantius est agere cum Deo, quam cum hominibus, iam non  
 amplius latere potest sacerdotis excellens dignitas, quem quidē  
 huic officio natura ipsa destinauit, ut perpetuo cum Deo agat,  
 ut in rebus diuinis & sacris semper uersetur, cū regium munus,  
 qua regum, ipsa illius origo toties iam repetita, & originis cau-  
 sa ante oculos positæ declarēt intra res actionesq; humanas cir-  
 cumscribi ad quarum administrationem fuit a societate humana  
 ascitus, & expetitus. Quod si adhuc audemus, ad interiorē re-  
 gii muneris partem perspicendam penetrare, etsi superius dixi-  
 mus felicitatem quam homines secundū naturam expectant, eius  
 prudentiæ, iustitiæ, & fortitudini esse commissam, tamen si cum  
 agente, & in munere suo uersantem, quo pacto se in omnibus  
 gerat, intueri, & diligentius attendere uelimus, reperimus pro-  
 fecto, quæ illi felicitas procuranda commissæ est, non illam esse,  
 in qua humanum genus acquiescere possit, sed per quam incom-  
 moda tantum & pestes huius uitæ effugiat, iniustitiam, & uim  
 externam, in multis etenim malis, quæ humanā naturam circun-  
 stant, & quæ, ut tempestates ciuitatibus quasi nauibus in altum  
 prouectis impendēt, nomen quoddam partæ felicitatis obtrinet,  
 siquis aduersus illa, quæ dixi, duo maxima incommoda, ciuitatē  
 defenderit. sicut qui nauigando scopulos omnes præteruectus  
 est, & procellas tempestatesq; effugit, felicissimam illam nauiga-  
 tionem appellare potest, licet nōdum in portum uenerit, sed eum  
 tantum e longinquo aspiat, cum re uera hæc non sit expectata il-  
 la humani generis felicitas, incommodis liberari, nisi etiam maxi-  
 mis commodis quæ natura expetit, aliquando fruantur, ad quæ  
 sane Rex suos perducere non potest, non magis certe q̃ Moyses  
 filios Israel in terram tantis uotis exoptatam, qui ne flumi-  
 nem Iordanem transire potuerit. Ne ergo Rex quisquam sibi ar-  
 roget, ut propius ueram illam felicitatem populū suū promou-  
 ere possit, q̃ quoulsque Moyses populum a Deo sibi creditum.  
 Subsistant omnes eis Iordanem, qui etsi dulcissimus amnis est,  
 abundatq; iis rebus, quæ uitæ utilitatem simul & iucunditatem  
 afferūt, tamen in mare mortuum influit. Ita etsi dulce est aduersus

*Excellentia muneris  
sacerdotis.*

*Ad expectationē huma-  
ni generis felicitatē  
Rex suos perducere  
non potest.*

*Reges cū Iordanem  
subsistunt.*

## LIBER

lis liberari, & bonis, iucundisq; frui, tamen aliquid ultra, natura felicitatem exoptans, requirit, quin siquid etiam ultra Rex adiiciat, tamē eiusmodi sunt omnia, ut prono cursu in mare mortuū defluant, caduca sunt, ad interitum feruntur. talia deniq; sunt ut in iis humanum genus nullo modo acquiescere possit, neq; felicitatem suam solidam ac cumulatam inuenire. Sed si Rex ipse propterea quod hoc illi committitur, ut populum suum beatum faciat, præclaro hoc munere sibi commissio gaudeat, & huic satif facere omni ratione studeat, nunq̃ quidē hoc facilius consequetur, q̃ si se ipsum, & suos, ad sacerdotis munus, tanq̃ in portū conferat, huic se & suos omnes committat. Sacerdotes enim ii sunt, qui Iordanem traiecerūt, qui populum, & ipsum populi Ducem duxerunt, qui in terram desideratam iter patefecerunt. Sed uereor, ne ipse quos mihi circumscripsi fines excesserim, qui perspicuam, & hominum sensibus accommodatam orationem pollicitus, nunc quasi quædā mysteria referens, me ipsum cum Moyse tanquam in nubem procul a populi conspectu abdiderim. Sed tamē ne philosophi quidē ipsi, naturali tantum ratione nixi longius ab eo, quod modo dixi, intelligendo absunt; imo maxime hoc agnoscunt ac tradūt. in primis Plato ipse, qui quidē affirmat, hanc cuiuscunq; societatis hominum felicitatem esse ut post incommoda uitæ, quæ societatem sunt apta dirimere, id quod nos dicimus, Regis procuratori esse commendatum, tandem in cultu diuino in quo totum sacerdotis munus uersetur, quasi in portu conquisceant, hunc enim & non alium felicitatis portum esse uult. quo nisi tandem humanæ uitæ nauis appellatur, ullam felicitatis partem gustare nemo possit. Quare nunc concludere etiā cum philosophis sine mysterio possumus, si regium munus in sacerdotale desinat, si finis ipse, omnibus quæ ad finem pertinent, præstantior sit: necessario sacerdotale munus, in quo felicitas, id est ultimus finis, continetur, aliis omnibus muneribus, quæ sunt ad finem comparata, in quibus regium ipsum apparet; dignitatis excellentia maxime præstare. Sed confidremus adhuc paulisper sacerdotem in suo munere, audeamus, quod in regio inuestigando pauloante fecimus, in interiorē partē penetrare, sed uereor, ne id nobis non liceat, non magis sane q̃ in interiori tabernaculo populo licuit ingredi, quo solus, ac semel quidē quoq; anno Pontifex introibat, ubi a nemine cōspiciebatur. Verum tantum opinor licebit, cum ea quæ foris agit, quæq; populus uidet, sint maxima; illa quæ non uidet, ut multo digniora & maiora

*Rex optime sufficit ei sup muneri, si se ac suos sacerdoti committat.*

*Ioseph. iii. Sacerdotes populum, ac Ducem duxerant trans Iordanem.*

*Plato cultum diuinum, humanæ felicitatis portū esse uult.*

*Regium munus in sacerdotale desinat.*

maiora existimemus. Consideremus igitur quæ populus nouit, & uidet, externum inquam eius munus, in quo contemplan- do il- lud in primis mihi succurrit dubitare, populi ne eos legatos ad Deum, an Dei ad populum, an etiam Deos appellare debeam. Primum enim, necessarium hoc esse legationis genus uideo: quodd sine aliquibus, qui assidue populi causam apud Deum agant, respublicas stare nullo modo posse constet; cum ut supra diximus, omnia quæ humano generi ad uitam tuendam sunt ne- cessaria, Dei sint, neque nostro generi ullo modo concessa, nisi ad operas, laboresque nostros etiam preces accefferint. Necessariam porro esse precandi assiduitatem: cum rerum necessarium eges- tas atque inopia ipsa nos docet, ut de terræ fructibus supra dixi- mus, quibus, ut proveniant, præter nostram industriam, fauore in- super cælesti opus est, quem quidem non nisi precibus a domi- no cæli, cum supra nostram potestatem sit, comparari possit, natu- ra ipsa magistra ostendimus: tum uero certissime declarant, tot, ac tanta pericula generi humano undique imminencia, ex quibus nulla ope, nisi diuina eripi posset, tot item necessitates, quibus nullo auxilio, nisi diuino succurri queat. Hinc factum est, ut cum non modo necessariam numinis precationem, sed assiduam etiam esse oportere natura ipsa monstraret: huic autem muneri, nec propter ciuilia negotia Rex, nec populus ob continuos uite labores uacare posset: hinc inquam est factum, ut necessario quos- dam suo ex genere huic muneri præficerint, qui tanquam lega- ti ab omnibus missi, populi negotia assidue apud Deum curarent, atque illius benignitati commendarent. a quo tam necessario mu- nere, ne aliquando ipsi etiam propter necessariarum rerum inop- iam abducerentur, legationisque officia cogerent deferere, pro- spectum illis de publico est, tanquam legatis Reip. nomine mis- sis, ut nihil ipsis deesset, sed omnia quæ ad uitam cum dignitate tuendam pertinerent, abunde suppeteret. Hæc ergo cum uideo; legatos populi apud Deum assiduos, qui uota & desideria popu- li, ad Deum sine intermissione perferat, uidere mihi uideor. Rur- sum cum, quo pacto se erga populum, quo pacto erga ipsos reges sacerdos gerat, cogito, a quibus non tam mandata accipit, ut le- gati ab iis solent, a quibus mittuntur, quam illis præscribit, quæ mandare, quæ petere debeant, cum sæpe eorum petitiones corri- gat, sæpe præcipiat, semper imperet, ea autem omnia Dei autho- ritate faciat: cum denique audio illa Prophetæ uerba de sacerdos- tibus, Labia sacerdotis custodient scientiam, & legem requirunt

*Sacerdos legatus po- puli ad Deum.*

*Sacerdotibus de pu- blico propositum.*

*Sacerdos legatus dei ad populum.*

„ Malach. ii.

# LIBER

Sacerdos vocatur An-  
gelus Dei.

Nuñ. xviii. Et De-  
ter. xviii.  
Sacerdoti Dñi sunt.

Rex filius populi.

Sacerdos vir populi,  
Rex pater.

Hab. vii.

Sacerdos Regi curā  
populi committit, dñs  
ipse apud Deum le-  
gatione fungitur.

ex ore eius, quia angelus domini exercituum est, an non uel hæc  
sola uerba in quibus Propheta Angelum Dei cum appellat, clas-  
sissime ostendunt eum missum a Deo, Dei illum esse, non homi-  
num legatum? Post uero hæc omnia, cum quod sibi soli Deus res-  
serauit, imperium in animas etiam illum exercere uideo, cum  
partem nullam cum populo, nullā cum Regibus habere uideo,  
sed eam quæ Deo debetur sacerdotem sumere (nam quæ Dei hæ-  
reditas appellatur, sacerdotum etiam hæreditatem Deus appella-  
ri uoluit), quid aliud de sacerdotū dignitate dicere possum,  
quam quod Propheta ille? Ego dixi Dñi estis, & filii excelsi os-  
mnes. In omnibus porro iis Reges dignitate superari, nemo, qui  
hæc inspexit, dubitare potest. De quibus quidem hoc loco plu-  
ra non dicam, nisi hoc tantum admonebo, melius utriusq; mune-  
ris dignitatem conspici non posse, q̃ si ante oculos uniuersa hos-  
minum societas proponatur. in qua tres primum status se osten-  
dunt, primus populi, alter regis, quasi populi filii. populus enim  
Regem procreat, ut iam exemplo populi Iudaici ostendimus, &  
idem in aliis nationibus fieri existimare possumus, ut populus  
ex se reges procreet, sed id nō sine sacerdote, quemadmodum in  
Rege Iudæorum uidemus accidisse, quem a Samuele sacerdote  
populus petebat, quasi mater in filio gignendo uiri congressum  
requireret. Sacerdos ergo tãquam uir populi cum sit, erga regē  
patris personam gerit, omnibus uero modis maiorem Rege esse  
se, uel illud Pauli confirmat, cum dicit, maiorem a minore non  
benedici, Sacerdotem uero Regi benedicere & eundem inungere,  
re, ut regio in folio constituat, omnibus est manifestum. Quæ om-  
nia sunt quasi patris, & prorsus maioris officia: qui cum, ad  
extremum populi curam Regi committit, dum ipse ab utroq; se  
motus, munere suo, cum supremo omniū Rege fungitur: perinde  
de facere uidetur, ac si pater uxoris ætate iam prouectæ curam,  
una cum rei familiaris & totius domus gubernatione, filio iam  
adulto committeret, dum ipse apud Principem, a quo totius fa-  
milix salus dependeret, maxime necessario munere procul a do-  
moungeretur. Hæc habui, quæ in præsentia de utriusq; officio  
& dignitate dicenda iudicarem, nam quæ in hac causa dici pos-  
sent ad maiorem confirmationem eorū quæ iam in medium sunt  
allata, ea cum sunt abstrusiora, tum certe huic temporī aliena.  
Satis enim est nunc intelligere, cum sint hæc duo munera, regiū,  
& sacerdotale, eorum quæ ab hominibus geri possunt, amplissimā,  
& huiusmodi ut reliquis omnibus, quæ homines, uel a natu-  
ra, uel

ra, uel a Deo acceperunt, tanquam inferioribus præcipiant; tamē impari inter se dignitate esse: & illud quod imperandi ius habeat, alteri præstare. Quod ius cum penes sacerdotem perpetuo permanere uideamus, cum interea Rex, quatenus Rex, nunquam sacerdoti in suo munere præcipiat, sed ille contra Regi in regio munere quæ facienda sunt, præscribat; de eius præstatiā dubitare non possumus. Ac si nunc quod reliquum est, intelligere uolumus, hæc duo munera sic inter se esse diuersa, ut propter diuersitatem & amplitudinem rerum, in quibus uersentur, diuersorum etiam hominum, & nō unius ea esse Deus uelit, qua uiam re id melius quā exemplis ostēdi potest, eorum hominum qui utrūque appetere aui sunt. Satis autem est ad Dei uoluntatem declarandam, et si plura afferri possunt, uel unius Regis exemplum, qui utroque munere fungi uoluit, in illa hominum ciuili congregatio ne, cuius Deus author, & legum quibus ipsa uteretur, conditor fuit, de quo scriptura Dei iudicium manifestissime declarat: hic uero fuit Ozias, qui cum rex esset, uoluit etiam sibi sacerdotis parteis assequere, uoluit sacerdotum munere fungi: quod, quale, & quanti momenti peccatum sit, diligentissime in scripturis expressum habemus. Historia autem sic se habet. Cum multa præclara de hoc Rege narrantur, tum uero extremum hoc factum eius, utpote quod omnia bene prius ab eo, gesta deleuerit, diligenter describitur, reliqua enim omnia, quæ de hoc Rege dicuntur, sunt plena laudis. fecit enim (ut uerba ipsa scripturæ ponā) quod rectum esset in oculis domini, & post magna & gloriosa eius facta recitata, cōcludit scriptura hoc modo: Egressumque est nomen eius præcul, eo quod auxiliaretur illi dominus, & corroborasset illum. En regem iustum & Deo charū: sed ubi est nunc crimen? sequitur statim in scriptura. Cum roboratus esset, eleuatū est cor eius in interitum suum, & neglexit dominū. sed quæ in res sequitur, Ingressus enim templū domini, adolere uoluit incensum super altare thymiamatis. En totum crimen: primum refertur, eleuatū esse cor eius, at quo pacto eleuatū: quid enī piebatur quid ambiebat? nā si inferiora dignitate sua appetisset, nunquam profecto scriptura diceret, eleuatū. Si sacerdotis dignitas minor esset Regi, qui Rex esset, & descendere ad sacerdotis officium uoluisset, potius hoc factō animi summisionem, quam fastū & superbiam declarasset, neque hac in re unquam diceretur neglectū ab illo dominū fuisse. Dicit autem utrūque scriptura, & cor eius eleuatū fuisse, quia quæ altioris muneris

*Sacerdos Regi in suo munere præcipi, nō contra.*

*Dei duo tam ampla munera ab uno homine administrari non uide.*

*Ozias rex lepra percussus, quia utroque munere fungi uoluerat.*

ii. Per. xxvi.

Ozias crimen expiatur.

## LIBER

essent, quod ad eum nō pertineret, tractare uoluerit, & ipsum ne  
 glexisse dominum, quia quæ dominus disiuncta & separata offi-  
 cia uoluerit esse, ille coniungere ausus sit. Sed totam rationem,  
 & modum rei, scripturæ uerba sequentes, ante oculos ponamus.  
 sequitur autem eo in loco. Statimq; ingressus post eum Azarias  
 sacerdos, & cum eo sacerdotes domini octuoginta, uiri fortiss-  
 mi, qui restiterunt Regi, atq; dixerunt. non est tui officii Ozias,  
 ut adoleas incensum domino, sed sacerdotum, hoc est filiorum  
 Aaron, qui consecrati sunt ad huiusmodi ministerium. egredes-  
 re de sanctuario, ne contempseris, quia non reputabitur tibi in  
 gloriam a domino Deo. Iratusq; est Ozias, & tenens in manu  
 Thuribulum ut adoleret incensum, minabatur sacerdotibus, sta-  
 timq; orta est lepra in fronte eius, coram sacerdotibus in domo  
 domini, super altare Thymiamatis, cumq; respexisset cum Aza-  
 rias Pontifex, & omnes reliqui sacerdotes, uiderunt lepram in  
 fronte eius, & festinato expulerunt eum, & ipse perterritus acces-  
 lerauit egredi, eo quod sensisset illico plagam domini. Audis ne  
 Princeps, quæ dicit scriptura? sed quid prohibet, quo minus au-  
 dias, & animo recte percipias? nihil enim hic spiritus Dei, qui in  
 illis scripturis loquitur, nos celat. apertam omnibus suam senten-  
 tiam esse uult. Si uero audis, non times? non horres? nō similem  
 poenam pertimescis? Quid enim putas ne propter Oziam solum  
 hæc tam grauis, tam diligenter in scripturis expressa, ne unus  
 hominis, ac Regis crimen, & poena crimini constituta, posteros  
 lateret? an potius ad terrorem omnium, qui hoc tantum facinus  
 imitari auderent? Qua porro in re crimen tuum ab illius differt,  
 nisi quod tuum multo, & maius, & grauius est, illius enim factū,  
 nisi scriptura aliter interpretaret, piū uideri posset. Quid enim  
 an non pie factum communis hominum ratio interpretaretur, si  
 audiret Regem, ita sacris deditum esse, ut ipse sacrificare, & sua  
 manu thus adolere uellet? At enim admonitus a sacerdotibus  
 ad officium suum hoc nō pertinere, iratus minabatur illis? esto,  
 graue hoc crimen sit, minari sacerdotibus domini, uerum hæc il-  
 lius ira, hæc minæ, ultra uerba non processere, Tu uero, cum Ros  
 fensis, & Morus, ac reliqui sanctissimi uiri, quo tempore summū  
 sacerdotē e gradu deiecias, ut te ipsum eius loco, caput eccle-  
 siæ constitueres, tibi dicerent, non est tui officii Rex, ut capitis  
 ecclesiæ personam geras, sed sacerdotum, quos dominus elegit,  
 quiq; Deo sunt consecrati, quid tum fecisti? an tantum ira incita-  
 tus illis minatus es? imo uero tū sacerdotes domini interfecisti,  
 tu sanctuarium

*Ibidem.*

*Ozias poena diuina  
 dactere debet a se  
 mili ausu.*

*Henrici Regis cri-  
 men multo grauius,  
 quam Ozias.*

tu sanctuarium domini spoliasti tu sanguine sanctissimorum uirorum polluisti. Cum quo ergo factum tuum comparabo: an cū illo Saulis propter quod & ipse abiectus est a domino, & illius sanguis hostibus datus, quod sacerdotes domini in Naboth interfecisset: At certe illius factum aliquid excusationis habuit, quod inimico eius Dauidi arma suppeditassent. Tuum uero ne speciem quidem ullam recti habet, qui tui amantissimos sacerdotes domini, eos inquam qui inimicis tuis animi perniciem tibi atq; interitum machinantibus, arma adimere uolebāt, atq; adeo si per te licuisset, admisissent, q; te salutis & officii tui admonuissent, interfecisti, ac qui soli maiestatem se regii nominis saluam esse uelle ostendissent, eos & lesæ maiestatis crimine damnasti, & proditorum pœnis affecisti, ubi ergo crimen aliquod reperiā, quod possit cum tuo cōferri: cum multa in scripturis infanda facinora referātur, equidem nullum reperio, quod magnitudinem atq; atrocitatem tui æquare possit. Nec enim par est, quod Dathan, & Abiron, cum reliquis suæ factionis commiserat, qui seditionem in castris excitauerant contra Aaron summum sacerdotem, & cæteros ex tribu Aaron, quos solos occupasse sacerdotum munera indignabantur, quod cum reliquis tribubus communi cari uoluerant: illa namq; seditio ultra uerba nō processit, nemo in illa seditione periit, & tamen hoc crimē ita graue Deo uisum est, ut dignos iudicaret, quos uiuos terra in immensam altitudinem dehiscens absorberet. id quod Dei iudicio consequutū est. Tua uera seditio in ecclesia domini cōtra summum sacerdotem excitata, quo pacto non omnem illorum seditionē scelere uicit, quæ præter uerba omnium seditiosissima & superbissima, facta ad huc atrociora adiunxerit? Sed si uerba tātum spectentur, qualia uerba sunt ista tua, qui non contentus regio nomine, tam augusto, tam uenerando apud omnes nationes, quo in munere omnes tibi honorem tali dignitati debitum prompte deferebant, uelis etiam ecclesiæ, quod nullus unquam Rex ante te concupiuit, suū premum caput in regno tuo dicit: uelis uicarius haberi: uelis filii Dei personam sumere? Quid hoc est aliud, nisi ea uerba, quæ Principi superbiæ in scripturis attribuantur, usurpare? In cælum conscendam, supra astra exaltabo solium meum, sedebo in monte testamenti, in lateribus aquilonis, similis ero altissimo. Qui enim supra omnes sacerdotes ascendere uis, quos scriptura cælis, & astris cæli sæpe comparat, dum uicario Christi filii Dei de solio deturbato, ipse te in eius locū infers, quid aliud

*l. Reg. xxii.*

*Saulis in sacerdotibus domini fecit manus, quam Henrico regis.*

*Nath. xvi.*

*Sedne Dathan et Abiron manus male, quam seipsum ab Henrico regis excipiat.*

*1. Reg. xiiii.*

*Henricus Rex Lucis firi superiorem imitatur, illi se ipse Christus firi uicarium cunctis suis.*

## LIBER

*Christi humilitas.*

*Necesse ille honoris  
titulus ex primatum  
regni consensu tribui  
qui Rege non fuit.*

*L. b. iii.*

*Vnius regni consensu  
sui non potest tollere  
summi sacerdotis au-  
thoritatem.*

facis, nisi hoc dicis, super astra Dei exaltabo solium meum, similis ero altissimo, cum eius, qui altissimi personam gerit, & super omnes sacerdotes auctoritatem habet, sedem & auctoritatem tibi uendices? At qui hac quidem ratione nunquam id quod maxime curas, assequeris, ut cuius personam gerere uis, eius aliquam similitudinem referas, nunquam similis eris altissimo, sed potius hac tuorum rogantia, & supremi loci cupiditate, dissimillimum te illi præstas. Christus enim cum natura esset altissimus, & omnia non solum quæ sunt, sed quæ aut nominari aut cogitari etiam possunt, dignitate superaret, tamen factus homo, ne minimam quidem dignitatem sibi uendicauit, sed in omnibus quæ ad honorem & dignitatem pertinebāt, Dei patris iudicium expectabat; Tu uero qui si cum illo conferaris, nihil es: nullo expectato iudicio, nullo more, nullo exemplo, in supremam omnium, quæ in terris nominari possit, dignitatem, inuadis. An tu obsecro non attendis quantopere ita Christo, cuius uicarii personam suscipere uis, dissimilem te præbeas, inimico autem Christi similem, cuius sunt illa uerba quæ modo recitauit, Ascendam super cælum, & quæ sequuntur: cuius pœnam illi superbix irrogatam, si ut est a Propheta descripta, recitarem, merito quidem te qui illam imitaris contremiscere cogeret. Verum hic te Sampson tuus defendet, dicet me malitiose facere, qui de ista tua nominis dignitate ita loquar, quasi uel ipse eam sumpseris, uel ut ab aliis deferretur, omnium ambitu ac contentione perfecteris, cum tamen, quin tibi omnium tui regni primatum uoluntate ultero, te non petente, tributa sit, ignorare non possim. Ego uero Sampson, ignorare plane possum, quod nullo modo uerum esse certo scio, Sed nec si sexcenta diplomata adiunctis omnium signis, quicunque primates regni appellantur, uiderem, adduci possem, ut crederem, hunc nomen, & ad hanc diem inauditum honoris titulum, Regi, uoluntate illorum tributum esse, quod ipsum quamobrem ita dicam, nunc ex me non audies, postea fortasse commodiori loco cognoscēs. Verum quo me statim malitiæ crimine apud te liberem, hoc tantum in præsentia dicam, ut maxime omnes Regni optimates hunc honoris titulum Regi tribuendum censuissent, nullum ipsos id faciendi ius, auctoritatem nullam habuisse. Quare ne illum quidem iure ullo potuisse accipere. Nam si satis est in ecclesia, quæ tot nationes, tot regna complectitur, unius tantum regni consensus ad summi sacerdotis & totius ecclesiæ auctoritatem tollendam, eamque aliis tribuendam, quibus nunquam per Dei, uel



uel ecclesię decreta, sacerdotio fungi licuerit, quid causę dici po-  
test, cur non multo magis Dathan & Abiron cum ceteris sedi-  
tionis authoribus iure potuerint, sacerdotium a tribu Aarō, cui  
ius erat proprium, ad alias etiā tribus transferre, & cum iis com-  
municare: qui enim tuum factum defendere uelit ut autoritas  
sacerdotis summi & reliquorum sacerdotū tribuatur Regibus  
contra ecclesię decreta, propter Procerum tui regni consensum,  
multo is maiorem causam habebit, seditiosum illud factum con-  
tra Dei sententiam defendendi, si quis factum cum facto compa-  
ret, ac quam iuris speciem ob consensus uim utraq; causa habes-  
at, consideret. Hanc enim Dathan & Abiron sui facti rationē af-  
ferre poterant, si multorum consensus ad id ualere debet, ut iure  
fieri aliquid uideatur, ut dicerent sentire secum ducentos quinq;  
quaginta uiros, qui (ut scriptura dicit) tempore concilii per no-  
mina uocabantur. Nunc uero si de iis loquimur, qui tuum factū  
comprobarunt, tales plane sunt, ut si ecclesię concilium indicere-  
tur, ne tres quidem ex iis tana autoritate essent, ut nominatim  
uocarentur; Nec uero uniuersum tuum regnū in amplissimo to-  
tius ecclesię concilio ulla ex parte tantam haberet autoritatē,  
quantam habuerūt in synagoga Iudæorum ducenti illi & quin-  
quaginta uiri, qui tempore concilii per nomina uocabant. Quo  
modo ergo tuum factum probari posset, ut nō multo magis Da-  
than & Abiron probaretur? At quam id graue fuerit, quam con-  
tra Dei uoluntatem, acerbissima in illos uindicta declarat, quod  
tamen, si cum tuo comparatur, etiā modestum uideri possit. etsi  
enim graue per se est seditionis crimen, quocunq; tempore, & cu-  
iuscunq; opera existat: tamen alii aliis multo modestius in sedi-  
tione se gerunt: ut iam si de illis loquamur, nihil præter seditios-  
nis nomen uideamus. statim enim ut a Moyse prouocati sunt, ut  
saltem iudiciū Dei, quod postridie audituri essent, expectarent,  
quieti tanquam omnes unius sententię, & non seditiosi essent, af-  
fensere. Nihil tum eorū fiebat, quæ in seditionibus accidere so-  
lent, nulla spoliatio, nullę cædes, nulli uis afferebatur. Tua uero  
seditio, quod signum modestię habuit: qui nec Dei, nec hominū,  
qui ullam autoritatem in ecclesia haberent, expectato iudicio,  
cum in nomen supremi capitis ecclesię, depulso eo, quem ecclesia  
caput agnoscebat, tua unius sententiā inuasisses: statim quasi ad  
officiū capitis ecclesię pertineret hominibus capita præcide-  
re, & tum ecclesiam, tum homines spoliare: primum in bona eo-  
rum, qui tuū hoc factum non pbabant, impetum fecisti. Deinde

*Nat. xvi.  
Maior autoritas tu-  
rum, qui cum Dathā  
& Abiron senserūt,  
quam illis qui Re-  
gi consenserunt.*

*Seditio Dathan &  
Abiron longe mode-  
stior quam Henrici  
Regis.*

## LIBER

*Expectanda acerbissi-  
ma vindicta Dei in  
Meritum Regem.*

*ii. Reg. xix.*

*Psal. lxxviii.*

*Rex populo peresus  
est, fuisse suo Deo  
placere ex eo quia ag-  
ris fructus vires  
producat.*

*Rex sine labore.  
Ann. viii.  
iii. Reg. xvii.  
Hic Regis clausu-  
rum clausu.*

gladium etiam in eorum viscera strinxisti. interfecisti autem, Deus immortalis, quos uiros tales plane, ut neque doctrina prae-  
stantiores, nec sanctiores multis iam seculis ecclesia habuerit. Et haec quisque audiens, ac grauitatem supplicii in eos qui non tam  
grauiter peccarant, secum reputans, potest aut non acerbissimam  
Dei uindictam in te expectare, aut expectans non toto animo  
perhorresceret? Equidem ipse haec scribens, & Dei iudicium in il-  
los considerans, totus pauore ac metu contremisco. cum autem de  
te cogito, qui haec fecisti, totus in lacrimas colliqueco, ac tuae  
saluti grauissime timeo. At ex altera parte, cum factum tuum con-  
sidero, uideor non modo non debere tibi timere, aut Deum ut a  
te uindictam suam auertat, precari; sed potius ut ea quam celler-  
rime eueniat, ad ipsius nominis gloriam, exposcere, & cum Elia  
ad Deum clamare, ac dicere: Domine prophetas tuos gladio occi-  
derunt, altaria tua subuerterunt: ego autem derelictus sum so-  
lus, & quaerunt animam meam. & cum Dauide, Domine uindica  
sanguinem sanctorum tuorum, eoque magis haec imprecari debes:  
re, quod ut scripta illa testantur, quae auctoritate tua per Angli-  
am circumferuntur, edita a consiliariis tuis, in quibus ratione fa-  
cti tui populo reddere conaris, hoc quasi maximo argumento ute-  
ris ad confirmandum Deo probari tuam causam, quod ex quo tibi  
uenit in mentem, Pontificis maximi auctoritatem deicere, &  
eius locum apud tuos occupare, nulla in re calamitate ullam ac-  
ceperis. Agros enim tuos ubique fructus uberrimos attulisse. nihil  
autem decessisse, aut diminutum esse earum rerum, quae ad uitam  
tam iucunde agendam pertinent. hoc scilicet argumento populum  
decipi posse, tui isti impostores existimarunt; sed se ipsos, teque in  
primis, multo magis decipiunt. huiusmodi enim poenae (si poenae  
putandae sunt potius, quam elementissimi domini admonitiones  
leues ad salutem quaerendam) leuioribus criminibus referuan-  
tur, non tantae impietati, quantam tu consciuisti: Et certe multo  
iam grauiorem Dei uindictae poenam sustines, quam ex ulla agro-  
rum sterilitate tibi accidere posset, etiam si fame grauissima las-  
borares. famem enim sustines, non panis, sed uerbi Dei, caelum  
clausum est, non agris tuis, ut ad Eliae preces per triennium, im-  
pio Achab regnante accidit, cum toto illo temporis spatio nihil  
plueret; sed tibi clausum est, animo tuo clausum est. cum per hosce  
annos, ex quo in istam impietatem delapsus es, nihil caelestis im-  
bris in animum tuum impluerit, nullum tu uirtutis fructum edi-  
deris, sed ad rapinas & caedes, tamquam a Dei spiritu derelictus,

totus

totus conuersus sis. Quid enim magis declarare potest, Dei spiritum a te prorsus discessisse, nec amplius cælestem rorem in animum tuum instillare, quam proximum tuum facinus, cum arrogata tibi summi Pontificis autoritate, ea commisisti, quæ non modo Christiani omnes a uicario Christi alienissima esse statusunt, sed nec ethnici, ad quos Christi nomen nunquam peruenisset, iudicassent ullo modo ad eum pertinere, qui Pontificis personam gereret? Quanto enim melius ethnicus ille, quid deceret Pontificem, intellexit, (de Tîto Vespasiani filio loquor) qui factus Imperator, cum natura clementissimus esset, & a sanguine ac cæde puras seruare manus cuperet; nullam aliam ob causam (ut memoriæ proditum est) Pontifex maximus esse uoluit, quod illo pontificatus honore, quasi uinculo quodam, manus ne quando ad ullius hominis cædem porrigi possent, contineri ac constringi iudicabat? Ita ne uero ille, qui Christi, nomen nunquam fortasse audierat, nunquam certe Christum ita nouerat, ut eius doctrinam amplecteretur: qui quid inter Imperatoriam & Pontificis dignitatem interesset, uix satis suspicari potuerat, hoc tamen uere iudicauit, nihil magis alienum esse ab eo, qui Pontificis personam sustineret, quam hominum sanguine cõtaminatas manus habere, utpote quem nullius ne iuste quidem cædis auctoritas, esse oporteret: Tu Christi fidem professus, qui quãtã clementiam ac lenitatem Christus a tuis requirat, iis præcipue qui in ecclesia capitis loco sint, ignorare non potes, tamẽ quasi Christus nihil præter cædes imperaret, nec tibi satis esset regia potestas ad effundendum, quantum sitires, humani sanguinis, Pontificalem etiam asciuisti? Nimirum hoc uideris exiitimassee, regiã potestatem, tantummodo ad nocentes iure damnandos ualere; pontificalem etiam innocentes nullo iure necandi licetiam permittere, qui initium præclari istius pontificatus a sanctissimorum & innocentissimorum hominum cæde duxisti; ut ita, dum utraq; potestatem exerceres, nemo tuam crudelitatem posset effugere. Hæc tu unquam faceres, si uel gutta cælestis rosis, & gratia in animo tuo reliqua esset? si nõ prorsus cælum tibi clausum esset? si non penitus a Deo, qui lumen, salus, & uita animi est, relictus esses? si non nequior spiritus, quã ille fuit Saulis, per quem, ut est a Deo relictus, quiescere nunquam potuit, animum tuum uexaret & agigaret? Sed hæc Sãpson dicit nimis atrociter me uerbis exaggerare, & libenter chartas eiusmodi querelis implere, primũ quidem quod ipse affectui meo indulgeã in deploranda eorum:

*Titus (ut uoluerat)  
se Pontifex maximus  
fuit.*

*A capite ecclesie & nihil magis alienum quam manus humano sanguine pollutas habere*

*Rex Henricus Pontificatum suum ab inuicissimorum hominum cæde assumpsit esse.*

*i. Reg. xxiij.*

*Obiectio.*

## LIBER

morte quos omnes sciūt mihi amicissimos fuisse. deinde nero, quod artis aliquid hic spectem: ut cum inuidiose ac miserabiliter dicendo, lectoris animum indignatione simul & misericordia uehementius commouero, tum uel subterfugere possim, ne ad ea respondeam, in quibus causa uertitur, argumenta, quæ ipse attulerit; uel siquid contra dicam, id cuius modi sit, perpēdi concitatis animis & iudicari non queat. Nam cur, si causæ considerē, non statim omīssis querelis ad argumēta responderem, quæ ipse contra Pontificis auctoritatem attulerit? ex quibus liquido id constet, Romanum episcopū, extra suam provinciam Romanā, nullam auctoritatem habere: quam autem sibi uēdicet successio nis in Petri locum iure, hanc nullam esse posse, cum ne ipse quis dem Petrus ullam in reliquos Apostolos habuerit: Regiam porro auctoritatem latissime patere: ea omnes nemine excepto tenere. hæc inquam certissimis se argumētis probauisse Sampson dicet, quæ si me diluere posse sperarem, cur non eo potius orationē conuerterē, q̄ ad querelas, quæ nihil ad rem faciunt? Si enim nulla sit auctoritas Pontificis Romani, Rex uero summū ius omni bus præcipiendi, tam ecclesiasticis, q̄ ciuilibus in rebus habeat, & legum etiam utroq; in genere condēdarum auctoritatem, potestatemq; coercendi, si quis iis non pareat: cum constet hos homines, quorum mortem deplorem, contra leges Principis commisisse, nihil hic querelis opus esse, iure in illos animaduersum uideri. sin autem nec Rex auctoritatem illā habeat, & Pont. Romanus supremum caput totius ecclesiæ sit, ad quem spectet, ut supremum iudicem, omneis omnium controuersias, quæ in ecclesia existāt, ipsorumq; adeo Regum causas decidere: facile profecto esse, quæ contra afferantur, refellere. Quæ cū ita sint, cur ego si id me posse considerem, non continuo ad argumenta ipsa responderem, querelas uero uel relinquerem, quod nihil ad rem faciāt; uel si ab iis temperare non possem, perorata causa, & profligatis aduersariorum copiis, tum deniq; uterer? Recte tu quidem Sampson hoc ita statuis, querelis tum demum utēdum esse cum causa probata sit, nec uero ipse aliter feci. Cum enim librum tuū in duas partes diuiseris, in quarum priori ostendere conaris Regem supremum caput ecclesiæ in suo regno esse, & proinde ius necis in omnes habere, qui suis legibus non pareāt, huic parti satis (ut spero) respondi: cum me apertissime ostēdisse sciam, nulla lege, nullo more, exemplo nullo, nulla deniq; nec humana, nec a diuinis scripturis sumpta ratione, hoc ad ipsum pertinere, ut caput

Solutio.

Priori parti libri Sā  
pionici satis respon  
sum est.

caput ecclesiæ dici possit, & propterea iniustissime illos cum uir-  
ros, qui ipse legi suæ parere recusassent, occidisse. An ergo que-  
relis locus tum non fuit, cum hanc tantā in taleis uiros iniquita-  
tem atq; iniuriā demonstrassem: Quod si putas eo me dolori tan-  
tum indulsisse, quia mihi amici fuerint, qui morte sunt affecti;  
ego uero agnosco, & prædico libèter, eos mihi amicos omnium  
charissimos fuisse. Nā qui hoc possum dissimulare? de quo quis-  
dem ita mihi gratulor, ut si osum Regum, & principū qui hodie  
uiuūt, familiaritas mihi contigisset. Equidem si cum oibus, qui  
aliquid in rebus humanis pnt, amicitia mihi & familiaritas in-  
tercederet, non magis tātis & tā amplis amicitis gaudendū ius-  
dicarē, q̄ gaudeo me illis talibus uiris aliquō notum & familiarē  
fuisse: quorū exitum ideo miserū putas, quia tu uere miser, quā-  
lis sit, asaduerrere non potes. Ego uero cū ex illorū uita magnū  
capiebam fructū, tum ex morte multo cepi maiore: Ac nunc, cū  
sublatos oēs fructus arbitraris, qui ab illis percipi poterāt: mul-  
to uberiōres, quā unquam antea, expecto, neq; in eo quicquā du-  
bito. Quocirca si tibi uideor illorū mortem nimis deplorare: nō  
ego quidē Sampson eorū causa hoc facio: cuius rei testē illum  
ipsum, qui corda cernit, Deū habeo. quod enim ad eos ptinet, ni-  
hil certe uideo, qđ non sit maxima læticia excipiendū. Sed si ue-  
ram cām harum tot querelarū scire uis, et si te mihi nō crediturū  
opinor, dicam tñ; nec diutius eā latere, patiār. Vestra osum Sam-  
pson, uestra cā, illorū mortē deploro: maxime uero illius, qui ue-  
stro perniciosissimo consilio inductus, in hanc fraudē incidit, ut  
hoīes sibi fidelissimos, & dignos oī præmio, proditorū poenis af-  
fecerit. Hic, hic me dolor excruciat: & ut q̄relis scripta impleā,  
cogit. Tū autē, q̄ iam aīo præcipio, ac pene certius, quā illa quæ  
oculis cernunt, hēre uideor, q̄ grauiter, nisi cito respiscat, Deus  
sit ipsum ulturus. iam. n. p̄spicio aduentantē Dei in illū uindictā  
etiam multo grauiore, quā unq̄, uel in Oziā conspecta sit, quē ele-  
phantias percussit; uel in Saulē, cuius sanguinē hostibus dedit. de  
qua quidē uindicta post aliquātō disseram pluribus. Nūc illud  
breuiter dicā, qđ uerissime possum; Si multa de facti atrocitate  
conqueror, id eo fieri, neque ulla alia ex causa, quod hanc unam  
uiam patere illi uideo ad declinandum tam grauem, & tam acer-  
bam Dei uindictā, si crimen agnoscat, ac ueniā imploret. quod  
nunq̄ certe faciet, nisi atrocitas, facti ipsi ante oculos ponatur.  
id quod cum in iis, quæ adhuc scripsi, facere sum conatus: tum  
in iis quæ deinceps sequentur, fulius & (ut spero) clarius faciā.

*Auctor valde gaudet  
familiaritate sibi cū  
Roffensi: & mox in-  
terfuisse, ex quorū  
uita me quam sed ex  
morte maiorem fru-  
ctum cepit.*

*Cur eorum mortem  
deplorat, quos deus  
inducit.*

*Deus uicem Regi,  
cui tam acerbe Dei  
uindicta imminet.*

## LIBER

Interea autem ne tu me putes consilio atque de facti atrocitate  
ram multa dixisse, quod causæ diffiderem, & argumentis quæ a  
te allata sunt contra auctoritatem Petri responderi posse despe  
rare nihil iam differam, quo minus statim tecum congregiar.  
Sed quando hic libet ad iustam satis magnitudinē peruenit, id  
altero faciam, qui hunc proxime sequetur.

## LIBER SECVNDVS.



OSTQVAM superiori libro, Sampson,  
satis uidemur respondisse priori tui uolun  
tatis parti, in qua probare conaris, Regē  
suo in regno caput esse ecclesiæ: ac præter  
confutationem tuorum argumentorum, lucē  
ce clarius ostendimus, Regem nec lege, nec  
more, nec exēplo maiorum, nec ulla deniq;  
uel naturali uel e sacris ducta scripturis ra  
tione, caput se Anglicæ ecclesiæ constituere potuisse; ad alteram  
nunc accedamus, responsuri omnibus, quæ a te contra unitatem  
summi Pastoris, ad confirmandam tuam istam impiam sententi  
am afferuntur. Verum illud primum ut dubitem facis, quo pos  
tissimum genere armorum tecum experiar; quando tu illa repu  
dias, quæ omnibus qui ad hoc certamen uerū inueniendi studio  
descendunt, iusta ac legitima uidentur. Sed quid aduersarii ne  
arbitratu arma capere, aut reicere debeos? Te ne patiar mihi præ  
scribere, quibus armis contra te utar; cum præferam ea in manib;  
bus habeam, quibus te statim nullo negotio conficere possim.  
Vide enim quæso, ut incaute pugnam inieris, ut primo statim  
congressu latus tibi ac iugulum nudaueris. Nam postea quam  
oratione proluxa, sine uiribus, & nihil prorsus probante, summā  
esse Regis auctoritatem tibi uisus es collegisse, tum ad populū  
orationem conuertis, hortatione utens, ut Regi tanq; ministro,  
& uicario Dei obediant. Hoc cum dixisti, mox addis, & con  
tra Pontificem ita dicere incipis. Non episcopum illum Roma  
num hunc uicarium Dei intelligo, qui suo iure non habet quod  
agat extra suam prouinciā. Imuisti hic uidelicet Sampson,  
ne populus simul ac nomen Dei uicarii audiuiſſet, de uero Chri  
sti uicario, cui tot sæculis ecclesia uniuersa obedientiam præstis  
tisset, te loquutū esse intelligeret, cum diceres uicario Dei obe  
dicendum, itaq; hoc quidē satis asſute, ac plane in tēpote adiun  
xisti,

*Sampson legitime ar  
mis pugnare reſiſcit.*

*Sampsonis uerba.*

*Sampson timet ne po  
pulus audire uicarii  
Dei uocabulo, Papā,  
non Regē intelligat.*

xisti, Non dico illum episcopum Romanum. Sed quando tu tanquam uictor omnium aduersariorum loqueris, ad cuius nuntium omnia sint facienda: Quid quaeso Sampson, illi episcopo Romae no, qui per tot annos, annos dico immo tot saecula nomen uicarii Dei obtinuit, facimus: quos illi praescribimus limites? Agat Romae, inquis, episcopum; In Anglia certe plus potestatis non habet, quam Romae Cantuariensis. Nimis hoc quidem imperiose Sampson; praesertim aduersus eum, cuius autoritas tot saeculis toto orbe, ubi Christi nomen colitur, summa fuit, si nunc intra unius urbis terminos illius imperium circumscribis. Verum iste, quasi iam Pontificis auctoritatem regis copiis profligasset, & Romam intra muros obsessam teneret, ita nunc loquitur. Agat Romae, inquit, episcopum. Intra urbis fines coercet. Sed hic uideamus Sampson, qua fretus auctoritate hoc facias; gladii ne regii, an scripturae sacrae. At id ostendis statim; nullum enim, inquis, esse plane uerbum in sacris literis; quod illi extra Romanam Praeuinciam ministeri quicquam tribuat. Sacrarum ergo literarum uerborum auctoritate niteris. Sed uide ne gladiis ius relinquendo, & scripturis adherendo, praecipuum tuum praesidium, quod in gladio consistit, deferas: & aduersario, qui statim omnem sententiae tuae uisum perfringeret, te dedas. Si enim scripturarum auctoritate niti uoles, tua continuo auctoritas plane concideret. Vide enim, quo pacto ego tibi hic occurram. tu dicis nihil in sacris literis inueniri; quod aliquam auctoritatem Romano Pontifici extra illam praeuinciam tribuat. At Sampson, pace hoc tua dicere liceat: qui melius scripturas intelligunt, quam tu, quorum uita probitas, & doctrina multis iam saeculis in ecclesia floruerit, aliter sentiunt. Docet hanc Romani Pontificis auctoritatem, ex auctoritate Petri ipsius a Christo data, defluxisse. Petri porro auctoritatem manifestam esse scripturae uerbis colligunt. si sic primum dicere, & inter hos uiros, noscimus Cyprianum, Hieronymum, Augustinum, Ambrosium, Gregorium, Bernardum, atque alios sane multos, quorum si nomina persequi uellem, nomenclatore mihi aliquo opus esset: qui a te omnes hac in causa maxime dissentiunt; quorum scripta & testimonia nihil negotii esset contra te statim proferre, hoc igitur si facerem, quid hic haberes quod diceress? quid responderess? an ut tuis dignum est moribus, frontem hic perfricares, & diceress, cum illi homines fuerint non secus ac tu, qui falli & errare potuerint, non minus aequum esse tibi credi, cui non minus pateant scripturae, quam illis? At Sampson, etsi homines non fuerint, alii tamen quam

*Sampson Ro. Pontificis auctoritatem intra urbis fines coercet*

*omnes homines sunt qui a te omnes hac in causa maxime dissentiunt*

## LIBER

*Sanctis delectari cre  
ditum p. eius quam  
Sampsoni.*

*Consuetudini ecclē  
sue plurimum  
quā Sampsoni.*

*egrum disputandi mo  
dum in hoc libro  
liber facietur sit.*

tu fuerunt: si illa attendimus, quæ in hominibus, ut iis fides nel  
habeatur, uel detrahatur, spectari solent. Illi enim cum sanctiss  
mi fuerunt tum doctissimi sane & in scripturis intelligendis per  
ritissimi: Quorum illis rerum testimonium non pauci aliquan  
do ex uulgo, sed mirificens ecclesiæ uniuersæ cōsensus semper tri  
buit: cum de te nemo unquam ita senserit. Quod cum ita sit, an  
dignum censes, ut tuum unius iudiciū cum illorum compares  
tur? Sed quid si relictis hominibus, de consuetudine tantum ec  
clesiæ dicerem, per quam tot sæculis confirmata est Pontificis  
Romani autoritas? An Sampsonis nomen, & opinio doctrinæ,  
tanti erunt, ut plus illi q̄ toti ecclesiæ credatur? Quis iam non ui  
det, si his solis armis contra te uter, quæ maxime in hoc certa  
minis genere sunt legitima, q̄ nullo negotio te statim conficere;  
idq; omnium ecclesiæ filiorum iudicio: ad quos solos tanquam  
iustos agonotheas pertinet, uictoriam, quibus uideatur, adjudi  
care? Sed tu hoc armorum genus, quod in hominū auctoritate,  
& in ecclesiæ multorum sæculorum consensu positum est, max  
ime recusas rationes poscis, & his te longe superiorem fore iudi  
cas. At Sampson etsi hæc omnino omittere non possum, ne tamē  
ullo genere armorum inferiores uideātur, qui ueritatis causam  
contra te defendunt: sic tecum agam. rationibus primum tecum  
contendam; uel potius tuas, quas uideri nō rationes, diluam ac  
refellam. Deinde eas rationes, quibus illam, quam ab ecclesiā di  
dici, sententiam confirmem, in medium afferam, quod uero ad te  
testimonia sanctorum uirorū attinet: sic tibi gratificabor, ut nisi  
forte in aliquod illorum incidero, nullum sane contra te deditā  
opera proferam, præter q̄ illorum, quos tu, ne nudus omni ex par  
te uidereris clarorum uirorum testimoniis, tuæ sententiæ appro  
batores ac testes produxisti. hos me solos polliceor contra te  
adducturum, ex quodrū uerbis manifestum, ut spero, faciam, quā  
malitiose cum sua sponge tecum sentire non possent, illorum uer  
ba in tuam sententiam detorseris, quibus a me peractis, cum nec  
rationem tecum facere, nec ullius clari uiri testimonium ostē  
dero, Sed contra omnia: tum illud certe assequar, ut nisi plane  
mentis cæcitate tibi a Deo illata labores, auctoritati ecclesiæ,  
quā nunc, quia rationibus plus fidis, impie oppugnās, te aliquan  
do tandem ultro submittas. Atq; hic demum fructus totius uic  
torix est, quem ego de te ac tuis expeto. Sed nūc ad rem ag  
grediamur, & tuas primum rationes dissoluamus. Quid iam ses  
quitur tuo in libro, cui certe ordine quodam respondere cupio?

Quod



Quod inquis, Pontifex ait, se Petri successorem esse, tum ab hac successione auctoritatem accepisse, si adesset diuus Petrus, negaret plane. Sic tu i ngrederis oppugnare Pōtificiam auctoritatē. Sed nullam adhuc rationem audio, dicis tantum Petrum, si adesset, negaturum esse. Verum obsecro te, si ego de hoc tecum cōtenderem, ac dubitarem de Petri hac in re uoluntate, quo pacto probares? Clamaret, inquis, in hunc impostorem, haud dubie. O impostorem, o uirum ambitiosum, superbum, arrogātem. hęc tu dicis; & multa praterca summe contumelię uerba affers, quibus Petrus, si adesset, uteretur. At quāso te, quoniam ita familiaris factus es Petro, ut quę dicturus esset, si reuiuisceret, scire p̄fitearis: explica tandem in quem uociferaretur, in quem ista tam probrosa uerba faceret? neminē enim adhuc nominas. An in omneis qui post ipsum fuerunt, Pontifices Romanos, illo modo, quo tu inducis, debaccharetur? At multi boni, & optimi uiri fuerunt, in quos ea uerba nullo modo conuenire possent, pręsertim a Petro profecta. An ille in Linum, Anaclerum, Euaristum, uel posterioribus temporibus, in Syluestrum, in Gregorium, ea cāta probra faceret: quibus nec uiuis, nec mortuis, quilibet unquam simile aliquid obiecit, ac ne minimum quidem uel ambitionis, uel arrogantię crimen: qui tamen omnes successores Petri fuerunt, & illius successionis iure auctoritatem se a Christo accepisse professiebantur? Cum ergo in hos hęc uerba nullo modo cōuenire possint, dic planius: & nomina aliquem, in quę Petrus ista diceret. Adhuc enim cum hęc te sine personę notatione, tāquam ex ore Petri in Pontificis Romani nomen uociferantem audio, uideor audire aliquem ex diro quopiam insomnio, ut sæpe fit, in uerba prorumpentem: quę attendēs, illum colligo inani aliqua specie per somnū oblata perturbatum esse. Sic ego Sampson cum tua ista talia uerba audio, neq; in quem hęc conferantur, intelligo: te statuo cum aliquo aduersario uehementius cōcitarum quasi in somno litigare. Sed aliquando expergiscere, & dic iam uigilans, ecquis iste sit, in quem Petrus homo sanctissimus, tanta uerborum licentia insurgeret. Quis est, quem tu in Petri persona, tā contumeliose in somno accepisti? At hic taces, nullius nomen profers, ac tantum pergis contumelias adicere, quid ergo uis faciam? An me uis diuinare, quid tua ista ex insomnio prolata uerba significent? At hic aliquis fortasse dicit, si posteriores tantum Pontifices cogitare uelim, nihil opus esse diuinatione: rem claram esse, hos si mihi in memoriam redigam, statim iudicatur

„ Sāpſon uerba.

„

„

„

„ Proſopopœia uerbat  
iuxta ac uigile a Sā  
ſſone conſeſſa.

Sāpſon quaſi ſomni  
ans litiget cum ad  
uerſario.

# LIBER

rum, esse uigilantis non somniātis, illa uerba, ut quę in eos aptis-  
sime conueniant. Sed quid hic clarum est? An posteriores Pontifi-  
ces aliquos humanis uitiis, ambitionis, & arrogantię laboras-  
set, ut hoc tibi concederem de posterioribus, quibus etiam adiū-  
gam aliquos superiorum, qui non ex angelis, qui omni uicio ca-  
rent, sed ex corrupto humano genere assumpti sunt: An hoc ad-  
huc clarum est, Petrum si reuiuisceret, tāto uerborum impetu in  
illos incuraturum esset? Hoc tibi forsā hominī impuro ac ma-  
ledico conuenire posset, ut in summum Pontificem probra iace-  
res: in Petri certe personam, nullo modo cadere posset, ut maxi-  
me tales agnosceret, quales tu illos depingis. Sed cur hæc dis-  
cos? quia uideo eum, qui eundem quem Petrus spiritum acceper-  
rat, Paulum inquam uideo, cum imprudens quādam cum contu-  
melia, in Principem sacerdotum apud Iudæos dixisset: simul ut  
admonitus fuerit, in quem hæc diceret, summum sacerdotem esse  
se, se continuisse, & ignorationem excusasse, cum dixit, nesciebā  
fratres, quia Princeps est sacerdotum. Quod si Paulus se absti-  
nuīt a uerborum contumelia in eum sacerdotum Principem, qui  
tum post Christi mortem, nihil præter nomen, & umbram sacer-  
dotis retinebat, cum tamen sciret, eum & reliquos sacerdotes om-  
nes, qui Christi mortis autores fuerant, impios, sacrilegos,  
blasphemos fuisse: quā non decore faceret, si quis Pauli personę tri-  
bueret, ut in summum Pontificem, qui Christi ipsius personam  
non adumbrate, sed uere gerit, tanta uerborum licentia crumpe-  
ret? et si non conueniunt eiusmodi uerba Pauli personę quis iam  
dicet Petri personę conuenire posset? quis ulli Christi discipulo?  
Iam uero non esse quicquē de ullius potestatis dignitate, propter  
hominum qui illa fungantur, corruptos mores detrahendum: cla-  
rissimo Christi omnium nostrum magistri, & domini exemplo  
admonemur, qui cum Scribarum, & Phariseorum uitam, maxi-  
me ab ipsorum doctrina discrepantem improbasset, potestatem ta-  
men & auctoritatem non sustulit; nec quin uere in Moyse ca-  
thedra illi sederent, negauit. Itaque cum suos, ut ab exemplo uitę  
eorum imitando cauerent, admonuisset, tamen uti facerent, quę  
illi tanquam ex Moyse cathedra præcepissent, iussit. Pilati por-  
ro ipsius potestatem, qua ille iniustissime abutebatur, non modo  
non negauit, Sed tum etiam, cum illo iudice ad supplicium dam-  
nabatur, desuper & a Deo illum accepisse cōfirmauit. Qualis est  
ergo Sampsonis prosopopœia, qui ea fingit dici a præcipuo apo-  
stolorum, quę nulli discipulo Christi, qui a magistri exemplo ac  
doctrina

*Oratio quam Sam-  
pson Petro tribuit,  
non conuenit Petri  
personę.*

*Act. xxiii.*

*Non est quicquē de  
trahendum potestas  
ei, propter uitę homi-  
num qui ea abutunt.*

*Mat. xxiii.*

*Io. xix.*

doctrina desciscere noller, ullo modo possent conuenire: Imitari credo rhetores uoluisti: qui huiusmodi figuris sæpe utuntur. Verum illi etsi falsum sermonem figurate nonnunquam inducunt, decore tamen & ad ueri similitudinem apte hoc faciunt: ut sis qui audiant, non alienus ab eius cui tribuitur, persona uideatur. Tu autem cum falsissimum sermonem inducis: tum certe sic non uerisimilem, ut nullius minus, quam eius cui abs te affingitur, personæ conueniat. a Petri enim persona est sane alienissimus. Sed utinam hoc tu in rhetorum tantū præcepta peccares: cuius quidem culpæ ea demum poena esset, ut uel penitus ignarus eius modi præceptorum, uel certe parum in illis feliciter uersatus, iudicareris. Nunc autem cum in rhetorum leges, atq; adeo in communem uulgaremque prudentiam offendis: tum multo magis in Deum peccas, in Dei filiū, Deum ipsum & nostræ salutis auctorem peccas, in quem peccare, est uita se ipsum æterna, ac secū eos etiam, qui huiusmodi figuris persuadentur, priuare, & in æternū exitiū præcipitare. Sed quo pacto hoc plaiū faciemus, tantum periculi in iis uerbis inesse, quibus se Sāpson quasi quibusdam rhetorum flosculis ludere existimat, cum nulla quidē aliorum perniciē, suo uero etiam maximo fructū, quē a Rege, cuius honoris causa hoc facit, expectat: Mihi crede Sāpson, intra hos qui tibi amēnissimi uidentur, flores, latet anguis, & iam pridem latuit, qui & te ipsum, & omnes quibus tu illos asperseris, graui ueneno ad animorum interitum inficiet. Quod sic apertum faciemus, si hosce tuos flores a te sparsos, quasi in fasciculum colligamus: si tua ista uerba in unam summam collecta, nobis ante oculos proponamus. Ita enim facillime, ecquid in illis ueneni latet, uidebimus. Tua igitur uerba de ipso Pontifice Romano iterum ponam, quæ sic se habent. Quod ait, se Petri successorē esse, tum ab hac successione, hanc potestatem accepisse: si adesset Diuus Petrus, negare: plane, & in hunc mendacem haud dubie clamaret. O impostorem, o uirum ambiciosum, superbum, arrogātem, docuit me magister meus Christus humilitatem: & quæ sequuntur in uerbis Petro a Sāpsone affictis, in quibus fit cōparatio a Petro suæ humilitatis, ac totius uitæ cursus ad Christi exēplar, cum ambiciosa & deprauata Pōtificis Romani uita: quæ omnia uerba si in summam colligantur, hunc sensum habent: quia Pontifices Romani, qui eandem ecclesiam, quam Petrus, rexerint, malis & deprauatis moribus uiixerint, & Petrus optimis, cuius uita in omnibus Christi magistri exemplar referret: ideo successi-

*Sampson in sua propria personā decore non feruit.*

*Peccare in Deum, m. et eff.*

*quantum ueneni latet in Sampsonis proposita.*

*Sampsonis uerba.*

*Tempus Sam finis ratio, qua colligit R. Pont. non esse Petri successorē, quia Petrus fuit dissimilis.*

## LIBER

fores eius dici nō posse, nec a successione eius potestatem ullam habere, hoc enim inquit Sāpſon, clamaret Petrus, ego uero hoc contra in Sampſonem cum ecclesia clamo, a qua nūquam Petrus dissentiret, hanc rationem esse impiam. Si enim hac ratio recte cōcludit, ex ea prorsus sequitur, nullam nunc esse ecclesiam, Imo uero iam pridem deſuisse, & iam diu nullam fuisse, Quæ enim res magis continet ecclesiam, quam successio illorum hominum qui regunt ecclesiam, quales sunt episcopi? si autem in episcopis qui locum apostolorum in ecclesia tenent, par ratio uitæ exigetur, quæ fuit in apostolis: ut nisi illorum uita apostolorum uitæ huſ militate, cæterisq; uirtutibus responderet, nemo illorum successor dici posset: quam quæſo ecclesiam iam pridem habuiſſemus? quis inueniri potuit, qui cum illis, qui quasi primitias ſpiritus acceperant, uitæ ſanctitate comparari posset? Sed hoc fortasse, non tam ſeuere exigit Sampſon. ſatis habet ſi nō deprauatis moribus uiuant, ſi nō corruptis prorsus ac perditis moribus uiuāt, ſi enim tam alienis ab apoſtolorū moribus ſint, cum negat Apoſtolorum ſucceſſores eſſe. At quam tenui & infirmo Sampſon ſilo eccleſiæ ſucceſſionem connectis, ſi ex hominum uis illam pendere moribus? ſi ſimulatq; episcopi mali fuerint, ſucceſſionē uis deficere? Quæ oro eccleſia, per totū orbem, tam ſanctos ſe homines habuiſſe gloriari poteſt, ut uel ad decē episcopos, perpetua ſerie bonos peruenire potuerit? uel quæ potius, cum decem episcopos numerat, non unum & alterum etiam corruptis moribus, & alienis a uita Apoſtolorum, quorum ſunt ſucceſſores, numerat? Quid facit quæſo ſucceſſio ad ſanctitatem uitæ? nunquā ne audiuiſti, malos episcopos bonis ſuccedere, ut Reges malos bonis? Sit prauis & impuris moribus præditus, cui eadem quæ Petro eccleſia, regenda committitur; eum quidem uitæ ac morum Petri ſucceſſorem eſſe, ueriffime negari poteſt: Succellorem uero eſſe dignitatis, ſi eadem illi quæ Petro dignitas tributa ſit, quis ſanæ mentis negauerit? An non illa Chriſti uerba erāt, quæ prius retuli, de Scribis & Phariſæis, quorum uitam, & mores cū Chriſtus improbaret, eos tamen in Moyſis cathedra uere ſediſſe affirmauit? Quod cum dixit, autoritatē a ſucceſſione habuiſſe confirmauit, & cum adiunxit, Quæ dicunt uobis, facite, reſide, re apud illos autoritatem maxime oſtendit. Nunquam ergo Petrus, ſi magiſtrum ſuum ſequi uellet, eos qui ſuper cathedram ſuam Romæ ſederent, quia corruptis moribus uiuèrent, idcirco negaret ſucceſſores ſuos eſſe; nec qui hoc Petro attribuit, ueriffimè militet

*Successio Pōſſeſſum  
continet eccleſiam.*

*Ro. viii.*

*Si eccleſiæ ſucceſſio  
ex hominum moribus  
penderet, iam  
nulla eſſet eccleſia.*

*Malus Pontifex non  
ſanctitatis Petri, ſed  
diſſiditatis ſucceſſor eſt.*

*Mat. xxiii.*

*Petrus nunquā negaret  
Ro. Pont. ſucceſſores  
ſuos eſſe.*

militer fingit, hæc quidem certe a Petro dici probabiliter potuit fingere, illos indignos esse, qui in tantam dignitatem, in quam Christus ipsos post se uocasset, succederent. negare uero successionem, per quam ecclesia maxime stabilitur, nemo unquam pius auderet, nedum Petrus si reuiuisceret, ita faceret. Itaq; Augustinus, quodam in loco, cum successionem illam Pontificum Romanorum a Petri exitu ad sua usq; tempora perpetua serie sibi inuicem succedentium percensuisset, testatur ad reliqua magna quæ se in fide ecclesiæ retinuissent, hoc non minimum uinculum fuisse, cum illam nunquam interruptam in tanta rerum mutatione, Romanorum episcoporum seriem, sæpius secum summa diuinæ prouidentia admiratione considerasset, in quibus tamē multos fuisse, qui alienissimam a Petri moribus uitam duxissent, nō potuit non uidere, & hoc Sampson illi facile assentietur, qui in omnium uitam sine ullo bonorum & malorum discrimine, Petrum omnia probra iacentem facit. Verum utcūq; facta illorum, corruptam ipsorum uitam ostendant, successionem tamen non propterea interruptam esse, si a nullo alio, ab Augustino certe discere nunc potes, qui in illa tam longinqua successionē episcoporum prouidentiam Christi, in perpetuanda ecclesia maxime admirabatur. At Sampson, uir bonus, & Apostolorum uitæ præcipuus imitator, indignatur, nec potest ferre, ut mali bonis succedant. Affert autem ex Prophetæ etiā uerbis causam, cur odio habeat Ro. Pōtīfices, quorum tantopere ab Apostolorum moribus uita discrepet. Iniquos iquit odio habui. Sed si mores iniquos odio habes, an nescis distinguere prauos mores; ab optime instituta successionē, homines malos a potestate optima? Vis ne eo potestatem tollere, successionem dicere nullam, quia qui iis utuntur, sunt mali, cum nihil diuinus, ad hominum uitam continendam potestate, nihil mirabilius successionē excogitari possit? Ita credo, Zelus domus dei, quo Sampson exeditur, non patitur, hanc illum tam perspicuam morum, potestatis, successionisq; differentiam uidere. Illam scilicet nō animaduertit; hoc dicit se uidere, sacerdotum mores, & maxime summi sacerdotis, Pontificis inq; Romani, a maiorum moribus, multis iam sæculis degenerasse; eoq; pie factum iri se putare, si potestas ab eo auferatur: & cum nullius regia maioris personæ mentio, ut ipse uult, in scripturis habeatur; ad Regem deferatur. Ita enim cū populo Christiano, eius causa uideri uult laborare, commodissime agi posse, si summa illa potestas, quam adhuc sacerdos episcopus Romanus ha-

*Augustinum in ecclesia fide nulla res magis tenuit, quam perpetua Rom. Pontificum successio.*

*Psal. cxviii. Mori prauitatis a successione distingui debet.*

*Psal. lxxviii. Ro. ii.*

## LIBER

buerit, Regibus mandetur. Hoc igitur ita ut fiat, se per libellos cum populo agere. Sed quid exultabimus ne pie hæc a Sampson tentari existimabimus eius conatus Deo gratos esse, ut quia mali sunt Pontifices, eorum potestas ad Reges transferat? Ego sane qui sententiam nunc rogor, minime omnium hoc existimo. At quanti momenti meum est iudicium, si Sampsonis conatus, non modo non pios, sed maxime etiam impios esse dicor quam habet tanta in re auctoritatem mea unius sententia? Eandem plane, quam Sampsonis sententia, qui contrarium defendit, idest nullam. Vtriusque enim nostrum iudicium, per se in re tam graui, non solum leue est, sed plane nullum. At meum unius Sampson non est: nec meam dicere possum hanc sententiam esse, quasi a me primum prolatam. Sed Dei est sententia Sampson, Dei iudicium ante multa secula in sacris uoluminibus perscriptum, quod quidem omnes tuos hosce conatus, quales sint, declarat, ac tantum quam impios condemnat. Est autem ille ipse locus apud Samuelem in primo Regum, cuius ante mentionem fecimus, cum de Regum origine diceremus: ubi narrat, quo pacto populus Israel, qui tum a Samuele sacerdote iudice regebatur, illo iam senescente, propter prauos filiorum eius mores, qui patri successuri essent, a cuius sanctissima uita, & moribus maxime degenerauerant, Regem sibi constitui poscebant eodem modo, quo tu nunc, quia Apostolorum filii, Romani Pontifices, a patribus degenerasse tibi uis denique, non amplius illis, sed Regibus subesse uis, Regem nunc, qui supremi capitis locum in ecclesia apud uos gerat, possis. Sed audiamus scripturae uerba, quæ satis sunt aperta, non tam populi Israel factum, quam uestrum exprimentia, quæ Dei iudicium quale sit, explanant. Sic autem se habent. Cum sensuisset Samuel postquam fuit filios suos, iudices super Israel, fuitque nomen filii eius primogeniti, Ioel, & nomen secundum, Abia, iudicium in Bersabea. Et non ambulauerunt filii illius in uisibus eius, sed declinauerunt post avaritiam, acceperuntque munera, & peruerterunt iudicium. congregati ergo omnes maiores natu Israel uenerunt ad Samuelem in Ramatha, dixeruntque ei. Ecce tu sensuisti, & filii tui non ambulauerunt in uisibus tuis, constitue nobis Regem, ut iudicet nos, sicut uniuersæ habent nationes. En postulatio maiorum Israel, quæ qualis nam tibi uideatur, abs te scire peruelim. Videtur sane prima specie non iniqua: tibi uero, si tuæ sententiæ constare uis, non potest non aequissima uideri: ut primo quoque tempore, sit illis, quod petant, te authore concedendum. Nimirum habebant ante oculos,

*Sententia, quam omnes  
populi defendunt, ut fuit  
Dei sententia est.*

*Reg. viii.*

*1. 1.*

*Expenditur postulat  
tio iudicis, qui Re  
gem sui dedit a Sa  
muele populo.*

los, sacerdotes filios, quos cum patris potestate succedere oportet, alicuissimos ab illius moribus fore perspiciebant. Quos enim patre uiuo experti essent auaros, rapaces, iniuriosos, quales tandem mortuo expectarent? Tales plane, ut illorum iniustitiam multo cum maiorem futuram facile suspicarentur. Sub iudiciis igitur iniquissimis sibi uiuendum, & diu quidem, cum etiam num iuuenes essent, uidebant, nisi in tempore occurrerēt. Quid porro melius excogitare possent, quam cum animaduicerent nationes reliquas maxime sub Regibus florere, ut ipsi etiā Regem sibi crearent? Hoc autem eo etiam iustius uidebantur facere, quod nulla hic seditio, nullæ partes, congregati omnes maiores Israel, qui uel nemine consulto ius habere uiderentur Regem sibi creandi. & tamen quanquam omnes consentientes, sua autoritate nihil eiusmodi tentare uoluerunt: tantum sacerdotem Dei consuluerunt, & ut sibi de illius sententia Rex constitueretur, petierunt. Quid hic non ordine factum? quid non iuste postulatum obici potest? Quid hic respondebis? iustissimam tu quidem, si modo tibi & tuo facto constare uelis, hanc esse postulationem dicas oportet. nam qui aliter tuum factum, & tuorum defendes? qui non congregati uniuersi, ut illi filii Israel, sed paucissimi (paucissimi enim ceteris, si cum reliqua multitudine, quæ in ecclesia est conferamini) nullo prius maioris autoritatis consulto, ut illi; nullo consensu, nullo iure, ut illi, qui una congregati magno populi totius consensu, uidebantur natura ius habere creandi sibi Regem. paucissimi igitur, nullo iure, nullo nisi factionis uestre assentiente, ausi estis ecclesie statum mutare, & sacerdotis summi potestate ad Regem transferre. Quare si uestro isti facto ullam iusti speciem, uel etiam umbram relinquere uis: populi Israel factum in mutando statu suo iustissimum fuisse respondeas necesse est. At audi quid Deus ipse respondeat. Sed prius ut ordinem sequamur uerborum, eo in loco audi quid sacerdos dicat. Et displicuit sermo in oculis Samuelis. Hic tu fortasse homo uaser, & natura suspiciosus, dices, te nil mirari, displicuisse sacerdoti orationem, qua filiis suis omnem autoritatem, & dignitatem tolli uideret. Sed certe id ne innuere quidē scriptura potest, quæ perpetuum simplicitatis, & iustitiæ testimonium dat Samueli, cur autem displicuerit causa adiungitur: quod dixissent, da nobis Regem, hoc enim pertinebat ad mutationem statum. Sed Dei uerba audiamus, quæ sequuntur, cum rogasset sacerdos Dei sententiam, Et dixit dominus ad Samuelem, Audi

*In ditionem factam  
in mutando statu dno  
spiritu Dei sancti  
Henrici Regis facta  
iustitiam fuisse.*

*Ibidem.*

## LIBER

23 uocem populi in iis quæ loquuntur tibi. Vtrum hæc adhuc tecū  
 24 faciunt, quasi dominus pbarit illorum causam, quæ autem mox  
 25 sequitur domini uerba, audi. Quia non te reiecerūt, sed me, ne  
 26 regnem super eos. En oraculum Dei, en postulationis impietas.  
 Iulius reieciendo f. a  
 27 Sed si liceret dominum interrogare: si hæc postulatio Regis, fa-  
 28 cta ab iis qui sub sacerdote ante uiuebant sit reiectio Dei, cur er-  
 go domine iubes sacerdotem illis assentiri? huic quæstioni dos-  
 29 minus non uerbo sed re ipsa respondit, ut euentus postea declarauit.  
 30 Voluit enim pænæ loco esse, quod impie postulatum im-  
 31 petrant. Ita enim accidit. iussit autem Deus Samuelem testari,  
 32 ac denunciare populo, quanta incommoda perpassuri essent,  
 33 sub Regum imperio: multo quidem grauiora, q̃ quæ unquam sa-  
 34 cerdotum principatu tulissent. Qua in re cum Dei uocem audis-  
 35 se nollent, sed insisterent Regem petere, concessit eādem iis De-  
 36 us, nō in beneficii, sed pænæ magis, ac supplicii loco, uti Reges  
 37 haberent: quo re ipsa, quando uerbis credere noluerant, experis-  
 38 rentur, q̃ impium facinus consciuissent cum durissima & qualia  
 39 nunquam antea sub sacerdotibus, sub regibus paterentur. Nunc  
 40 uero Sampson, cum uos sacerdotis imperium reiciendo, & in cer-  
 41 uicibus uestris Regem collocādo, Deum ne super uos regnaret  
 42 reiecistis: non ne eodem modo denūciauit Deus, uos multo gra-  
 43 uiora sub Rege esse passuros? Quod si uocem Dei non exaudie-  
 44 batis, at certe uocem omnium bonorum, qui uobis, cum hanc es-  
 45 lam ordiremini, clarissime illud idem testabantur, audire potuis-  
 46 stis, cum sepe impiam istam petitionem uerbis reprimeret. Si au-  
 47 tem ne illorum quidem uocem audire potuistis, at nūc cum De-  
 48 us permisit, ut reiecto sacerdote Rex in eum dignitatis locū in-  
 49 uaderet, non sentitis onus uos sustulisse multo grauius, quam  
 50 unquam sub sacerdote sustinulistis? hic te appello, & reliquos os-  
 51 mneis sacerdotes, qui reiecto Pontificis imperio, Regem uobis  
 52 eius loco præfecistis, dicite tandem, utrius grauius onus uideas-  
 53 tur. Sed hic uos tacetis, ingemiscitis, nihil dicitis, nec enim au-  
 54 detis. Sed nec opus est uerbis, res ipsa per se satis loquitur & ita  
 55 loquitur, ut nemo sit, qui non uideat grauiora uos hoc triennii  
 56 spatio, ex quo uobis Rex præclarum & tantopere expectitum cas-  
 57 put præfuit, perpassos esse, uos grauius ab illo oppressos, quam  
 58 omnibus simul seculis fueritis, cum iam uos Pontifices summam  
 59 potestatem habuerunt. Nam si omnia multorum seculorum onera  
 60 per Pontifices uobis imposita in unum conferantur, ne nimis  
 61 ma quidem ex parte cum ista huius tricennii miseria (nec enim  
 62 aliud

quanto grauius cog-  
 nitatis Angli sub  
 Rege, quam sub sa-  
 cerdotibus Pontificibus  
 passi sint.



aliud nomen tali uitæ conuenire potest) quàm sub Rege petunt  
litis, comparari queant. Cur aut hæc uobis accideret? quia cum  
Pontificis auctoritatem reiecistis, & Regem postulastis, nō uos  
Pōtificem, sed Christum reiecistis. Quod si illa fuit Dei iudicio  
pronunciata impietas, cum Iudæi sacerdotis imperium deserens  
res, sibi Regem poposcerunt, qui tamen nihil, nec præter naturæ  
ius, nec contra Deum aperte petere uidebantur: quāto maior est  
hæc impietas, abrogare summo Pontifici eam potestatem, quæ a  
nullo, nisi a Deo constitui potest, in Regem autem eandem trās  
ferre, cui nec per naturam, nec per legem aliquam, conuenire pos  
test? Iam si illa causa satis grauis non fuit ad Iudæorum, qui im  
perium a sacerdotibus ad Regem transferri uolebant, factū pur  
gandum, q. sacerdotes auari, rapaces, iniusti essent: quāto minus  
uestrum factum excusari poterit in summo Pontifice, si maxime  
pluribus, quàm illi Iudæorum sacerdotes, uitiis redundaret; ut  
uos priuati, potestatem eius a Deo constitutam, eam ob causam  
abrogetis, & ad Regem transferatis? Quare recte in uos prophe  
ta in persona Dei loquens clamat. Væ filii desertores, ut facerēs  
tis concilium, & non ex me, & ordiremini telam, & non per spiri  
tum meum, ut adderetis peccatum super peccatum, qui ambulā  
tis ut descendatis in Aegyptum & os meum non interrogastis,  
sperantes auxilium in fortitudine Pharaonis, habētes fiduciam  
in umbra Aegypti. Hæc ad uos Propheta, quibus adiūgit gra  
ues pœnas, quæ uobis impēdent. Dico autem ad uos hæc uerba  
pertinere, quia nemo pene tam cæco animo est, quin si paulisper  
mentis oculos ad uestra consilia conuerterit, statim uideat, hæc  
omnia uos fecisse, quod ea expectaretis a Rege, quæ a Pharaone  
Rege illi expectabant, quos Deus iis uerbis castigat, quod in  
Pharaone, & in umbra Aegypti spem posuissent. Similia itē iis  
dicitis, quæ illi apud eundem Prophetam eodem loco dicunt. di  
citis enim uidentibus, nolite uidere, & aspicientibus, nolite aspi  
cere, quæ recta sunt: loquimini nobis placentia. Cum ergo in  
omnibus uerba & facta impiorum Iudæorum imitemini, an uos  
speratis easdem pœnas quæ illorū impiis factis sunt a Deo con  
stituta, & eo in loco a Propheta expressæ, umbra Aegypti, & fi  
ducia Pharaonis fregi, posse effugere? Nequaquam sane ita erit,  
quin multo etiam grauiores uos manent, quo grauiora quam il  
li commissistis: quæ quidem Dei iustitia nō potest inulta præter  
mittere. Sed omnia uidelicet suo tempore ad suam gloriam, &  
summam uestram ignominiam ac pœnam facere constituit diu

*Iudei minus quam  
Angli peccauerunt  
transfrendo imperi  
um a sacerdote ad  
Regem.*

„ Hæc.

„

„

„

„

„

„

„

„

„

*Dei nō potest inul  
ta præmittere An  
glorum temeritatē.*

na iustitia. Verum hic adhuc Sampson causam suam defendet, negabit se & suos summo Pontifici auctoritatem abrogasse, nec enim abrogari potuisse, quæ nunquam fuit. nam nullo unquâ tempore Pontificem Ro. potestatem talem habuisse, qualem nos affirmemus: immo uero ne potuisse quidem habere, cum nec Petrus ipse, ex cuius successione omnem suam potestatem Romani Pontifices deriuari uolunt, talem habuerit. Hoc loco si hæc affirmare audebis, nescio utrum impietas tua maior sit, an impudentia futura. Si enim tu negabis Pontificem Romanum, supremi capitis locum in ecclesia tenuisse: at secula loquuntur, non solum præterita, sed etiâ præsentia. Nam ut uos istic omnes hoc negatis, quantulus est uestrarum sententiarum numerus, si cum illorum qui affirmant, comparetur? Quam diu uero est, ex quo ista insula negare hoc cepit, de cuius perpetuo ac constanti in Romano Pontificis auctoritate agnoscenda consensu, non dies, aut anni, sed secula numerantur: cum uix adhuc totum triennii spatium effluerit postquam uobis in mentem uenit contrarium defendere: quod quidem quam ob rem feceritis, ut post tot seculorum obedientiam, Pontificis potestati aduersaremini, quis est qui nesciat? Sed tu ad rationes iam tu respondeam, instas: atque hoc quidem faciam: quanquam tu certe minime dignus es, cui tali in re satisfiat. Sed quia ita sum pollicitus me facturum, tibi morem geram: dummodo illud prius inter nos constet, non continuo siqui muneribus recte ad hominum salutem comparatis peruerse abutantur, ipsa esse tollenda ac repudianda munera: Nec si Pontifex maximus potestate perperam utatur, statim esse tollendam potestatem, quam iure habere demonstratur: quemadmodum nec potestatem sacerdotis in iudicando Deus uoluit in alium transferri, quod ea potestate aliqui ad questum atque ad libidinem abuterentur. Hoc si mihi concesseris, ad argumenta tua soluenda statim accedam. In hoc uero eo magis te urgeo, quod hinc fere omnes qui aduersus Pontificis potestatem dicunt, aut scribunt, ordiuntur, has tenebras hominum simpliciorum animis offundunt: uitia quorundam Pontificum proponunt, in quæ cum iusto odio hominum animi ferri soleant, imprudentes eo delabuntur, ut potestatem conuicant, quæ illis improbis peccandi licentiam fecisse uideatur. Legi enim nuper librum lingua nostra patria in hanc sententiam scriptum, ut simplicioribus ex populo persuaderetur, hanc quam Romano Pontifici tribueret multis ex seculis soliti essent, obedientiam, denegandam esse:

Ad

*Romano Pontifici  
proxi ex his locum  
venerat ecclesie  
conferre uoluit  
fuit, horum.*

*An dia superint ne  
gare caput.*

*Non est tollenda po  
testas, nisi bonum  
eo male utatur.*

*Taceat autem sua  
insulam locis in gli  
ce corripit, qui ne  
pie colligat Pontifi  
cis Ro. Christi uita  
nos esse non potuisse  
qui non uicti fuisse  
fuit.*

Ad quod persuadendū hanc author ille quisquis fuit (nec enim suum tam prælaro operi nomen adscripserat) rationem inlittuit. Primum malorum omnium Pontificum, quos nominatim etiā appellat, peruersos ac uiciosos mores colligit; de bonis uerbum nullum facit. Deinde postquam longa serie eorum Pontificum nomina, qui male se in Pontificatu gessisse uideantur, una cum ipsorum uitis recitauit; tum deniq; populo suam ignorantiam exprobrat, qui tot sæculis nescierit quibus obediendum esset, cum eiusmodi Pontificibus tanquam Christi uicariis obediret. Tum autem interrogat, an quisquam sanus eos homines pro Christi uicariis acciperet, Quos nemo nō prorsus dissolutus paterfamilias, in suam domū infimi ministri loco admitteret. Sed tamen hic indulgenter agit, errorem ignorationemq; populi excusat, quod illi sanctis se uiris, qui Christi personam referrent, obedire putabant. Ac tandem ita concludit, cum iam a se reuelati eorum mores sint & explicata uita, quæ adhuc quasi quodam ignorationis inuolucro recta latuerit: si nihilominus in obediendo perseuerent, nullum postea excusationi locum fore. grauissimè enim eos in Deum peccaturos esse, si postea quā quales sint; ex scelerata eorum uita nouerint, adhuc tamē illis tanquam Dei uicariis, & eius personam referentibus, obedientiā præstare pergant. Quid enim eos contumeliosius in Christum, qui est ipsa sanctitas, & ueritas, facere posse, quā existimare homines omni genere flagitiorum redundantes, eius personā referre? Hæc erat summa illius libri, in quo cum author illum scopum sibi proposuisset, ut populum deciperet, & a iusta obedientia Romani Pontificis abduceret, eam quæ facillima uidebatur populo imponendi rationem excogitauit; cum nunquam fere populus quid inter potestatem & hominē interfit, distinguere possit: sed magna ex parte, propter hominum potestate præue abutentium uitia, potestatem ipsam odio habeat. Quod si hoc modo agere cum populo liceat, Quis iam Rex suo in regno tutus, quis status stabilis erit? Quis eam dubitare potest, si Regū qui male abusi sunt potestate, libidines, cædes, onera grauiā populo imposita, omni in genere spoliationes, ac rapinæ, longa serie populis ante oculos proponeretur, q̄ non difficile esset, eos non in hominum solum, qui regio munere fungantur, sed in ipsius etiā regii status odium adducere, ut etiam ipsum Regis nomen quasi pestem horrent; cuius rei exēplum clarissimum apud Romanos habemus. qui propter unius, aut alterius Regis paulo licentiosius actam

G

*Neotericus scriptores  
in Anglia decipiunt  
populum.*

*Populus nescit quid  
inter potestatem &  
hominem inter sit.*

*Si propter abusus tol-  
lenda esset potestas, nul-  
lus Rex in suo re-  
gno tutus erit.*

*Regis nomen Romæ  
nisi olim inuisum.*

## LIBER

*Exigit a Sampſone  
ut inter poſtatem  
& hominem aliquid  
diſcrimen ſtatuat.*

uitam, cum ſuperiores omnes reipublicæ utiliſſimi fuiſſent, una cum hominibus regnum ipſum reiecerunt, & totum reipublicæ ſuæ ſtatum commurarunt. Ac tales quidem libri nunc in prærio habentur, ut per hos populus decipiat, quo magis hoc a te Sampſon homine nequaquam ſimplici, qui facilius decipere q̃ decipi poſſis, nunc exigo, ut inter hominem & poteſtatem diſcrimē aliq̃ quod ſtatuī patriaris; ut ſupra uulguſ re ſapere hac ſaltem in re oſtendas, neue eadem ſententiā, qua tu hominē poteſtate pro peccandi licentiā abutentem cōdemnes, etiam poteſtatem ipſam tollendam cenſeas. Quod enim homines prauē poteſtate abutātur, id ab hominum malitiā ꝑficiſcitur, quæ iure ſane damnatur. Poſteſtas uero ipſa a Deo eſt, & proinde bona: quam nemo niſi impius, niſi qui Deum ipſum regnantem, & poteſtates quibus uult diſtribuentem, reiicit, condēnare poſſit. Sed ſi hoc a te pro te ipſo impetrare non poſſum, ut impia ac nefaria ſententiā deſiſtas, ac certe hoc ab omnibus qui & pii & æqui auditores eſſe uolūt, Petri cauſa peto, nec quin impetrem dubito, ut ſemel ſtatuant, quæ tu uerba Petro conrumelioſa in ſummum ſacerdotem ipſius ſucceſſorem affixiſti: ea minime omnium eius perſonæ conuenire poſſe, a qua ſunt certe alieniſſima, præſertim cum eadem illa uerba non ſolum ad eius hominis contumeliā pertineant, cui maſledicere nullo modo liceat; ſed multo magis ad eccleſiæ ſtatuſ permutationem, cuius Chriſtus ipſe ſolus author fuit. id quod poſtea clariuſ ut ſpero, uidebimus. & nunc adeo, utcunq; tu diſſentias, uidere licet, nullum meliorem in rebus humanis, nec in uniuerſa rerum natura conſtitui poſſe. Quis enim ſtatu� melior excogitari potuit eo quem in ipſa rerum natura, cū ſumma pulcherrimi ordinis admiratiōe animaduertimus: ut ultima per media, media per ſuperiora, quaſi per gradus quodã, omnia ad uniuſ regimen ac gubernationem perducantur? An non hic ſtatuſ, hic ordo eſt pulcherrimuſ? Age enim, ratio humana, cum nauſra duce, ſuam ſalutem, & ſuam perpetuitatem quaereret cum ciuitates conderet, gubernatores præficeret, ordinem inſtitueret, an meliorem unquam ordinem excogitare potuit, quam ut infima plebs per magiſtratu� medios, illi uero per ſuperiores, tandem uero omnes uniuſ ſummi imperio regerentur? Sed quid? cum in cælo (ut per diuinos ſcriptores nobis eſt reuelatum) idē ordo ſit quem in natura deſcriptum ratio etiam imitatur, ut infimi angelorum ordineſ per ſuperiores, illi uero per archāgelos omneſ autem in uniuſ Dei gubernatione ꝑficiantur; ſi is qui hac ſam cernit

*quod Petruſ ſe ad  
uſiceret, nequē dem  
naret cum ſtatu� atq;  
ordinem, qui in eccle  
ſia ſeruantur.*

cernit Petrus, in terras delabere, ut ecclesia statim consideraret, cuius Deus ipse author fuit, in qua diuinorum bonorum dispensatores posuit, qui diuinum exemplar semper inueneretur; & in ea plebem per sacerdotes, illos per episcopos regi, animaduertenter, quibus episcopis praeesse archiepiscopos, tandem uero hos etiam sub unius, qui Dei personam gereret potestatem redactos uideret: an ille hunc ordinem, quem natura tanquam pulcherrimum nobis primo proposuit, post autem ratio humana, ut perfectissimum, eo quo potuit modo, semper conata est exprimere: quo denique diuina reuelante gratia, nihil ne cogitari quidem posse pulchrius cognouimus, cum illius, quod in exlo est, pulcherrimi & absolutissimi exemplaris speciem quamdam habeat: nunc tandem propter unius & alterius hominis minus ordinatam uitam, rollendum cesseret. Quis hoc de Petro cogitare posset? quis, nisi impius, hoc eius sanctissimae personae tribuere praesertim cum de illo, qui supremum locum teneat in hoc ecclesiae statu, siue probus is, siue improbus sit, hoc omnes norint, non hominem, sed Christi in homine personam honore affici. Quod si Petrus hominem minus probum eo in loco sedentem uideret, cuius tamen improbitate ecclesia nihil moueretur, quo minus Christi in eo personam agnosceret; quae quidem etiam si is homo optimus esset, non hominis bonitatem, sed Christum ipsum ueneraretur: si inquam nec improbitate nec improbitate ullius hominis moueri ecclesiam uideret, quo magis minusue in eo, qui supremum locum in ipsa haberet, Christi personam eoleret: Quid hic de Petro est exilium mandum? An multitudinem illum ecclesiae reuocaturum esse, ab hac tanta & tam constanti uoluntate huius uni obediendi, qui Christi locum teneret: & non potius Deo gloriam daturum, & ecclesiae ipsi summo opere gratulaturum, de hac tanta in Christo uenerando constantia praesertim cum uideret non plebem tantum in ecclesia, sed & Principes huius mundi Reges atque Imperatores, ad quorum tribunalia olim qui Christi nomen profitebantur, omnibus probris, & omni suppliciorum genere affici solebant; uic eosdem ad tantam Christi obseruantiam ac cultum deuenisse, ut non solum fasces suos iis hominibus, qui Christi personam sustinerent, ultro summitterent, sed quod in primis admirandum sit, pedes etiam illorum libenter & euipide oscularentur: ac qualescunque ii essent probi improbi ue hoc semper dicere, non tibi, sed Christo; Quanto tandem hae conspicientis Petri animus gaudio completeretur? Cuius uoces, quas tum ea uidens mitteret, si quis probabili aliquo orationis genere imitari uellet, quanto is

*Ordo qui in ecclesia  
teneatur, ecclesiae ex  
emplum imitatur.*

*quod Petrus uisceribus  
ecclesiae statu ac ordi  
ne, gaudeat.*

*Christi persona in Petro  
office Rom. cultatur.*

*Non uni, sed Christo  
Hic.*

## LIBER

Quid distaret sit Pe-  
trus sit hinc ecclesie  
flatione ordinis vi-  
deret.

uerisimilius faceret, si eundem illi sermonem tribueret, quæ Christo nuper nato Angelis exultantes cecinerunt, cum dicerent, Gloria in excelsis Deo, & in terra pax hominibus. Eum namque ille hymnum potius caneret; quàm aliquid de hoc pulcherrimo ordine, in quo tum Christi honos, cum pax etiam, & tranquillitas humani generi continetur, immutandum censeret. Quo enim modo afficeretur, si tot nationes ad unum, qui Christi loco esset, potestatem agnoscendam tanta animorum alacritate ac cōfensione conflueret, & in iis Reges etiā ipsos, a quibus antea christianum nomen maxime oppugnabatur, omne honoris genus deferre: & quos urbibus, quos castris, omniq; commercio hominum antea excluderant, quos deniq; omni genere suppliciorum persequerentur, eosdem nunc non in ciuitates solum recipere, ac resuocare, sed illis ciuitates subicere; atque adeo imperium cum illis partiri: sic autē in omni honoris genere sibi præferre, ut et honoris loco haberet se per Christum ad illorum pedes osculandos peruenire. Certe quid hic Petrus diceret, quo pacto afficeret, clarissime testatur is, qui de omnibus, quæ ecclesiæ acciderunt, uaticinatus est, Esaïas, cum dicit. Et uenient ad te curui filii eorum, qui te humiliauerunt, & adorabunt uestigia pedum tuorum, omnes qui detrahebant tibi uocabunt te ciuitatem domini Syon, sancti Israel pro eo quod fuisti derelicta, & odio habita, & non erat qui per te transiret, ponam te in superbiam seculorum, gaudium in generationem, & generationem, Et suges lac gentium, & mamilla Regum lactaberis. & scies quia ego dominus saluans te. Hæc omnia ab Esaïa de futura ecclesiæ prædicta sunt, quæ nos accidisse cernimus. Quod si eadem hæc Petrus uideret, quo nam alio modo afficeretur, quam quo Esaïas eodē loco, omnes qui hæc aspicerent, & opus domini agnoscerent, affectum iri significauit, cum dixit, Tunc mirabitur, & dilatabitur cor tuum, quando conuersa ad te fuerit fortitudo maris, & multitudo gentium, & dabis gloriam Deo, Hæc quidem iam non tantū uerisimiliter, sed uerissime tribui Petro possunt ac debent, quæ diceret, si reuisceret, atq; hunc qui nunc est in ecclesia statum uideret; quemadmodum quidem de cælo nunc uidere, & ut perpetuo ad Dei gloriam cōseruetur, una cum Angelis Dei orare credendum est. Quæ autem Sampson fingit, cum summi sacerdotis maxime contumelia ac status labefactione, ea non solū ita falsa sunt, ut ne ullam quidem uerisimilitudinem habeant, sed a persona quoq; Petri, uiri apostolici, & sanctissimi, ita aliena, ut maxime

*Ibidem.*

xime etiā repugnent. Quod si adhuc dubitamus, & Petrus ipsum loquentem de iis rebus audire uolumus, haud erit istud factū difficile. scripta enim cum eius, tum Pauli etiā, quorum quidem una semper sententiā fuit, habemus, quæ facile hanc dubitationē expedire possint, & claram Petri sententiā declarare, maxime contra illud fundamentum Sampsonis, quia Pontifices aliqui mali sint, qui hominum opinione Christi locum teneant, Ideo successores Petri non esse, ideo illis non esse obediendum. huc enim nidelicet tota Sampsonis prosopopœia spectat. Faciamus ergo nosmetipsos familiares Petro, exemplo Sampsonis: haecenus tamen, ut nihil illi ipsius persona indignum, quod facit Sampson, tribuamus: sed tantum ut cum interrogemus, atque ex suis ipsum uerbis & epistolis respondentem inducamus. Sic ergo alloquemur, cum locum Petri de obedientia præstanda Regibus alienis a professione Christi habeamus. Añ tandem sanctissime Petre christianos homines, quanquam omnium maxime liberos, Regibus a religione alienis obedire debere? Añ, inquit Petrus, hæc enim est uoluntas Dei, a quo constituti sunt in uindictam malefactorum, laudem uero bonorum. Recte hoc quidem sanctissime Petre, audio Dei imperium, audio; & ualde nunc assentior, illis obediendum esse, quia Deus ita uelit, qui eos constituerit, ut malos poena, laude bonos afficerent. Sed quid si contra faciant, id est ut ignominia & poena bonos afficiant, honores autem omnes in malos conferant? an sic etiā obediendum illis erit, quia hæc sit uoluntas Dei? Obediendum sane, inquit, hæc est enim gratia apud Deum, si propter Dei consciētiam, sustinet quis tristitiam, patiens iniuste. Quæ est enim gratia si peccātes colaphizati suffertis? Sed si benefaciētes sustinetis, hæc est gratia apud Deum. Haecenus opinor satis aperta sententiā Petri est, uerum adhuc tertiā quæstio existit: qua soluta omnis dubitatio, de eo quod præcipue ex Petro scire uolumus, sublata erit. ea autem est huiusmodi. Quoniam dicis sanctissime Petre, Regibus in potestate constitutis, Regibus prophanis, etiā si potestate non recte utantur, etiā si a religione christiana alieni sint, tamen obediendum esse: quid si ad Tyrāni alicuius potestatem accedat etiā religio, ita ut non iam ethnicus sit, sed christianus; ut quod ad religionem attinet, neminem quia se christianum profiteatur, oppugnet, sed contra in eos, qui quoquo modo religionem uiolēt, semper sit paratus seuerè animaduertere, etiā ne huic Petre parendum censet? Quis hic nunc pro Petro respondebit? ucc enim

*Sicutus prosopopœia  
Sampsonis.*

*” i. Pet. ii.*

*”*

*”*

*”*

*”*

*” Ex Petri sententiā  
colligi Romano Pō  
tifici obediendum esse  
præstandum.*

## LIBER

ulla illius expressa uerba extant, quæ ad hanc quæstionem nobis satisfacere uideantur. Verum an non satis aperte, ex iis ipsis quæ iam citauimus, Petri uerbis, quid ipse responsurus esset elici potest? Si enim Tyranno non solum a religione alieno, sed oppugnant religionem, tamē in iis quæ illius potestati sunt subiecta, obediendum esse propter potestatem censet, quis non facile ex hac ipsius sententia colligat, si Tyrannus nomen Christi profiteatur, & in eos qui a religione desciscant, acerbe uindictæ, ut maxime in reliquis Tyrannum se præstet, ei tamen de Petri sententia parendum esset de hoc plane nemo, quæ Petri futura sit sententia, dubitare potest. Nunc ergo Princeps a te peto, ut ne gratis hoc mihi unum respondere, equem hominem tui Pontificis Romanum esse dicant. certe cum omnia probra in illius uis tam congerunt, ut maxime ita libidini suæ satisfaciant, nihil contumeliosius dicere possunt in malum Pontificem, quam Tyrannum eum esse, religionem Christi profiteantem, in alios ut quisque, quippiam contra religionem commiserit, acerbe uindicantem. ipsum nulla ex parte tam obseruantem. Quid ergo? tali ne obediens erimus? quid hic dicit Petrus? profecto de tali non loquitur; sed etiam si alienus a religione Tyrannus esset, si religionem etiam oppugnaret, tamen huic obediendum censet, quanto igitur magis, si is religionem profiteatur, & in nullos seuerius animaduertat, quam in hæreticos, & eos qui deficiant a religione, obedientiam illi præstandam esse ex Petri sententia concludere possumus; quod si hoc uere concludere, etiam ita Petrum, si rogetur, responsurum asseuerare. Non ergo sanctissime Petre, tu si ades, in Pontificem summum; ut maxime Tyrannus esset, illa tam contumeliosa uerba iaceres, quæ Sampson a te dicta fingit. neque tua uerba esse possent, si summum Pontificem alloquereris. O impostorem, arrogantem, superbum, Sampsonis illa potius sunt, de quo nunc dici potest, ut angelus Sathanæ se transfigurare solet in angelum lucis, quo simpliciores animas decipiat, ita hunc Sathanæ filium, ut plebi christianæ imponat, maximi apostolorum personam sumpsisse, & eius uerba ementitum esse. Impostorem ergo maximum si quis Sampsonem uocaret, si superbum, si arrogantem, qui sanctissimo apostolo ea uerba affingat, quæ nunquam Apostolus dicturus esset, quis non merito & uere in eum retorqueri iudicaret, quæ ille falso & impie sub Petri persona in Ro. Pontificem loquitur? An non omnes nos Angli qui non tam patritæ, quam gregis illius Christianorum, qui in patria est, salutis fauimus,

iii. Cor. xi.

*Sampson maximus  
impostor est, qui se  
ipsum pro apostolo se  
fuit.*



mus, in te tanquam in maximum impostorem, inuehi possemus? quibus tantas coneris tenebras offundere, ut bonorum Pontificum, & qui maxime Reipublicæ Christianæ fuere utiles, nominis suppressum, pessimum uero quæque seligens, ita paucorum uicariis ante oculos propositis, ab omnium obedientia Pontificum abducas; quam optimus quisque, quam reliqua pars christiani nominis maxime agnoscit: ut quæ natio (quod tu te ipse ex historiis citas) hanc prærogatiuam a Christo habuerit, ut prima omnium prouinciarum publico consilio fidem ab Eleutherio Pontifice Romano susciperet, prima publico consilio obedientiam uicario Christi præstaret, ea nunc reliquis omnibus in fide & officio post tot sæcula manentibus, sola obedientiam exuat, te secus ea authorem, uel potius tuis elusa imposturis, qui paucorum uicariis ante oculos propositis, tãquam nulli unquam boni fuissent, tanquam nemini unquam uni authoritas data fuisset, omnes in odium uocas, & omnem Christi uicarii auctoritatem tollis. An non sic apostolatam etiam ipsum tolleres, si ludæ tantum mentio nem faciens, cæterorum nominibus & uirtutibus silentio inuolutis, eius prodicionem scelusque in dominum narrares? An non uel hoc uno facto te cum Iuda ipso de sceleris magnitudine certare ostendis; qui, ut ille Christum dominum principibus sacerdotum, sic uicarium Christi, & cum eo sacerdotes omnes, Principibus & Regibus prodidis; quo sane uno facinore ecclesiam uniuersam prodidis, & quãtum in te est, euerdis: dum per eiusmodi cuniculos illius fundamenta, in quibus ipsa tanquam præclarissimum a Christo erectum ædificium innititur: primo lapide emoto, subruere conaris, sicque maxime Christum authorem & dominum prodidis. An hoc meliorem tuam esse conditionem quàm ludæ, existimas, quod ille triginta tantum argenteis nummis Christum uendidit: tu autem multorum talentorum annuum uectigal quasi mercedem pactus, quod ex episcopatu Noruicensi tibi ante aliquot annos a Rege promisso, ut omnes nouimus, expectas, simile facinus aggredieris? Quis enim eorum qui te norunt, hoc nescit, te qui a teea semper ueterum ecclesiæ rituum ac consuetudinibus studium profiteri soles, nunc repente mutatum esse, ut Regi ad omnia assentireris contra ecclesiæ leges, non aliam ob causam quam quod ita semel statueras, nusquam contra eius uoluntatem uenire, a quo tam opimum episcopatum quasi prædam expectares? Quem tuum affectum postea gladii etiã Regii timor, ita & confirmauit & auxit, ut non dubitares primo uicariũ ipsum

*Samson bonus Pontifices silentio præterit.*

*Anglicanorum ab Eleutherio publicè acceptum.*

*Vt Iudas Christi, sic Samson Christi vicarium, per quos in proditi sed ipse maioris res quæstus.*

*Samson Noruicem si. episcopus antea ha. sed postea obus Ro. Cisterciensi concessus fuit.*

## LIBER

Christi tantummodo, quia Rex (ut tu te ipse scribis) ita iussisset, omni honore spoliare. Deinde ecclesiam uniuersam seruam ex libera constitutam, eius hominis potestati atque imperio subiacere, cuius in maximis laudibus, optimi cuiusque iudicio, numerari posset, si quomodo ipsius maiores semper fecerunt, ab ecclesiae more & instituto nunquam deficeret, sed potius quam obedientissimum se se Christi uicario ad omnia praeberet, quae is pro potestatis & loci, quem tenet, iure praeceperet. Sed quantum impietatis in tua ista proditione delitescat, longum esset explicare. nunc hoc tantum de Petro attingam, cui tu homo impius impii personam imposuisti, cum illum fecisti in sacerdotem domini omnia probra iacentem: post uero etiam in se ipsum contumeliosum, qui hoc illi tribueris, ut potestate sibi a Deo tradita se spoliaret, iterumque Christum negaret, non ad uocem iam ancillulae, sed ad Regii gladii terrorem. Quid enim aliud faceret si munus & officium sibi a Christo commissum ipse post tot secula, quibus id Christus successoribus eius confirmauit, & omnibus manifestum fecit, ne datum quidem omnino (ut tu eum loquentem inducis) confiteretur, & ad gladium nunc Regis, quem tu ubique in tuo libro stringis in omnes, qui audeant uobiscum non sentire, pauidus ut olim ad uocem ancillulae, negaret illud quod ipsi Christum dedisse constet? Sed relinquamus nunc impie abs te facta ac dicta; & eo potius ueniamus, ut quibus machinis tantam potestatem in Petro demoliri studeas, cognoscamus. Sed satis aperta sunt. statim enim sine ullo apparatu, tanquam res leuissima esset, ita aggredieris. Nihil minus, inquit, sibi arrogauit Petrus, quam eiusmodi prius matum, quem exercuit nunquam. ideo non exercuit, quia nunquam accepit. Haec tua sunt ualida scilicet argumenta. Sic enim incipis Petri auctoritatem oppugnare, negas eum sibi illam arrogasse. Quid autem tu intelligas per uerbum arrogare, nescio. si hoc intelligis, quod uerbum ipsum apud Latinos sonat, eam auctoritatem sibi Petrum nunquam sumpsisse, nunquam authorem sibi huius potestatis fuisse, quemadmodum contra de Rege dici potest, sibi eum hanc potestatem arrogasse, quam nullo iure, nullo exemplo, primus omnium Regum sumpserit, non ab alio traditam, sed alii potius, qui iure eam haberet, ereptam: equidem tibi hoc ualde assentior, Petrum nunquam hanc sibi auctoritatem arrogasse. Sed quod adiungis, ideo non exercuit, quia nunquam accepit, in hoc iam non solum false, sed etiam impie loqueris. Accipit enim ab eo, qui maxime dare potuit, cui rei testimonio sunt, auctoritas

*Serpsio fuit Petri  
transitorum negare  
Christum metu gladii  
regis.*

*Serpsio regium gladii  
dicitur: sibi uero in suo li-  
bro strinxit.*

*Serpsio uerba.* „  
„

*Arrogare.*

*Rex Henricus ponti-  
ficem sui potestatem  
arrogauit.*

authoritas ecclesiæ, authoritas scripturarum, authoritas omnium sanctorum & doctorum uirorum, quot quot de iis rebus aut scripserunt, aut dixerunt; quibus quidem euentus ipse rei tot iam seculis, quot a Petro ad nostram ætatem numerantur, mirifice consentit. Verum tu ut probes illum non accepisse, inde ordiris, ut prius doceas non exercuisse; ad quod probandum abuteris quibusdam scripturæ testimoniis. Nos autem alium ordinem sequemur. Primum enim ostendemus eum accepisse. ac tum, qui uirum bonum eum fuisse confiteatur, dubitare non poterit, quin etiam exercuerit, ut ego nihil præterea dicerem. Sed hoc etiam ut spero, apertum faciemus. Incipiemus autem ab eo loco scripturæ, quem tu quia uis uideri nihil ad rem facere, contemptim citas, cum tamen ecclesia inter præcipuos locos, quibus sententiam suam confirmat, asserre illum soleat. Sed tu, scilicet ut hac arte simpliciorum animos facilius caperes: quasi leuiorem aliquam, ac nullius fere momenti authoritatem reiceret, quam ecclesia grauissimam, & maximi poderis iudicat; sic disputationem ordiris. Neque, inquis, ad rem pertinet, quod Petro loqueretur Christus; in euangelio, dicens. Ego dico tibi tu es Petrus, & super hanc petram ædificabo ecclesiam meam. An ad rem pertineat iam ut spero, uidebimus, & tu in primis Princeps uidebis clarissime: si modo hoc a te impetrari patieris, ut recto animo ac iudicio, utranque partem audias. Quanquam autem plura, & maioris ponderis sunt, quæ te ut in hanc potius quam defendimus, partem propèdeas, merito mouere debent, tamen hoc non peto: tantum peto, ut te, quantum fieri potest, æquum utrique tatisper dum utriusque rationum momenta expenduntur præbeas; neque quicquam mihi concedas, nisi quod tuo ipsius iudicio ratio probauerit. Multum quidem nunc uideor de iure meo remittere, qui tuo iudicio id quod dicturus sum, permittam, cum te alienissimum a mea sententia palam ostendas. Sed ita causæ confido, ut nullius, qui non se apertè te hostem ueritatis profiteri uelit, iudicio possim diffidere. Quare nunc Princeps, ausculta, hoc uero primum, quoniam aduersarius negat super Petrum ecclesiam Christum ædificasse, ut saltè ecclesiam a Christo ædificatam esse mihi concedat, postulo. At hoc nunquam negabit Sampson. Verum qui non negat, scit ne ipse quid sit ecclesia? scit ne, quid sit ecclesiam ædificare? Certe si ex libro eius iudicare licet: neutrum se horum scire ostendit. ut autem hæc a te Princeps, ad cuius iudicii equitatem prouocaui, intelligatur; tibi ipsa adumbrare conabor, nam explicare maiors

Petrus a Christo pō  
tissimum authoritatē  
accepit.

„ Sæpserunt uerba.

„

„

Regis iudicio punitur,  
tit, quod distulit.

Sampson uideatur ne  
scire quid sit ecclesia

## LIBER

ris esset operis. Atque hoc modo facillime, quid per ecclesiam significetur, intelliges, si tuum ipsius munus quale sit, intellexeris; hoc est si quid sit regnum, aut etiam ciuitas quæ unius imperio regitur, cognoueris. umbra enim & tanquam pictura ecclesiæ regnum & ciuitas sunt, quæ ecclesiam non aliter exprimunt, quam imago a bono artifice depicta ueram corporis effigiem referrer.

*Ciuitas pictura ecclesie.*

Sed ne nomina nos perturbent, dicamus ecclesiæ picturam esse ciuitatem, & nihil aliud huic inirio addamus. nunc autem aduertamus, quid primum in hac pictura nobis occurrat, quid autem prius se nostris oculis in ciuitate offert, quæ congregatio multitudinis? Atqui non omnis congregatio multitudinis ciuitatem facit. addamus ergo illud quod eam multitudinem ciuile reddit: & dicamus, ciuitatem multitudinem hominum esse iure & legibus congregatam. Sed nondum ciuitatem uidemus, nisi modum etiam quo gubernetur, uideamus. Quare hoc adiungamus, quando ciuitatem regalem describimus, ut dicamus, multitudinem esse iure & legibus congregatam, quæ unius imperio pareat. Verum ne sic quidem satis perspicimus talem ciuitatem, nisi etiam quare & quem ad finem consequendum hæc multitudo iure sit, & legibus sub unius imperio congregata, uideamus. At hoc profecto obsecurum non est, eo consilio homines certo iure ac legibus sub unius potestate conuenisse, quo hanc quæ secundum naturam est, uitam commodius degerent: ut necessitatibus primum naturæ, deinde commoditati etiam uitæ subuenirent. En tibi ciuitatis adumbratam imaginem: quæ quidem ecclesiam tanquam exemplar exprimit. hoc uero ita se habere cognoscemus, si ad ipsam ecclesiam mentis oculos conuerterimus, in qua eodem modo hominum multitudo nobis occurrit: multitudo autem iure & legibus congregata. Sed quid nunc inter utranque interest, ut ab imagine exemplar distinguatur? Hoc scilicet, quod in illa leges humanæ, humana ratione inuentæ, multitudinem continent; hic in ecclesia, leges itidem, at hæc non humanæ, sed diuinæ, & per spiritum Dei conditæ, congregationem continent. Et quoniam ciuitati regali similem ecclesiam dicimus, hoc etiam in ecclesia maxime spectatur, quam Propheta appellat ciuitatem Regis magni. Sed quem ad finem adipiscendum utrobique congregata sit multitudo, non est omittendum. Ac ciuitatis quidem, quæ regia potestate continetur, finem iam diximus: & si idem, quo apertius intelligatur, uidetur repetendum. Dicimus ergo, ciuitates quæ legibus humanis sub Regum imperio uiuunt, eundem finem propositum habere,

*Ciuitas regalis.*

*quid inter ecclesiam & ciuitatem intersit.*

*Phil. xlviii.*

*Finit ciuitatis.*

habere, quem<sup>us</sup> populus ipse Israel secundum carnem spectauit: cui leges obseruanti Deus ita per Prophetam promissit. Si hæc feceritis, bona terræ comedetis, hoc idem omnibus secundum leges naturæ, quas recta ratio dicat, uiuentibus Deus promissit, fore inquam ut ipsi bona terræ comederent. Huc pertinent omnes illæ, ut scriptura appellat, benedictiones, quas Deus ore Moyſis populo Iudaico legem obseruanti promissit, liberorum procreantionem, fructuum ex agris & pecore prouentum, ac reliqua quæ in benedictionibus Moyſis continerentur; in quibus quidem nihil aliud explicatur, præter terræ bona. At nunc in ecclesia quid dicemus? Quid spectat illa multitudo quid sperant obseruantes leges Dei, leges spiritus, qui sub Deo Rege congregati sunt? quid aliud, quàm bona cælestia & diuina? quibus per Prophetam Deus ita promittit, luebrabo sacerdotes pinguedine, & populus meus bonis meis implebitur. Vt ergo fruatur bonis diuinis, homines in ecclesiam conueniunt. Id quod eodem in loco Prophetam magis explicat, de futura ecclesia loquens. Et confluet inquit ad bona domini, super frumeto, uino, & oleo, & fœtu pecorum & armentorum, eritque anima eorum quasi hortus irriguus. Vt ergo animi bona, non corporis neque externa consequantur, homines se ipsos legibus diuinis subiiciunt, & in ecclesiam conueniunt. Quod si adhuc uno uerbo explicare uolumus, quid spectet multitudo in ecclesia: dicimus, ut Deo fruantur, in quo omnia bona continentur, propter quæ reliqua omnia parui faciunt, & libenter reiciunt. Quod autem Abrahamo munera Regum in præda diuina dedita recusanti, dixit Deus, noli timere Abraham, Ego enim ero merces tua magna nimis: idem dicit Deus omnibus munera illa quæ per Reges in ciuitate terrestri dari possunt reiciuntibus: cuius est merces magna nimis. Hanc mercedem magnam nimis, tum Deus ipsi Abrahamo plene persoluit, cum ex semine eius filium suum nasci uoluit, quem ecclesia primum agnoscit condicorem, per cuius spiritum perpetuo regitur: quo denique ut fruatur, tanquam bonorum omnium summa, omnes qui in ecclesia sunt, nihil laborum ac molestiarum pati recusant. hæc illis beata spes est, & longe felicissima expectatio. Inuenimus igitur uerum illum, quem unum semper spectat ecclesia, finem, hic autem est Christus, est Deus ipse. inuenimus etiam id, quod omnia ad hunc finem pertinentia comprehendit, continet, ac regit, id est spiritum Dei, spiritum Christi, qui regit ecclesiam, ut prudentia humana ciuitatem uel regnum. In hoc quoque, ut spero, nulla mihi cum Sam

.. *Isa. l.**Deut. xxviii.**Emi ecclesie.*.. *Hier. xxxi.*

..

..

..

..

.. *Gen. xv.**Spiritus Dei regit ecclesiam.*



uocē architecti audire potes, nulla fragilitas timenda est. Quod si uereris ut possit facere, ille idem est qui omnia ex nihilo fecit; cuius dixisse, fecisse est: quem nūc cum audis dixisse Simonem Bariona esse Petrum, existimato iam factum esse, iam Simonem esse Petrum, ex fragili fundamento stabile effectum, super quod si ecclesia funderetur, non amplius timendum sit, ne uenti aut fluiui irruentes ædificium evertant. Non enim iam super harenam, nō super Simonem, sed super Petrum est fundata, de quo si adhuc dubitabis, architecti tantum potentiam considera; quem si uides eundem, qui uerbo omnia creauit, quid iam te terret? num abbreviata est manus domini, ut non possit conseruare quantumuis fragile opus, & perpetuum facere, qui ex nihilo fecerit quæ semper duratura essent? Quod si de potentia certus, cum uideas cum omnia posse, dubites an uelit: possumusne certius argumentum illius uoluntatis habere, quā q̃ ecclesia hoc dicit? illa ecclesia Sampson, quam Prophetarum uerbis pauloante ostendimus semper regi spiritu Dei, ut ciuitates spiritu hominum, prudentia humana illa inquam ecclesia, cui ita Deus patefecit, uoluntatem suam, ut per Prophetam, hoc ei nomen dare uoluerit, cum dicit, Nouū nomen dabo, non amplius uocaberis derelicta sed uocaberis uoluntas mea in ea. Ab ea ergo exquiramus uoluntatem Dei. Sed quid opus est exquiramus? uide ecclesiæ consuetudinem. Si Dei uoluntas declaratur in ecclesia, ubi hæc intelligi melius potest, q̃ in consuetudine ecclesiæ? Interroga ergo patrem tuum, & dicet tibi: maiores tuos, & dicent tibi. hanc consuetudinem profecerent, & dicent Petrum a Christo accepisse Christi in terris locū, locum capitis in ecclesia: cui qui succedant Romani Pontifices, eundem locum teneant. At qui huius te antiquissimæ consuetudinis minime ignarum ostendis, cum ipse protuleris mille annis antiquiorem Regis Britannorum historiam, qui ad Pontificem Romanum miserit, ut ab eo fidei christianæ dogmata acciperet. Si nihil is putabat amplius authoritatis esse in Romano Pontifice, quam quantum esset in aliis: quid opus erat tam longe mittere? an nulli erant episcopi propinquiore? At certe negari non potest in Galii fuisse ab ipsis apostolorum temporibus. Quid ergo opus fuit Romam tam longe mittere, nisi illic Petri successorem esse sciret, quem ecclesia Christi in terris uicarium agnosceret? A quo autem postea, cum in Britannia barbarorum infestationibus fides intercidisset, iterum est renouata, nisi a successore Petri, Gregorio episcopo Romano, qui Augustinum illuc

11 *Ep. I.*11 *Ep. I. an.*11 *Ecclesia uocatur uoluntas Dei in ea.*11 *Dom. Alex.*

11

11 *Car. Luitius rex Anglorum ab Eluclerio Rom. Pontifice fide accepit postquam ab episcopo Gallicæ.*11 *Fides in Angliam introducta uia per Gregorium.*

## LIBER

docendi causa misit? Sed hæc consuetudinis exempla neminem esse dices qui non nota habeat: re autem scire uelle, unde nā primum huiusmodi cōsuetudo irrepserit. a quo igitur scire hoc uis Sampson? a quo potius quam ab ecclesiā illa uero nihil aliud dicit, nisi traditam per manus ab ipsis usq; Christi & apostolorum temporibus. At tu dices rem non ita se habere, quid ergo? nō credis ecclesiæ? Ita sane ipsa catholica tradit. Verum tu scripta exi-  
gis. Siccine Sampson contemnīs ecclesiam Dei, ut nihil illi sine scripto credas? quid si autem scripta omnia intercidiissent, quem admodum quidem fieri potuit, & de antiquo testamento narra-  
tur in historiis, periisse oēs libros in illa hebræorū captiuitate, quos postea Esdras spiritu Dei plenus instaurauerit? Quid igitur si idē in nouo accidisset, ut libri nō extarent? amississet ne ec-  
clesia nomen sibi a Deo impositū, uoluntas mea in ea? Sed tu plane, nec cum scripto, nec sine scripto te illi credere ostendis. cum enim ea profert illum euāgelii locum, ubi Christus loquitur de clauibus ecclesiæ Petro datis, tum multo magis cum ipsa contē-  
dis; & tāquam cum falsario quodam tibi res esset, abrepto libro e manibus, ipse inspicere uis, ipse uerba legere: statim autem pronuncias, quæ ecclesia maximi momēti esse dicat, ea nihil ad rem facere: aliam autem ipse ab ea q̄ ecclesia probet interpretationē affers. Quid est hoc aliud, quam plane dicere, ut omnes intelli-  
gant, ecclesiam multis sæculis errasse, donec Sampson extiterit, qui tanquam pueros elementa, sic principia nostræ religionis ec-  
clesiam doceret? Iam enim de principiis & elementis religio-  
nis agimus. Cum uero consuetudini ciuili hic honor tribuatur, ut in quibus causis de scripti alicuius uis & significatione quæra-  
tur, in iis consuetudo sit optima interpres; ne hunc quidem hono-  
rem Sampson tribuit consuetudini populi Dei in ecclesia: cumq; illic quod in sola consuetudine positum est, uel cētum annorum spatio uim legis obtineat, hic ne mille quidem annos admittit; ac tot annorum uel sæculorum potius consuetudinem, tanquam si unius diei esset, tolli uult, & sibi plus q̄ uniuersæ ecclesiæ credi. Quæ ista tēdem est impietas Sampson? Sed hæc me tergiuer-  
sandi causa dices sapius repetere, & tam multa de consuetudine ecclesiæ dicere, q̄ me rationes deficiant ex scripturis, quibus uel hanc ecclesiæ consuetudinem confirmare, uel quæ contra affers, infirmare ac diluere possim. Si hoc dicis, me non libenter tecum rationes hac de re cōferre, nihil sane erras. nihil enim magis in-  
uito animo facio; & ob hanc solum causam, quod te indignissimum

*Sampson non credit  
ecclesiæ sine scripto*

*Esdras perdidit omnia  
qui testamenti libros  
instaurauit.*

”

*Mat. xvi.*

*Sampson plus ciuili  
consuetudini tribuit,  
quam ecclesiæ.*

mum



mūm iudico, qui rationem audias, cum illud quod maiorem uim  
 quam ulla ratio habere debet, id est ecclesiæ consuetudinem res-  
 picias: tuo autem modo satisfieri tibi hac de re uelis, & post mil-  
 le annos ecclesiam tāquam in ius uoces, rationemq; reposes tot  
 annorum consuetudinis. Quod sane impietatem tantā declarat,  
 ut propemodum peccata mihi ipse uidear, qui hucusq; tecum ra-  
 tionibus certauerim; quem si statim sine responsione dimisisssem  
 magis me arbitror uoluntati Christi satisfacturum fuisse, qui  
 eiulmodi porcis margaritas obici uetet. Sed ne scandalum of-  
 ferremus infirmis, qui fortasse non alia de causa me tacuisse exi-  
 stimarent, quam q; tuæ rationes ita firmæ uisæ essent, ut iis des-  
 sperassem responderi posse: & initio, ut tecum agendum putarē,  
 adductus sum, & nunc ut reliqua adiungam, commoucor. Tan-  
 tum igitur precatus a Christo, ut mihi de eo spiritu impertiat,  
 quo auctore hæc in ecclesia consuetudo inualuit, ut Petri succes-  
 sor Christi ipsius personā representet, ad uerba euangelii, quæ ec-  
 clesia huius consuetudinis confirmandæ causa solet adducere,  
 exponenda accedam. ea uero apud Matth. cap. xvi. per scripta, sic  
 se habent. quæ repetam aliquanto altius, quo apertiora omnia fi-  
 ant, ab ipsa scilicet interrogatione Christi ad discipulos, sic igitur  
 interrogat. Quem dicūt homines esse filium hominis: illi au-  
 tem responderunt, alii Ioannem baptistam, alii Eliam, alii Hies-  
 remiam, aut unum ex prophetis. Dicit illis IESVS, uos autem  
 quē me esse dicitis. Respondens Simon Petrus dixit, tu es Chri-  
 stus filius Dei uiui. Respondens autem IESVS, dixit illi. Bea-  
 tus es Simon Bariona, quia caro & sanguis nō reuelauit tibi, sed  
 pater meus qui in cælis est, & ego dico tibi, quia tu es Petrus, &  
 super hanc petram ædificabo ecclesiam meam, & portæ inferi nō  
 præualebunt aduersus eam, & dabo tibi clauis regni cælorum,  
 & quodcūq; ligaueris super terram, erit ligatum & in cælis, &  
 quodcūq; solueris super terram erit solutum & in cælis. Iam  
 recitauī illa uerba, quæ Sampson dicit nihil eo pertinere, ut per  
 hæc ostendatur ecclesiæ fundamenta iacta esse a Christo in Pe-  
 trum. Reliquum est, ut ecclesiæ autoritatem sequentes, & eius  
 contra Sampsonis imperus defensionem suscipientes, eam inter-  
 pretationem afferamus, quam ipsa ecclesia primum ostendit. in  
 qua non est Principis, quod a me plus expectes, quam ut ecclesiæ  
 sententiam eiusdemmodi uerbis interpretet, quibus ea clarior appa-  
 rere possit, nihil enim nouum ipse afferam. absit hæc a me temeritas  
 ut hoc conari uelim. in hoc tantum elaborabo, ut eandē quam

*Confortando ecclesiam  
maiores vim habet  
quam vlla ratio.*

*Sapson indigne eff  
cui respiciuntur.*

29. Mat. vic.

22  
22  
22  
22  
22  
22  
22  
22  
22  
22

$\Gamma_{\text{eff}} = 1$

# LIBER

ecclesia sequitur, horum uerborum sententiam, uerbis paulo apertioribus declarem, quod si assequar, non dubito, quin omnibus planum ac conspicuum futurum sit, impiam esse Sampsonis contra sententiam ecclesiae interpretationem eius loci, quem dicit nihil ad rem facere, quæ tamen ipsa per sese sine aduersario, apud homines non principes facile corrueret. Hic uero multa essent altius repetenda, si ad intimum sensum uerborum Christi in illa interrogatione & responsione Petri penetrare conaremur, omnia enim fere, quæ in mysterio generi humano ab initio mundi usque ad illum diem, quo Christus hæc interrogauit, sunt dicta, in illa interrogatione & responsione latent. Sed nos ei potius breuitati, quæ cum perspicuitate conuenire possit, studentes, & altiora illa principia, nisi quatenus sponte se offerent, atque opus erit, reliquentes, ipsis euangelii uerbis insistemus. Sic igitur nunc interrogat Christus discipulos suos, primum quidem de aliorum, de inde etiam de sua sententia. Occasio uero interrogationis prius est dicenda, quæ quidem ita se habet. Cum Christus natus e muliere, exteriori corporis facie, nihil supra hominem ostenderet, qui se filium hominis, quemadmodum reuera erat, appellabat; si gna tamen & miracula, quæ supra hominis naturam essent, multa ederet; dubitatio merito quædam in animis hominum existeret potuit, quis nam is esset, cuius si opera spectaretur, iam longe supra hominem; si persona & habitus exterior corporis, etiam infra hominem esse uideretur, sic enim illum Propheta appellat, nouissimum uirorum. Locum ergo quæstioni fecit hæc diuersitas operum & personæ, quæ non potuit non in animis hominum uarias gignere opiniones. cum autem duplex hominum genus sit, Vnum quod Christus appellat de mundo, cuius sæpe in scriptura mentio fit, ut in illo euangelistæ loco, Mundus cum non cognouit, qua appellatione homines ii significatur, qui rebus mundanis toti sunt dediti; alterum genus eorum, quos Deus ipse elegit ex mundo, quales Apostolos suos dicit esse, uos ex mundo non estis, & iterum in illa oratione ad patrem, non pro mundo rogo, sed pro his quos tu mihi dedisti, selectos a mundo; qui sane ut professione, sic opinionibus quoque sint diuersi necesse est: Veris usque ergo generis quæ sit opinio sciscitatur, Ac primum quidem illorum qui ex mundo erant; quos meros homines appellat, sic enim dicit, quem dicunt homines esse filium hominis; ad discipulos interrogationem conuertens, qui omnes una uoce ad hanc quæstionem responderunt, hoc enim facile erat scire, neque hic quisquam

Cum Christus discipulos interrogat, qui hoc nouissimum esse dicant.

Isa. lvi.

Duplex hominum genus.

Io. i.  
Mundus,  
Homines.

Io. xv. et. xvii.

quīquam expectabat, dum alter responderet. Dicit igitur Euan-  
 gelista, Illi autem responderunt, alii Ioānem baptistam, alii Eliā „  
 am, alii Hieremiam, aut unum ex Prophetis. Hucusq; facilis res „  
 sponso discipulis fuit, qui quotidie uoces populi de Christo lo- „  
 quentis exciperent; cuius etsi opera admirabatur, nihil tamen su- „  
 pra hominis naturam de eo suspicabatur, quem carne indutū ui- „  
 deret: satisq; magnam de eo opinionem se habere putabat, si cū „  
 magnis hominibus conferret, aut unum esse ex maximis Pro- „  
 phetis eum diceret. Ad hanc responsionē, neq; Christus ipse ali- „  
 quid adiungit, nec ulterius de hominum opinione eos interro- „  
 gat. Sed uos, inquit, quos ego scilicet e mundo elegi, quos ego „  
 interiores ac magis familiaris meorum operum spectatores feci, „  
 quem me esse dicitis? Respondit Simō Petrus, cur hic reliqui „  
 tacuerunt? cur non omnes una uoce clamauerunt, quemadmodum „  
 cū de populi opinione erant interrogati. Tum enim dicit Euan- „  
 gelista, Illi autem responderunt, an ingrata fuisset responsio, si „  
 omnes una uoce clamassent, Tu es filius Dei? an non ita fuit fas- „  
 ciendum, nisi altius mysterium laceret, ut hæc responsio unī refer- „  
 uaretur? non ergo hic clamauerunt, subitauerunt, ubi maxime fuis- „  
 set loquendum, dicit enim Euangelista, Respondens autem Si- „  
 mon Petrus, & quid respondit hic unus, tacetibus reliquis? Tu „  
 es Christus filius Dei uiuī. quid autē ad hoc Christus? Beatus „  
 es Simō Bariona, quia caro & sanguis nō reuelauit tibi, sed pa- „  
 ter meus qui in cælis est. Hic non iam amplius ad plures sermo „  
 nem dirigit; ad unum Petrum se conuertit, & cum nomine appel- „  
 lat, & beatum esse dicit. Sed quo nomine appellat? nempe Simo- „  
 nis Bariona. atqui hoc quidē nomen fragilitatis est. Quid enim „  
 Simō Bariona, nisi filius hominis fragilis? & hoc sane maxime „  
 conuenit, ut hoc nomine appelletur, quod nomen est miserix; ut „  
 ab ea post liberatus, & factus beatus, maius liberatoris benefici- „  
 um agnoscat. Interrogauerat autem prius discipulos de homi- „  
 num opinione, quorum sententiam illi edixerant. Nunc autē Si- „  
 monem Bariona appellans, cum plane hominem ut cæteros esse „  
 dicit; ipsum quidem ex se se hominem & miserum; sed nunc bea- „  
 tum, quia cognoscat filium Dei. Hæc est enim uita æterna (dicit „  
 ipse apud alium Euangelistam) ut cognoscat te Deum, & quē „  
 misisti IESVM Christum. Sed quo pacto cognoscebat is qui „  
 Bariona erat, filium Dei? cur non is etiam Christo alicuius Pro- „  
 phetæ nomē, ut reliqui homines, dedit? Sic quidem proculdubio „  
 fecisset, sic eum Bariona nominasset, nisi hoc, quod dixit, de cælo

Cur unus Petrus res-  
 pōderit, Tu es Chri-  
 stus filius Dei.

Simō Bariona non  
 nomen fragilitatis.

Simō Bariona, quia  
 rebeatur.  
 „ Ia, xvii.

## LIBER

accepisset. nec enim opera ulla Christi, quātūmuis magna, altior  
rem, q̄ Bariona, & q̄ hominis scientiam de eo qui carne indutus  
inter homines uersaretur, largiri poterant, q̄ ut eū summum aliū  
quem uirum esse, uel Prophetam, uel aliquem omnino Deo cha-  
rum, hominem tamen, ostenderent. nunc autem cum hanc Bariona  
cognitionem e cælo hausisset, cum non ex operibus, neque ex  
aliqua re, quæ sensibus subiecta esset, sed penitus in animum ins-  
fusam hanc a Deo cognitionem accepisset, quid tum audiuit a  
Christo? Primum beatum illū hac una cognitione Christus pro-  
nunciauit, quam utiq; non caro & sanguis, sed pater cælestis illi  
reuelasset. Quid deinde? quid adiunxit Christus postq̄ beatum  
eum appellauit? Et ego, inquit, dico tibi, quia tu es Petrus. sed  
ubi nomen iam fragilitatis? ubi Simon Bariona? Nimirum mu-  
tatur in Petrum. Quid autem sibi uult hæc tam subita mutati-  
o nominis? Qui modo Simō Bariona & beatus appellatus est  
cur non illud idem nomen, quod tum habuit cum beatus dictus  
est, etiam nunc retinet? Hoc quidem primum uideri potest ea ra-  
tione factum esse, ut Petro ostenderetur genus nouæ huius felis-  
citatis, qua beatus pronuntiatus sit, tale non esse, quale primus  
eius parēs habuisset, illa enim nequaquam stabilis esse poterat  
sed ut illi tributa, qui ex luto constitutus erat, tanquam aliquod  
luteum opus statim dilabebatur. Hæc uero collata in eum qui  
de luto factus est petra, æternam durationem significat, qualia  
sunt, quæ uiuo saxo inædificantur. Deinde iam de ædificatione  
est dicturus, de ecclesia inquam, quā ædificare & fundare uult.  
Ædificio porro maxime conuenit, ut supra petra constitutur.  
In hoc enim Christus ipse, Euangelista alio loco referente, stult-  
os architectos appellat, qui super harenam; bonos qui supra pē-  
tram ædificant. Quia ergo de ædificatione ecclesiæ, tanquam ar-  
chitectus de ædificio est dicturus, quid magis conuenit quā ui-  
tare nomen Simonis in Petrum? quid magis ostendit Christum  
super Simonem Bariona fundamentum ecclesiæ suæ iacere uolu-  
isse, q̄ q̄ de ecclesiæ ædificio sub architecti persona dicturus, su-  
bito mutat nomen illius, quem beatum appellat, in Petrū; & ad-  
dit super hanc petram ædificabo ecclesiam meam? Hæc igitur sim-  
plicissima ratione, quo ab omnibus intelligatur, illa Christi uer-  
ba enarrauimus. Qua in expositione nulla uis uerbis Euangelii  
adhibetur, nihil non mirifice conueniens adducitur. id quod o-  
mnibus liquido apparere potest. Sed nunc iterum eadem uerba  
Christi tractemus, quo firmiorem adhuc nostram sententiā red-  
damus:

Simon Bariona mu-  
tatur in Petrum.

Ædificium supra pe-  
tram fundari debet.

Mat. vii.

damus: nec solum ueram & simplicem, sed omnī ex parte contra omnes, qui aduersari conentur, munitam. Accipiamus autem illa uerba, quę sunt Christi ad Petrum, quibus cum beatum dicit: Beatus es, inquit, Simon Bariona, quia caro & sanguis non reuelauit tibi, sed pater meus qui in celis est. Hic uero quid prius ad considerandum se se offert, quam q̄ ille qui natura est miser, natura filius irę (talis enim est Simō Bariona, & propterea miser, q̄ cognitionem amiserat creatoris sui) iam filii Dei iudicio, beatus pronuncietur? Sed quare beatus? quia cognitionem filii Dei habuit, non a carne & sanguine acceptam, sed a patre cęlesti inspiratam. Quid si autem a carne & sanguine hanc cognitionem habuisset? an eo minus beatus esset? refert ne aliquid, unde quis hanc cognitionem hauserit? an si in cognitione filii Dei sit constituta felicitas, ut quocunq; modo quis eam acceperit, beatus appellari possit? at hoc quidem dici non potest. Multi enim hanc cognitionem habuerunt, IESVM in carne esse filium Dei, idq; etiam confitebant; qui tamē non propterea beati appellati sunt, hoc Nathanael, hoc cęturio dicebat, uere hic filius Dei erat, hoc etiam alii; sed non propterea beati. At hoc cur ita? quia hanc cognitionem acceperat a carne & sanguine; quę cognitio minime eius generis erat, ut ppter ea quis beatus dici possit. Hęc enim cognitionem Nathanael acceperat, ut in euangelio narratur; Quia dixi tibi, uidi te sub ficu, credis, maius his uidebis. cęturio, propter signa illa quę uiderat in passione. Quare non hi beati, ac ne Ioānes quidem ipse Bapteista, cui uel Christi testimonio inter natos mulierum par nemo surrexit, qui Christum filiū Dei esse nouerat, beatus appellatur, etsi a patre cęlesti hanc cognitionem habuerat. ita enim testatur Ioannes illum a quo missus esset, dicere, Super quem uideris spiritum descendentem & manentem super eū, hic est filius meus dilectus: id quod cum agnouit, quando columbę specie spiritum sanctum super Christum descendentem uidit. Sed non propterea beatus; quia etiā ille, quasi per carnem & sanguinem, per signū inquam exterius, hoc agnouit. Altiori ergo modo omnibus iis cognouit Petrus; & proinde altius elogium illi datur, quam illi etiam de quo dicit, inter natos mulierum non surrexit maior. Quo igitur modo cognouit? Eo plane, quo Deus hominis miserię misertus, cui uia ad beatitudinem erat clausa, quam prorsus ignorabat, promittit se eam monstraturum, ut eum mitteret, qui uia aperiret. Is uero modus cognoscendi, non erat per hominem, qui caro & sanguis est; nec

Non statim beatus,  
qui utraq; nouerat  
illum Dei.

Mat. xxvii.

Io. i.

Mat. xi.

Io. i.

”

Mat. xi.

”

quemodo Petrus co  
gnouit filium Dei.

# LIBER

per signum aliquod exterius: sed plane talis, qualē describit scriptura, non docebit quis, inquit, proximum suum, uir uirum, sed omnes erunt docibiles Dei. Qui sane modus cognoscendi proprius erat noui testamenti, quod olim Deus se daturum promiserat: proprius eorum qui ad Christi ecclesiam spectarent, qui populus Dei appellarentur, de quo Propheta in persona Dei, Foris, maui mihi populum. Quare si ita nunc locum interpretarer: Ipse formator, ipse architectus, qui uenit ut fundaret hanc ecclesiam populi Dei, qui semper oculos ad patrem conuersos habet, qui dicit se nihil facere posse nisi prius patrem operantem uiderit: is igitur in quo primum homine hanc cognitionem inuenit, quam ecclesiæ propriam futuram pater promiserat, hunc primum fundamentum ecclesiæ fecit; dicerem ne aliquid alienum a sensu uerborum Christi, ipsa certe architecti uerba hoc idem declarant. Tanquam enim si expectaret, ut pater petram electam, quam in primo fundamento poneret, sibi offerret, statim ut animaduertit, Simonem filium Ionæ, cognitionem sui a patre accepisse, pronuntiavit, Tu es Petrus, quem mihi pater cælestis qui tibi hoc reuelauit, obtulit; & super hanc petram ædificabo ecclesiam meam. Verum antequam hoc dicat, ut beneficium patris magis innotesceret, ut misericordia patris fieret manifestior, dum in, quæ creaturam cæleste hoc cognitionis beneficium esset collatum, exprimeretur; appellat eum, cui hoc reuelatum fuit, Simonem Ionæ filium, quod est nomen misericordiæ; quasi ita diceret, Tu qui natura es, filius mortis, filius gehennæ, totus tenebris circumfusus; qui ex patre tuo Iona nihil haufisti præter peccatum, tenebras, & mortem, iam hac cognitiōe creatoris & liberatoris tui factus es beatus, liber a miseria, liber a peccato & morte. Hæc enim ego præstabo, super te ædificabo ecclesiam meam, contra quam nec portæ inferi præualebunt, ut tota sententia uerborum Christi hæc sit, pater meus reuelauit tibi de me, & ego tibi de te ipso reuelabo. Sed quid reuelauit tibi pater meus de me? quod ego, qui habitum inuentus sum ut homo, qui serui formam gero, natura sum filius Dei, sum Christus. Et ego hoc reuelo tibi de te, Tu qui natura es miser es seruus, es Ionæ filius, geres formam filii Dei, sicut tu mihi dixisti, Tu es Christus filius Dei: ita ego tibi uicissim dico, tu es filius hominis, Tu es Petrus, & sicut pater tibi reuelauit me esse Christum, hoc est authorem, & architectum felicitatis humanæ, qui deserta a sæculo ædificarem, & ruinas Hierusalem implem, qui hominem fractum, & miseria conuulsatum

Mat. xiii.

Mat. xlii.

Io. v.

Christus super illum  
fundauit ecclesiam in  
quo primum cognitio  
non ecclesiæ propriæ  
inuenit.

Exponitur illa uer-  
ba, Tu es Petrus, &  
super hæc petra, &c.

Philip. ii.

Mat. xlii. & lci.

tum reficerem; sicut me hominem petram illam pretiosam electā posuic, super quam felicitas humana ædificata surgeret in cælū; ita ego tibi reuelo, qui es natura miser, abs te incipiet hæc fabrica: Tu secundum me petra prima es, super quam ædificabo, & sicut ego firma petra sum toti generi tuo, sic tu post me eris etiam petra, contra quam nec portæ inferi præualebunt, nec ulla potestas uisibilis nec inuisibilis. Super te enim incipiam ædificare ecclesiam meam, quam in salutem humani generis extruo. Hactenus nihil est allatum, quod nō ad unguem quadret uerbis Christi, & illi sententiæ, quam ecclesia per ea uerba significari ostendit: ut ipsa quæ hominibus constat iam ædificatis a Christo, primum hominem in hoc ordine agnoscat Petrum. id quod architectus, Deus & homo, illis uerbis innuebat, cum post reuelationē cælestem illi diceret, Tu es Petrus, & super hanc Petram ædificabo ecclesiam meā. Sed quia fortasse hæc uerba de homine petra, & de ædificatione ecclesiæ super petram, quæ per translationem proferuntur, (nec enim proprie hominem dicimus petram, nec proprie ecclesiam super petram ædificari. hæc enim a rebus inanimatis, cuius modi sunt lapides, & lapidum cōstructio, transferuntur: de quibus proprie ædificare dicimus, de homine uero improprie) idcirco facile obscuritatem gignere possint, nisi clarius adhuc eorum sententiā explicetur. Vt igitur nihil omittamus, quod ad apertam horum uerborum intelligentiam pertineat: primum ostēdamus quid sit ædificare super hominem; uel potius quoniam duo his uerbis significantur, & hominem ædificatum esse in ecclesia, & ecclesiam fundatam super hominem, aperiamus primum quid sit ædificari hominē in ecclesia: quo ostenso, clarius certe lucebit alterum illud, quod dicimus, super hominem ædificari ecclesiam. Hoc enim posterius, necessario prius illud confirmat, nam super hominem ecclesia nō posset fundari, nisi prius ipse homo esset ædificatus. hæc nunc si paulo inuolutius dicantur, quæ mox sequetur oratio, explicatissima, ut spero, reddet. Nunc ergo primum de ædificatione hominis in ecclesia dicamus. Id quod Propheta ipse Hieremias nobis enucleabit, eo in loco, ubi de futura conuersione Iudæ & Hierusalem loquens, etiam de illorum ædificatione adiungit, quæ eadem cum hac est, cuius nunc explicationem quaerimus. Verba autem Hieremiæ, quæ ipse ex Dei persona ad tribus Israël & Iuda loquitur, hæc sunt. Ecce ego conuertam conuersionem Israel, & conuersionem Iudæ: & ædificabo eos sicut a principio. En hic hominum ædifi-

“ Ecclesia super petra  
ædificari dicitur non  
tophetice.

Homo, quando et  
fuerit in ecclesia.

“ Hæc. xxxiii.

## LIBER

catio. Ac statim declaratio subiungitur. Et emundabo (inquit) illos ab omni iniquitate sua, & propitius ero omnibus iniquitatibus illorum, in quibus dereliquerunt, & spreuerunt me: & erit mihi in nomen, & gaudium & exultationem cunctis gētibus terræ. Hæc Propheta, in quibus quidem paucis uerbis nihil præter mittit eorum, quæ de ædificatione hominis scire desideramus.

*Homo per peccatum decessit.*

Nam cum homo initio quasi præclarum aliquod ædificium, & Dei futurum habitaculum, fuisset ab ipso opifice Deo de terra excitatus: peccatum illum rursus in terram deiecit, ædificium disturbauit, ut beluarum potius cubile, quam Dei domicilium esset. huius ergo hominis ædificatio hæc est, ut causa ruinae, id est peccatum tollatur; quod quidem Deus illis uerbis promittit, cum ædificationem pollicetur. Ac tum plane instauratum esse ædificium, cum post deletum peccatum, nomen in eo Dei celebra: ut, cum totum est illius laudī dedicatū. Verum si adhuc apertioribus uerbis hoc idem explicandum est, dicimus hominem initio,

*Eccl. vii.  
Dei hominem fecit rectum.*

ut inquit Ecclesiastes, factum esse rectum. Rectum autem intelligimus, cum ad archetypum, ad cuius imaginem & similitudinem est effectus, se totum conuertit. se porro conuertebat, & rectus stabat, cum uoluntatem suam, ad Dei uoluntatem applicabat, quæ ipsum rectum sustinebat: a qua cum illum peccatum ad carnem suā auertit, tum uero cecidit, tum deiectus est: cuius nūc ædificatio est, ut rursus uoluntas eius ad Deum conuertat.

*Mat. xxiii.*

Propheta loquens, prius loquitur de conuersione. conuertam, inquit, conuersionem Israel, & conuersionē Iuda; & ædificabo eos, sicut a principio: quasi sensus uerborū illorum, & totius ædificationis hominis summa hæc sit, ut tollantur peccata, & uoluntas eius ad diuinam uoluntatem tota conuertatur. hæc demum uera est ædificatio hominis in ecclesia, neque aliud intelligimus, cum dicimus hominem ædificari in ecclesia nisi hominem post remissionem peccatorum, uoluntatem totam a se ipso ad Deum habere conuersam, ut laudem eius annūciat. Hoc est autem, quod dicimus ædificari ecclesiam: non ut unus tantum homo intelligatur ædificatus, sicut initio in ædificatione hominis terrestri: sed ut plures, id enim significat ecclesia ædificata, congregationem multorum hominum iam ædicatorum. quod alius Propheta aliis uerbis, sed eandem sententiam habentibus, exprimit. Formabo, inquit, mihi populum qui laudē meam annūciat, quod perinde est, ac si diceret, ædificabo mihi populum, ædificabo mihi ecclesiam. Populo enim ac multitudine ecclesia

*ecclesiam ædificari quid sit.*

constat,



constat, cuius cum stabilem firmitatē, atq; aptam partium inter se colligationem nunquam dissoluendam, uult scriptura expris mere, nominibus earum rerum, quæ inter se connexę maxime du rant, hoīes illos appellat. lapides enim eos uocat, nō temere illos quidem proiectos, sed superædificatos; id quod cum firmitatē, tum etiam ordinem quandam significat; quæ duo nomine ædifi cii ex petris constituti satis intelliguntur. Hoc autē modo, quis cunq; in ecclesia sunt, petræ dici possunt, & petræ quidem in ædi ficio positę. Sic enim Petrus ipse communiter alloquitur omnes qui sunt in ecclesia, uos estis lapides uiuī superædificatī. Ex qui bus uerbis itelligere possumus, si uniuersis dici potest uos estis lapides, uos estis petræ (hic enim uocum tantum est differentia, non rerum) sic etiam singulis qui in ecclesia sunt fundati, posse dici, tu es lapis, tu es petra. Sed hic se eriget Sāpson, cum audies rit me hoc dicere omnes christianos esse petras, hoc enim ipsum est, quod tam uehementer contendit, ut ex iis uerbis, Tu es Petrus, omnes doceat qui Christi nomen in ecclesia consueāt, es se petras; omnibus quicunq; fidem Christi proficantur, dici pos se, tu es Petrus. Quantum nunc sibi & causæ suæ confidere incipit. At ego Sampson, si tibi in hoc uideor gratificari, quod dicam omnes christianos esse petras; etiam hoc amplius adiungā, quod tibi gratius fore existimo, ut scias me in reliquis, ubi a te dissentio, necessario & coactum dissentire, qui a nullo libetē so leam dissidere: hoc igitur nunc adiungam de illis petris, quales dico omnes christianos esse, ut dicam uirtutē eas in se huiusmo di habere, ut ipsæ ædificatæ, possint aliarum ædificationi confer re, facias ac tanquam germanas petras, quæ in eodem sint ædifi cio constructæ, iuuare, & ad uitam æternam consequendam iua rare. Ita enim Paulus scribit, Aedificate alterutrum, ad omnes nullo discrimine uerba faciēs. Quare hac ratione oēs ab omnibus, singulos a singulis, qui uiuæ petrę sint, posse ædificari, posse etiā in fide confirmari. Sed hic nunc exultabit Sampson, & tanquam uictor pæana canet; me iam contemnet, qui uictus a ueritate ad suam sententiam delabar. Nam quid aliud se toto libro suo egis se, nisi ut quod alii proprium Petro esse dicunt, ut sit petra, id il li commune cum omnibus, qui in ecclesia sunt, faceret? Quod si hoc concedatur, omnes esse petras, & tales quidem, ut mutuo se se ædificare possint; quid præcipui relinqui Petro? iam cōtrouer siam esse sublatam, suā causam manere inuictam contendet. Sed audi Sampson, & cōtine te paulisper, si potes. si enim te ppter ea

*quicumq; in ecclesia  
sunt, petræ dici possunt.*

*1. Pet. ii.*

*Uiuæ petrę in ecclesia  
ædificari a se mutuo possunt.*  
*1. 1. Thess. v.*

## LIBER

uicisse existimas, q. hoc tibi concessi, omnes christianos esse petras, & tales ut sese mutuo possint ædificare; nec causam tuam tu te nosti, nec quid tibi ipse concesserim, satis intelligis. Primum enim non in eo uertitur quæstio, nec in eo est inter nos controversia, reliquis ne etiam christiani nomen petrae possit tribui. in hoc enim nemo corū, quos tibi aduersarios, quia ab ecclesia dissentis, fecisti, tecum contendisset. Sed cū hoc in confesso sit, commune omnibus christianiis nomē esse petrae (omnes enim a Christo facti sunt petrae) in hac tamen nominis communitate permagnum ego discrimen inesse aio, quod quidem ad dignitatis ac præstantiæ gradum attinet; nec omnes parem nobilitatis locum in hoc ædificio obtinere. Tu contra negas. hic cōstituta controversia est. hic causæ huius cardo uertitur, de præstantia inquam, ac de eo, an Petrus in hoc ædificio primæ petre locum teneat, an illa sit petra super quam Christus testabatur se uelle ædificium suum constituere, cum diceret, tu es Petrus, & super hanc petram ædificabo ecclesiam meam. Hoc tu igitur negas, nos cum ecclesia asseueramus. Sed nunc probationes expectantur. Iterum enim ad confingendum uocamur. De hac petra est nobis contentio, quam tu e fundamēro, quo loco eam Christus posuit, tollere contendis, quod ego a te fieri non patiar. eam ego petram fretus ecclesiæ copiis, contra te sic, ut spero, semper defendam, ut conmo- uere omnino, uel potius attingere non possis. ac statim quidem ea afferam, quæ illam petram maxime eo in loco stabiliat, si prius hoc quod ualde ad rem pertinet, paulo solidius confirmaro; ut constet, cum omnes christiani sint petrae, esse tamen inter has petras, quod ad dignitatem, & præstantiam attinet, differentiā, id quod nullo negotio ex ipso Paulo possem ostendere, qui exemplo membrorum corporis, aperte testatur q̄ inter se nobilitate differant; licet enim omnia dicantur membra, aliud tamē alio esse nobilius, ut oculus pede. Quæ uel sola autoritas facile totam controuersiam secundum me terminaret. Sed quoniam a petrarum similitudine incepimus, ab ea non discedemus. Est uero locus apud Esaiam, qui totam hanc rem de ædificatione hominum sub nomine lapidum, & de lapidum inter se differentiā clarat, & concludit: quo loco Propheta in persona Dei loquens; de ecclesiæ ædificatione, sub nomine Hierusalem, hæc dicit. Ecce ego sternam per ordinem lapides tuos, & fundabo te in Saphiris, & ponam Iaspide propugnacula tua, & portas tuas in lapides sculptos, & omnes terminos tuos lapides desiderabiles.

Ex his

*Petrus primæ petrae locum tenet.*

*Omnes christiani sunt petrae, sed inter petras una quoniam est dignitas discrimen.*  
1. Cor. xii.

*Esai. liii.*

Ex his uerbis primum quis non statim intelligat non modo ordinem inter hos lapides pulcherrimum, sed maximam inter lapides differentiam: cum alios Sapphiros, alios Iaspides, quosdam in portis, alios in propugnaculis positurum se Deus promittat; omnes autem lapides desiderabiles? Ac ne nomen lapidum intelligentiam audientium ad materialis alicuius fabricæ cogitationem abducatur: qualis hæc fabrica futura sit, quales ii lapides, statim adiungit & explicat, uniuersos, inquit, filios tuos doctos a domino, & multitudinem pacis filiis tuis: & in iustitia fundaberis. Nunc ergo cum ex his uerbis Propheta significet, se per lapides intelligere, eos qui sint docti a domino; & in his tamē discrimen notet non tantum suæ cuiusq; præstantiæ, sed loci etiam ac gradus, nonne merito primum locū is teneat qui primus doctus est a domino? Et cum ex euangelio Petrum fuisse constet, cui os minium primo pater reuelare architecti præstantiam; an nō merito præstantissimum illi locum ipse operis author dare debuit? an uero magis aperte dare potuit, quam cum illi post eam reuelationem a Deo patre ipsi factam, dixit, Tu es Petrus; & super hanc petram ædificabo ecclesiam meam? Sed immoremur paulisper in his Euangelii uerbis, Ego dico tibi, tu es Petrus, & super hanc petram ædificabo ecclesiam meam: contrahamusq; magis totam cōsultationem, ut de hac una petra, super quam ecclesia fundata sit, consideremus: reliquas omittamus, de quibus nūc nulla controuersia est. Hic tu igitur negas Petrum esse illam petram, sup quā fundauit Christus ecclesiā. Sed scin tu satis Sampson, quid neges? scin quid sit ædificare ecclesiā super hanc petram? an si te corā interrogare, diceres? nūq̃ pfecto diceres, neq; enim nosti. Nam hoc liquido ostēdis te nescire, cū explicas, non quid certo credendū sit, illis uerbis significari, sed quā sit tuo iudicio illa petra, super quam Christus dicit se ædificaturum. Quamquam tuum iudicium in hac re aliquod esse dici non potest, cum nullam firmam sententiam sequaris. modo enim dicis Christum esse illam petram, super quam ecclesia fundetur: modo confessio nem fidei, interdum ecclesiam. An tu, si certam sententiam haberes de illa petra, exploratamq; intelligentiam eorum uerborum, quibus Christus dicit, super hanc petram se ædificaturum ecclesiam? si scires quid esset ædificare ecclesiam super petram, sic sententia uacillares? nunc hæc tua uacillatio liquido ostendit te tantumquam cæcum palpitare in tenebris, nihil habere explorati quod dicas. Quare hoc frustra de te nunc quaerem, quod tamen nes-

Petra omniū primo  
pater reuelauit archi-  
tecti præstantiam.

Sāpſon ignorat quid  
ſit ædificare eccleſiā  
ſuper petram.

cessario explicandum est, quo apertius tota causa constitutur ut uterq; nostrū quid defendat, quid oppugnet, sciat. Hoc ergo ab aduersario tuo discēs; quod explicatum, statim si uerū fateri uelis, agnosces. Nam de quocūq; intelligatur dici illam petram, hoc certe constat, per petram illam super quam edificetur ecclesia, petram significari, quæ onus ecclesiæ sustinere habeat, quæ in fundamento collocata esse debeat, quod uerba illa declarant, super hanc ædificabo. Quoniam uero hæc ædificatio nō est materialis (nam nec ecclesia ædificiū est materiale, nec quod sit stinet hoc ædificium, potest id esse materiale fundamentum) cū constet ecclesiam esse multitudinem hominum, de quibus nunc per translationem dicitur eos ædificari, & super quam petra ædificari; necesse est, ut per hanc petram intelligamus, talem petram, quæ onus multorum hominum ferre possit. Hoc uero, quid aliud est, q̄ cura & sollicitudine, multitudinis id est ecclesiæ onus sustinere; quid aliud est, q̄ caput ecclesiæ esse? hæc enim necessario se consequuntur, sed & illud nō minus necessario efficitur, meo confessionem fidei, nec ecclesiam ipsam in hac petra Christum intellexisse. Neq; enim loquendi usus patitur, ut confessioni fidei, ecclesiæ cura committi dicatur, nam quis tum esset illorum uerborum sensus, quam absurda; & a ratione aliena locutio? Sed nec ecclesia, si quis eam forte per petram significari putet, ipsa super se ædificari potest, id enim non dissimilem superiori absurditatem habet. Cum igitur duas interpretationes tuas prorsus esse exclusas constet; de quibus post tamen, si opus erit, fusius dicemus; restat ut si hæc petra, super quam ædificatur ecclesia, sit caput ecclesiæ, quod onus in se ecclesiæ suscipiat, ut aut Petrū intelligamus aut Christum. Sed hic arridebis, Christum enim intelligi uis. Nam quis negare possit, Christum esse caput ecclesiæ? Quod ad me attinet Sampson, nunquam equidem negabo; nec uero quisquam qui se Christi, & ecclesiæ membrum profiteatur, unquam negauerit, quin Christus sit caput, Christus sit fundamentum. Et tale quidem omnes, qui tanquam lapides uisui a Christo in ædificio ecclesiæ positi sunt, fundamentum esse fateri buntur, ut aliud poni posse negent. en quantum huic sententiæ tribuo, atq; hic multo magis arridebis, & tibi applaudes, sed cōtine te paulisper. Ego enim ipse, qui hoc de Christo capere sic tibi assentior, ut anathema illi dicerem, si quis cōtra sentiret; idem hoc in loco ubi Christus dicit, tu es Petrus, & super hanc petram ædificabo ecclesiam meam; omni asseueratione contendo, ut maxime

*Petra super qua ædificatur ecclesia est et potest ecclesia.*

*quod petra uenit nec confessio fidei, nec ecclesia intelligi possit.*

*quoniam Christus sit petra et fundamentum ecclesiæ, tamen non efficitur quin Petrus etiam sit petra, super quam ædificata est ecclesia.*

xime semper intelligatur Christum esse petram & fundamentum  
 ecclesie, tamen ad Petri etiam personam hæc uerba pertinere, ut  
 ipse sit petra super quam ædificetur ecclesia. id quod non solum  
 illa a Christo dicta, Tu es Petrus, & super hanc petram ædificabo  
 ecclesiam meam, significant: sed multo etiam magis sequentia,  
 ubi potestas promittitur, & firmitas stabilitasque contra portarum  
 inferi uim perseverandi, manifestissime declarant, Simonem in  
 quam Bariona per illam petram significari. Tibi, inquit, dabo claues  
 regni cælorum: & quicquid solueris super terram, erit solutum  
 & in cælis. Quid enim opus erat tam magna Petro eo in loco pro  
 mittere, nisi principem locum Petro tum daret, ut esset caput eccle  
 siæ? Poterat enim Petrus merito dicere idem quod Moyses,  
 quem ducem populi Israel & caput Synagoge Deus constitue  
 rat, Domine quid mihi onus totius populi imposuisti? quo pacto  
 ego solus sustinere tantam multitudinem possum? sic enim Pet  
 rus, cum audisset se petram iam factum, cui ecclesie onus incumbere,  
 & inniti deberet, dicere potuit. Domine quid me uis pondus  
 tanti populi sustinere? cum præsertim longe alia multitudo;  
 quæ non unum populum complecteretur, sed nationes omnes;  
 omnemque Christi hereditatem, de qua dicit, postula a me, & da  
 bo tibi gentis hereditatem tuam, & possessionem tuam terminos  
 terræ: cum omnes inquam populi, omnes qui Christi posses  
 sio futuri essent, unius qui tum caput ecclesie constituebatur, cu  
 stodia committerentur: quos & a Tyranni longe Pharaone eru  
 delioris imperio abducere, & per hostes multo Amorrhæorum  
 & Cananæorum Regibus potentiores conducere oporteret: quis  
 bus denique non tantum cum carne & sanguine, sed cum potestati  
 bus spiritualibus in cælestibus, grauissimum ac perpetuum bel  
 lum impederet. Non enim solum cum hostibus uisibilibus, cum  
 potentia & sapientia mundi, sed multo magis cum inuisibili & per  
 petuo hoste, qui uniuersum mundum in eos esset concitaturus;  
 illi negotium futurum erat. Cum igitur Petrus intellexisset tan  
 tum sibi oneris imponi (intellexisset enim certe, si uel minimum  
 ad cogitandum spatium habuisset) an potuisset se tenere, quin cum  
 magno tremore diceret, Domine, quid me uis pondus tanti populi  
 sustinere? Sed Christus omnem hanc eius cogitationem præ  
 sentiens, continuata oratione, cum dixisset, Tu es Petrus, & sus  
 per hanc petram ædificabo ecclesiam meam, statim nullo interpo  
 sito tempore adiunxit. Et portæ inferi non præualebunt aduersus

Mat. xvi.

Num. xi.

De magnitudine uni  
uersi Petro commisi.

Psal. ii.

Job. vii.

## LIBER

*Ps. cvi.  
Mat. xli.*

sus eam. quasi diceret, noli timere, cum dico super te ædificabo ecclesiam meam, ne non possis tantum munus contra tot host eis sustinere. Ego enim portas æreas, & uerbes ferreos confregi. Et fortem uinculis ligauī, & uasa eius sustuli: potentiam omnium tuorum hostium comminui, siue uisibilem siue inuisibilem. portæ inferi aduersum te non preualebunt tu me modo sequere. Ego tibi cælum aperui: & ut aliis aperias, potestatem dabo. cælorum clauces tibi dabo, ut inde perpetuo auxilium contra omne genus hostium aduoces: cum cælo fœdus & amicitiam renouabo, pacē afferam, & talem quidem, ut quicquid solueris super terram, sit solutum & in cælis; & quicquid ligaueris super terram sit ligatū & in cælis. Quanta hic potestas data Petro intelligitur? Quam hoc in loco uerba aperta sunt, & personam Petri undiq; indicantia, cum dicitur, tibi dabo clauces regni cælorum: plane ut si nihil aliud afferretur, hæc tanta potestas ipsi tradita eo in loco, ubi dicitur, tu es Petrus, & super hanc petram ædificabo ecclesiam meam, muneris magnitudinem illi commissam, cumq; caput ecclesie factum esse clarissime ostenderet. Nec uero hanc Petri dignitatem quicquam illud imminuit, quod Sampson affert, postea omnibus Apostolis eandem datam esse potestatem remittendi & soluendi peccata; cum uerba ipsa ad Petrum, & ad illos declarēt, ampliori ratione Petro traditam q̄ illis. Sed ut maxime hæc eadem potestas illis etiam tradita esset, attamen non Petri dignitatem imminueret, non sane magis q̄ de Moyse dignitate a Deo data detractum est, cum Deus de eodem spiritu quem illi dederat, abstulit, ut septuaginta senioribus impertiret; qui cum ipso populi onus sustentarent, ut inquit scriptura, ne Moyses solus grauaretur. eodem igitur modo Christus aliis Apostolis & discipulis eundem, quem Petro, spiritum dedit, eandem gratiam & remittendi & soluendi peccata, ut cum Petro onus sustineret, ne solus grauaretur. Sed isti qui audiunt eandem gratiam, quæ Petro data fuerit, cæteris apostolis tribui, uidentur commoueri, nō aliter q̄ puer ille de quo in libro Numerorum his uerbis scriptū est. Cūq; ppharent in castris, cucurrit puer quidā & nūciavit Moysi: ad cuius uocē minister Moyses Iosue filius Nun, statim dixit ad Moysen. Domine mi Moyses, p̄be illos. sed quid respondit Moyses ministro suo? Quid æmularis pro me? Quis tribuat, ut omnis populus prophetet, & det eis dominus spiritum suum? En quod Moyses optauit, quam non timuit ne de sua dignitate quicquam imminueretur, siquam a Deo gratiam acceperat,

*Potestas dñi Apo  
stoli tradita de gēte  
trem Petri uisibilis inueni  
mit.*

*Nun. xl.*

*Nun. xl.*

rat,

rat, ea cum pluribus cōmunicata esset? Quid si enim omnes prophetaissent; an eo minus Moyses dux populi fuisset? & quis hoc, nisi puer, uereretur? Eodem modo de Petro, si omnes Apostoli, eandem, quam ille, gratiam habuerunt soluendi peccata; pueriliter argumentantur, qui ex eo concludunt, Petri auctoritatem dī minuatam esse, ne principem in ecclesia locum obtineret. Sed de hoc suo loco post copiosius loquemur. Nunc uideamus, quo pacto Christum & Petrum item caput esse ecclesiæ statuentes, & utrunq; fundamentum esse ecclesiæ, cum eiusdē nec corporis capita, nec ædificii fundamenta duo diuersa esse possint, hæc uniri dicamus; quo pacto nostrā sententiā ita explicemus, ut nihil in ea dissonum ac sibi repugnās appareat. Sed hoc quidem nō admodum difficile erit ostendere, si prius illam, quæ prima specie uidetur, huius sententiæ absurditatem, in necessariam consequentiam conuerterimus: ut hoc modo dicamus, si Christus Deus idem & homo, sit caput, necessario cōsequi, ut uel Petrus uel alius quis alius de numero eorum, qui meri homines sunt, post Christum capitis locum teneat. Verum hanc consequentiam non probabit Sampson, quam ex absurda conclusione in absurdiorē dūctam esse dicet: & contrariam conclusionem rectius posse inferri, si Christus sit caput ecclesiæ, nec Petrum nec quenquam omnino hominū caput esse. Sed hic aduerte quæso Sampson, si Christus caput est ecclesiæ: hoc ipsum, non ut Deus, sed ut homo accepit. Nam ut Deus, semper quidem erat caput. hunc autem ecclesiæ principatum, in tempore accepit. Si ergo qua homo, caput fuit ecclesiæ: iam dico, quicquid Christus ut homo accepit, ideo illum accepisse, ut in se prius sanctificaret, atq; ita sanctificationem hominibus postea traderet. dico Christum ut hominem, nihil accepisse, nisi ut idem ad homines transferret. Quod si ut transferret, accepit; omnino etiam transtulit. necessario igitur aliquis accepit, qui fuit purus homo. Quod si ita est, iam nō arbitror Sampsonem tam fore Petro iniquum, ut aliquem illi præferendū putet, cui soli dixerit Christus, Tu es Petrus, & super hanc petram ædificabo ecclesiam meam. Quid quæso hac ratione efficacius, quam Sampson ut quiddam dictū absurdum eludebat? Si Christus ut homo, est caput, idem munus habet etiam alius homo. Et si aliquis; nemo potior de quo id dicatur, q̃ Petrus. Verum quæ recte hæc ratio sit conclusa, magis adhuc patebit, si Christum hominem, inter homines uersantem, capitisq; ecclesiæ munus exequentem nobis proponamus, ac paulum atredamus, quid in tali

*Christusque homo,  
caput est ecclesiæ.*

1111111111

*Si Christus ut homo  
caput est ecclesiæ,  
idem munus habet et  
alius homo.*

## LIBER

hominum cōgregatione, cuiusmodi ecclesia est, spectari debeat. Quid autem prius occurrere potest, q̄ forma regendi? forma porro in hac congregatione præsētissima, est eadem quæ uniuersa, ut per unum regatur multitudo. neq; hoc solum, sed ut per unū qui indidem sit: ut quia multitudo est hominum, caput etiā habeat tali corpori cōsentaneum, idest hominem. Id quod Christo in terris agente ita uidemus esse factum. Quid ergo? est ne exis-  
stimandum qui hominum causa uenit, qui hanc formam instituit it, qui eandem quandiu in terris fuit, obseruauit; ut is corporis præsētia decedens e terris, illam solueret: ut non amplius hominem hominibus præsēsse uoluerit: non amplius homines habere unum aliquem sui geueris qui totius multitudinis caput esset? Num hoc quisquam de Christo posset existimare? qui (ut reli-  
qua præteream lingua & argumēta dati Petro principatus), cum iam iam terras relicturus esset, tanta uerborū expressione, eccles-  
iæ curam ac regimen illi commiserit, cum ei semel, iterum, ac ter-  
tium diceret, *Pasce oues meas*: Quo certe uerbo, quæcūq; ad ca-  
put, ad uicarium, ad successorem Christi pertinent, omnia com-  
prehenduntur. Sed hæc post aliquanto accuratius tractabūtur: nunc ad institutum reuertamur, ut illud declaremus, si Christus sit fundamentum ecclesiæ, quo pacto etiam Petrus esse possit: si  
Christus petra sit, cui ecclesia ut fundamento innitatur; quo pas-  
cto Petrus talis petra dici queat. Atq; hoc quidem, uerba Chris-  
ti in eo loco, ubi de bono ædificatore loquit, facile possunt ex-  
plicare, quibus ait bonum ædificatorem non super harenam, sed  
super petram ædificare. Quid autem hic per petram significetur,  
omnibus manifestum est. quis enim non intelligit, minime per-  
tram illam nunc dici, quæ ab ædificatore allata, futuro ædificio  
prima supponitur, sed potius solum ipsum, sine ullius opera per  
se solidum, & suapte natura idoneum ad quoduis superstructuræ  
ædificium sustinendum: cuius modi rupes sunt, ac montes mul-  
ti, qui toti ex solido & natiuo saxo constant; super quos qui ues-  
lit ædificare, non est quod timeat, ne uel fluiui exundantes, uel ir-  
ruentes uenti ædificium desiciant. Est enim domus fundata sus-  
per petram. Hæc autē petra, ut iam uidemus, ipsa per se, sine ma-  
nibus ædificatoris est posita. Alia uero petra est, quam ædifica-  
tor operi pro fundamento supponit: quæ natiuo applicata saxo,  
sustinet illa quidem ædificii molem, & prima dici potest omniū  
quæ insuper structæ sunt: sed nisi ipsa etiā a natiuo illo saxo sus-  
tentaretur, nullo tēporis momento consisteret, ut merito uiuum  
illud

quo pacto Christus  
petra, & quando  
Petrus petra sit.

Met. vii.

Christus natius pe-  
tra.



illud saxum ipsius fundamētū fundamētū dici possit; petra uero illi ab edificatore prima iposita, reliqui superstructi operis fundamētū. Ac talis quidē petra fuit Petrus, quē Christus ut ædificator, in imo fundamento ædificiū ecclesiæ posuit, quæ onus aliarum, quæ superædificandæ erant, sustineret: sed ita tamen, ut nec Petrus ipse, nec reliqui omnes in se ipsis consisterent, sed in altera illa petra, in monte illo magno, qui omnia sustinet. talis est ipse Christus: ralem fore ipsum Prophetæ diuino spiritu pleniprædixerant anteq̃ Christus sese humanis operibus fundamentum submitteret: Sed omnium apertissime Daniel propheta, eo in loco ubi regis Babylonii somniū explicat, qui statuam quandam per somnum uiderat, cuius caput ex auro optimo, pectus ac brachia ex argento, uenter & femora ex ære, ferreæ tibia, pedes partim ferrei partim ex opere fictili. Atq; hæc quidem sibi uisus erat uidere stantem, donec abscissus de monte line manibus lapidis eam percuteret, atq; ita comminueret, ut omnia quasi in puluerem redigerentur. lapis porro qui pœculerat statuam, factus erat mons magnus, & uniuersam terram compleuerat. Cum igitur Rex ille, ea quæ iam cōmemorauī, per somnum uidisset, neq; tamen recordaretur: Daniel primum ita ei totius sui somni seriem atque historiam pertexuit, ut is facile agnosceret: Deinde hanc ipsius interpretationem adiunxit, ut diceret, per illas quatuor statuarum partes ex auro, argento, ære, & ferro, quatuor regna ante Christi aduentum significari: per lapidē autem, qui ista percussisset, & comminuisset, regnum quod suscitaturus erat Deus, quod quidē staret in æternum, hoc inquit significatur per lapidem, qui abscissus est sine manibus, quod uerum est opus Dei. Atq; hic quidem lapis reliqua omnia regna cōsumet, ipsius uero regnum in æternum manebit. En hic Daniel, sicut Regis somnium, ita nostram dubitationē de duabus petris, de duobus fundamentis explicauit. De petra iam diximus: de fundamento dicimus, Christum tale quiddam esse ecclesiæ, quale ædificiis materialibus aut rupes est, aut solum ipsum stabile ac firmum. Ut autem aliud fundamentum ædificio constituēdo reperire nemo potest, præter terram aut rupem: sic in ecclesia, & omnino in uniuerso genere humano, nihil operis duraturi institui ac perfici potest, nisi id in Christo funderur. Ipse est enim, qui factus est in mo item magnum qui repleuit uniuersam terram. Atque hoc est quod Paulus dicit, fundamentum aliud nemo potest ponere præter id quod positum est, quod est Christus IESVS. Ille enim est

*Petrus, petra est ab ædificatore prima; & sit in fundamento ecclesiæ.*

*Def. ii.*

”

”

”

*quale fundamentum ecclesiæ sit Christus*

*” i. Cor. iii.*

”

## LIBER

illa petra, super quam bonus ædificator ædificat. Quapropter se  
 pe hortatur Paulus, ut quæcunque facimus, in nomine Christi fa-  
 ciamus. Quæ enim in Christo fundamentum non habent, ea os  
 Col. iii. *Col. iii.* *Qualis petra Petrus.* *Qualis petra Petrus.*  
 mnia arenæ inædificantur, stabilitatem habere non possunt, nec  
 durationem ullam. Ac talem quidem petram uidemus non fuisse  
 se Petrû; sed illam solum, quæ omnium prima in ea petra, cui os  
 mnia inniti oportet, collocata est. Cum uero Christus promissit  
 portas inferorum nihil uirium habituras aduersus ecclesiam, cu-  
 ius ædificatio a Petro inciperet; id sane uirtute fundamenti eius  
 dicebat, super quod tota fabrica constituenda erat, id est sua ipsi  
 us uirtute, qui factus est lapis abscissus de monte sine manibus,  
 qui repleuit uniuersam terram; & qui non solum regna omnia  
 mundi, sed ipsas quoque inferorum portas prorsus comminuit.  
 Quare in persona sua iam omnia profert. Ego dico tibi, tu es Pe-  
 trus, & quæ sequuntur. An non satis aperte hæc Prophetæ uerba  
 nobis explicant de Christo, qualis petra futurus fuit: ex quo fa-  
 cile illud alterû, qualis petra fuerit Petrus, intelligi potest. Sed  
 si adhuc a Prophetâ nobis exprimi desideramus, qualis petra  
 fuerit Petrus; ne hoc quidem diutius requiremus. Nam Zacha-  
 rias propheta optime hoc nobis explicabit, eo in loco ubi de la-  
 pide quodam loquitur Iesu sacerdoti magno dato, qualem nos  
 Petrû a Deo patre Iesu sacerdoti magno in illa reuelatione da-  
 tum esse dicimus. Sed audiamus ipsum Prophetam. Ille uero in  
 persona Dei loquens ad Iesum ita dicit. Audi IESV sacerdos  
 Zach. iii. *Zach. iii.* *Amici, uiri porten- detes.* *Amici, uiri porten- detes.*  
 magne, tu & amici tui, qui uiri portendentes sunt. Hoc primum  
 dicit, quid uero intelligat per amicos portendentes: ex Esaia,  
 Paulo explicatè, intelligere possumus. Dicit enim Esaïas. Ego  
 & pueri mei quos mihi dedisti in portentum in Israel, quod Pau-  
 lus intelligit de Apostolis. Sed audiamus Zachariam, postquâ  
 in genere de amicis, qui uiri portendentes sunt, est loquutus; tum  
 adiungit. Ecce ego adducam seruum meum orientem; quia ecce  
 lapis, quem dedi coram IESV, super lapidem uiuum oculi ses-  
 ptem, & ecce ego cœlabo sculpturam eius, ait dominus exercitu-  
 um, & auferâ iniquitatem terræ illius in die una. hæc ille. Quid  
 uero horum, quæ dicit de lapide dato IESV, non conuenit Pet-  
 ro? quem datum fuisse a Deo patre IESV magno sacerdoti re-  
 uelatio illa patris ostendit, per septem porro oculos, hebraica lo-  
 quendi forma, per numerum certum incertum significante, abun-  
 dantiam cognitionis, & uberiorê spiritus gratiâ, propter quam  
 tum beatus dicebatur, merito eum habuisse dicere possumus.  
 Et ego

*Petrus laus a Deo  
 patre datus Iesu sacer-  
 doti magno.*

Et ego cœlabo sculpturam eius. Sed quid nũc, tanquam Phidias quidam, loquitur de suo opere? quid significet, sequẽtia uerba declarat, Auferam, inquit, iniquitatẽ terræ illius in die una. quid enim? an non tunc ablata est terræ iniquitas, cũ promissum illud, & portæ inferi aduersum te non preualebunt, exolutũ est? nam antea cum preualebant, obliterata erat sculptura, & tota ista tua in terram deciderat. quare nunc pollicetur iterum sculpturã renouaturum, & IESV sacerdoti magno daturũ. Sed quid ego in Prophetarum testimoniis immoror? quid ex Prophetis, tanq̃ ex locis quibusdam abditis, ea quæro, quibus ostendam Símone Bariona fuisse illam petrã datam IESV sacerdoti magno; super quam fundaret ecclesiã; cum apertissimos locos habeam, luce ipsa clariotes, IESV inquam ipsius magni sacerdotis testimonia, & uerba, ex quibus cuiuis, qui IESV spiritũ habeat, perspectissimũ hoc esse possit? Sed quia aduersarius his locis quasi tenebras offundere conatur, ne ueritas in illis conspici queat: illius primum nobis discutiendæ sunt tenebræ. Tum autem ipsa per sese, ut spero, ueritas huius causæ omnibus elucescet. Id uero ita facillime fiet, si quæ paulo ante diximus de eo lapide, qui in fundamento ecclesiæ poni debet, ut illius onus sustineat, de hõmine dicta intelligamus. Et quia de uiuo lapide, hoc est de hõmine, loquimur, qui cura & sollicitudine sua ecclesiæ ædificium fulciat, ecclesiæ curam gerat: hoc ne aduersarius quidem negare posset, etiam si de Christo hunc locum exponere uellet, lapidem qui in fundamento ponatur, esse lapidem uiuum, qui onus ædificiis sua prouidentia sustineat. Christus uero quũ ecclesiã suam constitueret, quæ hõsum multitudine constat, non prius de ædificatione eius loquutus est, quam de hoc ipso lapide, id est de hõmine, qui tanquam caput corporis esset, quod reliqua mẽbra regeret, & omnibus prouideret: quasi plane intelligi uellet multitudinem nullam posse ullo modo cõsistere, nisi in uno aliquo firmaretur; maxime uero decere illam multitudinem quæ unitatis uinculo reliquas omneis superaret, qualis futura erat ecclesiã, ad unius curam ac sollicitudinem reduci. De hoc uero Apostoli ipsi, cum plures essent, needum etiã spiritus Dei lumine illustrati, quasi natura illis indicãte, multitudinem, nisi ab uno regatur, diutius se tueri non posse; non semel præsente Christo contendunt, quis ipsoꝝ maximus foret, qui reliquis præsset, nisi enim unus aliquis præsset, etiam in naturæ lumine cernebant, multitudinem haud posse cõsistere. Quid nĩ autem uiderent, cum iam

„ Zach. 4.

„

„

*Christus de uiuo lapide, hoc est de homine locutus est.*

*Apostoli non solum contendunt de primatu.*

## LIBER.

*Contentio intro dis  
soluenda societatis.*

tum præsente Christo contentio extitisset, quæ semper dissoluen-  
dæ cuiuslibet societatis principium esse cõsuevit: hanc uero con-  
tentionem de principatu, quæ non sine ambitione quadam huma-  
na esse potuit, Christus sic repressit in illis, ut eam diceret maxis-  
me contrariam esse illi qui in ecclesia Dei præsesse uellet, ubi huius  
militare, non ambitione, neque contentione dignitas & primus lo-  
cus obtineret. Qui ergo in ecclesia, inquit, uult esse maior; fiat

*Luc. xxii.*

sicut minor. Hanc uidelicet esse uiam ad regnum Dei, exemplo  
suo admonerat, qui cum omnium esset dominus, omnis humili-  
tate superabat, omnibus ministrabat. Sic igitur Christum huma-  
nam Apostolorum contentionem, de dignitatis præstactia repres-

*Mat. xiiii.*

*Mat. ix.*

fuisse in Euangelio Matthæi & item Marci legitur. Quibus in lo-  
cis nihil sane dictum est a Christo, ex quo illi clare intelligerent,  
quem ex omnibus principem cæterorum faceret. Quid enim ar-  
tinebat, præsente domino, de uicario cõstituere, præsertim apud  
eos, qui nondum scirent, essent ne a domino suo deserendi? nec  
enim de passione eius, ut Euangelii uerba ostendunt, tum cū hæc

*Christus quando  
ex quando consti-  
tuit uicarium.*

contentio orta est, quicquam cognouerant. Sed cum tempus pas-  
sionis instaret, per quam dominus ab illis auferendus erat, in illa  
ultima cœna, quam describit Lucas, apertius ostendit, quæ sua  
loco relicturus esset. Sed ne tunc, quidem tam aperte, quàm apud Io-  
annem, cuius rei causa esse potest, quia ipse, ad illos, post mortem  
reuerurus erat, quod maxime opportunum tempus uoluntatem  
suar declarandæ fore cognoscebat. Sed tandem, cum eos corporali  
sua præsentia esset omnino relicturus, cum in cælum post  
paulo ascensus terris relictis, quo ante finem mundi nequissimus  
erat cum corpore reuerurus: eo igitur tempore nomine pastoris,  
declarauit, quem uellet ecclesiæ suæ rectorem præficere; quod quod-  
dem eius quasi testamentum uidebatur, cum ipse sibi legatum ac  
uicarium in terris constitueret, qui populi sui curam haberet, id  
quod Ioannis ultimo legitur. Sed redeamus paululum ad Lucam,  
& Christi uerba ad Apostolos in ultima illa cœna, ubi Lucas re-  
fert eandem contentionem ortam esse inter apostolos, quam alio-  
etiam tempore prius extitisse alii Euangelistæ testantur, & ean-  
dem modo a Christo repressam, ut ambitionem dominaret, & eos  
humilitatis suo exemplo admoneret. Tandem uero hoc adiun-  
git, omnis illos magnos futuros; neque causam esse cur de hono-  
re apud homines laborarent; maiorem honorem illis paratum es-  
se, idque in regno Dei, ubi sessuri essent iudices iudicantes duode-  
cim tribus Israel. Sed nunc, inquit, maior, ac multo opportunior

*Cep. xxii.*

contentio



## LIBER

apertius apud Ioannem, ubi quædam post Christi resurrectione acta commemorant. Tum uero exigere tempus uidebat, ut suâ Christus uoluntatem elarissime explicaret, cum post paulo apostolos relicturus ita esset, ut non amplius corporali eius præsentiâ fruerentur. Ea igitur cum dicta sunt, quæ diligenter animaduersa totam hanc, de qua tam diu disputamus, controuersiam funditus tollent. Sed quia plura eadem serie orationis de Petro reseruntur, ex quibus quædam tanquam signa futuræ dignitatis fuerunt; incipiam a signis, quorum unum uel maximum paulo superius habetur. id uero est, quod Maria Magdalena Angelis iubentibus, primum Petro nunciauit, Christum e monumento sublatum, sed haud recte hoc refero, non enim dicit Euangelista, ad Simonem Petrum Mariam cucurrisse, ut nunciaret, Sed Maria, inquit, curre; & uenit ad Simonem Petrum, & ad illum discipulum quem diligebat IESVS, & dicit illis. Recte quidem, sic enim se habent uerba. De utroque refertur: quemadmodum etiam in multis aliis, quæ de Petro memorantur in Actis apostolorum, significatur quasi ubique Ioannem adfuisse. quo argumento Sampson utitur ad eleuandam Petri auctoritatem, quasi non solus Petrus, sed cum Ioanne confociatus miracula ediderit: cum id uel maxime significet, cuius personam Petrus sustineret, a quo dilectus ille IESVS discipulus, eo qui diligebat sublato, non fere discederet, sed eius lateri, ut quondam domini solebat, perpetuo, adhereret, eo ipso declarans personam domini in Petrum fuisse translata. sed hoc post melius uidebimus; nunc quod cœperamus agere de signis futuræ potestatis Petri, quæ uigesimo Cap. Ioannes exponit, persequamur. Sic autem inquit. Exiit ergo Petrus, & ille alius discipulus; & uenerunt ad monumentum. Currebant autem duo simul, & ille alius discipulus præcurrit citius Petro, & uenit prior ad monumentum. & cum se inclinasset, uidit posita linteamina, non tamen introiuit. Sed quare non introiuit noluit? noluisse certe illud argumento est quod postquam Petrus ingressus est, statim etiam ipse introiit. Si igitur nihil erat, quod ad Petrum præcipue pertinere duceret, cur non qui prior, accurrerat, statim ut uenit, introiuit? eodem modo profecto introisset in monumentum solus, sed cursum repressit, se sustinuit, quid aliud significans, quam expectari oportere eum, qui Christi locum obtineret? De illo enim ita refertur, uenit autem Simon Petrus, & introiuit in monumentum. sequiturque, tunc ergo introiuit & ille discipulus qui uenerat primus ad monumentum, quasi significare

*Signa quædam dignitatis Petro conferuntur, & memorantur.*

**Io. xx.**

*Ioannes cur semper alius sit Petro post mortem domini.*

**Io. xx.**

*Ioannes cur non sit ingressus in monumentum ante Petrum,*

significare uellet, ingredi primum in monumentum Christi mortui, pertinere ad eum, cui Christus ipse locum suum esset relicturus. Sed hæc argumēta apud Sampsonem nihil concludūt. Scio, equidem, ac apud christianum certe, qui non speciosis & ad persuadendum comparatis humanæ sapiētiæ uerbis duceretur, concluderent; utpote quæ, adiuncta præsertim ecclesiæ autoritate, omni scientia quæ per demonstrationem haberi possit, certiora sint. Sed oblitus pene fueram, quo cum mihi res esset. Quare nō immorabor amplius in cæteris signis futuræ dignitatis Petri, quæ ibidem Euangelista enarrat: cuiusmodi est, quod Petrus si mulac uidit dominum in litore nō expectauit, ut nauigio, quem admodum cæteri, ad eū ueniret; sed statim sese in mare demisit. In quo personā Christi maxime expressit, ambulans super aquā, cum cæteri nauigio ueherentur. Itemq; illud, quod cum tantum pisciū cepissent, indicato a domino loco, in quem rhere iacetēt, ut præ multitudine trahere non possent: de Petro tamen solo eosdem in loco dicitur. Ascēdit Simon Petrus, & traxit rhere in terram, plenum quinquaginta tribus piscibus, quæ omnia in mystērio dicuntur. Multa porro alia in euangelis sparguntur, quasi si gna certissima Christi uolūtatis: sed ea nunc omitto ppter Sampsonē, qui nec ecclesiæ, nec Christo ipsi credit, nisi quod fieri uos lunt, uerbis perspicuis proponant. Non est seruus factus ad nutum domini; iudicare se dissimulat, cū dominus subobscure loquitur. At hic quidem mos Sampson, seruorum Christi non est, qui omnes tanquam oues ex sola uoce pastoris, uoluntatem agnoscunt: quā ex nutu & signis plerunq; eādē intelligunt. quorū ex numero si tu esses, non certe reculares hanc formam ratiocinandi, in iis quæ ad Dei uoluntatem significandam pertinent, Paulus in re maxima, cum uellet ostendere iure diuino prædicatoribus uerbi mercedē deberi, hac sola ratione est usus, sumpta ex ueteri testamento, non obturabis os boui trituranti; num de bobus (inquiens) cura est Deo? hic Sampson statim, si illi cum Paulo contentio fuisset, tanquam dialecticus acutus, consequentiam negasset, & aliam protinus eius loci expositionē attulisset. Hoc nunc dico Sampson, quia uideo in multo apertiori argumēto diuinæ uolūtatis ex scripturis, ubi uix sophista locum cauillandi inueniret, te ut mox ostendam, peruersa tua interpretatio ne uim omnem argumenti eludere conari. non igitur ex signis cum tali seruo de domini uoluntate est agēdum, rationes, & eas explicatas, atq; in formā syllogismi inclusas, exigit. Quare aut

Vnus Petrus uenit  
ad dominum Jese  
aquam

Vnus Petrus traxit  
rherem terram.

Non serui est ex qui  
bus canis signis agno  
scere domini sui uol  
untatem.

i. Cor. ix.

## LIBER

sculta Sampson; morem tibi geram, clarā uocem domini ipsius de sua uoluntate afferam: modo ne obliuiscaris quid in hac quaestione nobis propositum sit: cuius te iterum admonere non erit alienū. Quærimus illam petram quæ a Christo posita est in fundamento ecclesiæ, petram inquam uiuā, quæ onus sustineret aliarum omnium quæ superextruerentur. Illam enim, unam tantum esse, uerba Christi ostendunt, super hanc petram ædificabo ecclesiam. Quærimus quæ nam sit illa una petra; & an per illam intel ligatur Petrus, cui commissā cura sit totius Christi ecclesiæ. Hoc nunc apertis & elarīs uerbis propono. Quid si igitur nunc non minus claris perspicuisq; uerbis ostendo, Petrum post Christum constitutum esse pastorem gregis christiani; an non illum ipsum esse petram, super quam Christus promisit se ædificaturū ecclesiam, constabit: constabit plane. Sed an ulla possunt apertiora clarioraq; afferri, quam quæ Christus apud Ioannem præsentibus aliis discipulis ad Petrum unum dixit: cum enim Petrum nomine appellasset, & ab eo quasi fidei pignus amorē exegisset: atq; ita interrogasset, Simon Ioannis. Diligis me plus his? cum Petrus respōdisset, Domine tu seīs quia amo te; tum accepta hac amoris confessione, quasi pignore, ab eo, cui tuto omnia committere posset, statim adiungit, Pæce agnos meos. An non hæc sunt Christi uerba? si nōdum exaudis Sampson, iterum repetit. Si me diligis, pæce agnos meos. si ne nūc quidem agnoscis Christi de suo uicario uocem, en iam tertium, eadem illa confessione, quasi quodam pignore, exacta, idem illi committit, & iam non dicit pæce agnos meos, sed pæce oues meas. si audis & agnoscis, an hic ulla præterea uerborum expositione est opus? si exigis, quam potius afferre debeo: quam Chrysostomi doctissimi ac sanctissimi uiri interpretationem? qui illa uerba exponens dicit pæce oues meas, id est loco meo præpositus esto fratribus tuorū. Sed uerba ipsa nonne per se ipsa clara sunt? si oues Christi pæcere a Christo summo pastore Petrus iubetur, nonne oues Christi curæ Petri committuntur? si omnes quicumq; in ecclesia sunt, oues Christi sunt; cum oues Christi sine ulla exceptione, Petro committantur tanquam pastori, nonne tota ecclesia illius curæ & gubernationi, sine ulla exceptione attribuitur? nōne is iam pastor totius ecclesiæ declaratur? Quid ad hæc Sampson? Quo acumine ingenii hæc tam aperta Christi de suo uicario uerba eludes? non desinis tu quidem conari; sed qualis sit conatus tuus, postea uiderimus. nūc autem, cū, quod modo dixi, omnis iam sublata contro

uerſia

*Petrus post Christum pastor christianis  
ni gregis constitutus  
est.*

*Io. xxi.*

”  
”  
”  
”  
”  
”

*Chrysostomus.*

*Pæce oues meas.*



uerſa eſt, attamē iterum in mediū adducamus Ioānis illū locū,  
ut nihil prorsus ſcrupulī aut difficultatis, ſi fieri poſſit, in uerbis  
Chriſti Sampſoni relinquatur. nam quin hæc ipſa, quæ adhuc  
dixi, reliquis, qui hæc audiunt, chriſtianis abunde ſacifficiant,  
non dubito. Sed ut quam minimam calumniādī materiam Sam  
pſoni relinquamus, reuertamur ad uerba euangelii. Aſcendit Si  
mon Petrus, & traxit rhete in terram plenum magnis piſcibus.  
Sed quo pacto Petrus ſolus hoc fecit paulo ante de eodem rhes  
tī dictum eſt, diſcipulos omnes qui ſimul erant in nauī, non ualu  
iſſe extrahere præ multitudi ne piſcium: & iam Petrus in terram,  
quo etiam difficilius trahitur, ſolus pertraxit, cū rhere eſſet ita  
plenum, ut omnes mīrarentur non eſſe diſruptum. An hoc illud  
rhere, illa ſagena eſt, cui ſimile eſt regnum cælorum, ſimilis eccle  
ſia, in quam omne genus piſcium congregatur: quæ a pluribus  
non poteſt trahi: ita enim diſcinderet unitas rhetis & eccleſiæ.  
Opus eſt ut ad unum perducatur, cuius perſonam tunc gerebat  
Petrus, qui ſolus in terram, quod alii omnes etſi una conſtitu  
tes non ualuerunt, pertraxit. Sed hic Sampſon dicit me allego  
rias conſectari, nouos ſenſus querere, a litera diſcedere. Quid fa  
ciam Sampſon, cum litera me eo ducat: cum uerba ſcripturæ ſint  
eiufmodi, ut præter literam quæ quaſi corpus orationis uidetur,  
aliū etiam interiore ſenſum tanquam ſpīritum includant: ſi  
corpus literæ, me ad ſpīritum uocat, ſi concordiam maximam ui  
deo inter utruq; ſenſum, qui præſtantior eſt, cum ut relinquam  
poſtulas: Ego certe (ac me ut libet reprehende) cum illa uerba  
lego, quæ Chriſtum in terra conſtituiſſe referunt, in ipſo littore  
maris; ubi diſcipuli eius piſcabantur; eos autem antequam eius  
uocem audiuiſſent, nihil capere potuiſſe, quanuis tota nocte la  
boraffent: ita tandem admonitos a Chriſto, quam in partem iace  
re deberent, tantum numerum cepiſſe, ut eorum uiribus trahi in  
terram non poſſet, & tamē ab uno, qui primus omnium ad Chri  
ſtum in littore conſiſtentem peruenerat, pertractum eſſe: hæc in  
quam in litera cum lego, non tunc ſolum magnum a Chriſto edi  
tum miraculum intelligo, ſed idem etiam nunc fieri iudico. Hoc  
enim mihi ſtatim totius eccleſiæ, & qui nunc eſt, & qui ſemper  
fuit poſtquam Chriſtus a nobis in cælum aſcendit, repræſentat:  
Apoſtoli namq; piſcatores hominum, in hoc mundo tanquam in  
marī, monſtrante Chriſto, maximā multitudinem congregarūt,  
qui certe omnes friſtra tanquam in nocte laboraffent, niſi Chri  
ſtus illis lumīne ſuo præluſiſſet. Iam uero quos comprehendēs

11 Io. xxi.

22 Rhere quod a multis  
trahi non potuit, ab  
uno Petro trahitur.

Mat. xiii.

Littera, corpus ſcri  
pturæ.  
Interior ſenſus ſpī  
ritus eſt.

Allegoria ſuper capti  
ua piſcium & rhes  
tī oratione.

Mat. xiii.

rant, monstrante Christo, iis ad terram trahēdis, id est tutum in locum recipiendis, multitudinem inutilem fuisse uideo: opus fu-  
 isse aliquo uno, qui crescēte predæ multitudi- ne, totam ecclesiam  
 tanquam unam sagem, plenam magnis piscibus ad Christum,  
 pertraheret. qui sane in littera fuit Ictus, idem autē in ecclesia  
 Petrus est, & deinceps ut quisq; Petro successit. Hanc certe im-  
 aginem non possum non animo concipere, cum illa lego. Cum ue-  
 ro iam ad prandium illud uenio, quo me ipsa Euāgelii series du-  
 cit: statim enim a piscatione ad prandium uocat illos IESVS;  
 uenite, inquit, prandete; ubi animaduerto neminem omnium ma-  
 num ad cibum adiuuere, etsi labores manuum suarū appositos  
 ante oculos haberent, sed expectare dum ab uno sibi ministret:  
 Et uenit IESVS, & accepit panem, & dedit illis: & similiter pis-  
 cem, & illis dedit, omnia enim ab uno illo pastore acceperunt;  
 deinde a prandio, ut idem ordo perpetuo seruatus intelligatur,  
 cum uideo unum separatum esse a reliquis, hoc enim indicant il-  
 la uerba, Simon diligis me plus his, cur plus his, nisi aliquid am-  
 plius ab eo exigeret, quam a reliquis; quid autem exigit, nisi il-  
 lud quod ipse fecerat, quandiu corpore præsens fuerat, ut fratres  
 pasceret; hoc enim præcipue ab eo exigit cum tanta uerbōrū em-  
 phasi, ut in hoc uno gregis sui, pro quo mortuus est, salutem pos-  
 nere uideatur, si ab uno pascatur; eum igitur hæc illi gerit uideo,  
 & nunc ad præsentem ecclesiæ statu cogitationem refero, in quo  
 unum, qui summum locum teneat, qui omniū curam habeat, qui  
 pastor omnium sit, Episcopum Romanum successorem Petri ani-  
 maduerto; quō modo dubitare possum, hoc institutum a summi  
 pastoris uoluntate deriuatum esse; qui cum corpore præsens es-  
 set, hoc munus Petro dederit, ut suas partes sustineret; In qua re  
 si adhuc dubitatio aliqua subesset, quid magis eam tolleretur, quæ  
 quæntia adhuc Christi uerba ad Petrum; quibus, ut omnibus ma-  
 nifestum faceret se illum sibi successoris constituisse, etiam in  
 mortis genere eū sibi successorū restaturus est. Quod illa uerba si-  
 gnificent, cum esses iunior cingebas te &c. Deinde concludit, se  
 queret me, plane ut omnium uerborum illorum sit sensus: Ego  
 quandiu hic corpore præsens uobiscum fui, uos, qui oues meæ  
 estis, uerbo & doctrina paui. Nūc autem ab eo, ut alium mitam  
 paraclerum, qui omnia quæ me docente degustastis, plenius uos  
 bis suppediet, & qui uos cōfirmet. Oues porro meas tibi Petre  
 relinquo: tu eas pascendo, ac pro eis moriendo, me sequere, ut os  
 omnibus probes te uere successorē meum esse. Hanc sententiā

Christi

Cap. maior amor a  
 Petro quam a aliis  
 exigatur.

Petrus etiam in mor-  
 tis genere Christi  
 succedebat.

Io. xiii

Christi fuisse, quid magis si adhuc querimus, confirmet, quam interrogatio Petri de illo dilecto discipulo? Cū enim Christus a Petro pro amore quem erga se haberet, postulauisset, ut suarū ouium curam susceperet, & eas pasceret; mirum Petro uideri potuit, cum dilectum illum discipulum sequentem uideret, cur non illi potius diceret, sequere me, & pascere oues meas. Quare conuersus Petrus, inquit Euangelista, uidit illum discipulum, quem diligebat IESVS, sequentem, qui & recubuit in cœna super petus eius: & dixit, Domine, quis est qui tradet te? hūc ergo cum uidisset Petrus, dixit IESVS, Domine hic autem, quid: hic domine, qui nomine dilecti discipuli appellatur; hic, cui secreta tua omnium primo reuelare soles, cui moriens matrem tuam commendaisti: hic igitur quid? Dicit ei IESVS, si eū uolo manere dum ueniam, quid ad te? Tu me sequere. Prius Christus eū ab omnibus separauit; nunc autem, quo magis officium & dignitas eluceret, etiam a dilecto discipulo. Si eū uolo manere donec ueniam, quid ad te? tu me sequere; quasi diceret, noli amplius querere de aliis; in domo patris mei multæ mansiones sunt, in ecclesia mea multæ sunt functiones, diuersa munera: non deerunt aliis sua munera. Quod ad hunc pertinet, de quo nunc queris: si eum uolo manere donec ueniam, quid ad te? tu munere tibi commisso, ut oues meas pascas, fungere: In eo esto attentus; mihi alii curæ erunt. si illi matrem meam moriens commisit; at tibi nunc sponfam meam commisi, ecclesiæ meæ curam commisi, Tu me sequere. Ego illa prima petra sum, ego ille lapis abscissus de terra uiuentium, ille lapis exectus de monte sine manibus, qui replet orbem terrarum. Iam nullum aliud fundamentum potest poni, præter me; ego omnia alia fundamēta sustuli. Mihi tradita est omnis potestas in cælo & in terra. Me nunc pater ædificatorem constituit humani generis; quod cum se se nouum adhuc Dei opus e manibus architecti subtraxisset, in terram delapsus, in duas est partes dissectū, has ego partes iterum coniūgo, & ex opere fragili duraturum; ex luto, uitam petram facio. Et quid nunc aliud uolo, nisi ædificare, nisi lapides uiuos in fundamento ponere: atq; a te primum incipere, cui me ædificatorem pater primū reuelauit? Tu eris in fundamento huius ædificii, tu reliquos omnes tui generis, qui multis subsequuntur sunt, sustinebis, Pro tua stabilitate, pro tua fide orauit. Tu confirmatus, confirma ceteros, cum te ego tui generis primum, mihi proximum in hoc edificio constituerim, Tu me sequere. Sicut mihi præcipua cura fuit uestri, qui sum Deus & hos

,,

,,

,,

,,

Domine hic autem quid?

,,

,,

Tu me sequere.

,,

Io. xiii.

Christus Iohanni matrem, Petro sponfam suam commisit.

,, Mat. xxviii.

,,

## LIBER

mo: sic tibi genesis tui prima cura esto, cui quidem diuinam potestatem impertiar. Sicut pater mihi mandauit, qui sum Deus & homo, ut omnium curam gererem, omnes edificarem, omnes pascerem, omnes denique quasi oues dispersas congregarem: sic ego iam terras relinquens, & ad patrem rediens, eandem formam ista tuo, unum hominem deligo, qui diuinam potestatem habens meas partes sustineat. Tu is es, cui pater primum meam dignitatem reuelauit: at ego tibi tuam reuelo. Tu eris petra illa, super quam edificare incipiam, Tu me sequere; alii deinceps te sequentur. Spiritu quidem nunquam a uobis discedam usque ad consummationem seculi, corpore certe presens non ero: ceterum nullo tempore deerunt, qui personam meam sustineant; quibus eandem quam tibi, diuinam potestatem dabo. Tu incipe, tu me sequere, te alii postea subsequantur. Amen dico tibi, non deficiet generatio hæc, donec omnia fiant. Quid hæc Sampsonianum cum mille & quinque gentibus annis perpetua serie in Petri locum successerint, numerare possumus, id quod de nulla ecclesia, nisi Romana, cui Petri successores præfuerunt, ostendi potest; quod certe fieri non potuisset, nisi uerbo Christi Roma toties ab hæreticis oppugnata, toties a barbaris gentibus infestata, niteretur: hanc nunc successio nem, quam Christus ita ad summam uerbi sui potentiam declarandam conseruauit; hanc inquam Sampson tu nullam esse dicesset an ita fidis malitiæ tuæ, ut speres posse te hanc penitus abolere, ut ne reliquæ quidem apparcant: & ad eam solitudinem redigere, ut homines existiment eam nunquam fuisse? In eo tu quidem omnes tuos conatus experiris, ut probes ne Petrum quidem successorem Christi fuisse, ad quem tam aperta uerba Christi sunt, Sequere me, pascere oues meas: Sed frustra Sampson niteris. Et si enim hæc quæ modo attuli, scripturæ uerba nuda ponerem, neque ea authoritate aliarum scripturarum, sicut iam feci, communicare satis causæ officioque meo fecissem. Nam quid obsecro dicere posses, ut ego aliud nihil quam tres tantum illos locos afferrem? Primum apud Matthæum, Tu es Petrus, & super hanc petram edificabo ecclesiam meam: cuius quidem sententiam pluribus uerbis exposui: quæ certe alia esse non potest, nisi ut per petram, super quam edificatur ecclesia, intelligatur unus, qui multitudinis, id est ecclesiæ confirmandæ & augendæ in fide Christi (quid enim aliud intelligi per ædificationem ecclesiæ potest?) curam gerat, & onus sustineat. Quod si talem petram Petrum apostolum fuisse negares: an non reliquæ duæ authoritates contra te aperte Christi sententiam

LUC. XXI.

In Romana ecclesia  
numeratur perpetua  
Pontificum series an  
nisi plusquam mille &  
quingenti.

Tribus locis ex serie  
petitionum pro Petri  
diuitiæ alieui, Sā  
pson nihil respondere  
potest.

Ædificatio ecclesiæ.

teneiam de Petro confirmarent; in quarum priore, quæ est apud Lucam, dicitur, ego pro te Simon oraui ne deficiat fides tua, tu uero conuersus confirma fratres tuos. Quid rãdem est quod clariùs interpretari uerba illa Matthæi possit, quam hæc Lucæ, quæ plenissime testatur Petrũ fuisse petram, super quam reliqui confirmarentur? Nunc uero his adiunge etiã illa quæ Ioannis ultimo post resurrectionem tanto pondere uerborum uni Petro dicta sunt, Pasce oues meas. nonne hoc iam testamentum Christi uidetur? Si illud testamentum Christi fuit, cum moriens in crucis discipulo dilecto matrem suam commẽdauit, ad quam postea corporaliter rediit; nonne hoc multo magis testamentum Christi est, cum ipse non amplius ante mundi finem in corpore ad suos rediturus, ecclesiam pro qua mortuus erat, Petro commendauit? At quanta sollicitudine hoc fecit; nempe quãta solent ii, qui testamenta conduunt, & ultima illa uerba apud amicos proferunt, si me amas, hoc cura; sic Christus si me, inquit, Petre amas, Pasce agnos meos, si me amas Petre, pasce agnos meos: ac ne forte Petrus putaret minorum tantummodo curam sibi esse commissam, maiorum non esse, quanquam illud satis tum expresserat, cum dicebat confirma fratres tuos; tamen quia hæc quasi testamẽti uerba erant, adhuc, idq; iam tertium, per amorem obtestatus, Pasce, inquit, oues meas; etiã fratrum curam tibi committo; in summa pasce omnes, qui sunt oues meæ. En Christi testamentum Sampson en omnes suas opes, quas in hoc sæculo reliquit, quæ in hoc sæculo consistebant, Petri curæ ac fidei tradit. En Dei filiis, Petrum unum, neq; alium præterea tutorem relictum. Quid in hoc testamento tam clavis & apertis uerbis scripto calũniari studest? Quid faceres in amici hominis aut patris tui testamento, si Dei testamẽtum peruertere & uiolare audes, præsertim mille & quingentorum annorum perpetua obseruatione confirmatum? Post tot enim sæcula oues Christi, Petri & eius successorum custodiẽ commissas, iam a successore Petri abigere studes. Sed quo scelerate abigis; cuius nunc custodiã committis? Regis nes ita quisdem, nõ sacerdotis, neq; episcopi, sed Regis. Quid hoc est aliud, quam Cacum agere; de quo memoriæ proditum est, cum Hercules dormiret, aliquot illum de ipsius armento boues, auersis uerigiis, ut inquirentem fallerent, in speluncam suam traxisse. Eodem modo oues tu Christi, de ecclesia, quasi de pascuis abactas retro plane agis, cum ad Regum spelũcam agis. Hoc enim post ecclesiam constitutam, nunquam cuiquam in mentem uenit, ut

,, Lucæ. xxii.

,,

Testamẽtu Christi

Agni.  
Oues.

,,

,,

Sampson violat testa  
mentum Christi.Sampson agit Cacum,  
dum Christi oues a  
Pontifice ad Regem  
abigit.

## LIBER

Regis custodię oues Christi commissas putaret. Nam quid hoc aliud est, nisi animam corporis custodię tradere? Quis unquam oues Christi apud Regem quæreret? Si Hierosolymitano, aut Antiocheno, aut Constantinopolitano episcopo, sacerdoti denique alicui eas tradidisses, etsi contra Christi summi pastoris uoluntatem fecisses, tamen aliquam ueri speciem ac similitudinem, hec tua impietas habuisset, quia sacerdoti. Nunc de quo nulla suspicio esse potest, Christum ita uoluisse, ei Christi oues committis, id est Regi; tanquam uersutus latro, qui ibi prædam abscondit, ubi putet neminem ausurū quærere aut repetere. Sed est qui querat & repetat: Tu putas Pontificem Romanum dormire, & propterea tibi impune prædari licere, ut Cacus Hercule dormiente fecit. At Sampson, Dominus ouium non dormit; sed uidet te, & e cælo uidet. Nam nō nos solum, qui superstites sumus, uoce nostra tanquam balatu significamus pastori, quo abacti a uobis sumus: sed multo magis quam nos, sanguis eorum, quos recusant, teis uocem mercennarii audire, interfecistis, assidue ad Christū de terra clamat, quos nemo dicere potest non ex præcipuis Christi ouibus fuisse. O scelus nefariū, & quale adhuc post Christi pastoris nomen auditum, nullum in Christū ipsum, & ecclesiam, admissum legimus. Et nos cum huius tanti sceleris atque impietatis authoribus, uerbis mitioribus, tanquā si adhuc ex nostro grege essent, contendimus: quasi uero in eos qui ex armæro, aut grege alieno prædas abigant, leges seu crissimas habeamus, in eos aut qui gregem Christi totū abigere ac diripere conent, & qui iam præcipuas ex eodē grege oues trucidarint, nulla lex, nullæ pœnæ sint cōstitutæ. Sed atrocitas scilicet ac magnitudo sceleris facit, ut nemo uisitas, aut a legibus præscriptas pœnas a uobis experat; Inusitatam aliquā a Deo uindictam, qualis in Dathā & Abyrō extitit, quorum seditiosa facta imitamini, omnes in uos expectant: in quos si terra dehisceret, nemo plane christianus nō iustissimam Dei uindictam comprobaret. Sed si Deus, ut diuitis as misericordiæ suæ in uasa iræ ostendat, tarditatemque uindictæ in uestram impiam pertinaciam grauitate compeset: uos adhuc in uita manere patitur: imitemur nos etiā Dei lenitatem; & uerbis solis, aduersus gladium & uerba, contendamus. Audiamus igitur nunc Sampsonem, qui se negat furem gregis Christi raptores uel esse (non enim a iusto possessore, sed ab iniusto abducere) sed iure agere, sed ratione agere, non uicōtendere, nisi forte in eos qui rationem audire nolint, contendit. Audiamus ergo

animal

*San quis ouis Christi  
fuit in Anglia interfectus  
ut non ad posterum  
suum clamet.*

*Deus tarditatem uindictæ  
grauitate compeset.*

animal rationale, qui in oſibus rationis nomē iactat, qm̄ chriſtia  
nī iam pridē amiſit. Quid ergo aſſers cōtra eos locos, quos mo  
do ex euāgeliis adduximus? quo teratio tua ducies nō audis Pe  
tro Chriſti oues fuiſſe cōmiſſas? non audis Petro, illud munus  
datū, ut ipſe fratrum curam gereret, cū illius fides, ofone Chriſti  
confirmata eſſet, ut ipſe alios confirmaret? Tu, inquit Chriſtus,  
conuerſus confirma fratres tuos. Audio, inquit, Sampſon, hæc oī  
mnia; ſed hæc non magis ad Petri munus pertinent, q̄ ad cuius  
uis chriſtiani hominis officium. Cur ita Sampſon? quam tādē  
nobis rationem aſſers? quia, inquit, hoc ad omnes, & ad ſingulos  
quoſq; fideles in Petri perſona loquebatur Chriſtus. Eſt enim  
officium uniufcujuſq; chriſtiani uiri, fratres ſollicite docere, con  
ſolari, corripere. Hæc Sampſonis ratio, cuius ſumma eſt, quia  
quod omnium & ſingulorum eſt, committitur Petro in illis uer  
bis Chriſti, & tu conuerſus cōfirma fratres tuos; ideo nulla præ  
cipua eſt authoritas Petri ſupra ceteros. Quia ſub perſona Pe  
tri omnes chriſtianos Chriſtus alloquitur, eius igitur perſonā  
nihil habet præcipui, ideo Petro in iis uerbis nulla præter reli  
quos authoritas, nulla poteſtas datur. Placet ne tibi hic ratiocin  
nandi modus? Sed non poſſe nō placere, tua uerba etiam iterum  
reperita oſtendunt. Sic enim concludis locum illum adhuc pla  
nius. Quod ergo Chriſtus ad Petrū ait, Et tu conuerſus confir  
ma fratres tuos: non ſenſit de futura poteſtate; ſed quod modo  
cum conuerſus fuerit, & fidem receperit, ſtudeat alios in eadē  
fide confirmare, id quod nullius chriſtiani uiri nō eſt officium,  
ut ſupra dixi. hæc tu, quia ergo ſingulorum officium illi cōmit  
titur, quia quod eſt cōmune omnibus, illi cōmittitur, ideo nul  
la ex his uerbis præcipua authoritas elicitur. Nunc ſi hæc ratio  
ab animali rationali propoſita eſt, reſpōdeat mihi idē animal.  
Fingamus Chriſtum Regem aliquem conſtituere. Sed nolo te  
cum fictionibus agere, ne ullam calumniādī materiam tibi relin  
quam. ſumam argumentum a ſolenni illa cerimonia, quam in oī  
mibus regnis ſeruari uidemus. Cum Reges inſtituuntur, non  
in iis propōnitur formula quædam regendi, in quam etiam ipſi  
iurent? hoc quidem negari non poteſt. Qualis uero hæc forma  
la eſt? ut iuſtitia ex legibus adminiſtrent, & alia huiusmodi mul  
ta. Sed nos omnia comprehendere intelligamus hac iuſtitia ex le  
gibus adminiſtratione. Regi noſtro nonne hæc ipſa formula tū  
præſcripta eſt, cum primum regni gubernacula ſuſcepit? Maxi  
me. Et quō tempore hanc iuſtitia adminiſtrandæ poteſtatem ex

*Sampſon animal ra  
tionale.*

*Sampſon inqueſcit  
ge nullam præcipuā  
authoritatē Petro de  
tem eſſe, ex eo quia  
quod eſt ſingularium  
officium, illi cōmitti  
tur.*

*Sampſonis uerba.*

## LIBER

formula accepit ab iis, qui id ius patriæ nostræ more atq; iustis  
tuto habet, ex eo tempore Rex esse cepit sic est. At contra nūc  
Sampson argumentatur. Administrare, inquit iustitiam, non Re  
gis solum, sed & iudicis est, quot quot enim iudices in regno  
sunt, hoc illis commissum est, ut ius suum cuiq; tribuant. Ergo  
Rex ex eo munere sibi commissio, non est Rex. Hæc enim est ar  
gumentatio, qua ipse contra Petri auctoritatem in pastoris offi  
cio utitur. Hanc doctrinam, inquit, Christus omnibus dedit in  
persona Petri, maxime uerbi prædicatoribus, ergo hoc non facit  
Petrus supremum pastorem. Quam totidem uerbis ad regium  
munus transferre licet. Cum Regi cōmittitur administratio ius  
titiæ ex legibus, dico id quod tu negare certe non potes, eandē  
hanc doctrinam dari omnibus qui sunt in regno, præcipue autē  
iudicibus. Rex igitur nullam habet præcipuam auctoritatem in  
iustitiæ administratione supra iudices. Est ne hæc argumētatio  
tua? sane eodem hīc modo, quo illic ubi tu uteris, ualere debet.  
Sed uis ne ut Regi indicē, q̄ belle ipsius causam agas; cui ut tri  
buas alicnam iniustam, & plane huiusmodi quam tu præstare  
nunquam possis auctoritatem, suam legitimam, & ipsi ab omni  
bus concessam eripias? Sed audi aliam conclusionem, quam ego  
ex ipsis tuis uerbis, quæ contra Petri auctoritatem profers, infe  
ram, primo ad confirmationem Petri auctoritatis deinde etiam  
Regis: cuius equidem de auctoritate nihil diminuam, cum Pe  
tro conseruabo suam. Nunc igitur recognosce uerba tua. Tu  
dicis, & hoc sæpe refers; in persona quoniam hoc cōmitti Petro,  
ut fratres confirmet; in persona ecclesiæ dici Petro, ut oues Chri  
sti pascat, ergo iam concludam ego, non Sampson, Petrus est pa  
stor omniū, habet auctoritatem supra omnes. Hoc tu uidelicet  
non feres. Sed idem audi ad regiam potestatem translaturum. Re  
gi in persona omnium qui sunt in regno, cōmittitur administra  
tio iustitiæ, quod illi præcipitur, omnibus præcipitur, ut unus  
quisq; proximo suo ex legibus iustitiā ministret. Ergo supre  
ma omnium est auctoritas Regis. Quid enim quæris Sampson,  
cum quæris officium Regis; aliquid ne seiunctum ab omnibus  
munus, & quod nemini præterea conueniat? si ita iudicas, ualde  
iudicio falleris. Si ita quæres, nunquam quod inuestigas, repe  
ries. Videris pueros imitari, qui Regem solum agnoscunt ex di  
uerso ab aliis cultus genere, ex corona, aut aliquo alio insigni  
externo, quod in cæteris non animaduertāt. sic tu cum officium  
Regis quæris, aliquid separatam quæris, quod non sit reliquis  
etiam

*Inquit Sampson ar  
gumentatio.*

*Sampson dum alicnā  
iniustam potestatem  
Regi tribuit suam il  
li legitimā auocat.*

*Probat Petri aucto  
ritatem ex eo, quod  
Sampson ad eandem  
iniquam quandam assu  
pit.*

*Regium munus non  
est separatam quod  
dam, sed potius comp  
munis omnibus.*



etiā commuē. Verum hoc pacto nunquam inuenies. Sed sequere consilium meum, quære potius quid sit cōmune omnibus. & continuo quodnam sit regis munus, apparebit. Quod si nō potes Regem nisi ex signis exterioribus, nisi ex corona agnoscere; existima saltem illum circulum aureum omnium e populo munerā & officia completi; quod quēq; priuatim facere oporteat, id omne unius curæ committi: Hoc in Rege esse, quod sit in omnibus. Si aliquid separatum quæres (iam tertium te admoneo) ad officium Regis perspicendum nunquam certe peruenies. Sed quid tu Sampson ita Theologiae es deditus, ut propriæ tuæ professionis, iuris inquā ciuilis, cuius facultatis insignibus iam pridem te iactas, oblitus uideares uis doctior esse in aliena, qui tuā ignores? Leges ciuiles nonne hoc te docent de Imperatore, cum maiestas populi ad unū delata fuerit; quicquid erat in singulis muneris & officii, hoc unum iam completi; qui cum reddat singulis quod populi totius & singulorum hominum erat, cum iustus imperator sit? Eodem modo nunc de Petro, cum Christus hoc commisit illi quod fuit omnium, & singulorum, ut confirmaret alios in fide, nonne ex tuis uerbis illi supra reliquos omnes autoritas tribuitur? Si enim singulorum pastorum officia in illo uno munere, quod Petro datum est, significatur; nonne omnium pastorum pastorem facis? Atq; hic tardus homo Sampson, Augustini auctoritatem adducit, tanquam secum facientem; qui in illo Ioannis loco ubi Christus dicit, Petre pascue oues meas, dicit Petrum personam ecclesiæ gessisse: tanquam si de Imperatore dici non posset, populi personam eum gerere, in quem maiestas populi esset translata, aut quasi Rex in regno non omnium personam gereret. Quo quid absurdius cogitari potest? Quando enim magis cognoscitur Rex, q̄ tum, cum aliquid dicit in persona regni? Quod autem regnū Regi, hoc ecclesia pastori. In quo ergo pastore ecclesiæ persona representatur, quid aliud intelligere possumus, q̄ eum esse pastorem omnium? hic uero miser, tantum abest cum Augustini auctoritatem adducat, ut intelligat eam maxime contra suam opinionem facere, & magnum aduersarium causæ suæ Augustinum nominare, ut etiam lectorem sui libri ad Augustini uerba reiciat, & iubeat legere illic, quæ pro sua sententia faciant; quæ tamē, ut siquid aliud, hanc eius sententiam funditus euertunt. Ea porro Augustini uerba citat, quæ is scribit exponendo illud Christi ad Petrum, pascue oues meas. Libet ergo tibi obsecro Sampson, quoties me ad Augustinum

*Sampson ita nuper Theologiae deditus est, ut propriæ professionis hoc est iuris ciuilis oblitus esse uideatur.*

*» i ecclesiæ personam gerat, eum omnium pastorem esse.*

*Augustinus, quem Sampson citat, maxime aduersatur Sampsoni.*

*»*

## LIBER

reiciis, quem scio acertimum aduersariū tuæ causæ esse. Sed uolo, cum uerba in medium attulerimus, ut ipse Augustinus, non tu, illa uerba interpretetur. Quid ergo ait Augustinus? Tu quidem ipse recitas, quod ad ipsum Petrum proprie pertinet, inquit  
 » Augustinus. Vnus homo erat, gratia unus christianus, abundantiore gratia unus, idemque primus Apostolorū. Sunt ne hæc uerba Augustini? Sunt certe, satis bona fide a te citata. At uide quæso, quam te meam sententiam magis confirmare posses. quid ego aliud de Petro dico, quā illud idem, quod ipse Augustinus iis uerbis diferte dicit? An non ipse a principio huius disputationis testatus sum, Petrū, si ipsum tantum spectares, esse unum hominem, & cum miserum ac fragilem, ex eorumque numero, de quibus Iob dicat, qui habitant domos luteas, qui habitant terrenū fundamentum: eundem uero, gratia factum esse ex luto, petram solidam & uiuam, non amplius super terrenum fundamentum habitantem, sed in fundamento, quod abscisum est de terra iuuentium, quod commune dico illi cum omnibus christianis. Abundantiore uero gratia, ut nunc dicit Augustinus, unus idemque primus Apostolorū. An non hæc mea sententia est? sed iam, inquis, per hoc quod dicit, unus idemque primus, non intelligit Augustinus, ut sit primus potestate, sed ut ordine. Hoc quidē Sampson dicit, non Augustinus. Verum an hæc sit Augustini mens, nō a te, sed ab ipso Augustino uolo discere. Ille uero nūquam hoc dicit, primum quia falsum est, Petrū ordine uocationis inter Apostolos principem fuisse; quando ante eum frater ipsius Andreas fuit uocatus, qui Simonem etiam ad Christū adduxit, quem statim ut uidit Christus, dixit illi, tu uocaberis Cephas, id est petra, cum interea fratri qui illum adduxerat, nihil præter ceteros præcipui tribueret. Sed utrum Augustinus hoc quod ais dicere uoluerit, an potius Petrū existimauerit potestate summa supra reliquos Apostolos a Christo donatum, quis melius, quam Augustinus ipse nobis indicabit? Ac mihi quidem, & omnibus qui non calumniari, sed bona fide cognoscere Augustini sententiam cupiunt, satis id expressum est illis uerbis, quæ modo ipse ex Augustini libro recitasti. Sed si pluius adhuc idem exigatur, afferam uerba ipsius Christi, ad quæ Augustini interpretationem adiungam ita claram, ut etiam si Momum in omnibus agere statueris, uulla tibi hic occasio reliquatur. Est autē locus is, unde Christi uerba excipiuntur Matth. xvi. in quo Euangelista describit uenisse ad Petrum qui didrachma tributū nomine exigebant

Iob. iiii.

*Petrus ab Augustino  
 non vocatur primus  
 Apostolorum.  
 quod Petrus non fuit  
 ut primus Apostolo-  
 rum, ordine vocatus  
 sit.*

Ro. i.

Matth.

bant, petiisseq; ab eo, num ipsius magister Christus censum sol-  
ueret. de quo ante, q̄ Petrus interrogaret, Christus occupauit, &  
illum rogauit, solerent ne filii regum tributū penderet. Sed hæc  
nunc omitto, uenio ad factum Christi, qui tandem dicit; ne hos  
scandalizemus, uade ad mare, ubi staterem in ore piscis inuenis-  
es, hūc da pro te & me. Hæc sunt Christi uerba. quibus ego nūc  
non meam, sed Augustini interpretationem adhibebo, qui in li-  
bro quæstionum noui & ueteris testamēti. Quæ est. LXXXV. ita  
scribit. didrachmum capitū solutio est. Sed fortasse tu hoc nō  
intelligis, & dubitare potes cur didrachmū dicat Augustinus,  
cum Christo de statere mentionem faciat. Quare ne te hoc mo-  
retur, res ita se habet. stater erat duplex didrachmū. A Christo  
uero pro se & sua familiā didrachmum tantum exigebatur, non  
stater. Didrachmum enim erat capitū solutio. Tantum enim lu-  
dæi tributū nomine Romanis pendebant, in singula familiarum  
capita singula didrachma. Christus uero duo didrachma soluit,  
cum staterem numerauit, unam pro se, alterā pro Petro: ut signi-  
ficaret in sua familiā duplex esse caput, quorū alterum esset De-  
us & homo, alterū purus homo, id est Petrus. Sed nolo me in-  
terpretationi fidem habeas, Audi Augustinum, quem quasi fau-  
torem tuæ sententiæ adducis. Sequitur enim in Augustino post  
illa uerba, didrachmum est capitū solutio. Saluator quando pro  
se & Petro exolui iubet, pro omnibus exoluisse uidetur. Quia si  
cut in saluatore erant omnes causæ magisterii, ita post Saluato-  
rem in Petro omnes continentur. ipsum enim cōstituit caput o-  
mnium. Ecce in Petro post Christum omnes causas magisterii  
inesse dicit Augustinus, ecce caput omnium Petrū. dicit Augus-  
tinus, is quem Sampson pro se ad contrariam sententiā euer-  
tendam adducit. Quid hic Dauidem querimus, qui huic Goliath  
caput præcidat, cum suo ipsius gladio se ipse confodiat? Ita non  
solum ratio quam affers, sed autoritas quā adducis, pro me fa-  
ciunt; tuamq; sententiā sic condēnant, ut certe nihil magis hoc  
efficere possit. Post has uero tā ualidas rationes, quæ magis pro  
aduersariō q̄ pro ipsius sententiā faciunt, quid iā agit Sampson?  
fingit uidelicet ipse sibi se sine aduersariō uicisse; ac tandem eo  
deuenit, ut cum negare non possit multis sæculis hanc Ro. Pont.  
successoris Petri potestatem durasse, iam quasi ociosus philoso-  
phus & grauis huius rei causam rimeat, unde nam id est, quo ex  
principio defluerit hæc tanta Romani Pontificis potestas, ut  
apud omnes pro uicario Christi, & pro summo pastore omniū,

L

Mat. xvii.

„

„

Didrachmum.

Stater duplex didra-  
chmum.

„

„

„

„

Augustinus affirmat  
Petrum esse omniū  
caput.

## LIBER

*Impia Sāpfonis sen-  
tentia super origine  
pontificatus Ro. Pont.*

cui totius ecclesiæ cura commissæ sit, habeatur. Atq; hic non dñi  
suspendit auditores, ut expectet, quid ipse tanta in causa respon-  
deat. Sed ut quæsiuit unde Romanus episcopus arrogauerit sibi  
tantam auctoritatem, subiicit continuo, a principū scilicet & po-  
pulorum nimia tollerantia, & illius loci episcoporum sæda am-  
bitione, & superbia. Sed quo pacto Sāpfon hoc pbas? hoc enim  
statim tibi respondeo, neutram causam ueram esse; maxime uero  
impium esse, a tali initio talem auctoritatē ductam dicere. Sed  
nolo adhuc tibi molestus esse, dum id doceo: Perge tu potius, &  
dic cur ita existimes. Quia primum, inquit, certius nihil est sub  
cælo, q̃ quod episcopo Romano primatus aut auctoritatis plus  
non tribuatur iure diuino, quam cuius alii episcopo siue in An-  
glia, siue in Gallia: eum ne diuus quidem Petrus habuerit. Sed  
si hoc ego negauero Sampson, quo pacto pbaris? An putas tan-  
tam tuam auctoritatem apud omnes esse, ut tibi dicenti solum,  
cōtra ecclesiæ cōsensum credatur, cui ne iurato quidem quisquā  
nunc credit, idq; merito, eum contra iusiurandum ecclesiæ datū,  
quo tempore ipsius unitatem confitebaris, eam nunc discindere  
pares? Verum ille nullam aliam probationem affert, & tanquam  
omnia ipsi concedi debeant ob id solum, quod tam confidenter  
asseueret, superest, inquit, ut iure humano. Ac sic relicto illo mē-  
bro diuisionis quod fuit probandum, pergit ad alterum. Sed ta-  
men quasdam etiam probationes adiungit ex inscriptionibus li-  
terarum D. Cypriani, & aliorum, in quibus dicit nihil amplius  
tribui Romano Pontifici, quam ut uel episcopus Romanus, uel  
frater appelletur. Has uero nescio quorū adducas, utrum ut pro-  
bes auctoritatem Pontificis non esse de iure diuino, an potius  
tanquam id sit manifestum, ut doceas ex his literarū inscriptio-  
nibus ne de iure quidem humano esse. Vtūq; sit, iam quidem  
quasi spiritum tibi deficere uideo, iam plane omnia argumenta  
tua una cum uiribus & ingenio esse exhausta ostendis, cum nul-  
lum aliud argumentū tibi relinqui declares, nisi quod ex inscrip-  
tionibus literarum colligis. Nunquam ne prouerbiū audiui-  
sti, quo uulgo fertur, cum alicuius rei, quæ pro uera narretur, si-  
dem eleuare uolunt, tam esse ueram, q̃ ea quæ in literarum inscrip-  
tionibus scribi solent? An tu hoc nunquam in iis literis quæ ad  
te scribuntur, expertus es, qd' ego sæpissime experior in iis quas  
ad me boni etiam uiri scribunt? Ea enim in literarum inscriptio-  
nibus mihi tribuunt, quæ nullo sane modo, nisi impudentissimus  
sim, possum agnoscere. An tu agnoscis Sampson, cū aliqui ad te  
scribunt,

*Sampsonis uerba.*

*Sampson nō probat,  
sed tantum effuerat.*

*Sampson ex literarū  
inscriptionibus et po-  
uicis petiti cōtrabla-  
ro. Pont. auctoritas  
tem.*

*Prouerbiū.*

scribunt, doctissimo uiro, omni genere uirtutū ornatissimo, grauissimo, & multa alias quæ ut maxime tu agnosceres, quam minimum tamen ualerent apud aduersariū ea negantem, etiam si optimi uiri ad te scriberent. Nihil enim certe proficeres, si eo arguimento contra eū utereris, ut diceres optimos uiros qui ad te scriberent, hos honorum titulos in literarū inscriptionibus tibi tribuere. Quod si in animo tibi erat contra Pontificem ea afferre, quæ in literis scribuntur, ut authoritatē eius derogares, cur non potius suas ipsi literas, in quibus cæteri Principes maxime solēt ueros suos titulos usurpare, contra eius authoritatē opposuisti? Ibi inuenires, non pastorem pastorum, sed seruum seruorum Dei. Hæc argumenta magis pro te facerent. Sed plane ostendis, te in hac causā defatigatū esse pugnando, uires tuas omnes consumptas esse, cum literarū inscriptiones profers; denique tibi nihil restare, nisi ut animam exhales. Dic quæso ingenue Sampson, noli dissimulare. Si Cypriani testimonium contra Pontificis Romani authoritatem adducere cōstitueras, cur non potius aliquid ex epistola, quam ex inscriptione epistolæ attulisti? Inscriptio ut uides, parum habet momenti; quæ uero in ipsa epistola scribuntur, ea plurimum ualere solent. An non audebas alienas literas introspicere? est ne hæc modestia tuā? an cum inspexisti, nihil inuenisti, quod pro tua sententiā faceret? At ego tibi dico; si inspexisses, profecto ea quæ apertissime sententiā tuam condemnarent, inuenisses, & quæ etiam ad propositam abs te quæstionem de authoritate Pontificis, unde nam ea emanarēt, apertissime responderent, ac tuam sententiā impietatis maxime arguerent. Primum enim quasi quodam obelisco, totum librum tuum una illa epistola ad Cornelium Episcopum Romanum a Cypriano scripta confodit. Quid enim aliud toto illo tuo libro agis, nisi ut ostendas neminem unum in ecclesia præesse? Episcopo Romano, sacerdoti Dei non esse obediendum? super Petrum non fuisse fundatam ecclesiam? Romanam ecclesiam nullam authoritatem supra alias habere? Hæc enim sunt capita tui illius præclari libri. Ad hæc autem quid dicit Cyprianus? dicit huiusmodi opiniones schismatum & hæresium semina esse. Sed afferamus ipsa eius ex intima epistola uerba, inscriptiones relinquamus. In hoc quidē erimus Sampsonē audaciores. Verba igitur hæc sunt. Nec enim, inquit, aliunde hæreses obortæ sunt, aut nata sunt schismata, quā inde, quod sacerdoti Dei non obtemperatur. Tu clamas Sampson, Regi obedite, & abducis ab obedientia sacerdotis, ille natas iude

Vna Cypriani episto-  
la totum Sampsonis  
librum, quasi obe-  
lisco confodit.

11 Cyprianiverba.

12

13 Hæc hæreses  
schismatum.

## LIBER

*Unus ecclesia  
cerdo, unus iudex vi  
ce Christi.*

hæreses, q̄ sacerdoti non obediatur, in quo includitur obediens  
tia quæ debetur Regi. Sed audi reliqua. Nec unus, inquit, in ec-  
clesia ad tempus sacerdos, & ad tempus iudex uice Christi cogi-  
tatur. Audis ne Sampson fontem hærescon, quod non unus in ec-  
clesia sacerdos, & unus iudex uice Christi cogitatur? quàm hæc  
cum tua sententiâ conueniunt, qui nihil toto libro agis, nisi ut il-  
lam unitatē tollas? Sed pergamus. audi reliqua. Cui si secundū  
magisteriâ diuinâ obtemperaret fraternitas uniuersa, nemo ad-  
uersus sacerdotum collegium quicq̄ moueret; nemo post diuinū  
iudiciū, post populī suffragiū, post cœpiscoporū consensum,  
iudicem se non episcopi, sed Dei faceret: nemo dissidio unitatis,  
Christi ecclesiam scinderet; nemo sibi placēs, ac tumens seorsum  
foris nouam hæresim conderet; nisi aliquis ita est sacrilegæ teme-  
ritatis ac perditæ mentis, ut putet sine Dei iudicio fieri sacerdos  
tem. Audis ne Sampson hæc ultima uerba? Qui quæris de uno  
episcopo Romano, quem negare uice Christi iudicem esse, prin-  
cipium esse omnium hæresium paulo ante dixit Cyprianus: qui  
igitur de illo quæris, unde eius authoritas emanarit; & adiūgis,  
ex principum & populorum tolerantia, & illius loci episcoporū  
fœda ambitione: an non audis Cyprianum respondentē, hoc cre-  
dere esse sacrilegæ temeritatis, & perditæ mentis? sed ansulta  
quæ deinceps sequunt̄. Nonne duo passeress̄ asse ueneunt, & neu-  
ter eorum cadit in terram sine uoluntate patris? cum ille nec mis-  
sura fieri sine Dei uoluntate dicat, existimat aliquis summa &  
magna, aut non sciente, aut non permittente Deo in ecclesia Dei  
ficri, & sacerdotes, id est dispensatores eius, non de eius sententiâ  
ordinari? At tu dicis a regum & populorum tolerantia, & fœda  
ambitione illius loci episcoporum. Verum audi etiā quæ mox  
subiungit. Hoc est, inquit, fidem nō habere qua uiuimus, hoc est  
Deo honorem non dare, cuius nutu & arbitrio regi omnia & gu-  
bernari scimus, & credimus, Vides ne nunc quā pro te Cypria-  
nus faciat? Atq; hæc quidem cōtinuata uerborum serie, ut apud  
Cyprianum sunt, ita recitaui. Sequūt̄ autem paulo post de Pe-  
tro, super quem tu negas ecclesiam esse fundatam. Sed si quæ tu-  
am sententiā condemnant in illa epistola, afferre uellem; totam  
profecto epistolam huic meo libro intexerē. Nihil enim unquā  
legi quod manifestius omnes uestros conatus patefaceret, ac re-  
dargueret. Tanquam enim si iam tum uideret ecclesiæ præposi-  
tum, id est Pontificem Romanum a Rege infestari, ita loquitur;  
exponens etiā causam infestationis, ob hoc, inquit, ecclesiæ præ-  
positum

positum sua infestatione persequit, ut gubernatore sublato, atrocius atq; uiolentius circa ecclesie naufragia grassetur. Quid amplius dicere potuisset, si Regem post excussam eam, quæ uicario Christi Præposito ecclesie debetur obedientiam, reliquos qui ecclesie unitatem tuerentur, uexantem, & in omnium bona inuadentem, ac in corpora immanissime sæuentem uidisset? Sequitur de te & reliquis sacerdotibus schismaticis, qui ecclesie Præpositam deseruistis. Nec Præpositum, inquit, seruum deserti a quibusdam miretur, quando ipsum dominum magnalia & mirabilia summa facientem, discipuli sui reliquerunt. Et post pauca. Petrus uero supra quem ædificata ab eodẽ domino fuerat ecclesia, pro omnibus loquens, & ecclesie uoce respondens, ait, Domine ad quem ibimus? Dicit ne aperte nunc Cyprianus super Petrum ædificari ecclesiam? Tandem uero in eadem epistola de Romana ecclesia ita scribit. Post ista adhuc insuper pseudepiscopo sibi ab hæreticis constituto nauigare audent, & ad Petri cathedram, atque ecclesiam principalem, unde unitas sacerdotalis exorta est, a schismaticis & prophanis literas ferre. Quid planius aut magnificius dici posset pro dignitate Ecclesie Romanæ, quam cathedrâ Petri appellat, a qua unitatem sacerdotalem exortam esse dicis, cuius deniq; dignitatem ita ueneratur, ut indignetur fuisse alijs quos tam audaces, qui literas a schismaticis eo ferrent, qui tamẽ schismatici reuerentiæ causa id fecerāt, ut uerba, quæ in eo loco sequuntur, plane ostendunt. Eo enim miserant literas, quæ accusationem episcopi sui, falsaq; in illum crimina continebant. Sed hanc audaciam indigne fert Cyprianus, non ueritos esse maiestatem Romanæ ecclesie, quominus falsas eo querelas deferret. Atqui si stomachabatur in hos schismaticos sanctus ille uir, qui licet inique in suum episcopum egissent, erga Romanum certe agere honorificentius non potuerant, cū ex Africa Romam usq; misissent qui de suo episcopo conquererentur, Romaniq; Episcopi fidem & auxilium implorarent. id quod sane summam eorum obseruantiam erga Romanam sedem indicabat. & tamen quod falsa detulissent, & in eo non ueriti essent maiestatem ecclesie Romanæ, indignatur Cyprianus. Tantam enim & tam augustam illius ecclesie auctoritatem esse cehset, ut nefas esse uelit, si quis apud eam accusationes, nisi certas & ueras, proponat. Si igitur nunc reuiuisceret, & audiret te Sampson, non tantū falsas querelas in nostrates episcopos, sed falsissimas aduersus ipsum Romanum episcopum deferrentem; neq; uero in unum modo, sed in

*Cyprianus uerba uocat Regis Henrici felle.*

*Cyprianus affirmat supra Petram ædificatam esse a domino ecclesiam.*

*Cyprianus Rom. ecclesiam vocat Petri cathedram & ecclesiam suam principalem.*

omnes semel quicunque unquam ut successores Petri sese in principes universæ ecclesiæ cathedræ sedere professi sunt; sacrilegò ore debacchantem, defensionemque tuam inspicaris ex hoc cuiusdam epistolæ inscriptione ducentem, quanto opere zelus domus Dei & Romanæ ecclesiæ studium ac uenerationis illum contra te incitaret, ut omnium uerborum facibus te mendacii ac falsi coargueret. Atque huiusmodi est illa epistola, cuius inscriptionem ad dignitatem ecclesiæ Romanæ authore Cypriano uiolandam adduxisti, ut eam uidearis tu quidem produxisse potius ut mihi in memoriam redigeres, quæ Cyprianus contra uestram sententiam scriberet, quam ut illius auctoritate contra nos uteretur. Certe nisi tu me de illa epistola monuisses, ego nunquam eius mentionem fecissem; quæ quidem nihil afferri potest, quod apertius contra uos faciat. Atque hic est Sampson ille Cyprianus, quæ diebus annis circiter ducetis & quinquaginta post apostolos uixisse. Valde mihi placet, quod tu tempora tam diligenter adnotasti. Quod tamen si ita facere perges, equidem uereor ne me Rex suspicetur præuaricatorem mihi apposuisse qui simulans se Regis causam agere, suggerat aduersariis quæ maxime ab illis contra ipsum faciant. Quid enim magis confirmet dignitatem ecclesiæ Romanæ quid causam nostram aduersus calumnias uestras defendat, quæ antiquitas sanctissimi huius uirî qui cum tam propinquis Apostolorum temporibus fuerit, & ea dicat quæ nos dicimus, unitatem ecclesiæ initium ab ecclesia Romana habuisse, Romanam ecclesiam cathedræ Petri esse, in Petro fuisse fundatam ecclesiam; qui possumus aliter existimare, quæ semper fuisse hanc sententiam ecclesiæ iam inde ab ipsis Apostolorum temporibus, cum ille pene æqualis eorum temporum idem dicat, quæ sententia cum ab hinc annis mille & ducetis ad nos peruenierit, quid est quod dubitemus affirmare hanc semper catholicæ ecclesiæ sententiam fuisse; & qui ab hac dissentiant, schismaticos omnes & hæreticos esse; si nihil aliud plane afferrem, quæ quod tu nunc mihi suppeditas, omnium sententiis, qui æqui esse iudices uellent causam obtinerent. Sed quando tu tua sponte fecisti, ut hoc loco Diui Cypriani mentionem faceres, tam antiqui & sancti scriptoris, qui maxime tuam sententiam, pro qua confirmanda ipsum appellabas, funditus euertere; etsi ego nihil minus cogitabam, quam ut eius uirî auctoritas te contra te uteretur, tamen quia abs te adductus est, non prius eum dimittam, quam ex ipso audieris explicatum non ita multis uerbis nostri temporis statum, quo potestas secularis ecclesiasticam persequitur;

*Antiquitas diui Cypriani maxime de sententiâ causam ecclesiæ fuit contra Sampsonem.*



persequitur; quidquid is tota hac de re statuât: ut nisi plane stipēs  
 sis, clarissime cognoscas, quantum tuæ causæ aduersarium, dum  
 fauorem ac patronū quæris, tibi aduocaueris. Hæc igitur sunt  
 uerba Cypriani in epistola ad Lucium Pontificem Romanum,  
 post mortem Cornelii, ad quem scripta erat superior illa episto-  
 la, unde quæ paulo ante retulimus excepta sunt. Inde, inquit, con-  
 tra ecclesiam Christi & episcopum Cornelium beatum martyre  
 nosq; omnes potestas secularis subito prorupit, ut ad confundē-  
 dos hæreticos, & retundendus ostenderet dominus, quæ esset ec-  
 clesia; quis episcopus eius unus diuina ordinatiōe delectus; qui  
 cum episcopo presbyteri sacerdotali honore cōiūcti; quis adu-  
 natus, & uerus Christi populus diuina gregis charitate connex-  
 us; qui essent quos inimicus læsseret, qui contra quibus dia-  
 bolus parceret ut suis, neq; eum persequitur & oppugnat Chris-  
 sti aduersarius, nisi castra & milites Christi; hæreticos prostra-  
 tos semel & suos factos, contemnit & præterit: eos quærit dei-  
 cere, quos uidet stare, &c. En quam aperte his perpaucis uer-  
 bis ante oculos ponit omnes uestros nefarios conatus, qui nixi  
 potestate seculari episcopum Romanum, quem ille unum episco-  
 pum appellat, & illi coniunctos insectantini: adiuncta etiam cau-  
 sa, cur Deus talem insectationem toleret ac permittat. Hæc tibi  
 si placent, multos iam licet eiusmodi causæ tuæ fautores addu-  
 cas, ipsum etiam Hieronymum licet adducas. Atq; ita sane facit.  
 nam eadem plane impudētia, qua paulo ante Augustinum & Cy-  
 prianum suæ sententiæ defensores ac suffragatores laudauit, qui  
 maximi essent aduersarii: etiam Hieronymum nominat, cumq;  
 dicat nullam prorsus supra reliquos episcopos authoritatem Ro-  
 mani Pontificis agnouisse. Ac uix hoc ita dixit, cum illi uerba  
 Hieronymi occurrerunt, ea, quæ facere non potuit quin recita-  
 ret, ut statim mendaciū argueretur, ea enim sunt, quæ uel apertiss-  
 sime declarent Hieronymum nullo modo cum eo sentire, sed pe-  
 ne plus etiam, q̃ reliqui omnes faciant, Ro. Pont. authoritatē tri-  
 buere. Nam ita ait Hieronymus, loquens de ecclesia Romana.  
 Qui extra hæc domum agnum comederit, profanus est, quasi di-  
 ceret, qui dissentit ab ecclesia Romana, profanus est. Atque hæc  
 sunt uerba quæ sola Sampson recitat ex Hieronymo, ut illū pro-  
 bet nihil præcipue Rom. Pontifici, nec ecclesiæ Romanæ tribue-  
 re. Et non contētus nuda Hieronymi uerba adduxisse, a quibus  
 euidentissime mendaciū argueretur, ne forte aliquid aliud intelli-  
 geremus, per hoc quod Hieronymus dicit illam domum, & non

Verba Cypriani ex  
 epist. ad Lucium Pō.  
 Roman.

Hieronymus quæ pro-  
 fe Sampson citat, ma-  
 xime aduersatur Sā-  
 psonis causæ.

Hieronymi sententia  
 de ecclesia Rom.

11

# LIBER

*Sed ipse inique res  
procedit Erasmus.*

*Erasmus Rot. laudat  
eum.*

ecclesiam Romanam: etiam nos, admonet Erasmus, Roterodamum sic illum locum interpretari, ut per illam domum intelligatur ecclesia Romana, & per illa uerba ex Hieronymi sententia declarari Ro. ecclesie primatum. Sed scilicet non ita iniquus in se ipsum est Sampson, ut tam aperte suam ipsius sententiam, etiam aliorum autoritate oppugnet. Dicit quidem Erasmus, ita interpretari: sed addit non tam sincere loqui illum eo in loco, & nimis negligenter sic interpretari. Quid ita Sampson? quia tecum non sentit, dicis eum haud sincere loqui? an satis est te contra uirum in literis exercitatissimum, quo nemo nostro seculo plus in literis, nec maiori ingenio & industria laborauit, qui plura opera conscripsit, quam te putem unquam legisse; doctiora quidem & minus certe uulgaria edidit, quam quae a te potuerint intelligi: qui denique cum nullus fere scriptor sit ex antiquis, cuius sanctitas & doctrina ab ecclesia probetur, in quo non extet monumentum aliquod ipsius industriae, in Hieronymo ita apparet, ut illud constet neminem antiquorum maiori industria legisse, ne uincem magis quam Hieronymum familiarē habuisse: contra hunc ergo talem uirum satis esse tibi uidetur, cum eius sententiam reiciis, dicere non sincere eum interpretari, & inaduertenter scribere? Profer tu aliquid saltem, quo appareat te sincere eum & attente reprehendere. Sed nihil prorsus affert, eum enim illud satis hoc modo quasi propositum testate reprehendit, ad alia argumenta transit. Sic autem concludit illum locum. Quātumuis, inquit, in illo potissimum loco Erasmus non tam sincere loqui uidetur, quam in aliis plerisque locis, quod domum illam nimis inaduertenter Ro. ecclesie primatum interpretatur. An non haec conclusio tua est Sampson? Est plane. deinde ad alia orationem conuertis, satis habens, Erasmus officitae reprehensum, & in munere interpretandi quasi minus sincerum, accusatum, sic contumeliose dimittere. Sed si nullam tanti uiri rationem habebas, quo pacto eum dimitteres, saltem Anglo- rum tuorum ad quos scribebas, aliquam habuisses: iis saltem rationem reprehensionis tuae aliquam reddidisses, apud quos scires Erasmi nomen satis esse celebre, & acceptum, cum tuum doctrinae quidem causa, si eum Erasmi conferatur, sit obscurissimum: iis, aliqua ratiuncula satisfecisses, cur tibi potius quam Erasmo credere & assentiri deberent. Sed quid si Erasmus defendit ipse Hieronymus? An non tota haec contumelia in te ipsum recidit? At qui nisi plane epistolam illam suam esse neget Hieronymus, non potest non Erasmus defendere, qui nihil aliud tota illa epistola propositum

*Erasmi nomen apud  
Anglos celebre.*

propositum habere uideat, nisi primatum Romanæ ecclesiæ con-  
fiteri: cuius dignitatem sic uerbis effert, ut qui ab ea dissentiat,  
non solum profanum appellet, sed etiam ut unum ex iis qui dilu-  
uii tempore extra arcam reperti sint, sine dubio periturum affir-  
met. Argumentum porro totius epistolæ quid aliud ostendit, q̃  
Hieronymum, cum in Syria agens ecclesias illic inter se dissens-  
tientes & in uarias sectas, hæreticorum fraude ac malitia distra-  
ctas offendisset; nec sibi tantum tribueret, ut suo arbitratu statue-  
re posset, cui potissimum ecclesiæ adhæreret; de hac re ad Dama-  
sum Pontificem Romanum referre, cuius ecclesiam Petri cather-  
dræ uocat; atq; ita referre, ut illum per omnia sacra obtestetur,  
sibi ut autoritate sua præscribat, quid ipse in tanta opinionum  
uarietate ac pugna fugere aut sequi, tacere aut dicere debeat. se  
enim nullam ecclesiam agnoscere, præter Romanam, cuius autho-  
ritatem sequi oporteat: cum qua qui recuset communicare, salu-  
tem consequi nullo modo possit. Sed age, ipsa illius uerba pona-  
mus, quæ ita sunt clara in hanc sententiam, ut nulla prorsus in-  
terpretatione egeant. Ego nullū; inquit Hieronymus, primum  
nisi Christū sequens, beatitudinē tuā, id est cathedræ Petri, com-  
munionē confocior: super illam petram ædificatam ecclesiā scio.  
quicumq; extra hanc domum agnum comederit, profanus est: si  
quis in arca Noe non fuerit, peribit regnante diluuiō. Quid his  
clarius dici potest? atq; hæc dicit, cum multa ante præmisisset ho-  
norifica de dignitate ecclesiæ Romanæ, cum magna orientalium  
ecclesiarum ignominia; in quibus dicit indiscissam domini tūni-  
cam, & desuper textā, minutatim per frustra discerpi, id quod dis-  
cebat propter uarietatem in illis sectarum, & dissensionem ab ec-  
clesia Romana, quam appellat Petri cathedrā, in qua incorru-  
pta seruaretur Patrum hæreditas: multa autem maxime honoris-  
fica commemorat ex scripturis figurate de ecclesia Romana di-  
cta quæ si uellem omnia referre, tota hīc epistola intexeda mihi  
esset: quæ, ut dixi, in hoc tota uersatur, ut quātum Hieronymus  
ipse tribuat Romanæ ecclesiæ autoritati, apertissime declarat.  
Quāta uero in ueneratione ipsum Damasum Pont. Ro. haberet,  
cui Sampson dicit nullum honoris nomen illum tribuisse, præ-  
ter fratris appellationem; et si id ad rem parum faciat, tamen ut  
eius mendacii impudentia magis extet, uerba ipsa, quæ id testan-  
tur, ponam. Cum igitur multa prius dixisset de iis qui ecclesiæ  
Romanæ præessent, in quibus illa etiam cōmemorauit, Vos estis  
lux mūdi, sal terræ, & multa alia honoris nomina; tum ad ipsum

Hieronymi uerba.

Petri cathedræ, Ræ.  
ecclesiæ.

„

„

„

quæta in ueneratione  
ne Hieronymus Dama-  
sum Rom. Pontifi-  
cem habuerit.

## LIBER

23 Damasum tunc Pontificem hæc subiūxit. Quāquam me, inquit,  
 terreat tua magnitudo, inuitat tamē humanitas. Si nullam ei au-  
 24 thoritatem tribueret Sampson, ampliorē q̄ fratri, an unquam ita  
 scriberet, se eius magnitudine terreri? quæ uero sequitur, omnia  
 25 summam eius auctoritatem ob id tātum, quod Pontifex Romanus  
 26 esset, maxime declarāt. Faceſſat, inquit, inuidia Romani cul-  
 27 minis, recedat ambitio; cū successore piscatoris, & discipulo cru-  
 28 cis loquor. Ego nullum primum, nisi Christum sequens, beatitu-  
 ni tuæ, id est cathedræ Petri, communione confocior. Et quæ se-  
 quuntur. Sed maxime quantum illi tribuat, conclusio epistolæ  
 declarat, in qua hæc uerba habentur. Quamobrem obestor bea-  
 titudinem tuam, per crucifixum pro mundi salute, ut mihi episto-  
 lis tuis siue dicendarum, siue tacendarum hypostaseon, detur au-  
 thoritas. Quid aliud ad Christum ipsum, si corporali præſentia  
 in terris esset, in tāta ecclesiarum discordia scribere posset? Atq̄  
 hæc est illa epistola, in qua citanda ita diligēs Sampson fuit, ad  
 Pontificis Ro. auctoritatem oppugnandam, ut nō solum episto-  
 læ initium in libro suo notet; sed etiam quoto tomo, & quota pa-  
 gina in libris Hieronymi habeatur, diligenter lectorem admo-  
 neat. Quod quo consilio feceris, ne cogitatione quidem assequi  
 possum; Si enim locum aliquem quæſiſſes in Hieronymo ad con-  
 firmandam Romanæ ecclesiæ auctoritatem, ut omnes eius libros  
 euoluisses, haud scio an aptiorem ullum reperisses. Dicerem idē  
 tibi accidisse, quod Balaam propheta, qui cum conductus esset  
 ad maledicendum populo Israel, omnia tamē quæ proferebat ad  
 eorum benedictionem pertinebant. sic enim tu facis. quæcūq̄ ha-  
 stenus ad oppugnandam Pontificis, & Ro. ecclesiæ auctoritatem  
 mercede conductus attulisti, ea maxime sane confirmāt. Testes  
 quos contra adducis, omnes contra te pro ecclesia Romana testi-  
 monium dicunt. Hac quidem in parte, omnia tibi cum falso illo  
 Propheta conueniunt. Sed hoc inter uos interest, quod ille etsi  
 contra suam uoluntatem, pro maledictione benedictionis uerba  
 proferebat, intelligebat tamen se ita facere. Tu cum benedictio-  
 nis uerba affers, cū aduersarij causam maxime adiuuas, tum pus-  
 tas te eam oppugnare, tum existimas te uerbis eam confutare,  
 quam & argumentis & testibus maxime confirmas. Quem enim  
 tu maioreni causæ tuæ aduersarium uno Hieronymo nominare  
 potuisses? cuius primum sunt illa uerba contra tuum fundamen-  
 tum, qui negas super Petrum ædificatā ecclesiam, in epistola ad  
 29 Marcellum aduersus Montanum apertissima. Hic enim Petrus  
 apostolus

*Hieronymus Damasum allegans dicit, beatitudinem tuam.*

*Nu xxii.  
Sampsoni idem quod  
Balaam occidit.*

*Testes quos Sampson  
adducit testimonium  
contra ipsum dicunt.*

apostolus super quem dominus fundauit ecclesiam, & prophetis  
 am, & promissionem domini illo tempore implera dicit, & quæ se  
 quuntur. Quid hic quæso es dicturus? Equidem ut te statim con  
 fessione tua uictum dimittā, nihil aliud optauerim, nisi aures te  
 habere, quibus sane uideris caruisse, cum illa tam clara & tam  
 aperta Hieronymi ad Damasum uerba non exaudires. Neque  
 enim si exaudisses, commisisses unquā ut nos de ea epistola tam  
 accurate commonefaceres. Verum age, qui negas Pontifici Ro.  
 successori Petri, ullum honorem ab Hieronymo maiorem tribu  
 rum, quam fratri: si summam eius in illam sedem reuerentiam nō  
 satis ostendunt uerba ea, quæ tu pro confirmanda tua opinione  
 adducis; legatur altera illa epistola, quæ proxime hanc sequitur,  
 in eo Tomo, quem tu ita diligēter notas. Nam cum ad priorem  
 epistolam responsum non tulisset: alteram scribit, in qua sane ui  
 dere licet, quantum Ro. Pontifici tribueret. cum enim tanta de  
 re responsionem, quā tam enixe, tam supplicibus uerbis ante pos  
 tulasset non impetrauisset; si parem se aut æqualē existimabat,  
 causam habebat iustam expostulandī, & expostulat ille quidē:  
 sed quo id modo? Ita plane, ut si cum Christo ipso eadem in cau  
 sa ageret. Sed cetera omitto, ne totam epistolam inferā, quæ uer  
 bis maxime supplicibus desiderium potius responsionis, q̄ ullam  
 expostulationis speciem ostēdunt. sic autem, cum aduersariorū,  
 qui ab ecclesia Romana dissidebant, sententias significasset, con  
 clusit epistolā. Ego inquit, interim elamito, si quis cathedræ Pe  
 tri iungitur, meus est. Miletus, Vitalis, atq; Velinus, tibi herere  
 se dicunt. Possem credere, si hoc unus assereret. nunc autem duo  
 mentiuntur, aut omnes. idcirco obtestor beatitudinem tuam, per  
 crucem domini, per necessarium fidei nostræ decus, per passionē  
 Christi, ut qui Apostolos honore sequeris, sequaris & merito.  
 Ita enim solus cum duodecim iudicaturus sedecas, ut te alius se  
 nem cum Petro cingat: ita municipatum cæli cum Paulo conse  
 quaris, ut mihi literis tuis, apud quem in Syria debeam commu  
 nicare, significes. Noli despicere animam meā, pro qua Christus  
 est mortuus. Hæc extrema epistolæ sunt uerba. ex quibus iam  
 opinor, uides, si modo is es, qui uidere possis, quātum pro te Hie  
 ronymus faciat. Quem post hos testem adduces? quid post hæc  
 es dicturus? uel quid potius anteq̄ huc deuenires, dixisti: ea pla  
 ne, quæ non solum te tibi repugnantem, sed communi omniū sen  
 sui aduersantem faciunt. Infani enim hominis, non cum ratione  
 disputantis uerba uidētur, quæ iam in medium asseram: quæ pe

*Hieronymus in epi  
 sto. ad Marcellum, et  
 clefiam dicit a domo,  
 non esse super Petrum  
 fundatam.*

*Hieronymus in epi  
 sto. ad Damasum.*

”  
 ”  
 ”  
 ”  
 ”  
 ”  
 ”  
 ”  
 ”  
 ”  
 ”

## LIBER

ne quidem præterieram. Sed prætereunda certe non sunt. Voles  
bas igitur ostendere, in illis uerbis Christi, super hanc petram  
*Sapientis uerba.* „  
„ inquis, ut super fragilem hominem. sed super confessionem fidei  
„ remoto homine Petro. Ne autē in eo statim ab omnibus explō  
„ dereris, si sine auctore sententiam proferres, Liranum auctorem  
„ adducis. Sed recognosce paululū tua uerba. Non enim (inquis)  
„ ædificauit Christus ecclesiam super Simonem Petrum, super ho  
„ minem. hoc esset plane super harenam ædificare. Sed super illam  
„ fidem, quam cōfessus est Petrus, quod Christus esset filius Dei.  
„ hinc, ait, in Simonis Petri persona omnibus Apostolis, Simō, ec  
„ ce Sathanas expetiuit uos &c. Hæc ubi tam absurda dixisti, ne  
„ uidereris sine auctore loqui. At inquis, ne uideatur somnium ef  
„ se meum, omitto omnes ueteres interpretes & Græcos & Latī  
„ nos, & solum mihi Liranum familiarem omnibus Ro. Pont. adu  
„ latoribus interpretem accipio. Sapienter tu quidem nunc tandē  
*Delirat Sāpſon quā  
dicit ecclesiam super  
fidem solum Petri, se  
remoto homine fundatā  
esse.* „  
„ Sampson, quod eos omittis, qui nihil pro te faciunt, uel maxime  
„ potius aduersantur. Verum hoc quod dicis super fidē solam Pe  
„ tri, semoto homine, fundari ecclesiam; atq; id loqueris ac scribis,  
„ quod nemo unquam sanus diceret : si mihi non permittis ut so  
„ mnium appellem; equidem quo nomine uerius significem, nō ha  
„ beo: nisi forte delirationem uocari mauis. Et certe ita est. hoc  
„ enim uigilans loqueris, quod non modo Liranus non diceret,  
„ quem te hic auctorem habere putas: sed nec quisquam omnino,  
„ qui mentis ac rationis compos esset. Veritus es pauloante dices  
„ re Christum super hominem ædificare, propter hominis lubricā,  
„ & non satis stabilem naturam; qui tamen ad aliquod tempus sta  
„ re potest, quemadmodum etiam id quod super harenam ædifica  
„ tur. Nunc autem ædificium constituis super id, quod nullo tem  
„ poris momento consistere possit, separatim ab homine; super id  
„ inquam, quod si fundamentum aliquod habeat, in homine habes  
„ re necesse sit. Quo enim pacto fides ipsa per se consistere potest,  
„ semota ab homine? an hoc tu a dialēctica didicisti : cui Morus  
„ & Rossensis tam parum in literis sapiunt, qui paulo ante doctos  
„ omnes prouocabas, ut ponas accidētia sine subiecto, & super ea  
„ ædificia semper duratura colloques? Quid est enim fides ipsa per  
„ sese, nisi qualitas quædam, nisi accidens in mente hominis quodā  
„ dam? ecquis unquam fidē putauit per se subsistere, sicut tu Chris  
„ tum facis non modo a subiecto suo, id est ab homine, fidem abs  
„ trahentem, sed illam etiam ecclesiā, id est credentium multitudine  
„ dīni,

*Sampson ponit actū  
dentis sine subiecto.*

dini, pro fundamento subicietem? Quæ monstra sunt hæc Sampson? neque enim pateris somnia appellari. Quod si nihil aliud diceres, nisi te autorem huius tuæ sententiæ probatum aliquem scriptorem habere, plane insanires. Nunc cum profers scriptorem, quem tibi etiam minime probari significas, quem ais omnibus Pontificis Ro. adulatoribus esse familiarem, quem ego quidem non reiciio: Sed cum a principio huius disputationis nullius scriptoris autoritatem, qui minor esset Apostolo, aut Euangelista, attulerim, scripturis semper tecum pugnaverim, quod tu tuique miles nullius hominis autoritatem, cuius nomen in scripturis non extet, admittas, omnes reiciatis, non possum uehementer mirari te nunc ad Liranum, hominem nec tuo ipsius iudicio probatum confugere. Sed huc ego, ut dixi, minime reiciio, quem & uirum bonum & probatum scriptorem fuisse iudico: coque magis nunc probo, quod tibi homini improbo, uideo non probari: cuius nomen non alio elogio ornas, quam interpretis omnibus Pontificis Romani adulatoribus familiaris. Tibi quidem, non adulatori Pontificis, sed calumniatori & maledico, familiarem non esse uideo, qui ex eo hoc citas, quod nusquam apud eum reperitur. Nusquam enim inuenies apud Liranum super confessionem fidei abiunctam ab homine Christum ædificasse ecclesiam, sed si dicit super confessionem, dicit super Petrum confitemem Christum. & ita eum sentire uerba ipsius eo in loco, quem tu citas, ostendunt, qui Petrum appellat (ut eius uerba ponam) capitaneum apostolorum. Recte ergo Liranus dicit super fidelem Petrum ædificasse ecclesiam: & tu, qui super fidem semoto homine, dicis, plane deliras, neque ullum unquam scriptorem inuenies, qui in hoc tecum sentiat. En princeps qualem patronum causæ tuæ delegisti, qui non modo pugnantia dicit, & ea affert ad confirmandum causam tuam, quæ illam funditus euerit: sed ea etiam loquitur, quæ nemo sanus, uel sensu communi præditus diceret. Et hic scilicet est, qui tantum rationi suæ fidei, ut quæ quasi dictare spiritu diuino ex cepta sunt, qualia sunt omnia scripturis sacris prodita, ad rationem suam exigere uelit: ut nisi cum illa, tamquam cum norma quadam conueniant, etiam interpretationem ecclesiæ, quæ magistrum semper spiritum Dei habet, aspernetur ac reiciat, suam uero interpretationem, quasi tenebras rationis suæ, in tam claram lucem inferat; denique suam unius sententiam contra communem ecclesiæ consensum defendat. Meritis ergo pœnas Sampson nunc luis, qui ea loqueris ac scribis, quæ sano nemini, si eandem quam tu,

M

*Liranus citat a Sâp  
ssine.*

*Liranus Petrum ap-  
pellat capitaneu apo-  
stolorum.*

## LIBER

causam ageret, in mentem uenirent. Sed quid nunc ago? cum ego talem te norim, cum certissimis argumentis probatum exploratumque habeam, te talem esse, qui non modo partes tuas ipse tueri non possis, sed ea pro te adducas, quæ maxime contra tuam sententiam faciant, ea denique dicas, quæ ab omni sensu abhorreant, quæ delirantis potius quam sani hominis uerba uideantur: pergo ne tecum reliqua conferre, & ad cætera tua argumenta, quæ eiusdem am imitari: cum præsertim ne tua quidem causa hæc a me disputatio instituta sit, quem sane uix lecta inscriptione libri, quæ paucissimis uerbis multa absurda, & sibi minime coherencia continet, sciebam qualē in reliquo opere habituri essemus, quemque indignum semper iudicauī quocum serio contenderem. Sed quando principi, ut uideo, tuus liber gratus est; posteaque tuorum argumentorum debilitatem primum, deinde inconstantiā, postremo repugnantiam inter se, satis, ut confido, ostendi: nunc ad te Princeps orationem conuerto. Quidnam igitur existimare debeos? An tibi Rossensis & Mori literas ideo displicuisse, quod Sampsonis & eius similitum doctrinam magis probares: uisa ne est tibi tam probabilis horum oratio, tam solidis argumentorum quasi fundamentis subnixā, ut iam non dico Rossensis, & Mori sententiam, quibus tamen doctiores nostra Insula multis sæculis nullōs tulit, sed ecclesiæ uniuersæ sententiam, tot sæculis, tanto doctorum hominum consensu probatam, reiiceret, atque aspernaretur, & omnibus modis euertere studeret? At certe horum libri nihil tale habent, qui quidem nec eruditionem nec eloquentiā præ se ferunt ullam, sed summam potius infantiam, & incredibilem ignorationem non liberalium modo artium, sed sacrarum etiam literarū, quibus tamen se solis niti gloriāntur. Quales uero sint; hic unus libellus tui istius patroni tanto ex numero delecti, eorum qui causæ tuæ fauere uidebātur, satis ostendit. Quid igitur putem? num rationes tam futiles, in tanta causa, contra ecclesiæ totius consensum tantum apud te ualuisse, ut iis persuasus te ab ecclesia separares? At hoc qui possum existimare? Non hæc igitur quæ ab istis scribuntur, sed nec ullæ aliæ huius generis rationes te persuaserunt: sed cum iam ante alia ex causa, quam palam fateari non auderes, persuasus esses; hæc tibi postea oblata, quas tuæ isti sententiæ, uel cupiditati potius, quasi fucum oblineret, ualde placuerūt. ita, qui tibi eas suppeditabāt, grati in primis; qui aduersabantur, iniurissimi merito erant. Sed quid sibi hoc uult? cur illa

*Hæc disputatio non est exposita, Sampsonis causa.*

*Cur Rex Sampsonis, & aliorum eius furinae hominum sententiam magis quam ipsius ecclesiæ consensum fecerit.*



illa causa, quæ te induxit, ut horum uocibus & scriptis delectareris, nõ ausa est nuda prodire in publicum: timuit scilicet initio tanq̃ meretrix paulo uerecũdior, quæ nondũ eo processisset impudentiæ, ut se populo nudam ostendere auderet. post autem, horum scriptis quasi amictu, non tantum uelata, sed etiam multo facta ornatioꝝ, etiam in matronarum cætum uenire ausa est. Nimirum ita est. cum illa prodire cunctaretur, ii ultro ad ipsam accesserunt, operas ei suas obtulerunt, sese facturos polliciti, non modo ut non turpis in conspectum hominum, sed ut uisenda etiã & spectabilis ueniret, tanquam Regis filia, ut dicit David de ecclesiâ, in uestitu deaurato circumdata uarietate; ueste inquam sponsæ Christi se illam exornaturos promiserunt. Quod eum ipsi ualde placuisset; tum ad scripturas sacras, tanquam ad uestiarium Dei diripiendum conuersus ab illis est factus. quas scripturas ipse Dei spiritus nobis reliquit, unde semper quæ ad ornatum ecclesiæ spectarent, depromi possent: illi autem ut inde subtraherent, quibus meretriculam, nudam prodire in publicum uerẽtem operirent, eo conuerterunt. Quorum certè conatus tibi non potuit non esse gratissimus, cum illam, quæ te iam amore sui deuinctum & obligatum haberet, producere aliqua honesta specie cuperes, qui uero magis honorifice prodire poterat, q̃ scripturarũ spoliis tanquam propriis uestibus ornata: quibus ita nunc superbit, ut nõ modo nullius iam conspectum uereatur, sed ultro etiã omnes ad se spectandam prouocet: omnibus se pudicam ac probam persuaderi posse speret. Atq; ita Princeps horum hominum libri, qui tibi mercenariam operam in ista tuâ causa probanda, tanquam in domestica meretricæ cultu marronali exornanda narrant, non illi quidem te persuadent (neq; enim tam futiles rationes quenuquam persuadere possent, qui modo alteram audire partem sustineret, ut tu sæpe audiuisti) sed tamen ita placent, ut nullius præterea hominis ratio & oratio quiequam apud te ualeat. Quin illud etiam de me ipso dicam, qui nunc hoc ago, ut contra illorum sententiã, meã, quæ eadem ecclesiæ est, tibi probenĩ ac persuadendam: tantũ abesse ut sperem te ullis meis uerbis ad meas partes traduci posse, ut cõtra potius existimẽ, si cui Deus Pauli spiritum, & Ciceronis eloquentiam dedisset, atq; is hanc ipsam causã apud te ageret, nihil eum profecturum esse; atq; eo etiam minus, q̃ ceteros, assecuturum, quo magis ad ueritatẽ causæ expressã ualeret; quã quidẽ nec aures iam tuas exaudire, nec animus cõtraria opinione uel libidine potius occupatus, capere po-

*Causa Regis composatur meretrici, quæ non audet nuda prodire in publicum.*

„ *Id. xliii.*

„ *Scripturæ, uestiariũ Dei.*

*Res ueritatem audire non potest.*

## LIBER

*Cur scribat ad Romanos, quod quem se nihil putat proficiat.*

*Gr. iii.*

*Petrus eadem res agit indicatur Moriones, qui nuda re coram viciis circumstantiis se putant.*

*Sampsoni quoniam visio et humi prostratus, ut obcurari non possit.*

*Sampsonis verba.*

test. Quid ergo causæ est, cur cum putem me nihil posse proficere, ad te nunc scribam? Primum quidem, quia abs te sententiam rogatus in causa Christi tacere non debui. Deinde hoc saltem assequor contra eorum libros scribens, qui tuæ causæ turpitudine scripturarum spoliis tegere se posse profitentur, ut omnibus planum faciam, non plus illorum libris dedecus causæ tuæ uelari posse, quam Adam potuerit foliis ficu, cum post peccatum nuditatem suam Deo abscondere conaretur. sed contra potius ipsos tuam simul ac suam turpitudinem maxime ostendere cum singulari stultitia coniunctam, eoque certe magis quo ipsi plures libros scribunt. Sic enim illi agunt ut Moriones, qui cum se propriis uestibus exuerint, & nudum corpus statuerint, rhete sibi circumponunt, quo tecti se putant a nemine uideri posse. Ita est profecto, suis ipsi libris hoc demum assequuntur, ut attentius homines uestram & insaniam & turpitudinem obseruent, quam si nullum omnino ei uelamen quaereretis. Nemo enim eorum libros legit, qui non continuo stultitiam uideat, turpitudinem uero ita aueretur, ut abominandam ducat: qui non indignetur, non exclamet, ut uos confestim ab ecclesia Dei exturbandos iudicet. Sed omitamus, ut dixi, illos. Tecum autem Princeps quid facere debeo? An illorum argumenta dissoluendo, qui tuam peruerissimam sententiam confirmant, ueritatem causæ tibi clarius coner ostendere? Hoc fortasse tu a me expectabis: Sampson uero scio requiret, cuius os nunquam ita potest obstrui, ut non ad reliqua sua argumenta responderi uelit, illudque præcipue, quo maxime, ut ipse putat, eleuans Petri authoritatem, cum Paulo eam confert. ac sic tandem quaerit. Quod si absolutam illam, quam solam iactat, Petrus haberet potestatem, quid de Paulo dicemus, qui eo inconsulto Corinthios, Galatas. Romanos ipsos, sua doctrina solidauit, qui Petrum ipsum in faciem reprehenderit, de quo tandem sic concludit. Quod si D. Petro, primatum potestatis asserere uouerimus, ultra Iudeos non protenditur, Pauli testimonio, qui se positum ait prædicationem gentium, & doctorem, & non minus creditum illi Euangelium præputi, quam Petro circūcisionis. Ad hoc ergo Sampson, quod illi scilicet firmissimum argumentum uidetur, non potest non ut statim respondeam flagitare. Quod utique non omitterem, ut tibi saltem Princeps debilitatem horum etiam argumentorum ostenderem, si sperarem persuaderi tibi posse, ut animi fortem & perturbationibus uacuum ad recipiendam ueritatem præparares. Nam ne hic quidem mihi deesse facultas posset, quod Sampson minime

minime suspicatur, ut sicut in aliis eius argumētis feci, cum quæ ipsi uidebatur maxime Petri auctoritatem oppugnare, ea ostendit maxime illam constituere; item in his ipsis quæ nunc iacta. facerem: præsertim in eo quod ait Paulum dixisse Petro commissum fuisse Euangelium circumcisionis. Quid enim magis declarare posset magistrum eum personam gerere, qui de se ipso dixit, non sum missus nisi ad oues quæ perierunt, domus Israel? Qui ergo Petri auctoritati detrahit, & limites eius ditionis intra Iudæam terminat, quia Paulus dixit Petro commissum Euangelium circumcisionis: quo modo non is eadem ratione Christi etiam ditionis terminos intra eandem Iudæam coerces, quia de se ipso Christus dixit se non missum nisi ad oues quæ perierant, domus Israel? Sed si hæc ratio impie de Christo ita concludit, cui scriptura testetur gentes a Deo datas esse hæreditatem & possessio nem terminos terre: sic falsissime ac plane impie de Petro concluderet, cui Christus e terris decedens, oues suas pascendas commisit, si oues tantummodo ex domo Israel illi commissas diceret: cum Christi oues non tam per Iudæam, quàm per uniuersum orbem pasci, nemo nisi impius, negare possit. Sed quid, inquit Sāpson, Paulo faciemus, si Petrus habet summam auctoritatem, qui eo inconsulto ecclesias constituebat, & iis præficiebat episcopos? Nempe idē, si tibi adhuc respondere oportet, quod Thomæ, quod Andreæ, quod reliquis Apostolis. cur enim non eodem modo quæris de illis, qui omnes a Christo, non a Petro acceperant auctoritatem euangelizandi? An nescis, Paulum per reuelationē, a Christo ipso accepisse auctoritatem prædicandi Euangelium, non minus reliquis apostolis, qui Christi dum in terris ageret, discipuli fueret? Sin hoc tu nosti, cur potius de Paulo, quàm de reliquis quæris, si quæ Christus in propria persona gessit, ad uicarii potentiam diminuédam ualere posse putas? Quid ergo Sāpsoni faciemus, ego potius quærerem, qui dum unius apostoli auctoritatem effert, maximam apostolorum dignitatem labefactare & deiis cere conatur? aut quid de me fiet, qui a tam inepto aduersario, ut nihil de impietate dicam, me non ualeo extricare? At enim alterum illud argumētum minime est ineptum, sed maxime ualidū, contra Petri auctoritatem, quod in conspectu ecclesiæ a Paulo reprehensus est, hoc quidem procul dubio ualidum esset argumētum, si quis eo magnitudinem Petri auctoritatis uellet confirmare: ad tollendam uero auctoritatem Petri, omnium est debilissimum, id quod statim perspiciet, si quis qua de re tum est Petrus

quod Petro commissum est euangelium circumcisionis id maxime declarat a quo Petri cum per se gesserit.  
Mat. xv.

Psalmi.

quod Paulus Petri reprehendit, id non diminuit auctoritatem Petri.

## LIBER

*Causa reprehendi fuit.*

*Act. x.*

*De dissimulatione qua  
Petrus & Paulus  
pro tempore uteban-  
tur.*

*Iudei crassi crassius  
cerimoniis dediti.*

reprehensus, eam rem penitus animo comprehēderit, & totius il-  
lius reprehensionis modum & rationem attenderit. Causam au-  
tem reprehensionis hanc constat fuisse, quod is legalia iuberet ob-  
seruari. Quid ergo an Petram dicere possumus nesciuisse lega-  
lia per legem Christi cessasse, qui primus omnium, Christi magi-  
stri sententiam, q̄ Ioppe ex reuelatione didicerat, ecclesiæ patefe-  
cit, aliquot ante annis (ut per scripturas constat) q̄ cum Paulus  
de facie nosses? Sciebat igitur Petrus, neq; ob ignoratiōē Chri-  
sti uoluntatis, reprehensus est: sed q; cum illā sciret, se tamen sci-  
re dissimulabat. hæc inquam illius dissimulatio tum est a Paulo  
reprehensa. Sed quid Paulus ipse? nonne is etiam aliquando sci-  
re se dissimulauit? cum Timotheum circuncideret, ipse autem ca-  
pite raso subinde ad templum ascenderet; an non & ipso tum dis-  
simulabat? Et maxime quidem. si ergo hæc ita sunt, quam equita-  
tem habere potuit Pauli reprehensio, in eo, in quo siquid culpæ  
inerat, eadem ipse tenebatur? Nempe eam, quæ utriusq; dissimu-  
lationem iustam fecerat. dissimulatio enim cognitionis, magnam  
in utroq; æquitatem habuit: at professio aperta etiam maiorem.  
Nam temporis habita ab utroq; ratio testimonium utriq; æqui-  
tatis dedit. dissimulabat enim eo tempore uterq; quo oues illo-  
rum ita infirmæ erant, ut ipsi potius uereri deberent, ne si alteri  
tantum dicerent adhærendum esse, Christum potius describerent  
propter legalium obseruationem, quam propter Christum lega-  
lia. Tales enim tum erāt Iudæi, quales etiam nunc, si spectate ue-  
limus, experiri licet; qui omnem salutis suæ spem in legis obser-  
uatione, & in externis atque adumbratis ceremoniis positam ha-  
berent. Cum ergo Apostolis hic scopus esset, ut eos Christo lus-  
crificarent quos legis ceremoniis affixos uidebant; initio non  
ualde cum illis de abrogandis legis ceremoniis contēderunt, sed  
tanquam prudentes dispensatores uerbi, satis tum habebant, si  
quoquo modo Christi nomen in illorum animos insinuare pos-  
sent. Ac tantisper quidem dum hoc moliebantur; & illis ut ceri-  
moniis uterentur, concedebāt, & ipsi etiam una cum iis obserua-  
bant, dissimulātes interea apud eos, quibus aperta ueritatis pro-  
fessio nihil prodesse, sed multum potius obesse posset, eam quam  
uere habebant, de ceremoniis sententiam: nullam tamē unquam  
prætermittentes occasionem, siquando discipulos ad ueritatē per-  
cipiendam aptos uiderent, ueram de lege ac ceremoniis sententi-  
am illis explicādi. Qua in re cum Paulus iam temporis progres-  
su, ita Christi gratia eos qui fidem receperant iuuantē, maxime  
profecisset,

profecisset, & iam aliquot prouincias, in quibus multos Iudæos ad sinceram in Christum fidem, & spem, abiecta omni fiducia legis, & ceremoniarum, perduxisset: tandem uero Antiochiam uenisset, ubi Petrus adhuc ob crassiores Iudæos, quid uere de ceremoniis statuendum esset, occultum habebat; a spiritu sancto edoctus tempus uenisse liberius iam aperiendi ueritatem, in qua tot prouinciarum animi essent roborati, ne qua dissimilitudo in eius doctrina uideretur, qui Apostolus fuerat electus, & cui fuerat euangelium circuncisionis commissum: facere non dubitauit; quin aperte Petrum in ecclesia reprehenderet, quod in dissimulatione perflisteret. Id quod profecto sine summa Dei prouidentia fieri non potuit, cum in eo & gentium, & Iudæorum salutis maxime consulereetur. hoc enim in primis eorū animos edificabat; quod & Paulus libere ut de ueritate certus, Petrum reprehendebat, & Petrus sine ulla facti sui excusatione, se reprehendi patiebatur in eo, ubi culpa uacabat; qui omnia propter gregis salutem faceret. Ac enim reprehensio illa multum de Petri dignitate detrahebat, ut quæ illum significaret Paulo inferiorē esse. Nec enim fere solent maiores a minoribus reprehendi; sed contra potius, semper minores a maioribus corripiuntur: Hanc quidem consuetudinē in ueteri domo esse fateor, ea de qua dicitur, Reges gentium dominantur eorum. Illic sane hic mos obseruatur, ut ab inferioribus superiores reprehendi non soleant. Sed in ecclesia, in qua qui præfunt, non tanquam dominantes (ut inquit scriptura) præfunt; sed tanquam omnium serui, habentes ante oculos, Domini omnium exemplum, qui etiā seruis ministrabat; hic uero mos ille non item ualet. Charitas enim per quam hæc domus Dei regitur, eum morem perpetuo retineri non patitur: sed ubicunque ecclesiæ utilitas poscere uidetur, nequaquam dubitat inferior, superiorem reprehendere. Quemadmodum Paulus eo tempore fecit, cum Petrum se superiorem reprehendit. Charitas enim spiritu Dei incensa minime passa est, ut se a reprehendendo contineret, tali præsertim in causa, qua nulla maior in ecclesia existere poterat. Nā de ecclesiæ libertate tum agebatur; utrum in seruitutem legis seruū abducendi essent, qui Christi sanguine in libertatem ac gloriam filiorum Dei asserti erant; an prorsus sic ab omnibus legis oneribus liberi esse deberent, ut in illos nullum ius neq; ad imperandum, neq; ad cogendum lex haberet. Atq; hanc quidem libertatem cum uterq; apostolus exploratum haberet unicuiq; datam esse, qui per Christi sanguinem redemptus esset; tamen ut modo

In ecclesia Dei charitas fuit, ut minor reprehenderet maiorem.

1. Cor. xii. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

1. Pet. v. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

1. Cor. xii. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

1. Cor. xii. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

## LIBER

*Summa Dei promittit  
factum est, ut Pe-  
trus se in conspectu  
omnium pateretur de  
dissimulatione repre-  
hendi.*

*quid Paulus Petri  
reprehenderit nō qua-  
si inferiorem, aut su-  
b iacuum patrem.*

*Gal. i.  
Paulus Hierosolymam  
venit videret  
Petrum, non Iero-  
solum, non aliorū opes  
Holarum quinquam.*

dixi, cum legis serui imbecillioribus oculis tantum lumen ferre non possent eorum causa ad aliquod tempus uterq; suam sententiam texit: donec tandem multorū iam animis per Apostoli gentium prædicationē, fidei lumine illustratis, nequid tamē apud tenebricosos Iudæorum animos tanta luce exorta, apud quos etiā tum ipsorum Apostolus, quo illos in fide Christi retineret, dissimulare cogeatur: hæc commodissima ratio cecitati illorum atq; ignorantia medendi spiritui sancto uisa est, ut in conspectu omnium Apostolus ipse se pateretur de dissimulatione reprehendi. Quæ sane reprehensio, tanquā ex silice excussus ignis, non potuit in illis Iudæorum tenebris non maxima cum ueritatis luce emicare; & multo magis proficere ad eorum animos illustrandos, quam ulla potuisset recta ac simplex ueritatis prædicatione. Hac enim se parum profecisse, iam ante expertus fuerat Petrus. In illa autem reprehensione, quam ipse æquo animo pati uisus esset, adeo euidenter non ullus quidem Petri error, sed eorum potius culpa, quorum causa coactus erat dissimulare, & maxima Petri in illos charitas, certumq; iam ueritatis lumen apparuit, ut finem dies ille quæstioni de legalibus obseruandis attulerit. Iam uero Paulum, nō quasi inferiorem, aut sibi etiā parem Petrum reprehendisse, si nihil aliud, certe illud liquido declararet, quod ad Galatas scribens testatur se plus Petro in honore, quam reliquis Apostolis semper tribuisse. Quo in loco etiā scribit se post treis annos quam Christi iussu prædicare Euāgelium coepisset, Hierosolymam uenisse, uti Petrum uideret. Sed quid hic Paule dices: libet enim de te sciscitari tuæ istius peregrinationis causam. Tantum ne tibi otii a tam laborioso promulgandū Euangelii munere fuit, cū tibi tot in prouincia tua quasi præfecturæ luses peressent, quas obire deberes: ut unius hominis uidendi causa Hierosolymam iter auerteres, quæ ciuitas neq; erat prouinciæ tuæ, nec uero te opus habebat prædicatore, cum non solum Episcopum suum, sed & Petrum haberet, ut tu te ipse eodem loco faceris: quid hoc sibi uult tantum ne apud te studium cognoscendū unius hominis, ualebat, qui scribas te postea q̄ Christo nomē dederas, neminem præterea secundum carnem nosse? An tu aliis quid in Petro plus q̄ in reliquis hominibus, q̄ etiā in aliis Apostolis authoritatis ac dignitatis agnoscebas, ut ad illum corā uidendum necessario te officio trahi putares? Ita quidem de tuo facto suspicari licet, nec sane aliud existimare possumus. Verbum uero illud, quo uidendi desiderium exprimis, ut sanctissimi quisdam

dā uiri ante me adnotarunt, declarat non uulgarī hominū de fiderio ut faciē cognoscres, commotum eo uenisse. Sed cum scribis Hierosolymam usq; te profectum ut illum uideres; tali uerbo uteris, quod apud Græcos, quorum lingua hæc scribens utebaris, tuū cum admiratione quadam studium exprimit eius uidendi, qui sua quadam augusta homines maiestate ad se spectandum euocaret. Sed quid magis (si quæ fecisti spiritus sancti monitu, a quo tua omnia summa sapientia regebantur, existimare atq; expendere uolumus) quantum tu Petro deferres ac tribueres, nobis declaret, q̄ ipsum tuum factum; cum in tam laborioso, & tam difficili munere, a quo nullum unquam tempus uas cum negotiis habebas, diuertere Hierosolymam uolueris uidendi causa, non Iacobi, quanquam ipse tum episcopus Hierosolymæ esset; cuius obiter tantum mentionem facis, significans uisum esse abs te; nec aliorum item Apostolorum cuiusquā, quos te scribis nō uidisse; Sed Petri unius, apud quem dies etiā quinque decem manseris; quid est quæso, quod nobis certius testari possit, quantum supra reliquos omnes Petri personæ defetres plane ut intelligamus, cum tu postea illum in conspectu ecclesiæ reprehendisti; id propterea fecisse, quod personæ quæ reprehenderet, amplitudo ac dignitas maiorem rei de qua agebatur, autoritatem uideretur allatura, ita enim a spiritu Dei, quæ ad omnia magistrum habebas, edoctus eras. Nam certe (ut Paulum omittamus, & ad te Princeps orationem cōuertamus) poterat Paulus, si uellet inferiorem increpare, discipulos Iacobi reprehendere. & quidem etiā iustius; quippe qui in causa fuissent, ut Petrus dissimulandi consiliū caperet. Poterat si parem uellet; alio tempore Iacobum ipsum reprehendere; atq; id opportunissime, sese defendens & consilii sui rationem reddens, tum cum Iacobus Hierosolymæ illum de eo admonuit, quod nimium libere ceremonias legis reiiceret. Hic uero non modo nō restitit Iacobo, aut ali quid, quo se tueretur, attulit; sed ultro etiam illius admonitioni cessit; ac ceremoniis una cum reliquis Iudæis, operam dedit, ut etiam rursus ad templum ueniret. Et tamen qui ita tum fecisset, Petrum postea eadem de re arguit. Quid ita? nempe quod spiritus sancti œconomia ac dispensatio quædam hanc Pauli reprehensionem cum commodiori tempore, tum eius etiam personæ reseruauit, qui quasi uiuus lapis fundamento ecclesiæ suppositus, cum a Paulo altero de eadem fabrica lapide percussus esset, scintillas & lumen ueritatis in uniuersam ecclesiam multo clarius q̄

ἐπεὶ οὖν  
Chrysost.

Operum aliquod fuisse in Petro q̄ Paulum petrauerit hinc Hierosolymam eius uisus ut uidendi gratia.

Resolutio, cur Paulus Petrum reprehenderit.

AN. XXI.

## LIBER

*Pauli vocatio Petri  
de Christi loco collo-  
catur ostendit.*

teris emitteret. Non ergo obscurat Petri auctoritatem Pauli re-  
prehensio; sed multo magis eam illustrat, & claram omnibus ted-  
dit. sic autem multa alia facta Pauli Petri dignitatis diminuat  
speciem habent, quæ tamen re uera maxime illam confirmant.  
quemadmodum quidem illud ipsum prædicandi munus Paulo  
delatum esse non a Petro, sed a Christo, detrudere quiddam de  
Petri auctoritate Sampsoni uidetur, cum nihil magis Petrum in  
ipsius Christi loco collocare ac statuere uideatur. Ante enim quæ  
Paulus ad Apostolatam uocaretur, non tam Christi locus Pet-  
rus tenere uidebatur, quam suum, hoc est eundem illum quem  
Christo in terris uersante tenebat; ut unus modo esset ex duode-  
cim. Sed Paulo ad illud numerum per Christum allecto, cum Apo-  
stolorum numerus duodecim non excederet, utpote qui tribuum  
Israel numero responderet: quid de hoc Christi facto existima-  
re possumus, nisi eum uoluisse unum e duodecim sibi succedere;  
eiusque loco, ut numerus ille Apostolorum integer ac plenus ma-  
neret, Paulum allegasse? Quod si unum aliquem Christo succes-  
sisse putandum est, ne aduersarii quidem Petri auctoritatis tam  
erunt impudentes, ut quenquam potius, quam Petrum dicant. Quod  
ergo Paulus non a Petro, sed a Christo ad Apostoli munus asci-  
tus est; id eiusmodi non est, ut cuiquam significare possit Petrum  
Christo non successisse: sed potius, siqua antea dubitatio in re mi-  
nime omnium dubia existere poterat, omnem nunc præcidit. Ex  
his igitur omnes arbitror clarissime cernere posse, quæ debilia cau-  
sæ suæ firmamenta Sampson, immo uero quæ inter se pugnantia, &  
ad euertendum potius quod statuere nititur, quam ad id quod oppo-  
gnat, ulla ex parte labefactandum idonea attulerit. Cum quo quo-  
niam pedem ulterius conferre piget, disputationis cum illo insti-  
tutæ & libri una finem faciam. Deinceps autem non luctabor cum  
aduersario sic inepto; sed cum Rege potius agam; cuius quidem  
saluti ut consulerem, hanc etiam rationum cum Sampson pugn-  
nam, & concertationem suscepi.

Liber



## LIBER TERTIVS.



**H**ACTENVS in eo operam laboremq; nostrum posuimus Princeps, ut palam faceremus, Regem nullo pacto supremum ecclesie caput esse posse, sed munus illud ad Petri successores, Romanos Pontifices pertinere. Id quod sacre scripture autoritate, sanctorum patrum testimoniis, more ac consuetudine maiorum, consensu totius ecclesie tot iam seculis inueterato, exemplis, rationibus denique variis confirmauimus: quæ autem huic sententiæ aduersari uidebantur, ea omnia argumentis, ni fallor, efficacissimis refellimus. Quæ si tu Princeps æquo ac neutram in partem propenso animo legere potueris; ueritatem huius causæ, quam agendam tuæ salutis causa suscepimus, uel recepimus potius a te nobis delatā, facile perspicies. Sed quid nunc agor? Quis unquam uinum preciosiolum in uas quod diutius eo liquore uacauerit, infundere parat, qui non ante de uase purgando cogitaret? huiusmodi nunc uas cum ad ueritatem recipiendam animus tuus sit, a quo iam pridem ueræ opinioniones effluxerint, & in quem omnis falsarum persuasio num colluuiis quasi in sentinam quandam undique confluerit: equidem grauius a me peccatum esse uideo, quod cum multa adhuc dixerim, quibus causæ huius ueritatem tibi liquido ostenderem, nihil ante de animo tuo purgando cogitarim; sed tanquam si non pestiferis opinionibus imbutus atque adeo refertus esset, multa quæ maxime & uera & salutaria sunt, in illum infuderim, uel effuderim potius, quæ iam occupatus recipere non potuerit. Qua in re cum magnam ueritati iniuriam feci, qui quo minime decebat eam abiecerim; Tum omnem certe operam perdidici, cum tibi cui maxime hoc meo labore consultum uolebam, nihil profuerim. Nunc ergo errorem meum agnoscens, & eundem corrigere cupiens, quid agere debeor? Quid aliud, quam ut te statim exhorter ad purgandum animum, ut te ipse dignum uas recipiendæ ueritati præbeas? Nisi enim hoc præstiteris, nunquam profecto nec quæ adhuc ueritatis ostendendæ causa dicta sunt, nec quæ postea dicentur percipere poteris. De quo ut te admoncam, multo magis ad officium meum pertinet, quam ut contra Sampsonem disputem. Nam nisi hoc prius persuadeo, frustra tibi ueritatem suadere coner. Sed quo pacto id assequar, cum te animum purga-

*Prius erat purgandum  
Regis animum quam  
infundere illi ueritatem.*

*Rex siui persuaadet se  
animum habere purga  
re ipsum.*

## LIBER

tissimum habere, & intus ueritatem ipsam continere putes, ita illam quidem copiose infusam, ut in alios etiam deriuare possis: qui conuenit ut tu ab aliis discas, quod possis omnes doceres: Ita enim audio, quicumque de ecclesiæ dogmatibus controuersias habent, ad te referre, tuam exquirere sententiam, & eam quasi ab Apostolo prolatam amplecti: merito illi quidem, si ut tute tibi arrogas, ecclesiæ caput es. Sed quid ego dico me audire ueritatis cognitionem in ecclesiæ dogmatibus, te tibi uendicare, cum sententia abs te in Rossensem, in Morum, & in alios optimos ac sanctissimos homines lata, nimis iam omnibus declarat, quantum tibi ipse sumas in scientia ueritatis, qui horum quos dixi, sententiam sic falsam esse censueris, ut ipsos quia illam deserere recusarent, capitali supplicio affeceris: o tenebras, ut nihil hic odiosius exclamem, sed Aegyptiis ipsis quæ palpabiles erant, densiores. hic ego non dicam, nec te, nec quenquam tuorum, uel ingenio, uel doctrina, uel prudentia denique & usu rerum esse ulla ex parte cum talibus uiris comparandum: quæ tamen necessaria sunt, ei qui de talium uiuorum sententia cuiusmodi ea sit, recte censere uelit: sed contra potius, uos omnibus his rebus ita inferioris illis esse, ut si quis conferre cogitaret, iniuriam ipsis indignissimam faceret. Illud dicam, si maxime hæc omnia, quæ enumerauimus, superiora haberetis: si plus temporis, plus industriæ in cognoscendis scripturis posuissetis; si plura ac maiora cæterarum artium instrumenta, si ingenia præstantiora haberetis: tamen quia unum uobis deesse certo sciam, quod illis adfuerit, quod quidem tale est, ut siue eo nullum ueritatis lumen in rebus ad fidem pertinentibus animo apparere possit, merito uos maximis in tenebris uersari. ut iure optimo Princeps, qui tanta caligine circumfusus meam sententiam, quæ sane cum ueritate, & cum illorum quos dixi uiuorum sententia consentit, exquiris: hortari te debeam, ut prius quam ulterius pergam de ueritate sententiæ meæ, quæ eadem ecclesiæ sententia est, dicere, ex tetro isto gurgustio, quo nunquam ueritatis radius penetrauerit, emergas aliquando ad hunc apertum aerem, ubi lucem ipsam cernere possis, id est ad ecclesiam Dei, a qua cum es egressus, in istud te infidelitatis barathrum penitus demeristi. Sed quale tandem illud unum est, quod uobis quidē deesse, illis autem adfuisse dico, sine quo nihil in scripturis, nihil in ulla ueritate, cuius manifestatio ex scripturis petenda sit, sciri queat: spiritus Christi Princeps, spiritus Christi, a quo sunt illæ profectæ, sine quo si legantur, nec ipsæ, nec quicquam omnino quod

*Rex si uendicat cognitionem ueritatis.*

*Exo. x.*

*Rex & regi consiliorum quare sint inferiores Moro & Ros si in cognitione ueritatis.*

*Spiritus Dei deest Regi & consiliariis.*

quod ad ipsarum explicationem pertineat, satis percipi potest. Quam autem multa & quanta sunt in hoc ipso de quo nunc agimus argumento, quod quidem huiusmodi est, ut ex scripturis totum explicandum sit, quæ si te ecclesiæ subiiceret, in qua spiritus Dei regnat, & extra quam lumen suum nemini impertit, primo aspectu, & quemadmodum scriptura inquit, In auditu auris statim cognosceres esse uerissima, quorum nunc ueritas, quia spiritu Dei cares, nullo nec uerborum, nec argumentorum ambitu tibi ostendi possit: atque illud in primis, quod nos de ecclesiæ unitate diximus. Quid enim existimas? An tu si illud de Iudæorum templo tibi narrare inciperem, fuisse unum tantummodo tam numeroso populo, quo necesse haberent, qui sacrificare uellent, uenire, quocumque in locorum ac regionum intervallo disuncti essent, nec enim aliter gratum eorum sacrificium Deo esse potuisse: & de ipsius ædificatione adiungerem, non id per Regem bellatorem, etsi is Deo acceptus esset, sed per Regem pacificum exædificari licuisse: tum autem de illa fabrica hoc dicerem, quod scriptura dicit, Domus autem cum ædificaretur, ex lapidibus dolatis atque perfectis ædificata est: & malleus, & securis, & omne ferramentum non sunt audita in domo cum ædificaretur: si hæc igitur dicerem, atque illa iam quæ Christus Rex pacificus de suæ ecclesiæ opificio dixit, de suis lapidibus, de quibus dolandis toties per Prophetas est loquutus, commemorarem, quo in opere nec malleus, nec securis, nec ullum omnino ferramentum auditum est, nullum denique humanum instrumentum uersatum: quippe cum omnes a Deo politici & quadrati, Dei uirtute, sine ulla humana ope in ecclesiæ ædificio positi fuerint, extra quam non liceat sacrificare: an tu cum hæc dicerem, si quis radius diuini luminis in te superesset, non ipse quid necessario ex his efficeretur, prius quam id uerbis exprimerem, animo & intelligentia præciperes, nempe hoc ipsum in uero Dei templo, id est in ecclesia esse debere, quod in illo adumbrato ac materiali significatum sit: etsi Iudæi illud oculis uidebant, non te spiritus lumen ita illustraret, ut certius mentis acie hæc omnia de ecclesia Christi, quæ ex uiuis & manu Dei lapidibus ædificata est, expressa cerneret, quam illi corporis oculis conspiciere adumbrata poterant: præsertim cum te Dei spiritus doceret omnia illis in figura contigisse, nobis uero ueritatem rerum, quarum illi simulachra tantum uidebant, esse ostensam: cerneret tu profecto, & multo quidem uerius ac certius spiritum, quam illi sensu, immo uero ro planissime intelligeres non tam illis, quam nobis scripta esse ea,

*Sine spiritu Dei scriptura intelligi non potest.*

*Unum templum erat in quo Iudæi uellent sacrificare.*

*Templum Hierosolymitarum non a Deo de bellatore, sed a Salomone pacifico ædificatum.*

*iii. Reg. vi.*

*ii.*

*ii.*

*Lapidis politior quædrati.*

*i. Cor. x.*

# LIBER

quæ de templo & eius exâdificatione, ac de sacrificio quod solû in templo fieri fas esset, sacris sunt libris prodita. Hoc enim ab illis tot sacrificiis astricâis, cum multi magno regionûm & locorum interuallo ab Hierosolyma, ubi templum erat, disiuncti essent, uix obseruari potuit, quod a nobis, qui in spiritu & ueritate adoramus, & sacrificamus, proindeq; non unius loci terminis circumscriptum templum nostrum, id est ecclesiam, habemus, quæ totum orbem complectitur, facillime fieri potest. Hæc ergo de templo, & ecclesia, te continuo Dei spiritus doceret. Quod si, ut de unico templo fecissem, de ministris etiam templi, deq; summo illo sacerdote apud Iudæos loquerer, & ostenderem primû quantæ seditiones hac de re exstitissent, ne penes unum aliquem summam potestas esset: deinde quam grauiter a Deo animaduersum esset in seditionis auctores, qui summo sacerdoti restitissent: ac quanto tandem miraculo, collatis in tabernaculum omnium tribuum uirgis, una tantum Aaronis, effloruisset, reliquis sicut erant, aridis manentibus; tum autem de ecclesia adiugerem, post grauissimas seditiones, quibus ecclesia cõsiliata esset, cum non defuissent, qui hanc unitatem diuidere conarentur, & summam unius potestatem in ecclesia oppugnare auderet, multas ecclesias, quæ a Romana secessissent, ut Dathan, & Abyron a terra, sic illas a diabolo absorptas esse: unam deniq; ostenderem Petri ecclesiam, tanquam uirgam Aaronis effloruisse; quæ utcumq; arida foris uideretur, intus tamen doctrinæ christianæ incorruptâ sinceramq; ueritatem quasi uitæ principium retineret, ac semper retinuisset; cum interea cæterorû Apostolorum uirgæ aridæ manerent, quod nulla eorum ecclesia ostendi posset, in qua non aut prorsus deleta, aut certe mirum in modum corrupta illorû dogmata essent: ne eo quidem usq; progredi me sineres, quin statim exclamares, si spiritus lumen in te ullum esset, uerissima esse quæ de uno pastore dicerentur; neq; non minor certe admiratio caperet, accidisse ita, ut cum Romanæ ecclesiæ præfecti nihilominus corrupti, quam aliorum Apostolorum successores fuissent, non minus horum arida natura tanquam uirga, q̃ illorum fuisset, nulla tamē unquam hæresis illam ecclesiam occupauisset, sed huius doctrina semper uera, & cum Christi magistri præceptis consentiens fuisset: cum in reliquis ecclesiis secus euenisse constaret: non minor inquam te admiratio caperet huius uirgæ sic perpetuo efflorescentis, quam tum Iudæos cepit uirgam Aaronis semel effloruisse cernentes. Hanc tu nūquam postea oppugnares;

Sed

Io. iii.

*Multæ seditiones  
inter summam sacerdo  
tem excitatæ.*

*Una Aaronis uirga  
floruit.*

*Ex Apostolorum eccle  
siis una Petri eccle  
sia floruit.*

*In Romana ecclesia  
semper fuit uera dog  
matina.*

Sed ut Iudæi uiso Dei miraculo in uirga Aaronis, seditione desisterunt; sic tu maiore Dei miraculo in uirga Petri animaduerso, seditionem istam contentionem in admirationem Dei clementiam, & in ecclesiam suam amoris, conuerteres. Quod si pergerem porro, ut magis claram hanc unitatem pastoris redderem, ac tibi in memoriam redigerem, quomodo etsi undecim Apostoli etiā ipsi prædicatores ad gentes dimissi essent, & per orbem terrarū dispersi, tamen hoc munus ad unum hominem Christo authore reuocatum esset, cum Paulus scribat se gentium apostolū, ut Petrum circūcisionis, a Christo esse factum, ut eius muneris quod omnibus commissum esset, iam unus nomen obtineret, quasi intelligi oporteret genus omne humanum, quod in Iudæos & gentes a scriptura diuidi solet, his duobus commissum esse: & ita recessum esse a multitudine præfectorū ostenderem ex Christi uoluntate, qui humani generis curam ad duos tanquam legatos reuocasset: Deinde idem de Pauli apostolatu pronunciarem, quod ipse de gentium populis, quorum erat Apostolus, testatur, id est ut quemadmodū ille dixit Gentes stirpi Abraham tāquam oleastrum oleæ insitas manere in una radice, sic ego Pauli apostolatū quasi surculum in Petri apostolatū tanquam in arborem insitum atq; ex duobus effectum unum esse dicerem; quam non obscure idem ille spiritus, hæc ut uideres faceret, si tantum cogitationis oculos ad ecclesiam Romanam conuerteres, in qua amborum Apostolatus in unum coaluisse, quod in nulla alia ecclesia de duobus Apostolis accidisse uidemus, nō pauci aliquot anni, sed multa iam sæcula testantur. Quid multis opus? omnia ad Petri apostolatū tanquam ad unam arborem esse undiq; conducta, & in illam insita, quæ arbor ex Christo ut ex felici solo, in quo est plantata, salubrem humorem & uiuificum trahat, quem omnibus deinceps ramis dispertiat, hanc deniq; esse Christi uoluntatem, quo magis unitas corporis ecclesiæ conseruetur, ut singulæ ecclesiæ ad unam, quæ tanquam mater sit & radix reliquarum, a qua illæ sinceram in concordia & pace doctrinam haurire possint: spiritus is, de quo iam dudum loquor, ut clarissime uideres, faceret; eamque Romanam esse ecclesiam, omni dubitatione sublata, apertissime ostenderet. Quia omnia nunc, quia spiritus Dei te dereliquit, nec ipse uidere, nec aliis qui cernant, ac tibi asserunt, credere potes. Sed quo nam, inquis, modo te scio a spiritu Dei derelictum? Quia non in commotione, Princeps, est dominus: non in spiritu grandi subuertente montes, & conuertente

Gal. ii.

Apostolatus Pauli in  
Petri apostolatu co  
luit in Romana ec  
clesia.

Immunitas regis de  
clarat illi a Dei spi  
ritu esse derelictum.  
" iij. Reg. xix.

## LIBER

petras est dominus. Sic enim inquit Elías Propheta. Sed ut me-  
 is, nō Prophetæ uerbis aperte dicam, quia non in ista immanita-  
 te, qua occidēdis sanctissimis uiris usus es, nō in ista depredati-  
 ne ac direptione bonorū ecclesiæ potest esse spiritus Dei; sed in  
 sibilo auræ lenis, ut inquit Elías, est dominus. Cum uero te lon-  
 gissime ab omni lenitate & clementia abfuisse acta tua declarēt,  
 qui possum non omni asseueratione te a spiritu Dei derelictum  
 pronuntiare? At enim hoc argumentum satis graue apud te non  
 est, ut te hinc credas spiritu Dei carere: sed tam acerbæ scilicet  
 sententiæ certiorē adhuc probationem requiris. Ego uero &  
 alia præterea habeo certissima Dei iræ signa imminētis. iam ad  
 uindictam, immo uero etiam præsentis. Id quod non sine max-  
 imo animi dolore referre possum. Sed quæ nam illa inquis? si tale  
 quidem signū ego ostenderem, quale de Herode narratur, quem  
 igne penitus uiscera exedente periisse cōstat; aut quale Ozias ac-  
 cidit, cuius in fronte, cum dei sacerdotibus obliſſet, repente ele-  
 phantiasis apparuit; statim credo agnosceres iram Dei, sicut Ozi-  
 as fecit, de quo scriptura, Agnouit, inquit, Ozias manum Dei.  
 Sed adhuc certiora his signa habeo manus domini in te, quæ cū  
 ego sine summo meo dolore commemorare non possum, si tibi  
 quoq; illa audienti ac mecum recognoscenti molesta accident,  
 feras tu Princeps oportet hanc omnem orationis acerbicatem.  
 Hæc enim si recte eam perceperis, tibi omnium malorum reme-  
 dium esse possit; & nisi perceperis, nihil unquam de tua est salutē  
 sperandum. Quo fit, ut ea & mihi, si officio constare uelim, neces-  
 sario exponenda; & tibi, si tuam salutem charam habes, omnino  
 auscultanda sint. Existimato igitur tātisper dum illa audies, me  
 tibi grauiter & periculose laboranti medicum aduenisse: qui  
 (Deum testor) non alio in te tuamq; salutem animo sum, quam  
 quo esset erga patris sui salutem medicus. Quare si tibi inclemē-  
 tius agere, si secare interdum animum tuum, si deniq; urere uide-  
 bor; putato me idcirco ita facere, quod aliam tibi salutis obtrine-  
 re rationem nullā uideo. Leuiora enim remedia uis morbi iam  
 diu exclusit, ut hæc etiam quæ extrema tibi uidentur, aliorū o-  
 mnium iudicio leuissima sint, qui se meam stulticiam mirari di-  
 cunt, q; in tam desperato morbo medicinæ faciendæ locum esse  
 arbitrer. Sed charitas, stulticiæ infamiam non timet: quam diu  
 spirat agrotus, adduci nō potest, ut desperet. Et ego sane, quod  
 ad me pertinet, non desinam omnia tētare. Sed quam uellem me  
 iam hoc officio perfunctum, ut oratione mea, quasi ferro, in inti-  
 ma tua

Euseb. lib. i. ecclesiæ  
 huius historię.

ii. Para. xxvi.

”

Author cum Rege  
 tanquam medicus cū  
 homine grauissime la-  
 borante agit.

ma tua vulnere penetrassem, saniem absterxissem, vitiosas partes refecuissem, ut & tu cuius nunc de salute agitur; & ego etiā ipse, qui non sine quodam animi horrore tātam fecditatem aspicere, & attrectare possum, molestia omni liberi essemus? At aliquādo tamen audendū, & confirmandus animus, imo uero, quid est cau-  
 sē cur ego horream aut reformidē vulnere tua attrectare? quē tu ita fers leuiter, ut non modo nullum dolorem sentias, sed iis etiam, quā ego homo simplex vulnere appello, tanquam sanitate quadam gaudeas, quippe quā a te ipso tibi inflīcta, non casu nec externa uis illata sint. Atq; hoc Princeps, hoc illud est, quod mihi tam acerbū dolorem facit, cum te animaduerto, primū uim gra-  
 uissimī mali ac periculum non sentire; deinde etiam scientem ac prudentem frustra dissuadentibus optimis & tibi sane fidelissi-  
 mis uiris, id omne contraxisse. Verum age, recognosce nūc me-  
 cum tua uulnera. An nō graue est uulnus animo generoso omni honore priuari, existimatione omni spoliari, cum praesertim qui ante esset ueri honoris studiosissimus, & uero praeter ceteros sui ordinis clarissimus, qui uera gloria maxime floreret? Si hoc ne-  
 gari non potest; responde quāso Princeps, ecquis tuus hostis, ec-  
 quis nominis tui & famae inimicus fuit, cū nemo possit negare, quin magna olim & ingenii & uirtutis fama fueris, qui curauit ut apud omnes christiani nominis gentes ac nationes, ubi publi-  
 ca iurisconsultorū ac Theologiam proficētium gymnasia sunt, non a plebe imperita, sed ab iis qui doctrinae opinione praestāt,  
 non temere aut casu congressis, sed more & instituto gymnasio-  
 rum, non aliter quam cum de consilii sententia statuere aliquid uolūt, congregatis; ecquis (inquam) is nominis tui ac famae ho-  
 stis fuit, qui apud hos omnes egit, ut in uitam tuam uiginti an-  
 nos continuos non sine maxima gloria actam, tāta probra ac de-  
 decora iacerentur, ut parum esse uideretur, si te dixissent totum hoc tempus in stupro & adulterio traduxisse, nisi etiam adderēt  
 nefario concubitu, & inexpressibili incestu contaminatum pollus-  
 tumq; esse; neq; hoc solum dicerent, aut sic leuiter maledicti lo-  
 co proferrent, sed publicis monumentis ad memoriam rei sempi-  
 ternam consignarent, ut per omnia gymnasia publica authorita-  
 te incāstuosus pronuntiāret? Quis hic hostis fuit? Sed hic eers-  
 to scio, tu exandescēs, & me tecum contumeliosissime agere dis-  
 ces, qui sic nude & aperte proferam ea quē ad ignominiam tuam  
 pertineant; quē uero ad honorem, ea reticeam; cum nullus maior  
 esse honos possit, q̄ te, quo legi Dei satisfaceres, tantam infamiae

*Rex gaudet suis vul-  
 neribus.*

*Rex summo studio  
 curauit, ut per omnia  
 gymnasia publica ex  
 thesitate in athenis  
 suo pronunciaretur.*

*Obiectio. quod Rex  
 tantum infamiae spō  
 te subierit quo legi  
 Dei satisfaceret.*

## LIBER

*Responſo.*

*Leuit. xviii.  
quod Rex quum re-  
pudiaret vxorē, non  
ſulacem Dei legem  
reſe, ſed Dei legem  
ad perſonam dñi ſua  
libidini deſerquere.*

*Mat. xi.*

*Rex annis viginti re-  
gnauit Caterina ſe-  
ne villo legi. metu be-  
bat.*

ac dedecoris ſponte ſuſcepſiſſe: q̄ te ſimul atq; errorem tuū agno-  
ueris, nulla famæ habita ratione, animæ continuo ſaluti conſulu-  
iſſe. Hoc te dicturum ſcio. & hic Princeps patientiam tuam ap-  
pello: nihil enim aliud nunc peto, niſi ut ſedato animo auſcultes,  
dum tibi ad hæc reſpondeo. Sciebam uidelicet te contra omnia,  
quæ de cōcepta tibi macula ac dedecore dici poſſent, legem Dei  
oppoſiturum; ſed audi quæſo patienter. Hoc nunc ueris ad de-  
ſenſionem, quod tuꝝ omnis miſerix caput eſt. Neq; enim tu, cum  
uxorem tuam repudiareſ, qua cum annos uiginti uixeraſ, id ipſe  
ctabas, quod te lex Dei prohiberet fratris tui turpitudinem re-  
uelare, quod ueraret eam abs te uxore duci, quæ fratris tui uxor  
uiſſet. Sed nimirum, cum aliam cupereſ ducere, nec poſſeſ niſi  
hac eiecta; ne hoc temere, ſed magna potius ratione facere uide-  
reris, iccirco ad legem Dei cōfugiſti, ut quaſi teſtem largitione,  
ſic illam calumniola interpretatione corrumpereſ, & ad ſuffra-  
gandum libidini tuæ adduceret. At uide quid acciderit. In quo  
tu contumelioſus in Dei legem fuiſti, in eo permiſit Deus ut te  
ipſe tanto dedecore ac tanta contumelia afficeret, quanta nullus  
unquam hoſtis tuus, quantumuis callidus, & ad tibi nocendū at-  
tentus, etſi iſ dies ac noctes nihil aliud, q̄ de infamia tua cogi-  
taſſet, afficere potuiſſet: tanta certe, quanta nullum adhuc præter  
te Regem, cuius quidem memoria in literis extet, affectum eſſe  
meminimus. Sed hic iterum exandeeſ, & quidem, ut tibi per-  
ſuadebis, merito, q̄ dixi non te eo animo reliquiſſe priorem uxo-  
rem, ut legi Dei parceret, ſed ut potius per legis cauſam libidini  
tuæ ſatiſſaceret. Nam qui me ſcire potuiſſe, quo animo id fecer-  
iſ: quem autem, niſi ſolum Deum animum tuum noſſet? Etiam  
iſ Princeps, cui Deus uoluit reuelare nouit. Me autem cum eſſe  
dico, cui Deus hæc in re animum tuum aperuerit. Sed hic exclam-  
abis, o impudētiam & ſingularem arrogantiam. Tibi ut Deus  
cogitationes meas & intimos ſenſus patefecerit? At hic contine  
te pauliſper. dico enim Deum mihi reuelari; nec uero mihi un-  
plus quam reliquiſ omnibus, qui dare operam uoluerunt, ut cau-  
ſam cognoscereſ. Id quod paulo poſt ſic manifeſtum faciā, ut  
nulla ratione poſſit negari. Quanquam quid opus eſt ut me diu-  
na uſum reuelatione oſtendam in eo cognoscendo, in quo ratio  
humana tam eſt perſpicax? in quo tu ipſe tam aperte animum tu-  
um explicat? Quid enim? an non ipſe prætereſ, te nulla noua re-  
ligione oblata priorem tuam uxorem dimiſiſſe, quaſi lex prohibe-  
ret eam retinere, cum annos totos uiginti illam habueriſ ſine  
ullo



ullo legis metu? si lex te mouit, cur tam sero mouit? an tibi illius non ueniebat in mentem? Ita credo, in uiginti annorū spatio tēporis satis non fuit ad cogitandum de lege. Quā hīc pro te faceret, si inde exclusus, dicere illud posses, te tamen nesciuisse ullum legis caput esse, quod tales nuptias uetaret: sed statim ut cognoueris, dedisse operam, ut obedires? At illa dispensatio tanto olim studio ac contentione a Pontifice quaesita, omnem hāc defensionem tibi praecidit: ignorationem legis excusare nō potes. At enim, etsi sciebas legis mandatum, uim tamen grauitatēque eius non noueras; nec quantum sceleris cōscisceret, qui secus faceret, intelligebas. Verum hoc alius fortasse probabiliter diceret, tibi quidem hāc excusatio sic est a temetipso tibi praclusa, ut ad eam perfugere nō possis. Tu enim cuiquam probabis, quā legem in animis hominum penitus insitam esse dicas, quam ita affirmes cum ipsa hominis natura congruere, ut si nulla diuinā literā extarent, quibus ea perscripta esset, tacito tamen quodam naturā sensu ab omnibus perciperet, eius legis uim unī tibi per annos uiginti totos potuisse non exploratissimam esse? te illius rationem non cognouisse? Age uero, adduci tu poteris, ut tam probrosa defensione utaris, qui tantum tibi arroges in illa abdita rerum diuinarum cognitione, ut iudex ac disceptator esse uelis, si quā de abstrusissimis diuini iuris rebus controuersiae existant, qui caput ecclesiae esse haberiq; uis, fateberis te ante paucos annos, quam hāc nata est de matrimoniorum iure questio, legis naturā uim quē in omniū animis sine literis est exarata, perceptam non habuisse? hac tu defensione uteris? uides opinor, ut tibi undiq; praclusa sit defensio, ne dicere possis, quia uoueris legi Dei satisfacere, uxorem te tuam iecirco reicisse. Quid igit, quid est, cur legis mentionem facias? Hoc quidem Princeps ipse nō dices, nec sane mirum: eum ego etiam, qui a culpa absum, sine maximo pudore non possim tantum flagitii ac dedecoris enunciare. Sed dicendum tamen est. Misere scilicet ardebas homo hoc ætatis, & isto rerum usu, puellæ amore. illa porro alia conditione se tibi copiam sui facturam negabat, q̄ si uxorem tuam cuius in locum succedere cupiebat, reicisses. Concubina enim tua fieri pudica mulier nolebat, uxor uolebat, didicerat, opinor, si nulla alia ex re, uel sororis suæ exemplo, quā cito te concubinarum tuarum satietas eaperet. Illa uero forem uincere contendebat, in te amatore retinēdo, grata e nim mulier in cum a quo se tam ardentem amari uideret, indissolubili uineulo coniuncta tecum

*Legi uis ac grauitas  
ut antiq̄uorū Regē  
esse non potuit.*

*Rex cur, diuinitē legē  
mentionem faciat.*

## LIBER

esse cupiebat, tecum perpetuo manere cupiebat. In qua tu cupiditate sic illi muruo respondebas, uel potius sic illam antebas, ut in eo positam summam fortunarum tuarum, & felicitatis cumulum putares, si exturbata de thalamo tuo legitima ac iusta uxor, hac tibi matrimonio copulare, & cum ea perpetuo uitam agere liceret. Quid multa? Dici profecto non potest, non utriusque summam; & tuam tamen, quam illius maiorem multo cupiditate fuisse. Illud igitur modo restabat, ratione inire, qua uestra hæc tanta & tam impotentia desideria expleretis. Id quod difficillimum fane uobis occurrebat. Nec enim facile factu uidebatur, uxorem tanta nobilitate, tanta etiam uirtute præditam, post tot annorum societatem, ex qua præsertim filiam tu iam adultam suscepisses; quæ sine ulla controuersia hæres regni esset, & Principis nomen ab incunabulis gessisset: ex thoro regio deicere, unde illud accideret, ut omnia superioris omnis temporis acta permiscerentur, & regni etiam successio incerta fieret. Sed contra hæc omnia, nulla accommodatior ratio uobis succurrebat, quam si tu diceres lege diuina te impediri, ne diutius eam retineres uxorem, cum qua tibi ius coniugii nullum initio fuisset. Hic enim de animæ salute agi, quæ tibi regno ipso & omni successione esset antiquior. Hæc speciosissima uidebat ratio, cuique nihil omnino deesset præter fautores, qui eius defensionem susciperent, ac ualidis argumentis rem ita se habere confirmarent. Sed qui poterant deesse in tanta turba theologiam profitentium, qui multa sæpe absurdiora in scholis disputantes res modo proponeretur, patronos desideratura non erat, quæ regem præsertim fautorem haberet. Ac ne diutius quærerent, in eo illa ipsa, cui tu gratificari cupiebas, antecuertere, & sibi prius gratificari uoluit, sacerdotes suos, graueis Theologos, quasi pignora promptæ uoluntatis misit, qui non modo tibi licere affirmaret uxorem dimittere, sed grauitè etiam peccare dicerent, quod punctum ullum temporis eam retineres; ac nisi continuo repudiare, grauissimam Dei offensionem denuntiarent. Hic primus totius fabulæ exorsus fuit. Sed contra opponeretur Pontificis autoritas, cuius permissu illam duxisses. quæ res siqua tibi ex legis præcepto religio iniecta esset, securum esse iuberet. Nec enim tantam vim esse illius præcepti, ut non legitima ex causa remitti ac condonari potuisset; quemadmodum in multis sæpe affinitatis & consanguinitatis gradibus iure fieri solet. Cum hic causa labare uideretur, ministri puellæ pro se quisque illam suffulciunt. In hac re diuersas esse scriptorum sententias

tencias memorant, in quibz doctos aliquot & celebres viros affixit  
mare, nullum pontifici ius esse concedendi, quod per diuinam le-  
gem non liceat. Atque hic reuiscere causa cepit, quam prope  
mentio de Pontificis dispensatione extinxerat. nec iam sine spe  
certa uictoria eratis, quod trahi ad disputationem posse uideretur,  
ac recte queri, posset ne Pontifex ea in re dispensare, nec enim  
esse dubium, quin hæc in disputatium scholas illata quæstio fau-  
tores plurimos habitura esset, cum præsertim Regem iam plus  
quam fautorem, & omni sua autoritate atq; opibus propugnan-  
tem haberet. Nec te profecto opinio tua omnino fefellit, fauor  
res inuenturam esse causam, si ad scholas confugeret. Inuenit il-  
la quidem nonnullos ex iis quos fames magis q̃ fama commouere-  
ret: Sed non tam sane promptos quam uos speraueratis, ut quæ  
initio una cum iis, qui ipsius patrocinium susceperat, in ipso tuo  
regno ex omnibus scholis explosa sit, ipsis etiam defensoribus  
uario contumeliæ genere affectis. nec certe unquam publico ul-  
lius gymnasii consensu, ubi cõsisteret, inuenisset, nisi eę, quæ plus  
quam preces ualere solent apud multorum animos, minarum res-  
fertæ regiæ literæ ad scholarum Principes, quasi auxiliatrices co-  
piæ summis, aciem iam inclinatam sustinuissem, ac de integro  
prælium restituissem. Quod si his copiis tibi doni pugnare nec-  
cesse erat, nihil attinet me nunc dicere, quibus nam foris uterere,  
id est apud exterarum gentium scholas, ubi nec perinde minæ po-  
terant ualere, & non minore tamen contentione certabatur. nam  
quis hoc etiam me tacente non intelligit? Sed reuertar ad ani-  
mum tuum, de quo dicere ceperam, mihi a Deo reuelatum esse,  
te non ulla religione tam grauē ac tam seriā diuinæ legis men-  
tionem fecisse: sed potius legem ipsam tanquam falsum testem  
queritā esse ac subornatā, quæ pudendum animi tui affectū  
tegeret, & facti turpitudinem clementi religionis nomine, quasi  
falso colore illito, occultaret, uel etiam honestaret. Sed quo id  
modo Deus mihi reuelauit: non per se quidem, ut multa persepe  
multis, sed per illam ipsam adulterā, quam tu in uxoris cubile  
induxisti, illa inquam ipsa, quam tu reiecta legitima uxore, nunc  
tecum habes, animum tuum mihi totū patefecit. Quomodo in-  
quis dicam equidem, si prius mihi ad ea, quæ te rogabo, respon-  
deris. Si uxorem iccirco reliquisses: quia legē tibi persuasis-  
se nefarium illud & abominandum matrimonium pronunciare: an  
non maxime operam dares, ne te iterum tali matrimonio contin-  
minares: an nō ab iis personis penitus abstineres, quæ in eadem

*Regis causa ex scrip-  
tis Anglorum explosa fu-  
it, donec minæ accen-  
derent.*

*Ipsa adultera Regis  
affectum prodidit.*

*Rex Annam Ful-  
nam licite ducere nō  
potuit, satis sciret con-  
cubina illius fuisse.*

## LIBER

ac deteriore etiam quam prior uxor, causa essent? Aliter sane facere non posses, si te aliquid legis ratio moueret: quin illos etiam odio haberes, qui tibi talis cuiuspiam matrimonii auctores essent, aut omnino eius mentionem apud te facerent. Quid ea, quæ tute tibi in repudiata locum consociasti, cuiusmodi tandem est? An non soror eius est, quam tu & uiolasti primum, & diu postea concubinæ loco apud te habuisti? illa ipsa est. Quomodo ergo nos doces, quam refugias ab illicitis matrimoniis? an tu hic legem ignorabas, quæ non minus profecto uetat, sororem te eius ducere, cum qua ipse unum corpus factus sis, quam eius cum qua frater? si una detestanda est, altera etiam detestanda. An hanc legem nesciebas? At tu omnium optime noras. Verum quo pacto ego hoc scio? Quia eodem tempore quo pontificis dispensationem de uxore fratris ducenda reieciisti, ab eodem pontifice, magna uel contendebas, ut tibi liceret ducere sororem eius, quæ concubina tua fuisset; idque ita impetrasti, si ante constitisset non habuisse ius Pontificem priore illa in causa dispensandi. An non igitur hæc ipsa, quam nunc habes pro uxore, quæ tua mens fuerit, planissime ostendit? an non per eius personam, ea tacente, Deus omnibus certum facit, te quo libidini tuæ obsequeris, non ut Dei mandato obtemperares, legis mentionem fecisses? Sed est aliud quod adhuc magis animum tuum notum faciat. Hæc enim de uxore fratris, multo est leuior causa, cur ita? Quia etsi uxor eius fuerit in facie atque oculis ecclesiæ ducta, cuius turpitudinem lex uetat te reuelare: uirgo tamen ad te peruenit; sed huius, quam nunc habes, sororem non opinor te dicturum uirginem a te esse relictam, ut iam quæ lex contra priorem uxorem facere uidebatur, ea nihil faciat, si ipsam cõster a tuo fratre factam fuisse. Illa enim lex cum turpitudinem fratris reuelare uetat, significat locum habere mandatum, ubi corporum coniunctio fuerit. itaque per nomen reuelandæ turpitudinis fratris, eam duci uxorem prohibet. Atqui ubi nulla corporum coniunctio, ibi nulla est fratris turpitudo, quæ reuelari possit. hic legis interdictum locum non habet. At in eam, cuius sororem te constat uiolasse, quam maxime profecto ualeat. Sed qua ratione scire potui uirginem a te ductam esse fratris tui uxorem? an hoc etiam Deus mihi reuelauit? Quid hic opus est Dei reuelationes? an non hoc satis persuadet ætas fratris, qui annos quatuordecim natus, excessit e uitâ? non corporis imbecillitas, qua illum fuisse constat, satis probat? non denique satis est ad fidem faciendam, quod sanctissima scemina id sanctissime adiurati

*I. Cor. vi.*

*Rex a Romano Pontifice impetravit, ut sororem concubinæ suæ ducere sibi liceret.*

*Caterina uirgo fuit, quam Rex Henrico nuberet.*

*Leuit. xviii. Reuelare turpitudinem fratris quid sit.*

*Arthurus princeps in bello corpore fuit, et annis natus quatuordecim excessit e uita.*

adiurat? sed tu illi uidelicet nō credis. Tibi autem Princeps ipsi an credis? si credis, tu ipse hoc passus es, uirginem te accepisse; & Cæsari passus es, cui minime expediebat, si tum de diuortio cogitares, hoc fateri. Sed eo tempore nimirum dixisti, cum nondum tam turpis facinoris tibi in mentem uenerat, ut uxorem tuā, Cæsaris amicitiam reiiceret, quod ille certe obliuisci non potest. Sed an non Deus nunc satis indicat omnibus animum tuum, qui omnem honesti excusationem tibi præripuit? qui cum hanc solam haberes, quod lex prohiberet te uxorem fratris ducere, quo huius simulationis latebras aperiret, te permisit in ea muliere ducenda offendere, contra cuius personam legis sententia apertior esset, quā ut excusationem ullam admitteret; cum alteram uirginitas a legis censura prorsus excluderet: ut omnibus manifestum sit, minime omnium ueram esse, quam præferas dimittendæ uxoris causam te habuisse, eoq; magis, quā qui huius tam iniusti (ut modo ostendi) coniugii authores tibi adiutoresq; extiterunt, illos nunc solos in amoribus ac delictis habeas, hos præmiis afficias, qui contra aduersantur inimicorum & hostium loco omnes habeas. At Deus Princeps, Deus non irridetur, sed qui conatur Deo & eius legi illudere, sibi maxime ipsi illudunt. Id quod si alias unquam, nunc certe clarissimo in te exemplo agnoscimus. Postquam enim in animum induxisti simulatione legis diuinæ, quā eandem naturæ legem esse diceret, ac te plurimum uereri fingeres; legitimam uxorem repudiare: ita te Deus in reliquis labi & errare passus est, ut ex eo tempore nihil pene ordine ac præscripto naturæ faceres, sed quæcunq; facere in hac causa conareris, omnia manifeste contra naturæ legem essent. Ac primum in eo ipso, quod modo retuli, cum sic author tuæ infamiae esses; cum legatos ad omnes prouincias mitteres, ubi literarum gymnasia esse scires, ut præclarum hunc honoris titulum referrent, te non scortatorem, aut adulterum, sed incæstuosum contra legem naturæ per uiginti annos fuisse: potuit ne aliquid magis contra naturam accidere, quā ut quispiam tanto studio, tantis suis sumptibus, quantos tu fecisti hac una de causa, perpetuæ turpitudinis notam sibi & labem imponendam curaret, pro qua, si casu aliquo contracta esset, eluenda, generosissimo quisque animo libenter mortem opteretur? Quale uero genus ipsius legationis fuit? quā cum naturæ lege consonans huiusmodi plane, quod inimicis tuis omnibus risum simul, ac lætitiā, amicis autem nihil præter mœrorē & gemitus afferret. Talem tu quidem legationem uel ad armas

*Rex Carolo Cæsari  
fissus est, se Cæsaribus  
nam uirginem accep-  
sisse.*

*Gal. vi.*

*Rex Henricus postea  
quoniam legi Dei minime  
re conatus est, omnia  
se contra naturam or-  
dinem ac præscriptum  
peruenit.*

## LIBER

*De legationibus quas  
Rex Henrici ad Prin-  
cipem, & Gynasium  
misit.*

tum hostem mittere potuisses; & quo crudelior is esset, quo ma-  
ioribus in te inimicitias incensus, hoc libentius tuam illam lega-  
tionem accepisset; ac mandata promptius confecisset. quæ enim  
mandata tua fuerunt, nisi ut quam plurima suffragia hominum  
literatorum corrogarent, quæ testaretur dedecus tuæ prioris ui-  
tæ, totam adolescentiam & iuuentutē in castuoso concubitu pol-  
lutam, ac contaminatam fuisse, contra omne diuinum & huma-  
num ius, imo infra etiā belluarum uitam, quæ tamen naturæ le-  
gi obtemperarent; quid horum non libenter audiuiisset hostis, ma-  
xime si fuisset in te animo imani & efferato? Quam prompte tibi  
morem gessisset, si eodem modo apud eum, ut apud alios Prin-  
cipes amicos tuos fecisti, egisses? cum quidem oratoribus tuis  
mandata dares, quo testatior res esset, ne tam præclari tituli me-  
moriam unquam interiret, peterent ut publicis etiā monumentis  
conferberetur, neq; enim priuatorum tibi ac singulorum homi-  
num suffragia satis esse; tabulis publicis opus esse, signis gy-  
mnasiorum obsignatis, nihil profecto horum non prolixè tibi  
concessisset hostis, præsertim si esset, ut dixi, animo in te crudeli  
& implacabili. Sed nunc si hostis, & hostis crudelis tam libenter  
& tam cupide hæc tibi concessisset, quo animi dolore amici, qua  
commiseratione tum hæc accipiebant? Ad illos enim non simula-  
te, ut ego nunc de hoste tuo fingo, sed vere hanc legationem mis-  
sisti, certis adeo cum mandatis ac literis, quibus hoc ab illis in  
maximi beneficii loco petebas, ut ita dedecori fauerent tuo, ut  
quoscunq; apud se haberent homines doctos, qui dedecus prior-  
is tuæ uitæ aliqua ratione comprobare possent, id eos libere fa-  
cere, & scriptis etiā mandare paterentur. Quæ cum a Principi-  
bus magnis uiris extra regnum tuum, quasi in theatro totius or-  
bis contēdere non pudebat, quo pacto te interea domi gerebas?  
ut omnes omnibus uis tentabas, qui aliqua doctrinæ & litera-  
rum opinione essent, ne infamiam tuam occultam esse paterent?  
cum quibus tamen plus tibi negotii fuit, quam cum exteris. Nā  
quo te magis ac uerius, q̃ exteri, amabant; eo etiā magis tibi  
aduersabantur, maioremq; animo dolorem capiebant, hæc a se of-  
ficia requiri, quæ sine magno suo scelere tibi concedere non pos-  
sent. quo in numero me fuisse uerissime possum dicere, qui (deū  
testor) nihil unquā in uita mihi accidisse meminerim acerbius,  
q̃ esse ad me Lutetiæ Parisiorum tum agentem, delatam manda-  
to tuo præclaram illam legationem, cum eo maxime consilio il-  
luc secessissem, ne ulla ratione particeps fierem eorum consilio-  
rum,

*Auctor delatam fuit  
a Rege legationem re-  
ceciuit.*

rum, quæ domi tuæ contra te ipsum, te ipso autore ac principe agitabantur. quæ quidē extra regnum proditura non existimas, ad me tamen tum illic agentem, literæ tuæ & mandata uenerunt, ut cum Parisiis causam tuam agerem. quo quidē tempore memini me, ut primum potuerim per acceptum inopinatio illo nuncio dolorem, tibi rescribere, (nam mihi ad aliquod tempus non uocem solum, sed pene etiam cogitationem omnem dolor eripuerat) imperitiam meam excusasse, & te rogasse, ut alterum magis in eo genere exercitatum mitteres, id quod statim fecisti; ac ni fecisses, nullum profecto mortis genus non mihi leuissimum illo munere fuisset. quod nunquam plane in me recepi, perfonam tamen ad tempus mihi imponi passus sum, dum alter adesset, cui totum negotium, cuius me imperitum esse dixeram, commisisses. Et eram plane imperitissimus; non ego quidem ut non nosssem causæ aequitatem: sed illam quo magis noram, eo minus me aptum intelligebam ad rem ex uoluntate tua gerendam. Verum iam in omnes prouincias dimissi erant oratores tui, ad omnes Principes, ad omnia gymnasia: a quibus tu tanquam ab Apostolis euangelia expectabas. Et quænam erant illas, ut quisque contumeliosissime aliquid dictum in te retulisset, uel scriptum etiā famosissimum attulisset, ita tibi erat maximus euangelista. Siquis dixisset priorem tuam uitam probrosam, abominandam, contra ipsam naturæ legem actam esse, hic habebatur euangelista maximus, hic dignus quantouis episcopatu. Nec uero satis tibi erant illa probra, quæ in Iulium Cæsarem, cum triumphans in urbem inueheretur licentia militari facta memorantur, Mæchum caluū adducimus; sed ad illa tui præclari milites addebant, incastuosum adducimus. De hoc elogio ita tibi applaudebas, ut ultro omnibus ostentares contumeliosissimas in te literas, non secus ac si ab exercitu aliquo tuo illas accepisses, quem ad debellandam Asiam misisses, a quo post egregiam aliquam ab legatis tuis paratam uictoriam Asiaticus salutareris. Ita tu, uidelicet, post expugnatam famam tuam, quasi de honore tuo profligato triumphū agens, cū maxime incastuosus appellabare, tum maxime tibi inter tuos gratulararis. O rem bonis omnibus luctuosam, uni autem Sathanz iucundam, cui nemo hæc audiēs, non te a Deo deducitum esse putet. cui te propterea sinebat ludibrio esse, quod sic diuinæ legi illuseras. Iam tum profecto locum in te & in Sathana prophetia habuit, & erunt Tyrāni ridiculi eius. Quo animo putas eos, qui uere honori tuo fauebāt, hæc accepisses nempe eos

*Rex per legatos suos  
enixe curauit, ut uita  
sua antea corruptis-  
sima ac probrosissima  
uideretur.*

*Rex incastuosus uoca-  
bulo cum honorifico si-  
tulo gaudebat.*

*Ab. i.*

*Virtutes quæ in Rege  
adoleſcentiarum  
erant, omnia ſumma  
pollicebantur.*

*Pietas.*

*Pudor ingenuus.*

*Litteratura.*

*Ezech. iii.*

*Summa tranquillitas  
in Anglia quæm He-  
r. vii. viii. regere co-  
pit.*

dem, quo ego hæc nunc ſcribo, qui poſt tot conſecuta facinora, propter quæ nemo iam lachrymis dignum te exiſtimat, ſed omniū indignatione, uix præ lachrymis ſcribere poſſum; maxime cum recordor quantam olim ſpem adoleſcens omnibus dediſti, non modo tuæ uniꝝ felicitatis, ſed omniū, qui quoquo modo ad regnum tuum pertinebant. omnes per te felicem quædam uitam ſibi proponebant, aurea quædam ſæcula te Rege, expectabant. Quid enim non promittebant præclaræ illæ uirtutes, quæ primis annis principatus tui in te maxime elucebant? in quibus primum pietas, quæ una omnium aliarum, & totius humanæ felicitatis quaſi fundamentum eſt, ſe proferebat, cui adiunctæ erant, quæ maxime in oculis hominum eminere ſolent, Juſticia, Clemẽtia, Liberalitas, Prudentia deniq; tanta quanta in illa tenera ætate eſſe potuit. His omnibus tanquam cuſtos a natura datus accebat, ingenuus quidam pudor, qui cum mirifice illam ætatẽ orſnabat, tum uero uirtutes iam præſentes conſeruabat, & de futura tua felicitate omniū animos ſpe prope certa confirmabat, atq; hæc quidem indolis tuæ propria uidebatur. Foris autem patris ſapientiſſimi cura, literę addebantur, quaſi riuli quidam in horum bene conſtitum deriuati, quibus tanquam aquis ipſæ illæ tuę uirtutes irrigatæ, melius creſcere, & magis ſe diffundere in ramos poſſent. In ſumma, ut dicit Ezechiel de Rege Aſſyriarum, in paradifo Dei cedrus te pulchrior non inueniebatur, quæ ita late ramos diffunderet, cuius & in frondibus, uolucres cæli tuos nidus facere, & in umbra omnes beſtiæ agri ſœtus edere ſuos poſſent. Plane ex omnibus Principibus equalibus tuis, nemo ſe licior putabatur; ſub quo qui uiuebant, cuiuſcũq; ii conditionis atq; ordinis eſſent, ſecuriſſimam ſibi uitam omnes pollicebantur. Sed adhuc maximum illud pignus publicæ, quæ te rege, futura ſperabatur, tranquillitatis non protuli, quo quidem ex iis dumtaxat, quæ extrinſecus aduenire ſolent, nullum maius a Deo tibi dari potuit. Hoc uero fuit, q; omneis ſeditionis cauſas in te uno extinxerat, ſiqua antea de regni iure controuerſia, reliqua erat, ſiqui tituli, ex quibus ſeditio oriri poſſet, ii omnes ſic in te coniuñcti erant, ut nemo nõ optimo iure, te regẽ, eſſe diceret, nullę iã partes ſupererant, oēs omnium tituli in te, uno cõglutinati uidebantur. Quo Dei beneficio non magis in te q; in uniuerſum regnum tuum collato, ita uniuerſus populus gaudebat, ut nulla unquam te magis. Quod eo gratius omniſbus erat, q; recordabatur ante te regem ita ſeditionibus regnum diuexatum eſſe ob huiusmodi



huiusmodi factionū titulos, ut per annos fere quadraginta semper aut in bello ciuili, aut in maximo belli metu uersati essent, cum de regni iure Principes contenderent, nobilitas autē se ipsa & plebem una multis praeliis consumeret. Quare extitisse, alie quando tandem unum, in quo omniū animi consentirent, in quo Deus omnium seditionum causas praeclidisset, in quo omnes factionum titulos coniunxisset, nemo non poterat non uchementer gaudere, nullus unquā gratior nuntius regno afferri, nullū gratius spectaculum Britanniae uniuersae contingere potuit. Quem cum uidebant, securitatem se suam uidete arbitrabantur, qui cum tot dotes animi & corporis simul coniunctas praeferebat, securitatem in multos annos, & quasi felicitatem perpetuam ac stabilem omnibus, quibus imperaturus esset, promittebat. Quam quidem felicitatem, nullus erat praesens, nec domi nec foris hostis qui interrumpere aut impedire posse uideretur. fore uero aliquem nemo suspicari poterat, capita omnium partium erat sublata, summus in te ac tuam posteritatem erat omnium consensus. Haeredem porro regni uidebant, ex nobilissima coniuge susceptam dignam parētibus filiam, cui ex toto orbe quem uelles uirum deligere generum posses, ingrauescentis tuae aetatis solatium, & certam successionis spem, per quem in eadem tranquillitate regnum conseruaretur, itaque omnes ita facturum sperabant, nec sane erat causa cur dubitare possent. Nam cui unquā in mentem uenisset, hūc pulcherrimum & firmissimum nodum, cum hostes deessent qui soluerent, te ipsum tibi abrupturū, te ipsum auctorem disturbandae tranquillitatis regni tui futurum, tuam ipsius filiam tuis manibus de regni haereditate defecturum? Quae tu omnia, ut post ostendam, ipse fecisti. Sed nunc hoc solum agamus, enumeremus, quae in te beneficia Deus contulerat; quem omnibus & corporis & animi bonis quae cumulatissime ornauisset, cui opulentissimum regnum dedisset, ad quem amandum omnium animos tum propter uirtutes tuas, tum etiam ob certissimam suae felicitatis spem, conuertisset. An non hoc idem tibi dicere potuisti, Quod dilecto Israel dixit? Quid facere debui uineae meae, & non fecisti? & expectaui, ut faceret uuas, & fecit labruscas; expectaui ut faceret iudicium, & ecce iniquitas iusticiā, & ecce clamor. An non merito haec Prophetae uerba in te conueniunt? Sed audi, quid adhuc Propheta in persona Dei ad eandem uineam dicat. Et nunc ostendam uobis, quid faciam uineae meae, auferam sepem eius, & erit in dirptionem; diruam maceriem eius, & erit in con-

*Ante Hæricum, viii.  
Anglia seditionibus  
& internis bellis re  
uelatur.*

*Conuincitur  
autem in huiusmodi  
afflictione*

*Maria Henrici, viii.  
& Catharina filia.*

*Beneficia Dei in Hæ  
ricum, viii.*

*„ Ep. v.*

*„*

*„*

*„*

*„*

*„*

*nulli*

*O ii*

## LIBER

culcationem: & ponam eam desertam: non putabitur, & non fo-  
 dictur, & ascendent super eam uepres & spinæ, & nubibus man-  
 dabo ne pluant super eam imbrē. Audis ne Princeps minas Deū  
 audis ne uerba uindictæ in talem uineam, qualem te fecit? agno-  
 scis ne hæc omnia in te euenisse, quæ Israeli legem suam relin-  
 quētī est comminatus? Nihil sane interest, nisi quod eas pœnas,  
 quas se sumpturum minatur, tu ipse tuis manibus de te sumpsis-  
 sti; tu ipse sæpem regnī tui abstulisti, maceriam diruisti, spinis &  
 uepribus referdisti: tu ipse ne amputarentur quæ in te uiciosa erāt,  
 omni ratione curauisti; tu ipse deniq; te a rore cæli subtraxisti,  
 ne super te stillare posset. Sed loquimur ne ænigmata? an hæc  
 omnium oculis non patens? Quæ tandem maior ac certior spes  
 totius regnī tui, & tuæ priuationi securitatis, q̃ concordia ciuium  
 de te & tua successione? Quis hanc tollere conatus est præter te?  
 Quid nam aliud per hosce tres annos egisti, cum tuā famam o-  
 mnī dedecori subiiceret; quo omnes tui conatus spectarunt, nisi  
 ut unicam filiam per annos pene uiginti pro uera hærede ab o-  
 mnibus sine ulla controuerſia habitam, hæreditate regnī priua-  
 res, spuriam declarares? At qualem filiam, Deum immortalē  
 talem plane, ut sit nemo eorum qui nunc uiuunt Principū ac Re-  
 gum, qui non illam sibi uxorem optaret. O naturæ parentis les-  
 ges; talem ne filiam pater, quam præsertim unicam habeat, sibi  
 succedere non uult, scortī filiam uult? O patrem tuum regem, in  
 reliquis fortasse nimis prudētem, dum quæ obſtatura tibi suspis-  
 caretur, ne sibi succederes, nimis anxie tolleret; in hoc non perin-  
 de caurum; q; nō etiā illud prouiderit, ne tute ipse liberis tuis  
 impedimento esse posses. Sed qui potuit prouideret? An non sa-  
 tis naturæ lege prouisum putaret? Quis unquam, qui non com-  
 munem humanitatis sensum exuisset, suspicaretur fore, ut quis  
 quam pater in filiam hostis partis susciperet, & regnī eam suos  
 cessione priuaret? O si nūc Rex pater tuus reuiuisceret, & me ui-  
 deret sororis filium eius, quem ipse etſi omnium innocentissimū,  
 ut omnes norunt, tamen quod nimium propinquus uidebatur re-  
 gio nomini, ex quo postea impedimenta successionī suæ exoriri  
 possent, tollendum e uita curauit; si ille inquam reuiuisceret, &  
 me uideret natum ex ea domo, unde ipse impedimenta uerebat;  
 posteritatem suam defendere, quam tu filius oppugnares: quale  
 hoc illi monstrum uideretur? Quam nūc aperte cognosceret hu-  
 manam prudentiam parum ipsam per se ualere ad omnia impedi-  
 menta tollenda perpetuandæ successionis? Nulla enim certe res  
 filium

*Henricus. viii. sum  
 successione tollere co-  
 natus est.*

*Henricus. viii. illu-  
 strissime ihu Mar-  
 garia Comitiſſe  
 Saridourienſis fra-  
 trem, Cardinalem au-  
 tem interfecit, ne  
 successione ipſius obſ-  
 taret.*

*Flamma prudentia  
 non potest omnia pro-  
 ſpicere.*

illum ad cædem auunculi mei impulit, qui omnium consensu tota uita innocentissimus habitus erat, & ut scriptura solet dicere, tanq̃ infans unius anni, nisi quod, cum ille regis Edoardi fratris, filius esset, & solus in illa stirpe mas relictus, prospiciebat, quã facile eius causa nouæ de iure regni seditiones, contra suam domum existere possent; quemadmodum quidẽ aliquas ipse dum uiueret, expertus erat, cum populus maioris mei auunculi causa semel atq; iterũ in armis fuisset, & sæpe tumultuarij soleret. Hoc ergo sublato, existimabat posse se & suos hæredes secure agere, ac sine ullo metu regnare; impedimenta omnia esse sublata; perinde quasi in regnorum successione nullas partes Dei prouidentia obtrineret, prudentia humana omnia faccret. Quam uero secus illi euenit, atq; ipse sua tanta prudentia prospexerat, unde is maximum periculũ suis timuerat, nihil hinc periculi, sed defensionis potius multum existit; unde autem omnia tuta fore putabat, illinc summum ipsi, id est eius domui, periculum creat. De suo enim filio, ne ipse se se, (quod sane in maxima Dei uindicta est ponendum) & successionem suam oppugnaret, suspicari certe nõ poruit. At rursus familiam nostram maxime suspectam habuit. Ecce aut, ex eadem ego familia profectus, sororis inquam filius eius, quem ipse liberis suis impedimento fore ad sibi succedendum suspicatus occidit, neptem eius aduersus filii oppugnationem defendo, cui potissimum cæde illa consulere uoluit. Nam quid ego nunc ago Princeps? quid aliud, nisi legitime tuæ filia successionem defendo; illam ipsam successionem ego defendo, quam ut perpetuaret pater tuus, tot damna dedit, tot & tam grauiua uulnera familiae nostræ intulit: & quidem tum periculo etiam capitis ac fortunarum omnium defendo. O nouum & ad hanc diem inauditum certaminis genus, alienus, quid alienus? imo in ea familia natus a qua omnia hostilia timebantur, contra patrem ius filij defendo, nihil memor iniuriarum quas nostra familia hanc ipsam ob successionem accepit; sed memor legis diuinæ, & humanæ, quæ hanc nunc successionem confirmauit. memor concordia ciuium, quam tu quasi egregiũ quoddam, nobis quidem publice datum, sed apud te depositũ Dei munus patriæ red dere deberes, nunc interuertere omnibus modis laboras; & proinde in maiores q̃ ullas adhuc fuisse meminimus, seditionũ reimpetates, regnum quod pacatissimum accepisti, consicere paras. Sublato enim iure filia tuæ, cuius nunc causam defendo, quis non uidet, quantæ seditionum procellæ excitentur? Si enim pu-

*Autor ius filij aduersus patrem defendit.*

*Rex Henricus regem Angliæ, quod pacatissimũ accepit, in maximas seditiones & pestes conuertit.*

## LIBER

tas posse scorti filiam regnare, in tanto familiarum nobilissimarum numero, longe tu quidē a patris prudētia distas. Nisi enim ut ille unum, quia ob stare uidebatur, occidit; sic tu omnem nobilitatem tollendam curaueris; nemo est qui non iustiorē se causam ad regnādum, q̄ meretricis filiam habiturum existimet. Sed tu quantum in te est, omnes ad mutuam eādem armas, cum certam illam successionem tollis, in quam omnes omnium ordinum homines prāter te nunc parentem, mirifice conspirant. illa enim sublata, quis erit quietus eorum, qui aliquam iuris speciē ad inuadendum regnum habebunt; quot autem erunt, qui habebunt? tot profecto, ut mihi uidear, si tu hoc modo non constitutis melius tuis rebus e uita decedas, uidere illam de Cadmo fabulam factam historiam; quem ferunt occiso serpente, eius dentes quasi semen aliquod terræ mandasse, unde enati homines armati, se se mutuis ictibus repente confecerint. Ita tu quasi nouus iam, non fictus & adumbratus, sed uerus Cadmus, causas & argumēta ueteris illius seditionis, quam initio principatus tui penitus extinxeras, tanquam dentes occisi abs te serpentis, nunc scriis, ex quibus postea exoriatur, qui intestinis odiis armati mutuis sese claudibus & regnum una conficiant. Hocce tu beneficium, Princeps pacificus, a quo omnes aurea pacis sæcula expectabant, posteris tuis relinques? Sed quid dico relinques? qui grauiorem iam, & multo sauiorem excitaris seditionem q̄ ea fuit, qua se populus per te liberatum gaudebat; cum ante te Regem continuis cladibus intra regni fines quasi in suis uisceribus uexatus, & utracunq; pars uicisset, semper uictus in summa perpetuo miseria uixisset. Sed nec illæ seditiones cum hac, quam tu nunc conflauisti, sunt cōparandæ. quin multo miserior conditio nobis impendet, ex hac per te excitata seditione, quam ex ulla alia possit existere. Quam enim pestifera est hæc de religione dissensio, quam in omnium animis ferere non desinis, dum a ueteribus eos institutis ac ritibus abducis; & incertū facis, cui potissimum in tanta opinionum uarietate assentiantur, cuius iudicio stent, cui obediant; dum ecclesiæ consuetudinem pro nihilo habes; dum quæ ecclesia pro supremo iudice ad omneis quæ in religione existant, controuersias decidendas semper agnouit, eum non modo nō admittis, sed in illum omne genus conuictorum iacis? Quanta hinc pestifera seditionis moles nobis impendet, q̄ indubium reuocas, cui quis obediat, cui credat, cuius uerba audiat; q̄ ecclesiæ Dei, quæ spiritu sancto regitur, quæ nec falli potest, nec fallere,

*Cadmi fabula.*

*Dissensio de religione est longè perniciosior, quam quauis alia seditio.*

lere, causæ cognitionem eripis, & singulorum hominum, opinio-  
ni dicam, an opinandi potius libidini ac temeritati permittis, quæ  
sapius fallitur, quæ uere iudicet, & nūquam non est parata quod  
sibi semel uisum sit, id omni ratione defendere? Quam grauis ea  
contentio existeret, dum nō ut de rebus externis sit, exercitius con-  
tra exercitum, gens contra gentem, sed singuli in singulos, quo  
suam quisque opinionem defendat, bellum gerent: nec inter se ma-  
gis, quā in Deum pugnabunt, ab ecclesia desciscientes, cuius partes  
nunquam certe Deus deseret: hoc, hoc bellum est animorū, mul-  
to quidem crudelius ac perniciosius, quam illud corporū, quod  
tu iam concitasti: prorsus, ut si antea claustra regni tui, & ut lo-  
quitur Propheta, sapem uinæ tuæ tollere uidebaris, cum incers  
tam successionem faceres: nunc hostes in eam induxeris, cum ea,  
quæ sicut uerissima sunt, ita etiam certissima esse debent, fidei do-  
ctrinæ dogmata, incerta fecisti: & illis quantum in te fuit, corpora  
atque animas tuorum in prædam ac direptionem prodideris. Atque  
ob hæc tanta in tuos beneficia, nouos honorum titulos ab iis po-  
stulas, quo magis hoc etiam modo diuinæ iræ obnoxios facias:  
petis ut te appellent caput ecclesiæ, nec solum modo caput, sed su-  
preum caput ecclesiæ: Qui unus plus quā reliqui omnes qui ante  
te in ista insula post Christi fidem acceptam regnarunt, ecclesi-  
am diripuisti, spoliasti, crudelissimis modis uexasti. ob hæc me-  
rita non caput, sed supremum caput ecclesiæ appellari uis, & hūc  
honoris titulum tibi omnium ordinum consensu delatum esse  
contendis. At ego, qui, dum hæc statuerentur, non adfui, constan-  
tissime affirmo, nullum ordinem in hunc tuum honoris titulum  
consensisse. Ego ipse & nobilitatem & populum, hac tanta gra-  
uissimi suscepti sceleris infamia, libero. Dico si ulla omnino sus-  
fragia habuisti, ea ab inuitis expressa & extorta esse: eoque nō fu-  
isse hunc nouum honorem cuiusque uolūtate, ne dum omnium or-  
dinum consensu tibi delatum. Sed quo modo, qui non interfui,  
hæc scire possum? Equidem non solū non interfui, sed ne ab alio  
quidem quis ipse interfuisset, accepi, qua uoluntate, quo consensu  
hoc tibi tributum sit: & tamen affirmare audeo, me id scire, quia  
certiora indicia habeo, quam sint uel oculorum, uel aurium testi-  
monia, quæ mihi totam rem ut gesta sit declarēt. quæ indicia fal-  
sa esse non possunt. in primis illa me naturæ quasi regula mouet,  
quæ nunquam fallit: nunquam solere homines sua sponte nouos  
honoris titulos eis dare, a quibus cū summa beneficia expecta-  
rent, non modo nulla benigne facta, sed malefacta potius multa

11. lxxv.

*Rex certissime fidei  
nostræ dogmata uer-  
tisse fecit.*

*Rex qui ecclesiā spo-  
liasti, ac crudelissima  
uexaueris supremum  
ecclesiæ caput diri-  
pisti.*

*quod ille honoris titu-  
lus non fuerit Regi, &  
letus confecti omniū  
ordinum, ut ipse uide-  
ri uult.*

*Non solent homines  
pre maximis inuiciis,  
et plurimis malefactis  
sua nouos honoris ti-  
tulos dare.*

## LIBER

acceperint. Nunc an ulla abs te beneficia expectarentur, nihil at-  
tinet quærere, eum sit nemo, quin hoc eum uultu atq; oculis, tum:  
uoce etiam & sermone significet. An uero pro beneficiis multa:  
interrogēs incommoda perpessus sit, non est q; tu hac de re populū:  
interrogēs, qui propter metum dissimularet: sed si in illorum cogi-  
tationes penetrare uis, atq; ibi ueritatē ipsam cernere, & quis:  
cuiusq; sensus sit, penitus nosse, nō illos aspice, sed ea potius, quę  
ipse his annis uiginti fecisti, a primo statim regni tui ingressu,  
ad illum diem, quo hūc titulum sumpisti: hæc tu interroga, quæ:  
meriri non possunt; quæ exeuſa, uere omnia & aperte proferēt.  
Et quid obsecro dicent? Quod ad beneficia attinet, taent; quæ:  
enim non habent, dicere non possunt. At uero, regis patris tui, a  
quo minus expectabantur, ut quem sæpe Britanni seditionibus  
irritauissent, & in quem nullam unquam beneuolentiæ, quam tibi  
ibi maximam semper præstiterunt, significationem ostendissent:  
tamen beneficia quædam plane regia extant, qui uias aliquot  
publicas suis impensis sternendas eurauerit, diuersoria recipien-  
dis pauperibus magno sumptu extruxerit, Monasteria erexerit.  
Nunc uero, qui de tuis beneficiis loqui uolunt, cum uoluptarias,  
nescio quot domos a te exedificaras dixerunt, de reliquis roga-  
ti, sileant, aut fingant necesse est. publica enim opera tua nulla  
sunt, nulla plane, nisi forte multa a re monasteria euerſa, & præ-  
dica ab ecclesia alienata, atq; in tuum fiscum cōuicta, in operibus  
tuis numerare uolumus, nam huiusmodi quidem multa ostendi  
possunt. At enim nulla tu noua onera tuis imposuisti, nulla abs-  
te acerbiores pecuniarum exactiones factæ sunt, q̃ quæ a maiori-  
bus tuis institutæ fuerant: hæc tua beneficia sunt. Fac ita esse, at  
tamen non solet populus nouos honoris titulos uolūtate sua da-  
re, nisi ob aliqua egregie præter cæteros facta. si nihil nouiſſes,  
si illis grauis non fuisset, tamē hæc satis idonea causa non esset;  
cur illi extraordinarios tibi honores præ cæteris omnibus; quā-  
ante te regnarūt, darent, nisi etiam præter cæterorum Principum  
merita tua beneficia eminerent. Tum enim demum causa idonea  
uideretur, quare id facerent. Quid si tu plus aliis omnibus gra-  
uis fuisti; quid si acerbius tu unus, q̃ omnes alii, imperasti? pos-  
test ne adhuc dubitari, utrum populus sua spōce summum & nul-  
li unquam Regi tributum honorem tibi detulerit, an potius mœ-  
rens & ingemiscens, eū aliud facere non posset, sibi a te eripi pas-  
sus sit? Equidem me memini interesse, cum haberet ratio omniū  
um, quæ uectigalium, & pecuniarum imperatarum nomine, mai-  
iores

*Henrici, vii. nomu-  
la regis beneficia in  
Anglo extant, et Hen-  
rici, vii. nulla.*

*Pater Pschodochia,  
& Monasteria extru-  
xit, filius dirigit, et  
dirigit.*

*Præclarissimi præ-  
claris meritis habent*

*De gressu omni-  
bus populo a regem  
posuit, et de pecunia  
in se passim exaltat.*

iores tui Reges post quingentesimum abhinc annum suo quisque tempore exegissent. hanc autem rationem habebant illi, qui cum harum rerum peritissimi erant, tum publicas etiam tabulas, in quas hæc omnia referri ac perscribi suo quidque nomine mos est; diligenter inspexerant. Cum igitur ea omnia in unam summam subduxissent, & cum iis quæ tu uiginti sex annorum spatio tum a populo, tum etiam a clero exegisti, contulissent, reperiabant, multo te plus exegisse hoc breui regni tui tempore, quam quam tam omnes illi multis ætatibus exegissent. Quid igitur quas tu nobis causas affers tantæ omnium ordinum erga te benevolentia; tanto studio, tanta animorum cōsensione, quantam iactas de clarata? At enim difficillimis & periculosissimis tēporibus eos conseruasti. Sed rogo Princeps, quis eos inuasit? quis oppugnavit? contra quem defendidisti? qui nunquam hostem habuisti; nisi quem ultero lacessisti; etsi quod bellum habuisti paucorum id mēsum spatio cōfecisti. Tanti uero thesauri, & bello, & paci in plurimos annos suppeditare sumptus poterant, & abunde sufficere; cum maiores tui pro patria præclara sæpe bella gesserint, qui ne millesimum quidem illorum partem a suis exegissent. cum tu ergo hoc modo populum tractaueris, possum ne de eorum animis dubitare in nouo honore tibi querendo ac deferendo? Quid nobilest? qua mente eos fuisse putandum est? quos cum tu sic ad omnia obsequentes habueris ac fideles, ut erga nullum Regem, cuius memoria in nostris historiis extet, mains obsequendi studium, maior ue fidelitas memoretur: sic tamen semper tractauisti, ut nullius præcipatu minore in honore fuerint; in quos, siquid leuiter deliquissent, acerbissimus fuisti: nihil unquam cuiquam condonasti, omnes despiciatui habuisti; nullum apud te honoris aut gratiæ locum obtinere passus es; cum interea semper alienissimos homines ex infima plebe assumptos circum te habueris, quibus summa omnia deferres. Quid igitur cū ordo tantum clerici restet, de quo ut a te tractatus sit, prius dixi: uis ne ut conuocemus hos ordines, qui nouo aliquo genere honoris excogitato te exornent: uel potius, cum iam conuocati exornauerint, ab iis quo animo id fecerint, quasi dubium exquiramus? Quod si ideo te effers, quia hos omnes adegisti, ut tibi contra suam uoluntatem nouos honores, qui nulli unquam ante te Regi tributii essent, decernerent: quantum tyrannum tuo ipsius testimonio te facis; qui sic omnes tuos metu oppressos teneas, ut cōtra animi sui sententiam, tam inusitatum honorem tibi ita de se merito decreues

*Henricus . viii. ergo  
Proceres regni sui in  
clementissimus, ac in  
quissimus.*

*Cromwellum ita  
nunc habet.*

*Anglicani & met  
coacti, petunt illam  
suspensionem a Re  
ge sursum.*

rīnt; uerum excutiamus adhuc paulisper tuum istum honoris titulum. fieri enim potest, ut aliquid in eo insit, quod prima specie non appareat, ob quod illi, ut tibi cum libenter concederent, adduci potuerint. Quid ergo? quid decreuerunt? te esse supremum, caput ecclesiarum. Atqui duplex est ecclesia, Christi altera, & eorum qui Deo benedicunt; altera malignantium, ut ait Propheta Dauid, Odiui ecclesiam malignantium, quæ eadem Sathanæ ecclesia appellatur. Cum igitur tibi, ut Christi ecclesiæ supremum caput uocareris, cōcedere non potuerint, nec si maxime potuissent, uoluisse constet; cuius rei tua in ipsos præclara beneficia fidem faciunt; quid superest, si te caput ecclesiæ constituerūt, nisi ut malignantium ecclesiæ constituerint: ut quemadmodum Sathanas princeps huius mundi appellat, quia tyrānide illum premittit atque in eo dominatur, sic tu Sathanæ artibus instructus cum ecclesiā persequaris & uexes, ecclesiæ caput dicereris? hoc quidē modo, multos ex animo tibi fauētes, & isti tuo honori suffragantes habebis, sic tibi hunc titulum consentiētibus ac conspirantibus ordinum omnium animis, decretū esse, facile adduci possum ut credam. Sed quid agimus? facimus ne conuiuium Regi quem si uilius ecclesiæ, malignantium ecclesiæ, non eorum qui Deum laudent, caput esse dicimus? An ita uere res se habet? sed facta nō est in medium, ipsa loquantur: uis potius, quam uerbis, fides huius beatatur. En ergo Rossensis sanctissimi uiri, Londini, ad pontem Thamisis, conspicuo in loco a corpore abscessum, & hastæ affixū caput. En Mori innocentissimi hominis, eodem loco positum, & eodem honore habitum caput. O spectaculum toti Angliæ, ne dum uni ciuitati Londino luctuosum. O spectaculum uniuersæ orbi, quæ late patet christianum nomen, ne dum uni prouinciæ Angliæ miserabile. An nō illi ipsi sunt, quorum uirtute & literis ita Angliæ fruebatur, ut cum ex uita singulare ac diuinum exemplū caperet, tum ex literis, ingenio, opera in omnibus rebus & publicis & priuatis, fructum maximum caperet: ut nullos patriæ uiriliores, multis iam sæculis extitisse optimi cuiusque iudicio ac testimoniū constet? Eadem autem illi sunt, qui res ecclesiæ, sic sustentant, ut doctrina, pietate, & scriptis libris, ut nemo per hosce antiquos contra hæreticorum insultus fortius pro ecclesiæ dignitate propugnasse, totius ecclesiæ uoce prædicetur. O rem non spectatu solum, sed auditu quoque horrendum, ut eorum uirorū, quibus nullos patriæ fideles, nō ex præsentī tantum memoria, sed ne ex historiis quidem cognoscamus, capita eo loco, fixa spectent;

ubi

*Ecclesia duplex.**Ps. xxv. "**Hiericus. viii. super  
mum caput ecclesiæ  
malignantium.**Sathanæ caput  
capit huius mundi  
appellatur.  
Jo. xiiii.**Falsa Regis loquuntur  
tuum ipsum esse caput  
ecclesiæ Sathanicæ.**Rossensis & Mori  
capita huius ecclesiæ,  
loquantur a cuius ecclesiæ  
capite fuerint  
prædicta.*



ubi non nisi patriæ proditorum non nisi latronum, & hominum de nefariis sceleribus conuictorum capita affigi soleat. An iam dubitamus, cuius ecclesiæ caput capita illa præcidi, & eo loco pponi iusserit? Sed auscultemus adhuc paulisper, non dū enim totam historiam pertexuimus, ut quæ non ab istorum, quos dixi, crudelissima cede initium habuerit. Sed si reliqua narrare uolumus quæ acta sunt, ex quo præclarum hoc ecclesiæ caput os in celum intulit, iam sane leue uidebit, quod modo de duobus sanctissimis uiris securi percussis narrauimus; iam non crudele hoc facinus, sed in beneficii etiam loco, & magno, si Deo placeat, clementiæ argumento iis concessum, ut hoc supplicii genere defungerentur. uidisses enim alios non minori q̄ illi sanctitate præditos, quorum non capita solum præciderentur, sed membra corporis miserabilem in modum dissecarentur, & diuersis urbis partibus ad spectaculum proponerentur, ut hic caput, illic corporis alia pars, alio loco alia spectaretur; quibus ne pro beneficio quidem impetrari potuit, ut uno præciso membro de uita decederent, aut quod natura etiam miserrimis concessit, ut una tantum morte defungerentur. Sed quale hoc est quod dicis potuit ne uel crudelitas inuenire, quo ultra uquam mortem in cruciatu corporis progrediretur, si natura finem miseræ unicam mortē præscripsit; qui non potuit, & tamen tentauit, quanta tandē eius crudelitas est? Atqui res sic se habet. Cū alii alio genere mortis pro delicti modo plectantur, fures laqueo, grauioribus criminibus condemnati igne, ferro alii pereant; sancti hi uiri, quorum summa criminis erat, quod fidē quam Christo & ecclesiæ dedissem, prodece recusarent, ita sunt per hæc omnia cruciatuum genera deinceps pertracti ac diuexati, ut ante moriendū finem non fecerint, quam tertia mors quasi cumulus allata uitam ipsis eriperet. Primum enim laqueo spiritus præcludebatur; sed hæc tunc dumtaxat, ut mortis acerbitem ac cruciatum, non extremam illam & letalem uiam sentirent; ut potius quasi in amplexum mortis traditi eum morte ipsa luctari, q̄ mori conspiceretur. Quā in luctatione simulac deficere eos carnis fex animaduertisset, statim ut erat scilicet a iudicibus clementissimis uiris imperatum, hac morte liberati, & a cruce in terram demissi, ad aliud mortis generis inulto crudelius & acerbius trahebantur. Arrepto enim gladio carnis fex pectus ac præcordia aperiebat, atq; hic facior iam erat cum morte cōgressus; cum ipsi uisceribus patefactis, ut sibi ea euelli, & in ignem, qui erat in conspectu, conici uiderent; ut

*Descriptio inuidia  
crudelis, quæ Rex  
in Regnum mor-  
nachus Brignifra,  
in Nadiptem Cor-  
tesium, & alios  
quinque Cortesianos  
exercuit.*

eum incrimis sensibus acerbissimos quosque dolores, cruciatusque  
 percepissent, tum hoc etiam grato oculorum spectaculo fruere  
 tur, ut se quoque quasi aspicerent morietes, dum partei sui crema  
 ri cernerent. Atque hic plane ultimus cum morte conflictus fuisse  
 set, (quod enim corpus ita animæ retinens, ac plane adamanti  
 num esse posset, ut post tam acres dolorum stimulos parre ullam  
 uitæ retineret?) hæc certe illos secunda mors penitus absumpsit  
 set, ni mira agilitas carnificis anteuerisset; qui memor sibi esse  
 corpore suo luendum, & quasi dependendum, quicquid ipse pœ  
 narum ab iis non exegisset (ita enim erant clementissimi iudices  
 interminati) sic erat in lanando promptus, ut adhuc uiuorū, &  
 in omnium oculis spirantium corpora in quatuor partes dissec  
 ret. Proh Dei atque hominū fidem, ubi nam gentium sumus? Que  
 monstra ante hunc diem inaudita narros? Monstra plane; sed nū  
 hil tamen eorum non uere factum; Monstra inquam, & quidem  
 maxima: ut qui rem expēderit, qualesque ii uiri essent, qui per hoc  
 cruciatus necabantur, cognouerit; antiquam illam fabulam de  
 gigantibus, quos ferunt deos e celo deturbare uoluisse, uerissi  
 me nūc narrari posse iudicaturus sit. Hi enim omnes qui tot tan  
 tosque cruciatus toto corpore pertulerunt, ex numero erant eorū,  
 quos uitam in locis ab omni hominum cultu celebritateque remo  
 tis agentes, magis in cælo uiuere, q̃ in terra uersari existimare  
 possumus. Qui cum inde ab his gigantibus extraherentur, uerē  
 ratem fabulæ fecerunt. Sed quid agimus? sane si ex fabulis qua  
 rimus, quibus tantæ immanitatis auctores comparemus, alios q̃  
 gigantes, reperiamus oportet, qui humana & figura & natura su  
 ille memorantur, ut uerisimile de iis non uideatur. tam rabidam  
 crudelitatem animis potuisse concipere, præsertim in illos a qui  
 bus nunquam læsi essent. Cerberopotius tricipiti, apud inferos;  
 (ut Poetæ fabulantur) saniori, hæc tanta immanitas. conueni  
 ret, de quo uerisimiliter dici posset, cruciatu sanctissimorum ho  
 minum delectatum, non statim illos deuorare, sed diutius tripi  
 ti illo suo ore, eos permolere, ac conficere maxima sua cum uolu  
 peate uoluisse. Verum sine fabula, Sathanam certe ipsum infero  
 rum principem non solum interfuisse huic iudicio, quo illi tales  
 uiri, damabantur, sed plane præfuisse, nemo est quin intelligat.  
 Sed quid erat tandem, de quo illo in iudicio tales uiri accessibā  
 tur? Crimen ne aliquod erat obiectum? locus defensionis dabat  
 Ita sane, sed omnia, ut apud Sathanam iudicem in medio illius  
 ecclesiæ cuius caput est, iura reddentem, ita gerebantur, Crimen  
 erat

*Simili clementia Rex  
 usus est in plurimos  
 alios sacerdotes tum  
 seculares tum religio  
 sos.*

*Gigantum bellum cū  
 Diis.*

*Cerberus triceps.*

*quod crumen fouisset  
 illi uiris obiectum  
 fuerit.*

erat quod homines Deo consecrati contra animi sui sententiam, eamque uetustissima primum & perpetua ecclesiæ Christi consuetudine acceptam, deinde sanctissimorum & doctissimorum hominum scriptis confirmatam, confiteri nollent, ecclesiam suæ capite esse, Regis autem personam duplex caput habere; uel potius ecclesiam plura, quam ipsa Hydra fingatur, capita habere, Regem bicipitem esse, uno tantum capite a Cerbero, qui triceps fingatur, uinci. Ne multa, hoc ab illis sanctis uiris exigebant, ut cum ecclesiam scirent Christum hominem, omnium primum pro capite suo semper agnouisse, a quo etiam fundata esset, quique ei nullo unquam tempore hominem deesse uoluisset, a quo regeretur: qui denique decedens e terris Petro capitis locum reliquisset, & illum sibi successorem constituisset; tum autem uideret omnes qui Petro deinceps successissent, Romanos Pontifices, semper iudicio ecclesiæ capitis locum obtinuisse, & ecclesiæ unitatem maxime confirmasse ac continuasse: negarent tamen Petrum, & ut quisque Petro in eum locum succederet, hoc unum caput esse: & ita negarent, ut ne in ullo quidem eiusdem ordinis eum honorem manere paterentur. Neque enim sacerdoti hoc cuiquam tribui uolebant; nec uero unum aliquod caput in terris uniuersæ ecclesiæ esse, sed quasi capitis illud munus, quod uice Christi iudicio ecclesiæ Pontifex Romanus gerit huiusmodi esset, ut diuidi in multa posset: quasi hic honos regendi ecclesiam, quem capitis nomine significamus, magis potestati sæculari quam spiritali conueniret, magis Regibus quam sacerdotibus, sic eum uni illi sacerdoti, atque adeo uniuerso sacerdotis ordini eripi, & regibus quasi prædam dispartiri ac diuidi ab iis uolebant. Et quia sancti illi uiri huic tam impio ac nefario decreto, cui non solum mos ecclesiæ perpetuus repugnaret, sed omnia aduersarentur conciliorum decreta, subscribere noluerunt, perinde quasi omnia iura uiolassent, & in Deum atque ecclesiam blasphemii extitissent, qui ab ecclesiæ decretis, uel morte proposita recedere noluerant, publico iudicio (si iudicium illud, & non potius nefaria in Christum & ecclesiam coitio sceleratissimorum hominum appellari debet) condemnati sunt, & ultima supplicia ecclesiæ causa passi. Sed quid? an non, si in iudiciis uocabantur, defensionī dabatur locus? Dabatur quidem, sed ualde angustus: qualem Sathanas, si apud eius tribunal res ageretur, non grauare, immo libenter potius dedisset. non enim amplius prior locus defensionī dabatur, quā ut aut decretum illud esse ne-

Hydra.

qualis defensionis locus  
cui illis datus sit.

## LIBER

garent, aut si id non possent, saltem promitteret ac iurarent, sese repudiata auctoritate ecclesiæ & tot conciliorum decretis, quibus ecclesiæ Petrum post Christum, & post Petrum omnes Petri successores, pro capitibus agnoscit, nouo huic decreto postea semper obtemperaturos, ut Regem supremum in Angliæ ecclesiæ caput agnoscerent. Sed qui poterant id facere homines sanctissimi, & in ecclesiæ fide ac decretis iam inde a pueritia educati, pro qua uitam etiâ possent profunderet? Quam uero hoc apud eorum animos alienum diuina & lege, & uoluntate, uideri debuit, ut Rex ecclesiæ caput esset; cum illis ueniret in mentem, qualia essent capitis officia & partes, in quibus etiâ illa sunt, ut soluat, aut liget hominum peccata, & (ut uno uerbo dicam) sacramenta ecclesiæ ministret, inter quæ alia sacrum illud, & super omnia sacra sacrum Corpus Domini consecret. Primum enim excludere supremum caput ecclesiæ iis muneribus quæ in ecclesiâ sunt maxima, & si nollent Regem supremum caput sacramenta tractare, ea inferioribus membris, id est, sacerdotibus permittere; quæ alienum ab omni ratione iudicabant, ut plus in rebus maximis inferiori quàm superiori cõcederetur. Deinde uero hoc regibus dare, ut sacra tractarent, sacramenta ministrarent, sacratissimum Christi corpus consecrarent, quod abhorrens uidebatur ab omni uoluntate diuina, quibus, ut scriptura testatur, uix diuina uoluntas concessit, ut uel templum in quo sacerdotes Deo ministrarent, extruere possent? Dauid certe Rex, quanuis esset propheta, & promptissimum animum ad templum ædificandum haberet, materiamque multam ac preciosam ad eam rem comparasset, tamen a Deo impetrare nõ potuit, ut id ipse ædificaret; quod multis in bellis manus sanguine contaminasset, sed tãquam hoc maximum munus esset, quod Regibus tribui posset in his quæ ad sacra pertinent; Salomoni Dauidis filio reseruatum est ut ei licitum esset templum ædificare; hoc ipsi Dauidi pro filio, qui pacificus, uidelicet, futurus erat, & manus puras a sanguine habiturus, a Deo promissum est, ut templum posset fabricare. Vt uero quispiam non sacerdos, sacrum aliquod in templo obiret munus, nemini unquàm diuina uoluntate concessum esse, in scripturis legitur. Quod si qui sua uoluntate hoc sibi, munus sumpserunt, sic in illos statim a Deo animaduersum esse scimus, ut in nullos omnium qui Dei uoluntatem neglexerunt, seuerius sit unquam & uehementius uindicatum. Id quod si non satis declararet præsentissima Dei in Oziâ regem, uindicta, qui quia usurpasset, quod sacerdotum munus erat,

*qualia sunt capituli  
ecclesiæ officia,*

*Caput ecclesiæ  
nemo potest præstare,  
re, præstare, & admini-  
strare, quæ inferiori  
ramen præstare.*

*Dauidi promissum nõ  
fuit, ut templum ex-  
trueret, in quo sacer-  
dotes Deo ministra-  
rent.*

*Sacerdos uindictæ est  
in act, qui quædam  
a se non essent, si  
exemplum, quod munus  
in templo obire  
debet.*

erat, ut incēsum offerret, statim a Deo lepra est percussus, aut in Dathan & Abiron atq; eorum sceleris & sacrilegii socios gravissima Dei ultio, cum tot hominum millia, qui tibi sacerdotum munus uēdicarant, a terra sunt cum coniugibus & liberis absorpti: illud certe Oza exemplum maxime posset planū facere, qui non aliam ob causam statim est in omnium cōspectu uita priuatus, q̄ quod manum ad arcam domini admouisset, tātum ut cum casura uideretur, illam sustineret, de quo ita legitur in libris Regum. Extendit Oza manum ad arcam Dei, & tenuit eam, quoniam calcitrauerant boues, & declinauerant eam, iratusq; est indignatione dominus contra Ozam, & percussit eum super tēmeritate, qui mortuus est ibi iuxta arcam Dei. Hæc & similia cum sancti illi uiri ex scripturis recordari possent, maxime autem, quod modo dixi ne auxiliādi quidem causa eos qui hoc munus a deo nō accepissent, rebus sacris manus admouere debere: quā mortē illi non libenter subiissent potius, q̄ ut ei decreto subscriberent, quod tam aperte tot scripturarum testimoniis constaret Dei uoluntati repugnare: quod præterea uiderēt ad ecclesiæ perniciem & exitium pertinere, ut quod omne pacis & concordie uinculū abrumperet, & unitatem, qua ecclesia constat, dissolueret. Itaq; priusquam hoc facerent, crudelissimam mortem, & acerbissimas poenas subire uoluerūt. Qua autem re illi tantæ immanitatis aurores magis Christi se ecclesiæq; hostes, & diuinæ uoluntatis contemptores declarare poterant, quam ista, ut sanctissimos homines, quorum in uitam nulla ante eum diem ne tenuissima quidem ullius criminis suspicio collata erat, poenas omnium grauissimas & supplicia ultima pferre cogerēt hac una de causa, quod cōtra tot ecclesiæ decreta, quæ eadem Dei esse scirent, in quibus sancte obseruandis omne suum studium semper posuissent, unī (ne quid aliud dicam) super exorto paucorum hominum decreto subscribere recusarent? Illi uero, quasi hoc satis non esset, ut omnibus in rebus se Christi hostes esse, & cum Christo bellum gerere testarentur: tanquam si prælio aliquo cum Dei exercitu commissio superiores fuissent, & aliquot de illis profligatis captiuis, captiuos haberēt, quos in triumphum ducere ad hostis contumeliam ac ludibrium uellēt, ita sanctissimos hosce uiros ipsis illis uestibus indutos quibus Christum habere Imperatorem, & Christo merere statim agnoscerentur, ad supplicium produxerunt: Quod enim maius signum esse poterat Christi militum, q̄ illud uestimenti genus quo utebantur? De quo quidem uestime

ii. Reg. vi.

»

»

»

»

*Impium Regis decreto, cui suffragis sine illis uiri non possunt.*

*Monachi religiosi uestibus induti suspensio debentur, contra legem, ac morem Anglie.*

## LIBER

ti genere, quoniam Deo sacros esse qui id habeant, ostendat, ita  
 legibus comparatum est, ut uel manifeste in scelere deprehensos,  
 & omnium sententia dignos in quos ultima exempla ederentur,  
 iudicatos, non prius tamen ad supplicium duci liceret, quam non  
 solum ordine sacro ab his, qui id ius haberent,rite noti, sed om-  
 ni etiam cultu ac ueste sacra, publice inspectate populo, & spolia-  
 ti essent. Atque hic quidem mos semper in Anglia obseruatus est,  
 usque dum nouum hoc ecclesie caput, uel potius (ut facta restan-  
 tur) nouus Christi hostis, pro sua libidine, nullo exemplo, uetan-  
 te etiam lege, primus omnium sacris uestibus indutos, sanctissim-  
 mos Christi seruos tanquam uictimas Deo suo Baal mactauit.  
 Qua in re siquod esse priuilegium sacerdotalis ordinis uidebat-  
 tur, ut non prius ad mortem duci sacerdotes possent, quam ordine  
 & habitu sacro exuti essent, quis non uidet non illud esse ad im-  
 proborum ac nocentium commodum ita comparatum, nisi forte  
 eum alicui maior ad poenam infamia adiungitur, commodari tum  
 illi putamus. Nam quod ipsorum tandem commodum in eo que-  
 situm est, dum sacris uestibus exuti in quibus tamen specie ipsa  
 non nihil dignitatis etiam in illa despectissima fortuna retineret,  
 & alienis ad contumeliam amicti, eorum insuper alligati, cau-  
 dis ad supplicium trahi iubentur? Nimirum ad maius etiam des-  
 decus hoc illis priuilegium irrogatum est, ut priusquam mortem  
 caperent, ora etiam ac uultus hominum subiret, dum publice de  
 suo ordine deiicerentur, & omnibus sacris insignibus quasi inedi-  
 gni priuarentur. Qua in re, siqua inerat, ut omnino inerat, homi-  
 nis significatio, si cui honos habebatur, Christo uidelicet habes-  
 batur, quod indignum sanctissimis illis legum conditoribus tri-  
 sum esset, ut Christi insignia gestantes, tam ignominiose tracta-  
 ri, aut mortem turpem ac probrosam subire a populo christiano  
 conspicerentur. Sed qui leges Christi contemnunt, quis ab illis  
 postulet, ut legem aliquam humanam, quae ad honorem Christi  
 pertineat, obseruent? Itaque nulla lex, nulla iustitia in eo iudicio  
 uersata est; non sane magis, quam si illi Sathanas ipse Christi ac be-  
 norum omnium hostis praefuisset, sicut certe praefuit. Neque enim  
 si leges aliquid ualerent, ille locus fuit, aut tribunal illud quo  
 Dei sacerdotes adduci, & ubi causam dicere deberet. Neque uero  
 causa eiusmodi, de qua rerum civilium iudices cognoscere & sen-  
 tentiam ferre possent. Quid enim hoc ad rerum humanarum iu-  
 dices pertinet, quisnam per Christi leges caput in ecclesia haberi  
 debeat? Quando autem unquam, ante quidem quam hoc hominem  
capitis

*Regalis quare in  
 hunc.*

capitis inuasisti, sacerdotes ad tribunal iudicium externorum citatos esse uel ipsi meminimus, uel de aliis audiuimus? Pater quidem tuus, cum eo bello uicisset, quod totum cuiusdam sacerdotis scelere conflatum esset, qui excitato nescio quo puero, eoque in concionem producto, nomen emētus auunculi mei, cum persuasisset ex carcere effugisse, ubi illum populus asseruari sciret: & illum sacerdotem tantæ seditionis facem ac prælii, in quo alii quot hominum milia ceciderant, unum authorem uiuum in manus accepisset, & in reliquos cōiurationis socios seuerissime animaduerneret, tamen eum ausus non est attingere, hoc tantum nomine, quod sacerdos esset: sed iudicibus illum suis, id est, sacerdotibus tradidit, ut in eum suis ipsi legibus animaduernerent: apud tribunal certe iudicium externorū nūquam est uisus. Quid hic obsecro dices? maius ne fuisse crimen horum monachorum, qui dies ac noctes nihil aliud agebant, nisi de tua & regni tui salute, Deo supplicabant; sacerdotis illius scelere, qui non solū armatus in castris hostium inuentus, sed author solus hostilis in Regem seditionis probatus esset? An nimium uetera me referre, qui non alterius q̄ patris, cui exemplum in obseruandis ecclesiæ legibus, tibi afferos? An patrem tuū parū intelligentem aut prudentem fuisse, qui leges obseruaret? Quid? eo ne tu prudentior existimari uis, quia leges nullas obserues? Verum ut ad monachos reuertamur, q̄ nouum illis accidere debuit, cum ut ad tribunalia iudicium se susterent, arcescebantur: quorū nonnulli qui magnam ætatis partem intra monasteriorum septa egissent, uix satis quæ essent illa tribunalia nosse poterant, ciuitatis pene ipsius obliti, nunquam autem ne per somnium quidem suspicati, posse fieri, ut ex quo semel in monasteria secessissent, unde se nūquam egressuros, uoto etiam suscepto, Deo promississent, uel ciuitatem aliquando uiderent, uel aliud tribunal aspicerent, q̄ eius quem omnium iudicem fore crederent. Cum igitur homines nullius sceleris, ac ne minimi quidem criminis, quod ad humanam cognitionem pertineret, sibi conscii, & sacerdotes, primum se eo citari audirent, quod non nisi parricidæ, latrones, sicarii, patriæ denique proditores adduci soleant: deinde apud eosdem iudices, qui de his, quos modo dixi, nefariis hominibus, sententiam ferant, se leges maiestatis crimine condemnari, qui tantū abest ut de patriæ aut regis maiestate uiolanda consilia aliquando inissent, ut contra potius uix alia cogitatio de Rege ac patria eorum animos subiisset, præter eam, quæ semper quidem aderat, ut utriusq̄ salu-

*Sacerdotes in Angliā non subleuati citari ad tribunal externorum iudicium.*

*Richardus Simō. Vi de Polydori hist. Anglicæ. lib. xxvi. pag. D. lxxii.*

*Henricus. vii. legem ecclesiasticarum citat seruantissimus.*

## LIBER

tem assiduīs precibus Deo commendarent: cui negotio, posthābitis aliis omnibus patriæ & amicorum negotiis, atq; omni hūmano commercio sibi interdicto, se totos dedicauerant: q̄ hoc illis nouū prima specie imo q̄ monstruosum accidere & uideri debuit. Sed nec hoc illis tam monstruosum accidisse credi par est, q̄ ille fuit inopinatus nūtiū, cum ad ipsos in locis habitantes procul ab omni hominum congressu semotis, & in cellulis suis aut orationi, aut rerum diuinarū meditationi intentos allatum est, Regem capitis ecclesiæ Anglicæ supremi nomen sibi asciuisse, idq; illi de publici concilii sententia delatum, & lege etiam lata confirmatum esse. Debuerunt plane, si ueris similia suspicari uolumus, ad hanc uocem subito obstupescere, & cum magna sollicitudine animi interrogare, quis rex is esset, quod illud publicum concilium? ac dubitare uehementer, num ille quem ipsi regnare existimarent, e uita excelsisset; & in eius locū, nouus aliquis, Dei hominumq; hostis inuasisset. Num etiam expulsis Anglis noua aliqua ex ultimis terrarum oris natio regnum occupasset, quem admodū Angli olim exactis inde Britannis fecissent. Nec enim cuiquam probabile est adduci illos facile potuisse, ut crederent tantum sceleris susceptum esse de concilii Anglorum sententia, quod ipsi semper religiosissimū cognouissent: de Rege autem omnia certe potius iudicassent, q̄ ut qui tanta pietatis & in Christum atq; ecclesiam obseruantię fama semper fuisset, ut ne in animalibus quidem de quoquam memoriæ proditum esset qui plura ac certiora signa eius rei dedisset, eum tunc existimarent tale quippiam potuisse moliri: eum inquam Regem; quem sciret (id quod de nullo alio auditum unquam esset) cum noua quædam dogmata in ecclesiam induci cœpta essent, sic uetera ecclesiæ scita ac decreta accuratissime scripto libro defendisse, ut propterea a pœribus ecclesię dignus esset habitus qui defensoris fidei nomen, quod nulli unquam post ecclesiam conditam Regi tributū meminissent, primus obtineret. Quem præterea audissent tanta animi cum lætitia hoc nomen accepisse, ac si ab ipso Christo sibi deferri putauisset, quod is quem ecclesię iudicio tum consentiēs Christi uicariū agnosceret, Pontifex Ro. tribueret, in cuius authoritatis p̄pugnatione prima eius bellica uirtus enituisset: qui nunquam ullō in bello armatus esset uisus, nisi cum Pontificis causam tueretur: qui quantum ingenio, doctrina, eloquentia posset, in ecclesiæ decretis aduersus oppugnatores defendendis, magna cum admiratione populi christiani ostendisset: qui denique

iam

*q̄ iam inopinatus fuit  
his monachis nuntiū  
arsuerit, ex quo intel  
lexerunt Regem capi  
tus ecclesiæ Anglicæ  
supremi nomen sibi  
asciuisse.*

*Henricus .viii. libro  
egregie scripto ambo  
que ecclesię dogmata  
de contra hereticos  
defendit, ualde defensor  
fidei appellatus ē.*

*Prima Regi bellica  
virtus in p̄pugnatione  
ne auctoritati pontificis entuit.*



iam quasi quædam delicta, non ut Titus, generis humani, sed ut magnus Constantinus ecclesiæ haberetur. De hoc ergo qui poterant statim credere, ut maxime etiam id asseueraretur, uenisse illi in mentem, ut uel Pontificis authoritatem oppugnaret, uel laetum unguem ab ecclesiæ placitis discederet; quem si nihil aliud, sua ipsius acta, sua scripta, nouum honoris nomē susceptū, quasi quædam pignora & obsides ecclesiæ Dei dati, in officio retinere deberent, nisi prorsus honorum suorum & rerum gestarum, atque sui ipsius esset oblitus; quod certe tali principi accidere potuisset, nunquam facile existimassent, ut qui uirtutes animi ex rebus gestis cognouissent; quibus uero machinis uirtutes illæ oppugnatae essent, utpote homines omnium pene quæ foris agerentur ignari, nescirent. Quare omnia prius suspicati essent, quæ hæc de eo Rege dici, pro cuius salute assidue orabant. Citius plane arbitrati essent idem sibi in iis ab omni hominum consuetudine semotis locis accidisse, quod septem illis dormientibus euenisse aemoratur; qui dum Principum Romanorum in omnes christianis nominis sauririā fugientes in speluncam se abdiderunt, sic diuina uoluntate somno oppressi riaduntur, ut ipsis dormientibus multorum Principum ætates præterirent, multa in rebus & publicis & priuatis innouarentur, quæ illos prorsus fugerent, ut cum aliis quando tadem expergefacti essent, atque ad necessaria comparanda quidam eorum clam ad urbem processisset, nouam illuc rerū faciem reperiret; Principem enim cum quem timebant, diu ante mortuum esse, & multos deinceps in eius locum successisse, multorumque annorum numerum præteruisse: urre ad socios perlata, maximo omnes se Dei miraculo per somnum conseruatos agnoscerent. Et certe si rerum noua facies, si legum & morū mutatio simile aliquid persuadere possunt, uix eos credo septē uiros maiorem reperisse in illis plurimis annis, quibus perpetuo dormierant, legum & morum omnium factam mutationem, quæ hi monachi cum de cellis suis ad iudicū tribunalia pertracti sunt, offenderunt, si id tempus cum illo conferrēt, quo ipsorum aliqui nondum hunc extremum quasi grauem & perperuum hostem fugientes, in monasteria se, ut illi in speluncas, abdiderant: ut merito, si illius historiæ eis ueniret in mētē, dubitare possent, num interea dum tanta conuersio rerum facta esset, ipsi etiam somno aliquo diuinitus immisso sopiti, perpetuo dormissent; putareque principē eum, quem ipsi nossent, nō amplius in uita superesse, ut cuius nulum in legibus ac præsentis temporis moribus uestigium agnos-

*Hieronymus, viii. olim delicta ecclesiæ habebatur.*

*Septem dormientium historia.*

*Monachi e cellis suis ad iudicium tribunalia pertracti non mirum in Angliæ legum ac morū immutationem offenderit, quoniam septem illi sancti et sancti post nonnulli plurimos exiitantes in ciuitate Ephesina deprehenderunt.*

## LIBER

scerent. Quid enim aliud uel credere, uel suspicari possent homines, qui in illis monasteriis, quasi in extrema solitudine uita mēgissent, semoti ab omni hominum cōgressu, cum tantam & tam monstrosam omnium rerum mutationem subito uiderent, religionis, legum, consuetudinis, hominū deniq; ipsorumcum quos illi summa omnium gratulatione præesse reipublicæ cognouerant, quos & optimos & prudētissimos respublica experta erat, eos iam non uiderent, utpote in carcerem tanquam patriæ proditores coniectos: & in eorum locū tales successisse, quibus ob impietatem & uitæ turpitudinem nullus carcer non nimis commodus uideri posset; quos ecclesiasticę leges iam diu ex piorum cōtū excluserant; humanæ autem si modo ullæ tum fuissent, iampridem ad pœnam flagitabant. Quid hic tales homines ad tantā & tam inopinatam rerum mutationem suspicari aliud possent? stupēfactos, ita me Dei filius amet, primo harum rerum aspectu habuisse par est, neq; quicquam habuisse, quod uerisimiliter cogitarent, nisi forte aliquid tum de Turcarū classe inaudierant, quæ per ea tempora Constantinopoli egressa, magno cum totius christiani nominis terrore uersus Herculis columnas cursum tenebat. De hac porro uerisimiliter suspicari possent, illam superatis angustiis quæ sunt ad Gaditanum fretum, oræ nostræ nec opinato appulsam, primo impetu insulam totam in potestatem redegis se: proindeq; classis eius præfectū, ut eum, qui nostræ religionis apertus esset hostis, tam impiæ rerum omniū in Angliā conuersionis authorem fuissē. Sed certe si Turcarum Imperatoris mores satis cognouissent, ne de illo quidem tam nefaria uerisimiliter cogitassent. Cum enim is Rhodum uictor ingressus est, ubi omnes erant christiani, a quibus etiam in illa aliquot mensiū opugnatione multis suorum cladibus sæpe irritatus esset, quis de simili crudelitate quicquam audiuit? Porro autem ubicunq; locorum is dominat, nemo contra animi sui sententiā, in iis dūtaxat, quæ ad religionem pertinent, quicquam affirmare cogit. Imo potius quorum uitam talem esse nouit, qualis erat illorum, quos dico, monachorum, qui repudiatis huius uitæ commodis ac uoluptatibus, totos se Dei cultui consecerant, cuiuscunq; in religionis sint, illos in honore ac ueneratione habet, cui rei testes sunt Græcorum illi Monachi, qui Athon montem indolūt, quibus etiam singulis annis munera mittit, & suam quauis alienæ religionis hominibus salutem commendat. Non ergo de rege Turcarum, si eius classis ad Angliam appulsa esset, & Metropolis

*Cauesse ne hic in  
bi Cromwelli uoti  
at in mentem.*

*Turca neminem cogit  
que quædam affirmare  
in iis que ad reli  
gionem pertinet.*

*Turca sanctis Mona  
chis honorem ac mu  
nera defert. & suam  
salutem commendat.*

polin ipsam Londinum expugnasset, tanta crudelitas probabili  
ter cogitari posset. sed neque de ullo alio plane, q̄ de Sathana  
ipso, quem acta eorum temporum, cū illi iudicio, quō sunt inno-  
centissimi & sanctissimi homines condemnati, tum extra iudici-  
um, rebus aliis omnibus præfuisse testantur, ac de illius consilio  
& uolūtate omnia gesta esse declarant. Quod si cetera deessent,  
an non uel Mori uiuius condemnatio luce clarius totum illud te-  
nebrosum iudiciū, cui ipse profecto tenebrarum princeps præ-  
fuit, patefaceret? In episcopum enim & cardinalem Rosenfem,  
quāuis iniquissime etiam is condemnatus est, tamen aliquid has-  
bebant etsi iniustum, quod obicerent, quod speciem iustitiæ ali-  
quam & iudicii formam præferreret, quod is aperte, sicut episco-  
pum decebat, legi ipsorum aduersaretur. In Morum uero nec ius-  
tam, nec iniustam causam, nihil plane quod uel speciem aliquā  
præberet ullius, quæ more saltem atq; exemplo fieret, damnatio-  
nis, reperire poterant: cuius unica responsio audita, omnia illis  
præciderat, quæcūq; uel fingere cōtra eum possent. Sed expli-  
cemus parumper formam præclari illius iudicii, quo est Morus  
condemnatus, ut melius intelligi ac perspicui queat, quis illi iudi-  
cio præfuerit. Sic igitur accusatio est instituta. Citabat̄ ad caus-  
sam capitis eo in loco die eadem Morus, in quo paulo ante iudex  
summa cū potestate, & incredibili totius regni gratulatione ses-  
derat, quem ipse locū ac magistratum sic ornauerat, ut qui eum  
illie confidentem uidissent, non tam hominem se uidere, q̄ pietas-  
tem, q̄ iustitiam, q̄ omnium legum & diuinarum & humanarum  
cognitionem, ac prudentiam summam arbitrarentur, quas tot uir-  
tutes se suis in rebus ac cōtrouersiis auxiliatrices aduersus uim  
& iniuriam habere paratas credebant. Nunquam prorsus ne in  
ueterissimis quidem regni annalibus de ullo legerant, qui tōe  
ac tantis uisutū & literarum prædiis instructus in eum locū  
descendisset, nullum certe ipsi meminerant, qui solitudini ac iu-  
stitiæ maiorem contra uim & iniuriam uictoriæ spem dedisset:  
nullum qui re ipsa magis præstitisset. Hic uero talis uir cum es-  
set reus eo in loco, apud qualem iudicē causam dicebat, age dum  
non mea ulla oratio, sed acta ipsa eius iudicii declarant. Recita-  
batur contra eum longa & perplexa accusatio, in qua quæcūq;  
contra sceleratissimum hominem dici possent, quæcūq; in pro-  
dicōem patriæ, & regum omnium euerforem, cōsferebantur in  
eum, qui & ipse semper innocentissime uixerat, & leges sanctissi-  
me ab omnibus obseruandas curauerat. Læse maiestatis erimis

*De iniquissima D.  
Thomæ Mori con-  
demnatione.*

*Rosenfis Cardinalis  
creatus fuit quam epi-  
scopus in carcere.*

*Forma iudicii.*

*Morus summus Ang-  
liæ Cancellarius.*

*Accusatio longa et  
perplexa intenditur  
in Morum.*

## LIBER

ne accusabatur is, qui & Regis & regni ipsius maiestatem minus solus ex suo ordine passus non erat. Sed ne uidelicet ad omnia quæ proponebantur, respondere posset, ut ita suspitio aliqua criminis in eo constitueretur, iccirco longis uerborum & sententiarum ambagibus accusatio cōtexta erat: quasi hoc plane consiliū habuissent, ut si eum ferire nō possent, saltem ut tanquam feram retibus, sic hominem innocentissimum longissimo criminum ambitu, ne qua elabi posset, circumueniret. Itaq; talis & tam proluxa oratio fuit, ut Morus ipse, quo nemo memoria magis ualuit, attentissime cum audisset, palam testaretur, se uix tertiam partem eorum quæ sibi obiicerentur memoria comprehendere potuisse; se tamen ad pauca, uel potius ad illud unum, quod caput totius accusationis esset, de nouo consilii decreto, quod argueretur nō approbare, responsum. Illud enim demum senatus decretum illis erat, ex quo sibi posse uiderentur crimen in eum laesa maiestatis comparare: neq; quicquam præterea habebant quod probabili-  
*Responso Mori.*  
 liter ei obiicerent. Ad hoc uero ille ita respondit, ut diceret eam legem, qualiscunq; esset, postea esse latam, quā ipse perpetui carceris, in quo reliquum uitæ degeret, poena, & fortunarum omnium proscriptione affectus esset. Itaq; siue illa iusta, siue iniusta lex esset, primum nihil eam ad se pertinere, qui & occidisse ciuilitate, ut iura dicerent, uideretur: nec iam respondere de legibus deberet, quibus ipse amplius non uteretur. Deinde ut maxime etiam ad se pertineret, se tamen, nec facto ullo nec dicto suo, commississe, ut illam improbare uideretur; breuiter, iure condemnari eam lege non posse, contra quam nihil a se factū dictum ue obijci posset. Ad hanc responsionem cum illi egregii iudices primum smiles-  
*Silentium Moro obicitur criminis loco.*  
 rent. (nihil enim in promptu habebant, quod opponerent, neque enim sane Morus, quid ea de re, sentiret, cuiquam exposuerat.) tum alter alterum respicere, omnes hæere, & stare omnes ceperunt. Longa enim illa, & tot perplexa nodis accusatio nihil profecerat, uidebatur homo innocens, quem tanquam feram undique conclusisse se putauerant, retia effugisse. Tādē uero, omnes in aduocatum Regis oculos conuertere, ad eū enim, præcipue pertinere censebant, ut curaret, ne tam opima præda, e manibus elaberetur. Atq; hic aliquando, cum se nonnihil collegisset, plenus illo spiritu, quo instigante tota hæc fabula agebatur. Verum inquit, si nullum neq; dictum neq; factum habemus, quod tibi obiciamus: at silentium certe habemus, & simul referebat tempus fuisse, cum Morus, in carcere interrogatus, quid sentiret de lege, recusasset

recusasset respondere, q̄ diceret se perpetuo carceri addictum, de legibus humanis nō amplius cogitare debere. magis enim ad se pertinere, ut ad diuinas leges, Dei misericordiam, & Christi redemptoris pro nobis toleratam mortē, a qua sola & sua & omnis um salus penderet, totum animum & omnem cogitationem conuerteret, q̄ de legibus humanis, quarū usu sibi reliquo uitę tempore interdictum esset, aut cogitaret ipse, aut alii iciscitanti responderet. Ita tum cū reo agebatur, cū uerba & facta deessent, criminis loco silentium obiciēbatur. Atq; hoc etiam ab ingenio suo aduocato addebatur, silentium illud malę mentis signum fuisse; quod uerbum sic a reliquo iudicum confesso exceptum est, ut eo uno iudicium, quod pene concidisse uidebatur, constitutū putarent, cum nemo haberet quod obiiceret, omnes tamen conclasabant, malitiā, malitiā. Argumentum autem malitię, non factū dictum ue aliquod, sed silentium ponebāt. Et hoc modo iam itęrum tanquam fera pene e plagis elapsa, homo innocētissimus in accusationis laqueos coniectus uidebatur. Cum autem ad hæc Morus diceret, neminem posse ob silētium, quod indicium esset assentientis potius legi q̄ aduersantis animi, condemnari de legis improbatione, idq; peruulgata iuris peritorum uerbo confirmaret, quo dici solet, Qui taceat, eum uideri consentire; hoc tum minime audiebatur. Sed iam duodecimi uiri, qui patrię more uitę ac necis potestatem in iudicando habent, aduocabantur. Qui cum uocem malitię, quę per totum iudicium personuerat, deusam in auribus animisq; haberent, nulla interposita mora, ut mirum esset tam cito conuenire potuisse, statim pronuntiarunt, uocabulo anglico, Gylte; quod perinde ualeat, ut si dicas hebræo loquendi more, filius est mortis: crucifige, crucifige. O charissima mihi patria Anglia, ecquid sentis, in cuius hominis caput hæc sententiā feratur? Profecto si sentires Anglia, (iam enim uni uersos alloquor & appello, cum & ad omnes communiter, & priuatim ad singulos, tantum illud damnum, quod eo die ex talis uiri damnatione est factum, æque pertineat) si inquam Anglia scires, quem uirum illo iudicio amiseris, quod ornamentum, quod in omni fortuna subsidium tibi sit illo iudicio ereptum, nunquā certe nec uidua mater unicum filium, nec charissimum ducē exerecitus amissum sic deplorauit, ut tu unum illum filiū tuum, qualem nullum unquam antea pepereras, deplorandum tibi & perpetuo lugendum duceres. Sed potuisti ne ignorare qualis is esset, qui tua causa est mortuus, qui omnia quęcunq; homini chara ac

*Silentium Mori habetur pro indicio malitię mentis.*

*Apostrophe ad Angliam, complectens mortem Mori.*

## LIBER

*Ingenium Maximus  
ximon.*

*Prudentia.*

*Eruditiō intra An-  
glie fines parva.*

*Cognitiō legum per  
trierum.*

iucunda esse possunt, ne tu doleres, reliquerat, qui ut a te perniciosam auerteret, suam salutem neglexerat. Acceperat is quidē perā magna a te, uel potius a Deo maxima. Verum a te quid unquam accepit, quod non máximo cum fœnore reddideris: nam si tu ingenium magnum dederas, quæ unquam patria maiores fructus ingenii ex ullo accepit, q̄ tu ex isto tuo alumno: quem quidē præ cæteris quos unquam aluisti, uere potes alumnum tuum dicere; & eam tibi gloriā, quæ certe non modica est, tibi præcipue uen dicare: qui si prudentia summa fuit, si cæteris uirtutibus, si deniq; doctrina & literis excelluit, quibus sic reliquis omnibus tuis præstitit, ut quem cum illo conferre possis, neminem habeas: hæc omniā tuo in sinu, intra fines tuos, domo nunquam egressus, sibi partim comparauit, partim etiam auxit. Vbi natus primū: & in hanc lucem editus est, sibi ornamenta & subsidia uitæ præstantissima sibi cōfecerat; nec uero sibi magis, q̄ tibi. omniā enim sic in te postea effudit, ut in singula pene, quæ a te acceperat semina; multos si numerari possent, fructuū modios quasi bonus ager retulerit. Recordare omne eius adolescentiæ tempus, & nonnullū etiam iuuentutis, in tuarum legum perceptione consumptum. Quid autē tam fœcundo ac tam beato ingenio, quam erat illud, quod bene literis ex cultū, omnes prouincias doctrinæ suæ uber tate complere potuisset, rei esse aut negotiū debebat cum tuis legibus; quæ et si non illiberalem cognitionē habent, nec certe in fructuosam ei, qui unius insulæ angustiis ad bene merendū contentus sit, nemini tamen extra tuos fines usui esse possunt, nemini nilumen dignitatemq; asserre. Verum ille quod præcipua ei eua ra semper tui esset, ut tibi domi prodesset, cui & ingenium, & omniā quæ a te accepisset, semel dedicarat, tuas leges perdidicit, in quibus recte percipiendis cum multis ipse annos posuisset, plures tamen cum aduocationibus obeundis, cum iure etiam diu cundo magna semp̄ integritatis & abstinentiæ laude cōsumpsit. Qui simul ac per ætatem id facere potuit, nullam unquam uacati onem a tuis rebus gerendis sibi concessit. At enim ita legibus tuis operam dedit, ut siquid aliæ quoq; disciplinæ eam cognitiō nem iuuare possent, eas non adhiberet. Quis unquam legū tuarum scientiam tanto optimarum artium instrumento locupletatū uis? quis tui iuris prudentiam tot præclarissimarum rerum cognitiōne illustrauit? ut si leges tuæ loqui & sentire possent, nihil magis se unquam miratas facerentur, q̄ se tot præclarissimarum artium comitatu ornatas fuisse in hominis unius mente, quantum in nullo

in nullo unquam uidere meminissent, ac ne sperassent quidem in uno homine, minime uero in eo, qui etsi ingenium omnium artium maxime capax haberet, tamen occupatissimus semper fuisset; cum hæc liberales disciplinæ sint eiusmodi, ut aliis negotiis implicatis eos non admittant, neque cum ullo fere interiore familiaritatem ineant, qui non suas omnes cogitationes & studia in eis defixerit. huius porro uitam cum semper negotiosissimam fuisse recor- darentur, cum cessationem a rebus agendis nullam in eo memi- nissent, merito admiratas se diceret, unde tot ac tanta disciplina- rum ornamenta illi aduenissent. Sed quid Angliæ dum leges tuæ hoc mirantur, tu quale ingenium produxeris, uidere potes, & sis- mul admirari: sed illud ante omnia animaduertere, ad tãtas eius ingenii uirtutes accessisse singulare quoddam studium, curam, sollicitudinem in te modis omnibus iuuanda: cum illum nec sua uitas ea, quæ ex disciplinis percipi ingenuis solet, quæ multos sæpe & clarissimos uiros ne operam patriæ nauaret, abduxit, nec ullius ocii fructus, ac delectatio, a rerum actione abstraxerit: cum semper in tua luce, semper in tuis oculis uersatus sit, cum nūquam nec se nec suas ulla actiones tibi occultas esse uoluerit. An uero (tuum nunc testimonium requiro) ullum in eo malitiæ signū deprehendisti? Tu una omnium optime naturam eius nosti, an ul- lius unquam simplicior, uerior, sine omni fūco ac fallaciis sincerior tibi uisa est? An unquam in quoquam tãtam grauitatē cum tanta comitate coniunctam & temperatam uidisti? Tu certe, si naturæ tantum eius recordari uelis, omnia potius, quàm malitiam in eo suspicari potes. In quo præter cæteros omnes, tanta urbanitas, tantus facetiarum, sed sine ineptiis tamen, lepos semper appa- rebat, ut quiduis potius quàm malitiam, in suauissima illa natura, lo- cum habere credi posset, quem omnes tãquam tuas delicias aspi- ciebamus. Angliæ enim delitiæ, sicut reuera erat, ab omnibus ap- pellabatur. Sed relinquamus naturam, quæ dissimulari ac tegi pos- test, etsi certe in tot annis, quot ille tuo in conspectu uixit, latere non potuit. Verum ad facta ipsa, & ea maxime quæ magis accu- sationi affinia sunt, ueniamus. An ea fuit malitia, quod ipse cum regni gubernaculum manu tenens, ac summa in patria magistra- tu præditus, statim ut patriam uidit iniquissimarum legum quasi tempestate iactatam, & iam in hoc discrimen adductam, ut nisi unus se in mare demississet, tanquam Ionas in uentrem ceti, om- nibus qui eadem naui ueherentur, pereundum esset, se potissimum eum esse uoluit? an hæc est malitia, quod ipse idem illud

*Mori studium in pa-  
triam.*

*Natura Mori alienis  
fina ab omni malitia*

*Morus erat facetissimus.*

*Morus deliciae Ang-  
liæ.*

*Morus tamen esset rep-  
ui cancellarius: spon-  
te se summo illo mag-  
istratu abdicauit.*

## LIBER

Ionæ exemplū rettulit, & abiecto honore gubernādī, statim se in sceleratissimorum hominum manus quali in mare, & in certi uentrem proiecit, ut te ac tuos liberaret? An uero non ita fecit Morus? te appello Angliā, te inquam cōmunem & eius & omnis um, qui tum una in periculo uersabantur, parētem, hæc enim tuo in conspectu acta sunt. Tu eum primum summo magistratu fungentem uidisti, & maxīma cum lætitia aspexisti eo in loco, quo nemo unquam ante illum eius ordinis ascēderat; & eo magis es gauisa, quod hinc intelligeres proditum omnibus ac palam propositum clarissimum exemplum, uirtuti apud te maximum honorem haberi, uirtutem plus q̄ reliqua omnia ad summos honores assequendos adiuuare. Sed cum ipsum eodē illo magistratu quē nunquam ambierat, quem sola uirtutis commendatione adeptus erat, paulo post se abdicantem; omnibus honoris insignibus in conspectu tuo sese exuentem uidisti, quid potuisti suspicari? an illum non sua uoluntate, sed alterius iussu coactum, ob alicuius delicti suspicionem id facere? at istuc ne inimici quidem eius, quanquam & audacissimi, & sicut ipse Mori exitus ostendit, crudelissimi, ausi sunt dicere. Sed contra potius palam testati sunt, licuisse ei, ut perpetuo, si uellet, magistratu fungeretur. quod eo scilicet fecerūt, ut a se inuidiæ popularis flammam depellerent, qua se apud omnium animos haud dubie flagraturus uidebant, si res ita percrebuisse, eum uirū a reipublicæ gubernaculis eiectum esse, quo neminem unquam sciētius, maioreq; integritatis & innocentiae laude illa tractasse constaret. Itaq; & Rex ipse publice, ut magistratum retineret, est hortatus, aut certe quo famæ suæ cōsuleret, hortari simulauit; & is, qui mox illi successit, illud idem publico in consilio uoce clarissima de Regis sententia testatus est, Morum sua sponte eo magistratu se abdicauisse, quo semper fuisset dignissimus: sibi autem grauissimum onus impositum esse, qui tali uiro suffectus esset. Quid ergo suspicari tū poteras, cur id munus reliqueret? Quid aliud, nisi id quod res ipsa loquebatur, animaduertisse eum, non posse se in illo munere fungēdo, tibi quā cuperet, pietatem ac fidem præstare? Ipse igit. qui omnem suam dignitatem tua utilitate, non suis ullis honoribus metiretur, simul ac se sensit nō posse ita ut uellet, mereri de te, honores omnes abiect. Atq; hoc quidem animum eius a retinēdo magistratu primum alienauit, quod acta omnia sua, quæ ipse ad tuam salutem & dignitatem accommodaret, quotidie rescindi animaduertebat ab iis, qui omnia potius q̄ leges ualere cupiebant.

Sed

*Cur magistratū des-  
posuerit.*



Sed non hæc tamen unica illi causa fuit. Verum cum ea tibi in republica tua uideret, quæ non tam rebus aliis omnibus perturbationem quàm religioni perniciem & interitum minarentur, se autem in tanta improborum conspiratione nihil proficere posse intelligeret: ne sceleratis in te consiliis, quæ ipse nec prohibere nec retardare posset, interesse cogeretur, ea demum causa illi idonea uisa est, propter quam ex tam alto dignitatis gradu libens descenderet. Cum autem illam, quam futuram aliquanto ante prospexerat, tempestatem adesse uidit, se ipse ultro in fluctus demisit, id est, certissimo capitis sui periculo is aduersari cepit, quæ apertè iam contra te gerebant: ut tibi, quæ ut parente incredibili semper pietate coluerat, de uita iam ac salute, non de fortunis tantum laboranti, & in extremum discrimen adductæ, opis aliquid afferret: sin id minus posset, animum saltem promptissimum sua morte testaretur. At o Anglia, ille idem alumnus tuus, ille sic tui amas, sic tuæ dignitatis ac salutis semper a puero ultra omnes studiosus, capitalis nunc malitiæ insimulatur. Vbi quæso hæc tanta malitia delitescit? qua in latebra? quo in angulo? quin ea se profert? qui honores primis omnes, deinde uxorem & liberos, cum ipsam etiam uitam tua causa libenter abiicit ac deposuit, is tanquam proditor & in te malitiosus ad mortem trahitur. Potest ne fingi, mitto probabiliter, sed fingi omnino causa aliqua cur hæc tam omnibus chara ultro is reliquerit, præter eam quæ semper se tuas lit. charitatem in te ac pietatem? Quod ut clarissime uideas, age finge Angliam (neque enim hoc, nisi fictum, concipere animo potest, ut is suam in te pietatem non dicam penitus abiicere, sed remittere aliquantulum potuerit, non ille quidem princeps nefariorum in te consiliorum ut esset, sed certe ut simularet non prorsus a se illa improbari) finge igitur eum uoce saltem ac uultu suffragari feralibus illis nuptiis potuisse, quæ quasi chaos quoddam erant, in quo omnium semina inerant, quæ statum tuum perturbare poterat; quæ semina si semel coaluissent, ac germinassent, in multos deinceps annos pacis ac tranquillitatis tuæ fruges enecaret. finge illum ab aliis in hoc tetrum chaos deduci potuisse, unde ei nullus exitus pateret, nisi ut mox in alterum multo tetrius chaos deueniret, in quo iam illa continebantur, quæ animis multo maiorem perniciem allatura, quàm illa priora corporibus bonisque externis, uiderentur, religionis inquam ac pietatis contemptum, (& ut uno uerbo omnia complectar) humanarum diuinarumque rerum perturbationem; quæ non solum belli inter tuos ciuiles, sed max

*Mors, honores, uxorem, liberos, uitam, patriæ cõseruandæ causam reliquit.*

*Secundum Regime trinitatem, malorum omnium feminarum fuit.*

## LIBER

ioris multo & magis horrendi cum Deo ac superis belli semina essent. Si ergo se Morus in has tenebras ab aliis induci passus esset, quis iam Angliā (tuam appello conscientiam) maiori auctoritate ac gratia in tuo isto tenebroso regno uiueret? An hic opus est deliberatione, ut quid uere possis respondere, reperias? quis fuit maior, q̄ diu spes aliqua posse illum flecti, eorum animos tenuit, qui rerum perturbandarum authores fuere? An non uel ipse rerum exitus satis declarat, illum hac de causa Cancellarium esse factū, quo hac quasi mercede corruptus se eo trahi pateretur? Sed rectus & in tuam salutem penitus intentus animus ad pernitiōsa in te cōsilia pramio nullo, deinde nec poena, ne inclinari quidem se posse ostendit. Quo magis tui illi hostes spes sua decepti, ita in eum ira, odioq; exarserūt, ut ferinam illam crudelitatem, nec ulla bonorum ereptio, nec carceris, cui illum in reliquum uitæ tempus addixerant, diuturnus squalor sariare potuerit; sanguinem etiam haurire uoluerunt, & quidem te ipsa patiente spectante hauserunt. Sed ubi nam est malitia de qua accusabatur? Non ne si uel scintilla aliqua malitiæ aut odii in quēquam, in latebra aliqua cordis resideret, tunc extitisset, cū omniū indignissime atq; iniuriolissime uerbis acceptus, capitalē in se sententiā, contra ius fasq; latam audiuit? Tunc sane, si unquā alias, in eos præsertim a quibus tam malitiose tractabatur, aliquo saltem uerbo erupisset. Age itaq; Angliā (hec enim publice quæ agebantur, tibi occulta esse non potuerunt:) Dic nunc clara uoce testimonium in iis quæ clarissime in oculis omniū gesta sunt. Num ullum uerbum, quod non dico malitiā ostenderet, sed uel irati animi, & de iniquissima sententiā indignantis signum esset, ab eo prolatum excepisti? Num tibi beneficia sua exprobrauit? Num questus est? Num in quenquam inuectus? nihil horum, sed pietati suæ constans, quā a puero susceptam sanctissime semper coluerat, id demum dixit, quod maxime ad tuam salutem percinere iudicauit; ne tum quidem tui curam abiiciens, cum tua causa exitium sibi allatum uideret. Tunc enim primum sententiā suam patefecit de lege, qua Rex fuerat ecclesiæ caput cōstitutus, id quod nunquam ante fecerat, ea scilicet mente, ne cū nihil proficere posset, occasionem aduersariis suis, tuis uero hostibus, ulterius in se læuendi daret. Tum autem tui curam gerens, ne imprudens atq; ignara pestifera contra te ipsam legi suffragareris, ita locutus est, ut cum legibus eam & diuinis & humanis omnibus pugnare diceret, magisq; perniciosam iis qui ipsi assentirentur, fore

*Intuitus postquam con-  
demnatus esset, senten-  
tiam suam de nouo le-  
ge protulit.*

tur, fore denuntiaret, quam sibi fuisset, qui quia dissensisse argue-  
retur, capitali sententia affectus esset. Quo exposito ad suos se  
aduersarios conuertit. Sed quo impetu uerborum in eos est usus?  
Eodem, quo ille, qui tanquam agnus ad occisionem est ductus;  
eodem quo ipse Dei filius, qui accepta nostræ carnis infirmitas  
te, pro mundi salute tanquam salutarem uictimam se offerri est  
passus; cum etiam pro iis orauit, qui atrocissimæ pariter & iniur-  
tissimæ mortis sibi authores fuerant. Sic enim Morus pro tua,  
o patria, salute moriens, inimicis haud tristiora, quàm amicis præ-  
cabatur; cum diceret, hunc quidem esse locum discordiarum, dis-  
sensionis, atque tumultus; se uero nunc in ea loca pergere, ubi subla-  
ta omnis contentionis & dissensionis radice, amor, pax, concor-  
dia, & tranquillitas in omnibus uiuerent. quo ipse illos quoque  
mutata in melius mente ueturos esse speraret, ex animoque ut ita  
esset, precaretur. O mitem animum, o mansuetudinem semper  
celebrandam. Quæ nam maiora æquitatis animi signa dedit, qui  
pro lapidantibus se orabat, cui filius Dei cælos apertos, & se a  
dextris patris stantem ad consolationem ostendit, cum illa uers-  
ba eo in loco & tempore protulit, quæ non hominis uidentur  
paupost carnificis manu perituri, sed eius qui ex longa iactas-  
sione portum iam salutis aspiceret? Nam quid eorum, quæ infra  
cælum sunt, consolari tunc cum potuit, cum a te patria relictus,  
cum a legibus tuis desertus, in manus crudelissimorum hostium  
deditus, atrocissimam in caput suum latam sententiam excepisset?  
Quid est quod ad illam senectiam, quam natura tanquam ul-  
timum malorum omnium, etiam in fortissimis uiris, horret ac re-  
fugit, non extimuit? Quid est quod ille nihil exterritus, multo tū-  
& fortius loquebat, & agebat constantius? unde tantus tali tem-  
pore in eius animo uigor? Nonne res ipsa per se satis loquitur,  
unde is aduenisset? Quod si in hoc magna uis apparuit diuinæ  
uirtutis ac consolationis, qua subnixus eius animus, non statim  
concidit, sed erectus contra mortis metum stetit, quo fortissimi  
etiam uiri permouentur; multo tamen eadem illa uis admirabili-  
or fuit, magisque extitit in eo certamine, quod illi ea naturæ suæ  
mitate prædico, cum ipso humanitatis communis sensu, & patris  
nisi animi charitate fuit, idque huiusmodi, ut adamantinum etiam  
cordis robur frangere potuisset; in quo tamen sic ille inuictus  
permanuit, ut de constantiæ gradu nihil omnino, morus cernere-  
tur. Cum enim generosissima mulier, dignissima tali patre filia,  
secum omnes naturæ dotes afferens, omnia pietatis signa, omnia

Ips. lvi.

Lucæ. xxiii.

Morus condemnatus  
ora pro iniuratis suisS. Stephanus.  
Act. vii.Mori constantia, ac  
fortitudo omni lauda-  
tur.Margareta Mori filiæ  
fuit in complexu pa-  
tris.

quæ in liberis iucunda esse parentibus, eorumque animos emollire solent, ad nūtiū crudelis & iniquæ in patrem sententiæ exanimata primum dolore, tantum tamen uirium recepiſſet, ut patri dum a iudicibus in carcerem reduceretur, posset occurrere, prosperansque eo aduenisset, qua lictorum & satellitum regionum turba circumseptus pater transibat, statim per medios lictores inter arma satellitum irrumpens formīa, cui iam pietas multorum uirorum robur addiderat, in parentis complexum accurrit; cumque dolor uocem præclusisset, lachrimis autem, quibus sinū eius oprebat, animi affectum ostenderet, parentem complexa, ut uix ab eo aliquandiu diuelli posset: Quæ tum animi uis, quæ naturæ non iam humanæ; sed plane ferinæ duriciēs, huic talis filia, miserabilis etiam hostibus pietati obstitisset, ut non simul cū ea in lachrymas solueretur? Quales hic doloris stimuli, ac quæ acres patris animo fuerunt, talis præsertim patris; qui cum omnium suorum natura amantissimus esset, præcipuo tamen amore Margaritam dilexerat, ut in qua omnia elucere, quæ parenti iucundissimum efficere prolem possunt; hanc ex omnibus præcipue charam habuerat: cū talis filia pietatem intimos suos sensus subiret, sensisset cum eo in loco, quo uix ulli uiro patere aditus uidebatur, prius pene in sinu suo hædere filiam sensit, quam aduenientem uidisset; quas uero illam doloris faces ei admouisse par est, cum aliquandiu in eius complexu nihil effari ualens adhærescebat, quas, cū inde uix ui auellebatur? Quæ uero tormēta iam, & cruciatus animi, cum semel quassa, iterum eadem pietate percita, eodem cū impetu rediit, & ui maiore ægre abstrahi potuit. Quanto hinc robore animi opus erat, quanta consolatione illi, cui ipsa naturæ consolatō dolores omni morte grauiōres obiciebat? Verū qui his resistere potuit, qui hos impetus sustinere potuit, qualis tandem Christi martyr habendus est? Atqui sic his omnibus resistit Morus, ut prorsus inuictus dici possit, nullam doloris uocem quissquam ab illo missam audiuit, sed tanquam iam ex cælo reuertisset, quo properabat, & secum Christū adduxisset, qui omnes naturæ dolores uicit, quo præsentē nulla miserabilis uox emitti potest, ita Morus uoce, uultu, gestu, ostēdit se omnes naturæ insulrus superasse; & omnia quæ infra cælum dolorem facere hominibus soleant, uicisse; cum nihil de oris constantia remittens, filia respondit, se quæcūque pateretur, etsi innocens pateretur, Dei tamen uoluntate pati illam arcana pectoris sui nosse; quo magis gratulari sibi debere, quod dignus a Deo habitus esset, qui pietatis religionisque

*Eadem a patre multis  
iterum accurrit ad il-  
lum.*

*Morus Christum  
tyr.*

*Morus uoce et filiam  
suam Margaritam.*

religionisq; causa pateret. Proinde suam ipsa pietatem ad Dei voluntatem accommodaret, & maximo tolerantia bono in patris casu uteretur. O diuinæ consolationis uim maximam, O te Christe unicum animarum cum cum maxime laborāt, consolator em, & uitæ nostræ ducem atq; exemplar perfectissimum. Quam te in ipsis tuis uestigiis tuus discipulus est subsequutus; q̄ uel hæc sola uerba, cum illum discipulum fuisse, tuum illi præsens nomen in consolando affuisse ostendunt? Quid tu hic Angliæ an non si cetera desint, uel ex his paucis uerbis satis intelligis, non ram Margaritam charissimo patre, q̄ te optimo & tui amantissimo ciue, atq; adeo si quis unquam patris patriæ nomē apud te est meritus, parente tuo orbatam? Quin illud libenter scire uelim, quibus oculis, quibus auribus, hæc quæ iam dudū narro, de condemnatione & supplicio Mori, uel audire cum referrentur, uel cum fierent, aspicere potueris. Sed tu potius Londinensis ciuitas, cuius in conspectu hæc gerebantur, cum e carcere eductum ad causam maiestatis dicendam uideres eum, ad cuius tribunal aliquanto ante reos maiestatis listi memineras: quem tu puerū, adolescentem, uirum, ingrauescente deniq; ætate per omnes honorum gradus summa cum laude & omnium gratulatione, propter rarissimas eius uirtutes processisse, & tandem ad amplissimum munus conscendisse uideras, & quia ciuis idem & alumnus tuus erat, non sine tacito quodam gaudii sensu uideras, quod in eo laudem tuam ac decus agnosceres: cum eundem e carcere fordidatum, ac reum exeuntem, non tam annorum numero, q̄ carceris pedore & molestia senem iam factum (tunc enim primum ca num in conspectum tuū carcer exhibuit) toto corpore, uiribus fractis, debilitatum, cum scipioni innitens, & sic etiam uix ægrū corpus sustentans, non ram ad causam dicendam, q̄ ad certā condemnationem longissima & maxime celebri uia, potius traheretur, q̄ iret: quibus hæc oculis aspiciebas? Quid cū eadem uia iam condemnatum, ut proditorū poenas lucret, redeuntem uidebas, cuius fides erga te nullo nec præmio nec supplicio ostentato potuerat expugnari, quibus oculis aspiciebas? Nempe lachrimantibus scio, nec enim certe aliter fieri potuit, cum uideam alienissimos etiam homines, qui cum nunquam nouerant, nūquam ab eo beneficium acceperant, tantum dolorem ex eius morte accepisse, ut eum quæ de ea re scripta circūferuntur, legerent, lachrimas tenere non potuerint: sed ut si suum ciuem, ac de se optimē meritum, crudelissime & iniquissime necatum audirēt, ita Mori hos.

*Mori patre patriæ.*

*Mori mori cū omni  
bus Anglis, tam præ  
cipue Londinensibus  
summum dolorem at  
tuli.*

*Mori Londini natum.*

*Exteri auditis Mori  
iniquissima morte la  
chorum tenere nō po  
tuerant.*

mini externo, neque alia re quam fama sibi noto illachrimauerint. Ac mihi plane tanto interuallo hæc de illius morte scribenti, qui non tam multas priuatim amoris causas cum eo habui, sed uirtutis potius & probitatis ergo, quodque patrie utilissimum esse scirem, cum amauim & coluimus; sic tamen (testis est mihi Deus) inuito lachrimas oboriebantur, ut scriptionem maxime impedirent, & ipsas sapienter literas delerent, ut uix ultra progredi possem. Quocirca non dubito, quin tu hæc, quæ nunc nos tantummodo audita sine lachrimis recordari non possumus, eadem cum gererentur coram aspicuens, quam copiosissime fleueris. Nec enim tam feris animis homines procreasti, ut non huiusmodi casibus ualde moueantur. Sed scire abs te uelim, quem deplorare te arbitrabaris; Margaritæ nepotem, unum ex ciuibus tuis, innocentem condemnatum? At tuus tum pater, tuus inquam (si hoc forte ignoras) parens, tuum decus, tuum columen in conspectu tuo innocens ad supplicium ducebatur; tuus quidem natura filius, conditione ciuis, uerum beneficium pater; qui plura paterni in te animi signa ediderat, quam uis unquam indulgentissimus pater in unicuique & charissimum filium. sed nulla re magis se tibi parentem ostendit, quam ipso exitu, qui tua præcipue causa, ne salutem tuam proderet, uitam amiserit. Quare si quod in historiis Græcorum de Socrate legimus, quem iniquo apud Athenienses iudicio circumuentum, ut nunc apud te Morum, morte affectum esse constat: cum aliquanto post in theatro, quo populus ad spectacula conuenerat, ex tragoedia quadam recitaretur, interfecistis, interfecistis, uirum omnium Græcorum optimum, statim ad illa uerba, tam acerbam recordationem cæcis Socratis omnium animos subiisse, ut quauis poeta, cum illa scriberet, nihil minus quam de Socrate cogitasset, ita tamen misericordia commouerentur, ut totum theatrum gemitu & lachrimis compleretur; ex quo paulopost, populi iussu sit in authores mortis quaesitum; & qui inueniti potuerint, occisi sint, reliqui exilio mulctati, statua etiam Socratis publice in foro proposita; si igitur illi causam habuerunt, cur eodem tempore & iusto odio in authores sceleris, & misericordia in hominem innocentissimum ac uirtutibus clarissimum incenderentur, cum illa quæ modo dixi, uerba in theatro recitarentur; quanto nunc iustiore & odio & misericordia commoueri debes ciuitas Londinensis, quæ eadem illa uerba, non domi in theatro tuo semel ab aliquo histrione, casu prolata, sed omnibus iam christiani nominis locis, a grauissimis uiris, cum cum maxime serio loquuntur, tibi sapius exprobrata,

*Autori ista scriben-  
ti lachrimæ oborien-  
tibus.*

*Augustinus patrem am-  
misi, quam Morum am-  
miserit.*

*Socrati inique ab  
Atheniensibus conde-  
mnatus.*

br ata, excipere cogeris, interfecistis, interfecistis, hominē omniū Anglorum optimū. Sed quid dico hæc uerba de uno tantum homine usurpari, qui multos Socrates interfecistis, qui multos & maiores & uobis utiliores q̄ suis esset Socrates, interfecistis? Quotquot enim ob eādem quā Morus, causam necati sunt, longe supra omnē, quæ in Socrate cogitari potest, uirtutē ascenderant. Quid enim fuit in Socrate, quod non dico cū Mori aut magni illius Episcopi ac Cardinalis Rossensis, sed cum minimi ex iis, quos supra dixi, monachis tot uirtutibus comparari debeat? Si uita primum & mors, ac uita congruens mortis causa spectentur; nō iam illi se, ut Socrates, egregios quosdam homines, sed Heroes, sed plane ciueis cælorum, & in cælis etiam tum cum in terris uidebantur uitam agentes, omnibus & factis & dictis ostendere. Sed cur hæc nunc commemoro? cur recito? an ut te ad lachrimas prouocem? Minime equidem, cum scire uidear, nō posse fieri, si non omnem humanitatis sensum, talibus uiris orbata exuisti, ut in tam acerbo tuorum casu a lachrimis tibi temperes, quas uideam etiam alienissimis hominibus in rei tam miserabilis commemoratione erumpere. Cur ergo hæc nunc refero? Maxime certe ob hanc causam, ut Dei uolūtatis & consilii, quod maxime in istorum uirorum morte declarauit, te admoneam. Quid enim putas Angliā? an tales uiros, quos Deo charissimos fuisse ipsorum sanctissime acta uita, cum morte consentiens, ostendit: frustra apud te esse mortuos? Erras profecto, si ita putas; & non solum Dei prouidentiam & in suos curam ignoras, sed etiam tuam maximam utilitatem, honorem, lætitiā, ignoras; quæ omnia in horum morte Deus tibi contulit; & ego, ut agnoscas, & amplectaris, admonere cupio. Caue enim putes Angliā, charissima mihi patria, me tantum, quo lachrimas & gemitus tuos renouarem, quo uulnera tua cum maximo & tuo & meo dolore refricarem, nominatim te appellasse. Sed idcirco te appellauī, ut qua ratione, ex ipsis tuis uulneribus salutem, ex motore lætitiā, ex infamia decus eliceret, tibi exponerem. Id quod diuino auxilio fretus sane faciam. Accepisti tu quidem graue uulnus, & haud scio an grauissimum; si uulnus dici debet, quasi unum tantummodo, quod tibi tot prestantes uiros, tanquam præcipua corporis membra eripuit, quo nec grauius ciuitati aut regno quicquā potest accidere; præsertim cum in eorum etiam manus, qui hæc tibi uulnera infligere, deuenisse uidearis, quæ calamitas maior est profecto, q̄ ulla quæ uel ex bello, uel ex peste accidere possit. Verum

Socrates multi in Angliā occisi.

Frustrum maxime Angliā ex istorum morte capere potest.

## LIBER

*Error, & opinionum  
prauitas, humani gene-  
ris maxima est perni-  
citia.*

*Christus cælo des-  
cendit, ut hominum  
animos malis opinio-  
nibus liberaret, bonis  
induceret.*

*Via salutis.*

hæc quando ita contigerunt, infecta fieri non possunt. Quod au-  
tem est proximum, ut ex iis, quæ mutari non possunt, utilitatem,  
cum honore & salute tua coniunctam capias: si gratum tibi hoc  
est, fac eū nunc auscultes, qui qua id ratione assequi possis, osten-  
surum pollicetur. Ego enim is sum, tuq; ut spero, clarissime hoc  
perspicias, si modo illud pro comperto habueris, quod est uerissi-  
mum, nec cuiquam quī mediocri rerum humanarum peritia sit,  
dubiū esse potest; nihil non modo ciuitati aut regno, sed toti hu-  
mano generi accidere posse perniciosius, errore opinionū in iis  
rebus, quæ ad animi primum, deinde etiam corporis salutem per-  
tinent. Ex opinionibus enim quas cōceptas in animo habemus,  
tanquam ex norma quadam, uita omnis nostra dirigitur; quæ si  
rectæ sunt, felices nos reddūt tam in hac q̄ in futura uita; sin pra-  
uæ, utrobique infelicitas ac miseria necessario consequitur, quæ  
et si non ita hic apparet, propter adumbratam quorundam sceles-  
tariorum hominū prosperitatem, quam uulgus falso felicitatem  
iudicat: Christiano tamen homini nihil potest esse certius. Hæc  
autem opinionum prauitas, in hominum genere tanti momenti  
esse uisa est misericordiæ Dei, cuius opus sumus, ut filium suum  
e cælo demittere uoluerit, qui hanc pestem ex animis auferret, &  
sanas opiniones insereret: tenebras discuteret, & lumen inferret:  
ac semel in omnibus præceptorem se nostrum præberet. In hac  
una re Christum, quandiu in terris homo uersatus sit, occupatū  
fuisse scimus, ut exemplo primum, deinde ut uerbo etiam nos do-  
ceret. in hoc totum mysterium Christi passionis continet; quem  
quis potest in cruce pendētem intueri, qui quidem oculos sic sis  
de illustratos habeat, ut intelligat eum quem uideat filium Dei  
esse, authorem felicitatis nostræ, & eūdem præceptorem; qui non  
eodē intuitu cernat multo certius, q̄ ex omnibus scriptis libris  
cōcipi possit, uiam salutis non esse eam, quam error hominū exis-  
timet, per rerum omnīū, quas uulgus bona uocat, affluentiam;  
quæ quidem impēdimentum potius, ac moram afferunt felicitati,  
quā iter ad illam expediant: sed unam tantum uiam esse ad  
felicitatem sine errore consequendam, si nos diuinę uolūtati obe-  
dientes præstemus: a qua nullo corporis cruciati proposito, nul-  
lo quantumuis sæuo mortis genere intentato, discedere debet,  
qui felicitatem querit. Quæ omnia unico aspectu misericordiæ  
Dei in illo libro uitæ, author ipse salutis & felicitatis nostræ e  
cruce pendens manifestauit. Sic placuit Dei misericordiæ suam  
uolūtatem nobis exponere: in sanguine filii sui uolūtatem suam  
nobis



nobis scripsit, in eo omnes nostræ leges exarantur, in eo voluntas Dei declaratur, & certissima ad felicitatem uia pater. Atque hunc eundem modum declarandi nobis uoluntatem suam, eadem Dei misericordia, post Christi Dei & hominis per mortē assumptiōnem ad gloriam, in reliquis ipsius membris est persequuta, sanctis inquam apostolis & discipulis Christi, qui omnes Christi membra fuerunt, in quorū sanguine a Christi uulneribus defluente, scripta sunt quæcūq; Christi doctrinam continent. Hi uiui libri fuerunt, in quibus docti & indocti, sapientes & insipientes, omne deniq; hominum genus legere posset, quæ esset uoluntas Dei, quæ uia ad felicitatem. In his primordia religionis nostræ sunt perscripta; per hos ecclesia plus nouit de uoluntate Dei, quam per ullos manu scriptos libros cognoscere possit. Quæ enim in charta scripta sunt, etsi ab eodē spiritu sunt dictata (spiritu enim Dei haud dubie, quæ habemus Euangelistarū & Apostolorum monumenta in nouo testamento sunt scripta) tamē ut archetypus maiorem semper authoritatem habet reliquis omnibus, qui inde descripti sunt, libris: sic qui sanguine martyrum scripti sunt libri aliis omnibus præferendi sunt. Hi enim archetypi libri fuerunt, in quibus solus Dei digitus apparet. In reliquis, quos habemus atramento in charta scriptos, manus hominum apparet: quæ etsi manum Dei sequens errare non potest, tamen minus habet dignitatis, pluribus aut casibus est subiecta. Deprauari enim peruersa rōne & interpretatione hominū possunt, atq; in plureis formas fingi; cum illi qui sanguine martyrum scribuntur, adulterari non possint. Et hi quidem semper in ecclesiæ chartophylacio incorrupti asseruantur, per quos ecclesia rerum diuinarū cognitione maxime creuit. Neq; enim unquam destitit in huiusmodi libris scribere pro sua misericordia Deus, donec omnium rerum cognitione ad salutem necessaria ecclesia abūdaret. Post sequuti sunt alii quoq; plures modi, quibus optemus Deus nobis uoluntatem suam assidue declararet. Sed hic sane per sanguinem martyrum docendi modus semper fuit præcipuus; qui in Christo Dei filio primum cœptus, in reliquis eius membris sic est deinceps cōtinuatus, ut in omnibus magnis controuersiis finiendis clemētissimus Deus sanctos suos martyres, tanquam archetypos sua manu scriptos, quibus contradicere non posset, semper deprompserit: sicut hoc tēpore, o patria mea, cum maximæ contētionum tempestates coortæ ecclesiam circūstant, ante oculos tuos deprompsit, & explicauit. Atq; hoc quidem est,

*In sanguine Christi & martyrum, uoluntas Dei, & ueritas ap-  
pime scripta est.*

*Libri sanguine martyrum scripti, aliis modis sunt præferendi.*

*Martyres suos Deus tanquam archetypos depromit ex magnis controuersiis.*

## LIBER

de quo te admonere uolui, ut scias Dei in te benignitatem, quæ in maximum tuum & perpetuum commodū, & apud omnes christianas nationes honorem cederet, modo agnoscas, modo ne ultro oblatum repudies. Vides opinor, quod nulli iam obscurum est, quam grauis & periculosa contentio multorum christianorū animos occuparit, de iis quæ pertinent ad religionem, quæ omnium seditionum caput cum sit, grauius necesse est malum importet, maiorem perniciem afferat ciuitati aut regno, ubicunq; licentiam se tuendi nata sit, quam alia quæuis peltis. Hoc tantū malum cum nostro primum sæculo nobilissimam, & olim in religione retinenda constantissimam prouinciā Germaniā inuasisset, ita est deinceps per reliquas prouincias peruagatum, ut ad te quoq; contagio huius mali peruenerit; & ad te quidem multo facilius, q̄ ad alias, propter locorum uicinātem, & assidua cū Germaniis commercia, a quibus iuuenes tui non minus libenter nouas dogmatum merces ad animorum interitum, q̄ aliarum rerū ad quæstum spectantium deferebant. Quibus cum iam ualde infecta esses, subsidium primum a legibus quærebatur, quæ huiusmodi negotiationes grauissimis pœnis sanciunt, quod ita demū tanto malo occurrī posse earum auctores, sanctissimi uiri, iudicarint. Quare hæc iam exercebantur, sed hæc non solæ. Adiungebantur enim quæ a sanæ doctrinæ hominibus excogitari poterant, ex scriptis remedia, quod malum ipsum per scripta serpere, & propagari uideretur. Sed ne hæc quidem gemina remedia malum funditus tollere poterant; hæc tamen proficiebant, ut non tam late manaret, cum palam se proferre propter hæc duo remedia nec posset, nec auderet; sed intus delitescens, ita ipsum a sese alebatur, ut semper tempus maiore cum impetu erumpendi expectaret. Verum hæc spes, in improborum animis initio ualde tenuis fuit, non tam quod contra hæc duo remedia se parum ualere intelligebant, quam propter principis animum, qui nō solum leges hac in re contra noua dogmata tuebatur, quod omnium bonorū principum officiū erat; sed quod nullus ante ipsum princeps fecerat, scriptis etiā suis, quasi obsidibus publice datis, se obstrinxerat, & confirmasse uidebatur, nunquam se eorū qui noua dogmata disseminarent, fautorem futurum, ut in quos præclarum ipse librum scriptū edidisset. Quare nihil erat quod magnopere sperare possent, eo Rege uiuo. Nec tamen spe omni destituti erant, Quod quo in loco princeps amores suos collocauerat, ibi semina omnium horum malorum, quāquam initio oculta,

*Hæresis ex Germania in Angliam alia acta.*

*Henricus VIII. initio hereticos & ex legibus puniuit, & serie pro libro constituit.*

*Anna Bolena Regis animi heresim infusa.*

culca, ita tamen feracia incrant, ut non possent non cum tempore crescere, & maximos fructus aliquando parere: ac tandem ipsum etiam Principis animum enecare, nisi is cōtinuo se inde explicaret. At explicare certe non potuit. ita enim cū amoribus Sathanas irretitum tenebat, ita eum dulci ueneno inescauerat, nō ignorans quos ludos, & quam gratum spectaculum sibi paulopost præbiturus esset, ut ipse princeps non iam quomodo se extricaret, sed qua ratione se magis indueret, dies noctesq; cogitaret; prorsus ut uideretur, non solum famam, sed regnum quoq; suum ad omne discrimen adducturus, nisi tantopere expetitis amoribus potiretur. Potitus est igitur aliquando tandem; & quanquā non sine maximo famæ suæ damno ac regni totius præcanti perne perniciē, uix tamen in amplexus amicæ uenerat, cum repente quā recepto in intimas medullas ueneno, tanta simul audacia prorupit, ut non solum acta sua superiorum annorum ipse rescinderet, sed leges regni & omnium maiorum suorum, leges ecclesiæ, leges deniq; Christi euerteret ac dissiparet, nihil iam certum nec in legibus humanis nec in diuinis esse pateretur: omnia ad suam uoluntatem, uel libidinem potius, quæ amore & cupiditate agitata ferebatur præceps, reuocaret: tumultu autem & confusione omnia repletet. In hoc tam miserando statu patria cum esset, quis præter Deum, tantis malis opem afferre potuit? Ille uero attulit. Sed sentis ne adhuc remedium? senties tu quidem, modo ne recuses accipere: quod quale sit, statim exponam; si prius duo illa maxima, quæ te circumstant, mala consideraeris. Quorum alterum magis in oculis ac sensibus tuis uersatur, ex meretricio amore, ex quo quanta sit belli ciuilis conflata materia, ob regni successionem nunc in dubium adductam, uides: sed & belli externi quanta impendeat moles propter illius offensionem, qui hoc tempore inter principes christianos est potentissimus, quem tibi hostem duabus maxime de causis reddidisti, religionis inquam, quæ illi est antiquissima, & ignominia, quam grauissimam adulterinum hoc matrimonium familiæ eius nobilissimæ inussit, amica ipsius, femina præstantissima, per summam iniuriam, cum iustissima esset uxor, tanquam incestuosa repudiata. Hoc ergo unum malum est, & maximum quidē eceruicibus tuis imminens, ex bellorum materia. Sed alterum adhuc est, quo grauius & periculosius laboras, seditio illa & opinionū diuersitas, in iis quæ ad religionem pertinent, quæ omnium malorum caput est. Sed nunc remedia cupis audire? utinam quidem sic cuperes,

R

*Duo mala Angliam  
circumstant.*

*Bellum.*

*Seditio.*

## LIBER

ut ostenderes intelligere te quantum in discrimē, nisi Deus pro-  
pere succurrat, adducta sis. sentire te sane molestiam ex his tot  
malis animaduerto, & illud conqueri, eo te redactam esse, ut ne-  
scias quo te uertas, cui credas, cui assentiaris in tanta eorum, qui  
se religionis & ueritatis doctores profitentur, dissensione, & opi-  
nionum uarietate, ac pugna. At qui hoc ipsum huiusmodi est, ut  
nullum grauius malum accidere possit. Declarat enim hæc dubi-  
tatio in certam spem tuam esse de æterna salute; de qua qui flus-  
ctuat, nunquam profecto illam assequetur. Hoc quidem alterius  
est generis, quam te de rerum tuarum possessione esse incertam,  
quam dubitationem altera illa causa de matrimonio affert, dum  
times, ne grauissimæ propterea seditiones & intestini motus ex-  
citantur; aut potius, quod magis est ante oculos, ne externus ho-  
stis te quamprimum inuadat. Sed religionis malū, infinitis par-  
tibus maius est, propterea quod illa etiam, quæ tu iam instantia  
times, semper secum affert, & de maioris boni priuatione timorē  
incutit. Quare de huius remedio primum agamus. Ac te hic pa-  
tria consulo, tuam sententiam exquiro. Si totum hoc malū hinc  
contractum est, atq; hic firum, quod multa quæ paulo ante certis-  
sima haberes, nunc in dubium adducta sint, ut quid sentire cons-  
tantissime debeas, nō occurrat: si ratio ostenderetur, quæ ex hac  
animi iactatione, quasi in portum ad certam & firmam ueritatis  
persuasionem perduceretur; nōne id funditus sublatum esset? ita  
credo. Sed qui fieri, inquis, istuc posset, cum in tāto numero con-  
traria & pugnancia asseuerantium, omnes tibi boni uiri uidean-  
tur, omnes docti, omnes deniq; ueros se Christi doctrinæ magi-  
stros affirmant? Quid afferri posset, cur huic potius, q̃ illi fidem  
haberetur? Recte quidē. hic iam totius tuæ æstuationis causa ex-  
plicata est. At nunc contra audi. Quis melius potest omnem hanc  
dubitationem tollere q̃ Christus ipse? Si tibi Christus certū ali-  
quod e cælo signum daret, quo dignoscere posses, hos esse ueros  
ipsius discipulos, alteros non item: esset ne aliqua causa, cur, quæ  
Christi seruam te p̃fitearis, amplius dubitares? nulla plane. Sed  
ubi sunt hæc signa? expecta paulisper, si huiusmodi signum uis,  
potestatem tibi facit Christus, ut ad se mittas, qui sententiam su-  
am sciscitentur, ac tibi renuntient. Ut ciuitates quæ magna quas-  
piam de re dubitabant, ad oracula legatos mittebant, sic tu alios  
quos ad Christum alleges licet. Sed hic me fortasse putabis in  
re omnium maxime seria ludere, qui ita loquar de legatione ad  
Christum mittenda, quasi is non in cælo nūc, sed alicubi in ter-  
ris, ut

*Opinionum uarietas  
in Anglia omnia in  
dubium reuocauit.*

*Spe qui caret, saluari  
non potest.*

*Doctores in Anglia  
contraria asseueran-  
tes.*

*Oracula olim in re-  
bus dubiis consuleban-  
tur.*

*Legatio ad Christum  
mittenda ad sciscitan-  
dam illius sententiā.*

ris, ut illi olim oraculorum præfides dæmones, esset. Verum sustine parumper; & quos nam missura esses, si hoc re uera ageret, considera; atq; ita statim percipies, ioco ne, an serio, loquar. Ego uero tibi proponam, qui mea sententia essent mittendi. Nolle enim equidem sacerdotes solos mitteres, ut qui fortasse quæstus sui causa, cuius rei sæpius apud te insimulantur, legationem ementi ri possent; uerum optimum quenq; ex omnibus ordinibus censeo eligas, iisque ita delectis hoc negotiū des. Quod si ex episcoporum ordine quenquam mitti oporteret, quem potissimum illinc assumeres? Equidem unum ex omnibus Rossensem nomino. Et certe si de episcopo mittendo consultatio esset, tu scio, hanc meam nominationem clamore & assensu tuo pene præuenires. Tu statim alta uoce clamares, Rossensem mitti placet, si episcopus mittendus est. Quem enim alium habes, aut multis sæculis habuisti, quem sanctitate, doctrina, prudentia, & in illo episcopi munere fungendo cura ac sedulitate, cum Rossensi compares? de quo ita gloriari potes, ut ne apud exterarum quidem nationes, si omnes christiani nominis prouinciæ hoc nostro sæculo perlustrarctur, posset facile reperiri, qui ita omnes episcopi partes ac numeros impleret. Consule, si forte de hoc dubitas, mercatores tuos, qui ad multas & longinquas prouincias nauigarunt; Consule oratores tuos, qui exterarum nationes adierunt; & dicant tibi, audiuerint ne de ullo tali episcopo, qui eam gregis sui curam haberet, ut nunquam ab eius custodia discederet: qui & uerbo eum & uitæ exemplo semper pasceret, ac facultatibus iuuaret: in cuius uitâ nihil unquam ne temere quidem obiectum esset; in quo semper egregia quædam laus eminuisset eum sanctitatis & doctrinæ, tum in patriam pietatis. Cuius quidem præter alia multa, hoc etiam præclarum sane testimonium habes, quod cum omnium ordinum atq; ætatum, præcipue uero iuuentutis Anglicæ, summam curam & sollicitudinem semper habuisset, illud etiam effecit studio suo ac gratia, qua apud sanctissimam fœminam Regis auiam, plurimum ualebat, ut duo celeberrima gymnasia extruerent, in quibus studiosi adulescentes possent literis & moribus rectis institui, ut ius re optimo pater haberetur omnium qui uirtuti & literis operam darent; cum illis cura, sollicitudine, opera, omnia parætis officia semper præstaret. Idem uero celebratissimæ Academicæ Catabrigienensis tutor fuit. Cancellarium enim elegerunt, quo in munere omnium illis philosophantium cura continetur. Quorum sane, non minus quam ouium suarum saluti ac commodis prospiciebat.

R ii

*quidam leges ex Anglia ad Christiū missi  
sunt.*

*Rossens.*

*Loannes Fishernus  
Rossens episcopus  
optime munus suum  
obit.*

*Rossens auctor fuit,  
ut Regis aua duo res  
liberrimas collegia Catabrigie extruerent.*

*Rossens, Academiæ  
Catabrigienensis  
praestans.*

## LIBER

Sed quid opus est tam multa me de Rossensis uirtutibus dicere, apud te præsertim, quam scio in uno illo Rossensis nomine, omnia ea quæ ab optimo episcopo desiderari possint, prolixa & copiosa agnoscere; ex sacerdotum autem numero omni habere neminem, cuius fidei plura, aut maiora credere ac committere uelis? Age uero, collegam ei adiungamus, ipsius quo ad fieri possit, similem. At illum quo ex ordine Laicorum censeo, sed eum talem, qui non facile delabi ad superstitionem posse uideatur. Hoc enim pene solum uerendum est in iis qui perpetua sanctitatis opinione fuerint, ne in illa sanctitate superstitionis aliquid insit, ne uel si pro Christi oraculo, superstitionis aliquam sententiam nobis per errorem referant. Quare de tali quopiam cogitemus, qui cum probitate ac doctrina Rossensi respondeat, tum a superstitionis suspitione longissime absit. Eiusmodi porro hominem si reperire uolumus, ad eos accedere necesse est, qui maxime prudentia, & rerum humanarum usu ualent. De iis enim minime dubitandum est, ne qua superstitione capiantur. Quod si hæc quæ dixi, omnia spectanda sunt in eo, quem tanta de re legatum cum Rossensi mittamus: ut ipsa tuos omnes excutias, quem Moro aptior rem ad hoc munus inuenies? At ne quæsituram quidem te alium, edico tibi huius uiri nomine, certo scio. Ingenium enim nosti, tantum, quantum in nullo aliquo tuorum nosti; & quidem ex longæ rerum tuarum administratione nosti. De hoc igitur qui potes dubitare, ne qua eum superstitionis responsio eludat, cui scias a prima statim adolescencia semper cum hominibus callidissimis rem fuisse, & tamen certo testari possis, sicut neminem ab ipso, sic nunquam ipsum a quoquam deceptum esse, hæcenus dumtaxat, ut culpa in eo ingenii aliqua, aut prudentiæ minus fuisse uideretur? Reliqua porro omnia sic apta & apposita ad hoc munus recte fungendum habet, ut pene solus sit ex laicis, qui hæc omnia coniuncta habeat, probitatem, literas, prudentiam, studium salutis tuæ. Quibus certe omnibus ita excellit, ut nemo uel lingo interuallo sit cum illo comparandus. Quid ergo moramur, cum hic se nobis offerat? quin hosce duumuiros continuo ad Christum extrudimus, qui in hac dogmatum confusione, quæ nos non sine maximo animarum periculo, circumstat, certam nobis Dei sententiam referant? At illi (aperte nunc loquor) iam pridem, cum tu nihil minus cogitares, hoc ipsum munus sponte susceperunt; legatione functi sunt, renunciarunt, certissimam Christi sententiam attulerunt. Sed tu nimirum adhuc dubitabas, quia non satis credes

res ex

*Rossensi collega laicus non alius potius quam Moro adponendus.*

*Rossensi & Moro liberis suis Angliam de Christi uoluntate certiores fecerunt.*

res ex Christi sententia eos loqui. Quomodo autem hæc probos  
Nempe te ipsa teste. Meministi ne, cū Rossensis, etsi corpore ma-  
xime infirmo, etsi plurimis curis districtus, episcopatus inquā,  
& ouium suarum, quas nunquam intermittebat uerbo pascere, tū  
Academix quoq; Cantabrigiæ negotiis implicatus, quibus tu  
tor cum esset deesse non poterat, assidue tamen aduersus hæretis  
corum dogmata, quibus te infectam sciret, operosa & magna uo-  
lumina scribebat; tum is scilicet legationem renuntiabat, tum  
Christi oracula afferebat, ut te maximis de rebus animo fluctu-  
antem certissimæ ueritatis anchora contineret. Si igitur hæc res  
cordaris, quæ nūquam certe obliuisci potes; illa etiam, quæ una,  
nec magis obscure agebantur, tibi nunc scio occurrunt, cum eo-  
dem tempore Morus, is qui regni gubernacula manu tenēs, quæ  
certe quemuis alium ab omni alia cogitatione auertissent, in me-  
diis curarum publicarum fluctibus nunquam tamen intermitte-  
bat maxima etiam ipse uolumina conficere aduersus eadem illa  
dogmata. Tum scito eum etiam illa gessisse legationis ad Chris-  
stum nomine, quam ipse communiter cum Rossensi tua causa sus-  
ceperat, ut te de eius uolūtatē certiores faceret; cum tu interea  
nec legationem ullam huiusmodi suspicāre, nec quæ illi renun-  
tiabant, ex Christi sententiā proferri satis crederes. Sed agnosce  
nunc tandem Christi in te benignitatem, qui, ut exploratum tibi  
faceret de sua sententiā illos tum loquutos esse, quorum uerbis  
tu diffidebas, id quod diutius sine tua perniciē ignorare non po-  
teras; eo modo, quo apostolos suos, qui primitias spiritus acce-  
perant, eo modo quo seipsum maxime mūdo manifestauit, eo in-  
quam modo declarate uoluerit, omnibus qui cecitate mentis nō  
tenerentur, hos domi tuæ natos, discipulos suos, a se doctos, suo  
spiritu plenos, suis armis instructos extitisse. Permisit enim Sa-  
thanæ, ut uel omnes inferorum portas contra eos patefaceret, ut  
suas omnes copias in eos emitteret, ut utrūq; tanquam triticum  
cribraret; quo omnibus manifestū fieret potuisse illos omnibus  
Sathanæ conatibus resistere, ueros fuisse Christi discipulos; quæ  
cunq; loquuti ii essent, non nisi ex Christi ipsius sententiā protu-  
lissent inquam omnes omnium Sathanæ copiarum imperus su-  
stinere atq; excipere potuisse, te ipsa atq; adeo uniuersa ecclesia  
uidente, non hominibus solum, sed Angelis spectantibus; ut post  
Apostolorum tempora, ne in memoria quidem annalium reperi-  
rentur, qui gloriosius ad summum Christi nominis honorem, &  
ipsum uirtutis celebrationem, de Sathana triumphassent. Quid

*Rossens & Morus  
sanguine suo ueritatē  
mouent.  
Ro. viii.*

*Lac. xxii.*

*i. Cor. iiii.  
Rossens & Morus de  
Sathana triumphant.*

## LIBER

*Dux inferorum por-  
ta.*

enim patria nonne ipsa tum aderas, cum omnes doli neccerent, machinae omnes admouerentur, omnes insidiae compararentur, quibus humanus animus capi posset: cum ex altera parte, gratia principis, potentia, honores, & omnia quaecumque hominibus gratia in hac uita & iucunda esse possunt, proponerent; ex altera cer- cer, cruciatus, infamia, mors denique, uel mortes potius, ad omnem terrorem intenderentur: cum his duabus simul inferorum portis Sathanæ exercitus eruptionem faceret iu duos Christi milites, ut eos tanquam de arce, de ueritatis sententia deiceret? Ade- ras tu quidem profecto, quo tempore meministi, non modo illos non exanimatos metu, aut a propugnaculis summos esse, sed gloriosissime repulsis hostibus, machinis omnibus disiectis, ac dissipatis, multo postea constantius in possessione ueritatis per- mansisse. Verum cum hæc spectares, nonne admirabaris? nonne te ipsa ex admiratione colligebas, & tecum ipsa cogitabas, quā firma, quam uera hæc sententia esse deberet, quam cum Christi uoluntate consentiens, quæ nulla uis, nullo impetu acerrimi ac po- tentissimi hostis extorqueri potuisset; cum tamen nihil non ten- tatum esset, cum omnia tela aduersariorum eo directa fuissent, ut de eius præsidio ac propugnatione duo illi heroes deturbarent; quam quidem ueritatis sententiā quis retinere contra tot ac tam ualidos impetus potuisset, qui non ipsum in corde suo (ut scrip- ptura loquitur) inhabitantem Deum haberet? Quid enim puras patrias non loquor iam de mortis terrore, quā scelerati interdū contemnunt; de honoribus potētia, apud principem gratia, diuisi- tis denique loquor; quibus ex altera parte opponebantur ignomi- nia, cruciatus, mortis terror. Cum igitur hæc duæ inferorum por- tæ, eodem tempore apertæ essent, in quibus omnes Sathanæ cos- piæ instructæ conspicerentur: qui hæc omnia contempserūt, qui opes, honores, gratiam principis, qui egestatem, infamiam, prin- cipis odium, mortem denique neglexerūt, potuisse unquam crede- mus ea facere nisi supra naturæ uim ac robur præfens Christi au- xilium, quod nos non uideremus, sibi adesse sensissent? Certè si aliter putas, non uideris satis intelligere, quantus sit Sathanæ co- piarum impetus, earum præsertim, quas altera illa avaritiæ, am- bitionisq; porta solet emittere. Sed considera paulisper, quā sit is ad sustinendum difficilis; cui ne ipse quidem primus noster pas- rens, qui omnibus naturæ uiribus integer erat, & recens iā opus digitorum Dei par esse potuerit. Quid dico par esse potuerit? qui ad primum statim cōgressum, spe iniecta amplioris honoris con- sequendi,

*ii. Cor. vi.  
Mortem etiam sceleru-  
rati interdum contem-  
nunt.*

*Adam non potuit sua  
flumine impetum aua-  
ritiae et ambitionis.*



sequendi, loco cesserit, uel potius ira cōsiderit, ut eius grauitatem casus nos etiam ipsius posteritas tāto intervallo sentiamus, & perpetua naturæ imbecillitate testemur. Quare ira fac tecum consideres, si natura integra tantam uim Sathanæ sustinere non potuit, cum uideas ex eadem stirpe homines, natura iam fracta & debilitata, sic illos impetus excepiſſe, ut non modo specie horum & uoluptatum omnium obiecta nihil mori sint, sed ne tum quidem inclinati cum terrores undiq; & cruciatus, nisi cederent, intinerentur: quo sane maximo oppugnationis genere contra illum primum hominem, qui nondum terrorem ac minas noſſet, uti Sathanas non potuit: ut hinc etiam appareat, quanto illis Adam filiis difficilius cum dæmone cōgreſſus eſſet, in quo tamen ira fortiter se geſſerūt, ut nullis nec illecebris capi, nec minis deterreri poruerint, quo minus ueram ſententiam ad ultimū retinerent: quid cogitare hic poteſt quid putareſ quid aliud, quā quod modo dixi, eos ſupra naturam humanam, præſens Dei auxilium habuiſſe, quo tuti fuerint contra illos impetus, quibus ipsa per ſe uis humana non potuiſſet non succumbereſ quid inquam aliud, quam præſentem Chriſti uirtutem habuiſſe, eandem quam apoſtoli ac martyres; qua freti, robur omne inimici fregeſſint ac conuulſerint. Quod ſi uirtutem illis cum apoſtoliſ communem a Chriſto datam agnoſcis; quam ipſi ſententiam eadem illa uirtute defenderunt, non cum Apoſtolorum ſententiā conſentientem agnoſceſ. Tu poſt tot annorum experientiam, qua horū uiroꝝ pietatem in Deum, beneuolentiam ac charitatem in te, fortitudinem, remperantiam, prudentiam, doctrinam deniq; eximiam, & omnibus admirabilem, tuis maximis in rebus perſpexiſti: poſt tam grauiā teſtimonia diuinæ uirtutis in ea de qua nūc agitur ſententiā defendenda; adoleſcentulis nunc neſcio quibus ambitioſis, quorū nec uirtutis unquam ullius, nec doctrinæ periculum feciſti, diuini uero fauoris ne minimum quidem ſignum agnouiſti, in re tanti momenti plus credeſ horum opinionem illorum ſententiæ præferere. Erit ne hoc dignitatis tuę, ut nihil dicam de ſalutis cura; aut ſi de hac quoq; dicendum eſt, poteris ne adduci ut hoſce nuper exortos iuuenes, plus tuę ſalutis cupidos eſſe credas, quā illos tot tuis permagnis utilitatibus a te cogniſ eos ſenes? O patria, quam uere dici hoc poſſet pueros tuos tecū ludere; niſi illud uerius, eos & ſibi & tibi pernicioſiſſime illuderet. Qui cum hanc ſolam exercitationem doctrinæ habuerint in ludo ſophiſtarum, ut malitioſa concludendi argumenti ratione,

*Reſponſi & Meris  
nec illecebris nec minis  
adduci a ueritate  
deſiſſione potuerunt.*

*Reſponſi & Meris  
explorat probitate  
ſententię Angli potius  
credere, quam ueritate  
nūc nuper exortis  
debet.*

absurda quædam dictu effici ostenderet, cuiusmodi illa sunt, homo non est homo, homo est asinus, omnis homo est unus homo: has suas nugas a schola ad ecclesiam, a rebus ludicris ad res maxime omnium serias transferre conantur, ut ea probent, quæ prudentia communis respuit, Papa non est Papa, Rex est omnia, Rex habet duplex caput. His ne igitur tu minutis, non sophistis, sed sophistarum simiolis, maximis de rebus, & iis quæ ad salutem animæ pertinent, reiecta doctissimorum senum sententia, fidem habebis? hos ne duces sequeris? At rationes asserunt. quid si afferant? putas ne rationem senes deseruisse, & ad pueros transfugisse? Sed quid tandem asserunt? Nempe Papam aiunt moribus corruptis esse; eoque non esse uicarium Dei. Num corruptioribus, quàm aliqui reges sunt? Num quam hic ipse, ad quem dignitatem pontificiam transferunt? Quid huius uitæ, cuiusmodi tandem est? sancta credo, & culpæ omnis experta, in qua, si ipsi credimus, ut nihil aliud dicam, abominabilis incestus labes, annos uiginti totos, insedit. Sed num in ipso aditu nouæ potestatis, cum sanctissimos uiros tam crudeliter occidit, tum se sanctum ostendit? Num ut omnium, qui uel pessimi fuisse memorantur, Pontificum facta in medium adducantur, aliquid in iis tam nefarie factum reperiet? Sed quid si Pontifex bonus sit? an hoc satis est causa, cur eum ueneremur? an non potius nullam nos hominis probitatem, sed Christi personam in Pontifice uenerari solemus? Si nemo christianus dicere potest, ullius hominis probitatem, & non unius Christi personam affici honore, quid mea tantum refert, bonus ne an malus homo sit; in quo Christi modo persona honoret? Cum dico mea, tua etiam dico patria. Si Christi imago ueneranda est, refert ne utrum in auro, an in ligno expressa alpiciatur? Num tu ex auro aut ebore factam honorabis; e ligno quanuis uili, aut etiam putrido effectam, contumelia afficies, uel minus honorabis? quid ad me Pontificum prauitas pertinet, quam scio mihi officere, nisi uelim, non posse; cum omnis eorum potestas sit ad ædificationem; ad animæ alterius detrimentum nulla sit? Quid si non modo non obest uere christianis unius hominis pontificis prauitas, sed prodest etiam, cum magis Christi gloriam illustret? Quid enim quæ so magnum, ac præcipuum a nobis fiet, si bonum Pontificem honore afficeremus? quasi uero non ipsi etiam ethnici id facerent. Cum autem ne uitæ quidam humanis deterreri uidemur, quo minus Christi imaginem ueneremur in eo, qui pro Christi tribunali sedens, ecclesiæ unitatem & concordiam retinet, hic uidelicet

nos

*Si papa idcirco non est caput ecclesiæ, quia corruptus sit moribus, quomodo Rex Henricus caput sit, cuius uitam alterius, hominibus sperilegit cōspirationem esse ostendunt?*

*Non probitatem hominis, sed personam Christi in Papa ueneramus.*

*ii. Cor. x. c. xiii.*

*Christi gloriam illud struit, quæ in magistro papa Christi persona honoratur.*

nos vere Christianos ostendimus; hoc modo Christi gloria maxime illustratur. At enim malus est, sit uel pessimus: sibi tamen, non mihi malus est; & ut Paulus, cui munus prædicandi euangelii mandatum erat, dixit, uæ mihi si non euangelizauero; sic uæ Pontifici, cui pascendi Christi gregis munus est commissum, si non pascat. Quod si illius improbitas non contenta his finibus, ad Christi etiam contumeliam se proferat; non desunt remedia, quibus ecclesia huic malo facile medearur. Tantisper uero dum nihil tale conspicitur, uerendum non est, ne plus illius improbitas obesse ecclesie possit, quàm experimur personam conferre unitate continenda, qua diuisa, omnia tumultu & confusione miscetur necesse est. Verum tui isti iuuenes, qui quantum rebus turbandis ualeant, cum tuo maximo iam dāno, & maiore adhuc, nisi occurratur, periculo ostenderunt; afferunt exemplum Græcorum huius temporis, qui intollerabili Turcarum tyrannide oppressi, misere seruiunt: quos negant Pontificem Romanum Christi uicarium agnoscere. Veterum enim nisi apertissime mētiri uelint, nō possunt; cum tot extent testimonia illorum reuerentiæ in Pontificem Romanum. Sed ne eorum quidem possunt, qui auorum nostrorum memoria fuerunt; quo tempore Constantinopoli, Christiani rerum potiebantur. Extant enim acta concilii Florentini, cui interfuit Imperator Constantinopolitanus, quæ mirificum testantur, nō Græcorum solum, sed & Armeniorum consensum, in Pontificis Romani potestate in omne christianum nomen agnoscenda. Sed horum scilicet exemplum non afferunt; illorum afferunt, qui nunc grauissimum sub Turca iugum perpetiuntur: ad quorum miserrimam uiuendi conditionem te deducere conantur, cum authores sunt, ut quæ illos præcipites agit, sententiam amplectaris. Quid reliquum est, nisi ut Iudæorum quoque, qui nunc uiuunt, exemplo suadeant, ut Christum ipsum Messiam fuisse ne gesta qua quidem impietate nō ita certe multū absunt, eo enim mox perueniet, qui iam Petri successorem Christi uicarium esse negauerint. At obsecro, quænam hodie sub cælo gentes maiore in miseria degunt, his duabus; quarum altera Christum Messiam negat, altera Christi uicarium nō agnoscit: ut iustissimo Dei iudicio has impietatis suæ penas luant: cum quæ supra reliquas omnes nationes omnī cognitionis luce illustratæ fuerant, ut Dei uoluntatem & cognoscerent, & plurimi semper facerent; postquā illam repudiauerunt, reliquis gentibus, quæ ab illis, ut barbara & seriles despectui habebantur, minus nunc cognoscant, & omnes

22  
23 i. Cor. ix.

Pape persona contra  
net uiuunt ecclesie.

Græci auctoritatem  
Rom. Pont. agnosce-  
rant antiqua & Tur-  
ca Constantinopolis  
tæperetur.

Concilium Florenti-  
nam.

Iudæi qui Christi  
Messiam negant, &  
Græci qui uicarium  
Christi non agno-  
sunt, miserrime ui-  
uunt.

## LIBER

um durissimam seruitutem perferant. En illa præclara exempla; quæ tibi pueri tui proponunt, ad quorum cognitionis normam tuam scientiam dirigere debeas. Verum in hoc quidem suis ipsi factis constant. Qui enim Regi ad imperandum Turcicam discipulinx formam proponunt, tibi ad parandum seruilem Turcarum necessitatem offerunt. Quid enim magis cum Turcico illo domitu congruit, quàm quod Rex nunc sibi uendicat, ut plus unus ipse nutu possit quàm omnes leges, quàm omnia uetera iura, atque instituta ipsa ualeant, qui omnia omnium priuilegia rescidit, omnium iura ad se transtulit: qui religionis controuersias gladium manu tenens decidit. Atque hoc Turcicum plane, & barbarum. Sic enim Turcæ religionem se tueri dicunt, cum gladium ostendant. Sed ne hoc quis dem magis, quàm illud quod modo dixi, ut unus omnia pro sua libidine mutet. Quando enim unquam, non dico in Anglia, ubi semper populi liberiores sub regum imperio fuerunt; sed omnino in aliquo christianorum regno, auditum est, ut unus sic plus omnibus posset, & sic omnia suæ potestati ac libidini subiecta haberet, ut nullum cuiquam contra illius uoluntatem præsidium in legibus constitutum esset, sed regis nutus omnia moderaretur? O Anglia, si non penitus tuæ pristinæ libertatis memoriam abieceris, fac tibi ante oculos nunc ponas illud tempus, cum Reges ipsi, qui male res tuas administrasse uiderentur, ad rationem publice reddendam autoritate legum adducebantur. Quantus tibi illa cogitanti dolor simul & indignatio debet existere, cum Regem uideas, omnes non ad rationem uocare, sed nullo iure diripere, spoliare, condemnare, ac trucidare res tuas omnes dissipare, & tibi, ut cum pueris agi solet, post plagas nihil relinquere præter lachrymas? Ita enim tu nuper trueidaris in conspectu tuo optimis uiris, qui tuum ius & libertatem, & quod omnium indignissimum est, Christi & ecclesiæ causam defendebant, nihil opis asserre potuisti præter lachrymas, & inanem commiserationem, quæ facinorosis etiam, cum pereunt, denegari non solet. At ne lachrymæ quidem tibi post hac tutæ erunt: atque haud scio an nunc etiam sint periculosissimæ. Iampridè tibi os oclusum est, ne loqui posses. Quid restat, nisi ut lachrymas etiam & suspiria prohibeant? si lachrymas miseris, si ingemueris, siquam doloris significatione deris, uapulabis, grauiore ac plures plagas accipies. Quam tibi reliquæ tuæ fortunæ in tuto sunt, cum post eorum, quæ maxima habebas, bonorum ereptionem, ne lachrimandi quidem aut liberius ingemiscendi facultas relicta sit? Sed quid ago? nihil ne præter

*Africus Turcico more dominatur in Angliis.*

*Anglii sub aliis regibus liberrime semper vixerunt.*

*Anglii, Reges suos ad rationem publice reddendam aliquoties cogunt.*

*Anglii suam miseriam nec eloqui nec de flere licet.*

præter lachrimas loqui possum, qui cōsolationē pollicitus sum; qui has partes patriam alloquendi mihi sumpsi, ut consolarer, ut lachrimas abstergerem? An hoc est abstergere lachrimas, cū miseriam alicui uitæ conditionem proposueris, & quamaxime miserabilem, sicut re uera est, sic etiam uerbis & oratione ostenderit, tum ereptam etiam esse, quæ nulli eripi uideatur posse, libertatem diceres? quo quid cogitari miserius, & lachrimis dignus potest? An hoc meum promissum fuit, ut te in hac miseria iacere paterer? Minime sane, nec uero te patria deseram, nisi tu ipsa te deferi uolueris. Ac primum fretus Dei misericordia, tibi denuntio, esse in tua potestate situm, utrū perpetuo doleas, an sumum dolorem maxima læticia commutes. Sed nonne hoc ipsum prius ostendi, cum Dei in te benignitatem ac clementiam exposuissim? cum sanctissimorum hominum morte, quasi quibusdam hostiis caelis, fœdus tibi cum Deo renouatum esse dixissem? quod quis dem si sancte obseruabis, iam ille omnem lachrimam, ut inquit Propheta, ab oculis tuis absterget, & omnē mœroris causam sic auferet, ut nihil præter gaudiū & lætitiæ materiam relinquat. Sed quid nō obseruares, cum nihil in eo fœdere nouum sit, sed omnia translatitia? cum nullæ nouæ a scriptæ sint conditiones, sed eadem illæ, quas paulo ante agnoscebas libenter, quanquam non nisi atramento in charta scriptas, in cordis tui tabulas relatæ & sanguine martyrum consignatæ, ne qui te abducere a Deo cupissent, adulterare illas possint, ne te uersuta & mālitiōsa ingenia ad suum nefarium quæstum, uel perniciem potius & tuam & suam, noua aliqua interpretatione inuēta, abducant. a quibus tuum omnine malum est ortum, quod quidem magis magisque indies serpebat; nec constitisset priusquam te totam occupauisset, planeque confecisset, nisi Dei misericordia tuæ ignorantię subuenisset, atque eo modo, uolūtatem suam perscripisset, ut non minus quiuis indoctus quā doctissimus quisque eam & legere & intelligere posset; ad quod sane assequendum nulla præterea arte opus est: pius & christianus animus satis est: quem qui afferet, et si literis doctrinæque caruerit, nihil is doctissimo quoque inferior erit ad uolūtatem Dei ex hoc, quod dixi, scripto perspicuendam. Quinetiam omnes qui illam ementiri ac calumniari conabuntur, quantumque ingenii & literarum nomine se iactent, sic refellere poterit, ut quo se uertant non habeant. Quid enim quæso dicet qui doctrinæ opinione inflatus est, aduersus eum qui nullis sit literis imbutus, in illis causis, propter quas Christus suos sanctos, quos

*Morte sanctissimorum  
cuius fœdus Angliæ  
cum Deo renouatum  
est.  
Hic. xxv.*

*Voluntas Dei in san-  
guine martyrum per-  
scripta.*

*Indocti quid respon-  
dere possint scilicet ra-  
tionem, aut scripturæ  
uē uerba ad impu-  
gandam ueritatem  
afferunt.*

## LIBER

tu optime cognouisti, mori uoluit? Locos credo scripturæ alijs quot citabit, iisq; expositionem suam contra Rossensis & Mori sententiam callide excogitatum adhibebit. At simplex Christianus, qui hosce tales uiros nouerit, quid respondebit? hoc scilicet, quod est apertissimum, Rossensem & Morum ratione non caruisse, sed potius sic ea prestitisse, ut omnium iudicio nulli non anteferrerentur; qui non in scholis tantum specimen ingenii dederint, sed in luce regni, maximis in causis, & omni genere disciplinæ, quo ingenium excoli solet, ita sint uersati, ut nulli multis sæculis, literis & ingenio clariore extiterint. Quare siquid ratio in sensu scripturæ percipiendo ualere potest, plus illis credendum esse, qui & plura & grauiora testimonia doctrinæ & ingenii habuerant. Atq; hæc quidem quiuis indoctus uiuis etiam tum Rossensi & Moro dicere potuisset, uel doctissimo cuiq; qui illorum sententiæ suam opponeret. Quæ cum diceret, nemo certe in tota Angliâ fuisset, qui post hanc responsionem quicquam ultra obieceret. Nunc autem postquam illi sanctissimi & doctissimi uiri de uita maluerunt quam de sententiâ decedere, quid indoctus contra hos ex scriptura citatos locos ad oppugnandam talium uiro-  
rum sententiâ, dicet? Nempe hoc. Nos uero libros quos tanto pere iactatis, uobis relinquimus; qui cum charta & atramento constet, pro uestri ingenii prauitate perueriti a uobis, & in diuersum quam scripti sint, sensum torqueri possunt, uerba non attendimus; quæ etsi Dei uoluntatem contineant, quam ii cernunt, qui ecclesiæ, id est spiritus sancti lumine, mentis aciem illustratâ habent; maliciose tamen interpretatione adhibita, quasi fallaci alijs qua e uitro transfusa obiecta, errorem simpliciorum oculis offere possunt. Id quod moliri uos, atque omnibus modis agere nunc animaduertimus. Vt enim præceptum illud Dei primo generis nostri authori datum, quamuis simplicissimam ueritatē contineret; dolo tamen & callida interpretatione serpentis elusum est, qui cum flagraret hominis odio, studium simulans, se illi consiliarium obtulerat: sic nos uestram istam prudentiam nihil ab illa serpentis, id est Sathanæ prudentia distatē, uestras suasiones, eo semper spectasse nunc agnoscimus, ut ambitioni ac cupiditati uestræ, quam egregie nouimus; non nostræ utilitati, cuius nulla unquam ratio uobis fuit, cōsuleretis. Itaq; etsi diu nos; ut ille serpens primos parētes, decepistis simulatione beneuolentiæ in nos; homines præsertim literarū ignaros; cum fucū etiam & lenociniā uerborum ad suadendum adhiberetis: aliquando tamen

*Heretici in Angliâ  
scripturam torquent  
ad suam sensum.*

*Heretici in Angliâ  
imitantur serpentis  
simulationem.*

tamen Dei misericordia, quales essetis, nobis patefecit, cum libros aduersus uestram istam fallacē sapientiam, tales milic, quos & legere omnes, & intelligere possemus. Quo factum est, ut non amplius uerba audiamus, sed iā res spectemus; & eas digito Dei scriptas, sanctos inquam Dei martyres, quorū mors uitæ ex Dei & ecclesiæ præceptis constanter actæ consentiēs, plus nobis unius co aspectu, quoties in ipsam intuemur, de uoluntate Dei ostēdit, quam omnia hominis aut manu scripta, aut uoce enuntiata possent. Qua in morte nisi inter alia hoc etiam legeremus, pro inimicis orandum esse; fieri sane non posset, ut uim a uobis manusque abstinere; tanquam a lupis, quos uideamus gregem domini dissipasse, multos ex eodem grege deuorasse, reliquorum uitæ ac saluti insidias comparare. Sed spatium scilicet uobis damus, ut eosdem nobiscum libros legatis, quod si facere recusetis, non minorem nostram clementiam in uos, quam in lupos, & communes animarum nostrarum hostes expectetis. Verum apagate, ne nobis post hac nouas uerbi Dei expositiones ingeratis. O magnam nostram cæcitatem, qui tam sero hæc uiderimus, quæ erāt maxime perspicua, quorsum noui isti dogmatum authores tenderent. O leuitatem incredibilem nostrā, qui nescio quibus adolescentulis, quorum uirtutis ac doctrinæ specimē nullum nobis extaret, noua dogmata, nouas scripturarum expositiones afferētib, maiorem fidem habuerimus, quam sanctissimis & omni litterarum genere ornatissimis senibus, tot sæculorum perpetua cōsuetudine firmatam ecclesiæ sententiam nobis proponentibus. Quanta hic cæcitas, quanta hic leuitas nostra fuit? sed nimirum artifices illi fallendi, sacerdotum corruptos mores nobis assidue proponebant, ut his tanquam tenebris menti nostræ offusis, dogmata illorū improbaremus, quorū uitam probis omnibus cōtaminatissimam intueremur. At quanta hic cæcitas erat? quasi uero dogmata ipsa, prodita primum essent ab illis sacerdotibus quorum uitia execraremur; aut quasi hoc satis causæ esset ad reiciendum doctrinam sacerdotum, quod illos improbos esse sciremus; & non potius tum maxime amplecti illam deberemus, si sacerdotum moribus offenderemur; quos quidē mores si corrigere cuperemus, tum maxime suis ipsi decretis astringendū erant, non etiam illa soluenda, quæ semel sublata, non solum illos licentiores, sed uniuersum populum ad omne facinus audaciorem ac prociōriorem facerent. Sed talis fuit cæcitas nostra; quæ si nos Deus premi ad tempus passus est, ut maius postea lumen nobis

*Hæreticorum ars ad  
decepiendū populum  
exercitata.*

*Leges ecclesiæ non  
sunt reiciendæ, pro  
pter malos sacerdōtū  
mores.*

## LIBER

offerret, nunc certe illius misericordiæ gratiæ sunt quæ maximæ agenda; & in eum, quem nobis ipse proposuit archetypum librū suæ uoluntatis interpretem, oculi semper intendendi, ac reiectis omnibus quæcūq; ab hominibus res nouandi cupidis, primum proferentur, uetera, quæ nunquam exolescere possunt, credenda & amplectenda. O patria, si qui apud te sunt ignari literarum, istis tuis literatis noua doctrina intumescens, hæc dicerent, quæ omnia in eorum sanguine, qui uetera defenderunt, digito Dei sunt scripta; quàm cito uocem iis & omnem loquendi facultatem eriperent? Quod si tu ipsa idē & sentires & diceres, quàm cito Deus omnē lachrimarū causam ab oculis tuis abstergeret? Quàm omnia pro lachrimis, læticia & gaudio complerentur, cuius plausus, audeo dicere, ad cælum usq; perueniret? At qui si tuā quietem, tuam tranquillitatem, tuum honorem, si salutem deniq; non hanc solum præsentis sæculi, sed multo etiam magis illā futuri retinere uis; non potes non idem sentire ac profiteri, Deoq; maximas gratias agere, qui tali exemplo sanctissimorum hominum, quale multis iam sæculis uisum nusquam est, tuæ cœcitati & peruersæ hæsitatiōi in rebus, quæ maxime ad salutem tuam pertinent, mederi uoluerit. qui si per homines suam uoluntatem tibi declarari uoluit, quos potuisti tu eligere ad Dei sententiam perferendam aptiores iis, qui suo sanguine scriptam attulerunt? Nec uero iam loquor de Rossensi & Moro, quibus sine controversia meliores aut doctiores nunquam cognouisti; sed non de singulis hominibus nūc loquor: totos ordines tibi propono, per quos Deus uoluntatem suam tibi denūtiare uoluit, qui ordines permultos tuo etiam iudicio optimos homines habebant. Sic enim dico, si religiosorum hominum ordines ad Deum legatos mittere uoluisses, reputa quæso paulisper quosnam potissimum fuisses missura. Sed quid opus est tempore ad cogitandum? En Cartusienſium ordo. En Brigittenſium ordo. Et hic facere non possum, quin unum nominatim appellem, quem ego familiariter noram. ei Reginaldo erat nomen, qui & uitæ sanctitate cum præcipuis illorum erat comparandus, qui exactiorem ad Christi normam uiuendi rationem profitentur; & quod in paucissimis eius generis hominum reperitur, omnium liberalium artium cognitionem nō uulgarem habebat, eamq; ex ipsis haustam fontibus. Nam trēs præcipuas linguas, quibus omnis liberalis doctrina cōtinetur, probe callebat, & solus ex monachis Anglis callebat. Ad cuius sanctitatis pariter & doctrinæ laudē in omne tempus confirmandam,

*Gratias Deo agere,  
qui mortis infestissimo  
rum hominum cœcitate  
Anglorum mederi  
uoluerit.*

*Reginaldus Monachus  
Brigittenſis populi  
tribulo afflicti, summiq;  
mortalitatis, concione  
egregia populum hor-  
tatus est ad perseque-  
randum in fide catho-  
lica, pro qua se mori  
palam professus est.*



confirmādam, & ad cumulum pietatis in Christum, & in te o patria charitatis ostendendum, nihil deesse uidebatur, nisi ut cum aliis heroibus tuo tam necessario tempore ueritatis testimoniū legationi, sanguine suo daret. Dedit, & inter primos dedit, tanta quidem animi constantia, ut, quod mihi retulit, qui se ei spectaculo interfuisse, & omnia quæ agerentur attentissime obseruasse diceret, cum in illū feralem laqueum caput infereret, torquem potius regni insigne, quā supplicii instrumentum induere uideretur. tāta erat in uultu alacritas. O beatum uirum, & dignum cui tu patria plurimum credas. Cæterorum nomina non noui, sed scripta sunt in libro uite. Nos uero ordines enumerare cepimus, qui causæ Christi testimoniū dederunt; & duos iam protulimus, quibus sanctitatis opinione, nulli in Anglia præstant. Restat alius, qui est obseruatium ordo sancti Francisci. Quos nam habes, quos cum iis tribus conferas; uel potius quosnam habes, cum ab iis discesseris, qui non prorsus ab instituti sui authoribus degenerauerint? Hoc scio te statim mihi assensuram esse, si uel minimo temporis momento cogitationem ad alios ordines retuleris. Et nunc non uides Dei erga te bonitatem, qui horum morte, horum sanguine, horū exilio (exulat enim apud te, sicut obseruantia ueterum omnium legum sic ordo ipse uniuersus fratrum obseruantium) sententiā suam testari uoluerit? Quid præterea expectas? An ut Christus ipse descendat, ut iterum morte sua testimoniū ueritati præbeat? Si hoc non expectas, cū Christus uicta semel morte amplius mori non possit; grauius certe ac maius testimoniū quam quod iam datum est, expectare nō potes. Hæc enim sunt uiua membra Christi, & in iis ipse etiā Christus quodammodo passus est, per hos tibi patria scientiā ueritatis, per hos salutem tuam tibi nuntiari uoluit. Quid enim? nō ne agnoscis summum tuum honorem, quem exteræ omnes nationes depredicant, admirantes tam solidam ac firmam fidem apud te hoc corruptissimo sæculo inuentam esse, quam uix sperassent posse usquam reperiri? Sed quid exteræ nationes horum uirtutem admirari dicor? Angeli sane ipsi admirati sunt: & quod de Christo post passionem ad gloriā reuertēti, in persona loquens angelorum propheta dicit, Quis est iste qui uenit de Edom tinctis uestibus de Bosra? Hoc idem cum summa admiratione exstimato eisdem angelos dixisse de illis Christi mēbris ad Christum post martirium uenientibus. Qui sunt isti qui a deferta orbis parte ueniūt, tinctis uestibus de Bosra? Nihil profecto mul-

S ii

*Beijtenfer, Carmi  
ensis, & Franciscan  
ni, religiosissime in  
Anglia uixerunt.*

*Vniuersi fratres ob  
seruantes in Anglia,  
quod dicitur Francis  
scum fecuti: Patam  
dixerunt caput esse et  
ceteris in carcere cū  
illis fuerunt. & An  
no Domini M. D.  
xxxviii quidam etiā  
eiusdem ordinis, no  
mine Forcellus, uenit  
eandem finem, eadem  
de causis quæ hæ  
reticis cōbussit fuit.*

*Magnus honor Ang  
lorum, tot protulisse  
martires.*

*n. Hæ. lxxiii.*

”

## LIBER

tis sæculis, nec in cælo, nec in terra simile uisum est, nullum eius  
 modi miraculum est factum, hoc certe plus est, q̃ cæcorum oculus  
 aperire, claudorum pedes stabilire, mortuos excitare, si ipsa  
 illarum animarum, quæ in religione cæcæ, claudæ, mortuæ denique fue  
 rant, iam uiuæ sensibus diuinis fruuntur. Quare agnosce Anglia  
 beneficium Christi hoc in te maximum: etsi adhuc nescis, quan  
 tum illud futurum sit. Quis enim scit, an hæc Christi benignitas  
 quæ in te primum apparuit, ita sit ad omnes partes christiani or  
 bis permanatura, ut quæ uitiosa illic sunt mēbra, sanent? Quis  
 scit, an nobilis illa Germania, olim quidē religionis fama nobis  
 lissima, quæ de poculo erroris ex manu iræ domini bibit; de po  
 culo salutis, quam Deus tibi primū propinauit, etiam ipsa sit bis  
 bitura: cuius Germaniæ tu quasi colonia dici potes. Tuus enim  
 populus a Germanis originem duxit. Qui scis igitur, an Deus  
 filiam matri poculum salutis propinare uelit? Vt cunq; sit patria,  
 tuus hic iam honor est Christi beneficio, quod in te Dei thesauri  
 sint primū in hoc corruptissimo sæculo explicati, quos omnes  
 prouinciæ admirantur. Ac historiæ quidem nobis referūt, te pri  
 mam prouinciarum omnium ab Eleutherio Pontifice Romano,  
 Rege Lucio, publice fidē Christi suscepisse. Ita & tum Christus  
 hunc tibi honorem detulit, ut princeps cognitionem sui publice  
 acciperes, & nunc qui proximus huic honor est, certam ac firmā  
 de uicario suo persuasionem, apud te primū reuelari uoluit. Quæ  
 etsi ante non incognita fuit, tamen hoc modo testatam aliquādo  
 fuisse, id est eodem quo Christus ipse sese mundo notum esse uo  
 luit, ante hoc tempus non legimus. Quare tuus est hic quoq; ho  
 nor Angliæ præcipuus, tibi a Christo datus, in quem noli iam ef  
 se ingrata. Etsi nunc Rossensis tui caput, si Mori tui caput, si cæ  
 terorum sanctissimorum hominū membra dissecta, & ad specta  
 culum proposita aspicere libet, potes id quidem nō modo sine la  
 chrimis, sed cum gaudio, hilaritate, & gratulatione; ut tibi per  
 magnæ gratiæ Deo agendæ sint, quod tales uiros in ista insula  
 existeret uoluerit, non ab externis terrarum oris eo appulso, sed  
 indidem natos, & ibi susceptos, quorum cum perpetua uita tibi  
 ad recte & faciendum & sentiendum exemplar, tum mors etiam  
 quasi liber quidam esset, sanguine non atramento perscriptus, in  
 quo quæ ad dignitatem salutemq; tuam pertinerent, legere sem  
 per posses. Atq; hic nunc patria te relinquo, hic meam ad te ora  
 tionem concludo. Cupio enim te iam in eorum sanguine ea cer  
 nere, quæ ego nullis uerbis satis explicare possem. Quare te ab  
 iis longius

*Anglia Germaniæ co  
 lonia.*

*Auctoritatem vicarii  
 sui Christus primum  
 in Angliā martyrum  
 sanguine testatam esse  
 se uoluit.*

iis longius non euocabo, si unum tantum admonuero, ut ultimam Roffensis uocem, ultimam Mori recorderis, quas in eorum sanguine scriptas non reperiēs. Sanguis enim illorum clamat uindiictam in authores sceleris. Sed ipsi scilicet pro Regis salute orabant, pro eius capite, qui sua capita praecidi iussisset, Deo supplicabant. Sic fecerunt reliqui omnes, qui eandem ob causam sunt mortui. Tu idem fac patria; roga Deum, uti non solum bonos uiros Regi consiliarios tribuat, ut illi inter cetera pro eius ac tua salute orant; sed hoc etiam amplius, quod illi et si diserte non dicerent, intelligebant tamen Regi eum ut animum det, ut bonos consiliarios audire possit. Nunquam enim ei boni uiri defuerunt, quos consularet, uel qui etiam se ultro consultores offerret. Sed hinc nimirum omnis eius miseria atque infelicitas pendet, quod cum bonos habeat, malis potius aures accommodet; auscultet eos, qui quod libenter audiat, insusurrant, Regis esse omnia. Quāto melius, & sibi honorificetis, iis reiectis illos audiret, qui quod uerum est dicunt, reipublice esse omnia, tua o patria esse omnia, ad Regem nihil pertinere, nisi ut quae communia sunt omnium, ex reipublicae utilitate procuret & administret. O quantum hic honoris, quantum uerae securitatis, quāti thesauri in hac oratione insunt, si eam auscultaret. Sed tu patria fac memineris earum uocum, quas morientes sancti illi uiri pene cum sanguine ipso effuderunt, ut pro eius salute, qui tuam in summum discrimen adduxit, Deum roges. Quid enim desperas ne qui talia perpetrauerit, posse ad sanitatem reuocari? magnas quidem causas desperandi habes. Sed recordare Dei misericordias super alia opera eius opera admirabiles esse. An uero qui ad duarum foeminarum charitate incensas preces hominem mortuum, & quartum iam diem sepulchro inclusum, ac foetentem, ad uitam reuocauit, principem tuum propter peccata mortuum, & in naribus ecclesiae foetentem, cum una prouincia tota ad supplicandum conspirauerit, non excitabit? Qui pro peccatis nostris mortuus est, tot superplurimam preces repudiabit? Si Mariae & Marthae pro fratre preces non solum Deo gratas fuerunt, sed ita ualuerunt, ut post summam omnium desperationem, Lazarus a morte ad uitam traduceretur; en altera Maria, en Martha altera. Caterina enim uxor, & Maria filia, altera pro uiro, pro parente altera rogat, nec ullis suis iniuriis retrahi a precibus possunt. En quā pia ac sanctae preces. At quem rogant eum qui uitam & mortem in sua manu habet; eum qui non uult mortem peccatoris, sed magis ut con-

*Sancti uiri iam morituri, pro Regis orant*

*Orandum ut Rex bonos consultores audiat.*

*Regi non Regis sunt omnia.*

*Non desperanda Regis sanitas.*

*Io. xi.*

*Caterina uxor, Maria filia pro Regis salute Deum orant.*

# LIBER

Ezech. xviii.

*Naturam præstat  
ut proximis ore,  
mut.*

*Achab sceleratissimus  
per penitentiam  
seruatus est.*

iii. Reg. xxi.

*Anna Bullena Lege  
bel.*

*Horricus si caput de  
reuerit eia Achab silu  
nat erit.*

uertatur & uiuat; eum denique qui hoc ipsis in animum induxit, ut assidue orarent; qui uires supra humanam naturam dedit ut ore possent. Quid enim patrias puras ne naturam nostram præstare hoc posse, ut tot & tam atrocibus iniuriis affectæ, pro eius salute assidue orando persisterent, qui omnes intulit? Si hoc non potest dici, quis tantam mansuetudinem, tantam patientiam dedit, præter Christum? Quis hoc illis suggessit, de quo natura cogitare nunquam potuit, præter Christum? Quis autem donare potest quod petunt, præter Christum? Quod si potest, qui impulit ut peterent, qui uires sustentauit, ut perdurare possent; de eius uoluntate quin etiam uelit, dubitabis? illic ne tu desperabis, ubi formidare sperent? Si exempla te ad sperandum erigere possunt; quantum exemplum habes in scriptura de Rege Achab, quem uxor ad impietatem & ad eadem prophetarum impulcrat; de quo ita legitur. Igitur non fuit talis sicut Achab, qui uenundatus est, ut faceret malum in conspectu domini. concitauit enim eum Iezabel uxor sua, & abominabilis factus est. Hæc de Achab dicit scriptura, cui Deus per Prophetam ita minatus est. Si mortuus fuerit Achab in ciuitate, comedent eum canes: si mortuus fuerit Achab in agro, comedent eum uolucres cæli. & tamen de eodem Achab, quem Propheta de uindicta Dei ob ipsius peccata admonuit, quia ad penitentiam conuersus est, in tantum ut de eo scriptura dicat. Cum audisset Achab sermones istos, scidit uestimenta sua, & operuit cilicio carnem suam, & dormiuit in sacco, & ambulauit demisso capite; de eodem igitur Achab hæc ad Prophetam uerba a Deo facta sunt. Nonne uidisti humiliatum Achab coram me? quia igitur humiliatus est mei causa, non inducam malum in diebus eius. En quantum exemplum misericordiae Dei; & eo quidem tempore, quo Dei misericordia & gratia in humanum genus non ita patebat, cuius fontes Christus nobis aperuit. Qui si hunc Regem tuum, de quo plane dici potest, nullus unquam Rex ita uenundatus est peccato in ecclesia Dei. concitauit enim eum uxor Iezabel: si hunc igitur demisso capite, de posito inquam nefario capitis titulo, ambulantem uiderit, si humiliatum uiderit, an eum reiciet qui pro peccatoribus & iniustus est mortuus? an non potius in complexum accipiet? non fouebit? non peccata & sordes omnes emundabit? & eum meliorem sibi ac tibi restituet? si restituet, plane meliorem reddet. Nec enim qui post tot scelera euaserit, mediocri uirtute contentus esse poterit. Heroica omnia ab eo expectato. Sed quæ spes humiliationis? si tantum

tantum peccata agnouerit, ego illum tibi (ſcio enim cuius potē-  
tia fretus dicam) humiliatum, & p̄inde ſupra omnes reges exal-  
tatum iri polliceor. Verum hoc tantum nunc ago, ut ſua illi  
peccata oſtendam; hoc me Chriſtus agere uoluit, quem nondum  
tanto honore dignari uoluit, ut meo ſanguine ea cōſignaret, quę  
ad tuam ſalutem p̄tinerēt, quemadmodum illis fecit, quibus cū  
eram ſententię ſocietate ſemper coniunctiſſimus: Sed cum de ui-  
ris ſanguinum animam meam liberaſſet, tum eo loco me conſti-  
tuit, unde tantorum ſclerum authores, libris poſſem calamo &  
atramento ſcriptis tuto increpare; maxime uero Principi ipſi ma-  
gnitudinem peccati ſui maiore libertate oſtendere. Id quod nūc  
patria ago; & agam, quando hæc eſt uoluntas Chriſti. Tu tanti  
ora, ut quę Rex noſter me monſtrante nō poteſt nō uidere, agni-  
ſcere tandem & conſiteri poſſit. Quare, te dimiſſa, ad meum mu-  
nus reuertor, ut eum alloquar, & ei peccata, quę grauiffima coi-  
Deo amiſiſt, pergam oſtendere. Verum poſt tam ſcleratorum iu-  
diciū, quo tanti uiri, ornamenta non ſolū regni uniūſ, ſed prope  
totius orbis, eo ſunt authore condemnati, & crudeli morte af-  
fecti, quo pacto eum alloquar? Quę uerba inueniam? An Eze-  
chielis prophetę ad Sedechiam regem, poſt non diſſimile factū,  
uerbis utar, atq; ita dicam? Tu prophane, impie dux Iſrael, cui  
us uenit dies in tempore iniquitatis præſinita, Hęc dicit domi-  
nus, aufer cydarim, tolle coronam, nonne hæc eſt quę humilem  
ſublimauit, & ſublimē humiliauit? iniquitatem, iniquitatem, inis-  
quitatem ponam eam; & hoc non eſt factum donec ueniret cuius  
eſt iudiciū, & tradam ei. An ego nunc eodem modo te Prin-  
ceps, cui nō ſatis eſſe unum caput, una corona poteſt, Chriſti uer-  
bis compellem, ut denūtiem cum dies ultionis tibi præſinita ad-  
uenerit, cydarim tibi & coronam ereptum iri, qui non ſemel inis-  
quitatem, aut ter, ut Ezechiel in Sedechiam exclamat, ſed iā ſæ-  
pius amiſiſtiſ? ſed nondum faciam, ut te diuini iudicii admo-  
nam: de hominum tantum iudicio, de tuo ipſius de te iudicio, pri-  
us loquar. Ita ne ueroſ? Tu tales uiros, qui tuo iudicio olim, oſ-  
mniū autem qui illos norant ſemper innocentia, uirtute, doctri-  
na, præſtantiſſimi ſunt habiti, hos nullam aliam ob cauſam, niſi  
q̄ contra conſcientiam ſuam impijs tuis legibus aſſentiri nol-  
lent, potuiſti morte afficeret nec tuum ipſius iudiciū de illis,  
aliorum de te ipſo ueritus eſ, ut niſil de diuino nūc dicam; cum  
ſcires bonis omnibus horum memoriā iucundiſſimam ſemper  
& maxime uenerandam fuiſſet Roſſenſem tu interficere potuiſtiſ?

*Author Henrico regi  
ſcribit ſuam oſten-  
dit, ſicut olim Helui  
Achabo.*

*Deſinit alloqui Angli-  
am, & redit ad Regem.*

» Ezech. xxi.

»  
»  
»  
»  
»

## LIBER

Morum tu necares? Tantum tu scelus concipere, tantum admittere dedecus potuisti? Mihi quidem, qui ipse nō adfui dum fieret, hæc animo reputanti, quasi dirum aliquod insomnium occurrūt; & qui referunt, somnia mihi sua narrare interdum uidentur. ita præter & meam & omnium de te expectationē accidit, ut tu tanto scelere te obligares, nō solum in illos homines quos omnium optimos noras, sed in ecclesiam Christi cui illi erant utilissimi.

*Nero tales homines non interfecisset, nec Domitianus, tali de causa.*

*Offensus & Morus aduersus Lutherum scripsere.*

At certe nec Nero nec Domitianus, quanquam infestissimi christiani nominis hostes: si eos homines nouissent quemadmodum te certo scio nouisse, tam in illos immanes ac feri fuissent. Au-  
deo autem iurare, ne Lutherum quidem ipsum, si Rex in Angliā tuo loco fuisset, qui hosce duos homines acerrimos aduersarios præter reliquos oēs expertus est, quem illi tot suis scriptis quotidie incescebant, sibi in animum inducturum fuisse, ut se talium uiro-  
rum cæde uindicaret. At quid in te tam graue commiserāt, quem nec uerbo unquam nec facto aliquo læterant? Impio uides licet decreto subscribere noluerant. Quid si noluerāt? Nonne satis supplicii erat in illa perpetui carceris pena, quam tu iis infligeras? cuius carceris pedorem, quindecim iam totos menses tum cum ad mortem educebant, perpassi fuerant. O Deum immortalem, in talibus uiris hoc tantum supplicium, nulli ipsorum culpæ, sed præclarissimo potius facto irrogatum, cuius quantumuis barbari & crudelis hominis animo non abū de satiffecisset? Tu quidem non satiffecit. Iterum ex carcere, quasi ex sepulchro hostes mortuos extrahi iussisti, ut dilaniatione etiam corporis effectum & immanem animum tuum pasceres. Illi enim perpetuo carceri addicti, quasi homines iam mortui & sepulturæ mandati erant. Quid noui quæso tum ab illis acciderat, ut iterum ad aliā mortem extrahi eos uelles? Quid noui ab illis monachis factū erat, qui sponte propter Christū, se in loca sola, & inaccessa, quasi in perpetuos carceres, abdiderant? Quid inquam commissum ab his erat, cur illinc abreptos, non una morte, sed pluribus dis-  
cruciari iuberet? quid illud tandem causæ fuit? Nihil sane, nisi quod semel cōcepta in animo tuo impietas te in uno impie facto consistere passā non est, quiescere illic non siuit; sed ut scelere scelus cumulares stimulauit. Sed si non prorsus furis & cæca quadam cupiditate actus hæc agebas; saltē aliquā afferres facti tui rationem, mitto iustā (hæc enim ne fingi quidem posset, ut maxime iusta lex fuisset cui illi subscribere nolebant, quæ certe iniustissima, ac plane impia erat) sed quæ omnino ad iuris precipiem-  
probabiliter

*Impietas mater omnium scelerum.*

probabiliter usurpari posset. Quæ autē afferri in eos potuit, qui ante legem promulgatam in perpetua erant uincula iudicū tuorum sententiis coniecti, ut iam non in ciuium numero essent, nec de legibus, probarent ne eas an improbarent, interrogari deberent. Id quod peritissimus iuris Morus, in suo ipsius iudicio cū causam capitis diceret, iustissime respondit. Et propterea nunquam est auditum, qui nec uerbo nec facto in leges peccauisset, quenquam esse ob silentium damnatum; eum præsertim qui nec interrogari debuisset, cum ciuitatis pars non esset, nec ullo modo restitisset. Sed omittamus iniquitatem, quam Deus hoc modo ad perpetuum tuum dedecus insignem omnibus esse uoluit. Nihil nunc loquor de iustitia facti; de fine tātum loquor. Quid igitur tibi cum proponebas, cum homines innocētissimos, decus regni tui occideres? quam uel utilitatis adeptionem, uel damni declinationem? Hæc enim Tyrannorum mentes sæpe a iustitia abducunt. Dic ergo aliquando, quid commodi ex eorum morte sperabas? At id iam uideo; nimirum ut palā necaris tam illustribus uiris, illo iniecto terrore, reliquorum ora obstruerentur, ut nemo ne hiscere quidem contra legem, nemo (ut apud Esaiam est) in Tyranni Assyriorum personam pennam mouere, aperire os, aut mussare auderet. Quis enim si loqueretur quod contra legem tuam esset; clementiam aliquam speraret, qui animaduertet Morum & Roffensem eandem ob causam morte esse multatos? Fuit ne hæc prudentia capitis ecclesiæ malignantiū? Fuit sane, nec ulla alia causa esse potuit, nisi hæc, ut aliorum omnium animi metu retinerentur, quo minus legem improbare auderēt. Sed uide nunc, ut hæc diabolica prudentia tibi in contrariū cesserit, eodē plane modo, quo omnia quæ ab illo authore emanāt, execrata a Deo sunt. contra enim semper atq; expectabatur, cedunt, Quemadmodum scriptura nos de terra docet maledicta, quæ pro frumento expectato affert spinas, pro emolumento damnum. Si enim ulla unquam in re homines ad maledicendū inuicasti, in hac certe talium uirorum cæde maxime inuicasti. Quis cunq; enim boni sunt, quos tu solos uerebaris, a quibus solis tibi metuebas, non modo nihil sunt deterriti, sed haud scio qua re alia excitari magis potuerint, & ad loquendum & ad agendum omnia quibus conatus tuos impedirent. Quid enim? mortis ne metu eos deterrebis? & quis est sic sui amans, modo recte de fide in Christum sentiat, & uel Morum, uel Roffensem nouerit, qui iam post hos tanta uirtute & doctrina homines, dubitabit, quod

*quem fuit Rex spes  
fluere, quam tam  
præclaras uirorum  
dedit.*

*Ep. x.*

*Gen. iii.*

*Inuicta Roffensis ac  
Mori cædes omnium  
ora contra Regē ape  
runt.*

# LIBER

illos perpestos uideat, si res ita feret, ipse perpeti: nec enim antea qui causam tuam improbabant, timore prohibiti tacebant; sed quod quandiu duo illi uiuerent, non sine spe quadam erant, posse se te aliquando ad sanitatem redire. Quare nolebant te, immaturo adhuc tempore, uerbo aut scripto, praesertim ipsi non appellati irritare. Nunc post hoc factum ita omnium animos cum indignatione in te, tum etiam tui desperatione replesti, ut nesciam an unquam post Christi ipsius mortem aliquid fuerit apud oēs christiana nos tua summa infamia ac dedecore uulgius. Hoc quidem certe constat, neminem unquam christianum regem, liberius omnium uocibus cōtumeliisq; lacerari; quem uero deterrueris neminem uideo. Mihi sane contra accidit, id quod non sine maxima mea admiratione exerior, & tu hoc tempore experiri potes. Nā qui antea semper filerem, qui timorem semper pra me ferrem, iam uides, quam non refugiam, quae sentio proloqui. Equidem (ut te iste iam Deo dicam quid mihi acciderit) quo primum tempore de illorum nece accepi, quanquam certe non inficior me unum circiter mensem, quasi stupidum, & sine uoce iacuisse, rei nouitate, & miraculo tam inaudita crudelitatis perculsum, tamen ut me collegi, qui semper cum illis uiris sensissem, non modo non occultandam amplius sententiam meam esse duxi, sed si illam antea in amici aures infusurrare interdum solitus eram, tum supra tecta de praedicandam, quasi iubente Christo, mihi persuadebam. Tunc ad me illa uerba quae in Esaia habentur, non minus quam ad Propheetam ipsum pertinere iudicabam. Exalta ut tuba uocem tuam, ut non in regno sed si fieri posset, per uniuersum orbem ubi Christi nomen colitur, exaudiri posset. Quid enim? cum in natura uideamus Cyri filium, ipsum antea semper mutum, tamen cum hostem manum ad patris caedem iam admouētem uidisset, ruptis linguae uinculis exclamasse, noli Cyrum Regē occidere: Ego qui te uideam illos qui mihi parētibus ipsis propter Christum chariores erant, interfecisse, & nunc etiam manum & conatus omnes tuos ad dissoluendam ecclesiae Christi concordiam admoliri, & quantum in te est magna ex parte dissoluisse; quae concordia non modo parentibus & patria, sed uniuersa rerum natura, charior mihi esse debet: Ego inquam non omnino mutus, sed ab ecclesia matre loqui doctus, in tanto eius discrimine & iniuria, uocem non mitterem? non loquerer? non exclamarem? non etiam me quicquid sum, impiis tuis conatibus opponerem? non omnibus uis resistere? Ego uero (praeclaras illas caelo iam fruētes animas testor) & loquar,

*Author, qui hostem  
taciit, nunc non pos-  
se si nō proloqui que-  
rebat.*

*Mat. x.*

*Isa. xxxviii.*

*Cyrillus mutus.*



& loquar, & scribam, & omnibus modis resistere tibi conabor; neq; ut spero ratio deerit, qua id assequi possim. Quem enim cui Christi nomen curæ sit, adiutorem in hac causa non habebor? Tu ad Regē Christianissimum mittis, ut tam impiis conatibus, quibus Christum oppugnas, fautorem se & adiutorem præbeat: & te non uel nomen ipsum christianissimi deterret, quo minus hoc ab eo petas: Si te nomen nihil mouet; quid tandem in eius factis uides, quod aliquam tibi spem ostendat posse te quæ uelis, per eum consequi? quid in omnibus eius actis rebus simile tuis? uel quid potius non maxime dissimile? Quid non in primis religiosum? quid est quod non egregium quædam animi affectum cum in Christum ipsum, tum propter Christum in eius uicariū Pontificem Romanum declaret? Quis non modo eorum Regum qui nunc uiuunt, sed uel superiorum, maiora Christi uenerationis signa dedit in uicariū ipsius id est Pōtificis Romani persona, hoc uno Francisco christianissimo Rege, cuius tu opem imploras ad oppugnandam ecclesiam, & Rom. Pont. auctoritatem? Quæ cum tot clarissimis rebus testata ab eo fuissent, ut amentis esset de eius alienatione quicquam sperare; tamē usq; eō præpostera ista & tua & eorum qui tibi in consilio adsunt, prudentia, te obcæcæ tum fuisse ostēdis, ut non intelligēs nec quid peteres, nec a quo, nec quo tempore peteres. Cum Rex christianissimus, in ultimam usq; regni sui partem, ut Pontifici Romano occurreret, se Massiliam contulisset, nec ut occurreret tantum honoris causa, sed affinitate etiā sibi illum deuincirēt, data in matrimonium filio suo Principi Aureliensi, eius fratris filia; quo quidem tempore, nullum honoris genus, quod uicario Christi deferri, nullum artificis familiaritatis officium, quod propinquo iam & affini tribui deberet, a Rege est prætermissum: Tum tu legatos eodē misisti, qui Pontifici conuitium facerent, minis etiā adhibitis, nisi iniustissimis postulatis tuis cederet; & ea in re, atque eo tempore sperauisti te christianissimū Regem fautorem habiturū. Quanta hæc quæso cæcitas fuit? At non minorem postea ostendisti. Cum enim congressum illum cōsequuta quædam essent christiani Regis facta, quæ facile omnibus testari possent, ueterum illius ecclesiæ decretorum ac rituum studiosissimum esse, & acerrimum defensorem, eaq; is omnia sua auctoritate stabiliret, quæ tu euertere ac deiicere modis omnibus parabas; ne tunc quidem uidere potuisti quo cum ageres, sed multo etiā tum magis eū per oratores sollicitare institisti, ut ad dissoluendā ecclesiæ cons

*Francisci Christianis  
simi Regis pietas, &  
erga Rom. Pontificē  
Christianissimum ob  
seruentia.*

## LIBER

*Gallie Regis huius cor-  
pore ecclesie semper  
defenderunt.*

*quoniam inique et in-  
honeste Hiericus rex  
a Christianissimo re-  
ge petat.*

*Responsum Francis-  
ci Regis Christianis-  
simi.*

*Amirumque ad aras.*

cordiam tecum conspiraret. Sed qui poterat, nisi ipse a sese pluri-  
mum dissentire uellet, nec solum a seipso & sua perpetua consue-  
tudine, sed a ueteri omnium Gallie Regum præclarissimo sane  
& gloriosissimo instituto? Si enim quasi hæc præcipuas partes  
in republica Christiana diuinitus sibi datas haberent, ut ecclesie  
capitis ius defendendo uniuerso corpori maxime consuleret, ita  
semper Pontificis Romani autoritate defendenda, maxime in  
ecclesia inter reliquos Principes enituerunt, ut merito non solum  
hereditarium cognomen Christianissimi quisque eorum, sed ab se  
etiam partum obtineret. Cum igitur ab eo nunc contendis, ut tes-  
cum Rom. Pontificis autoritatem oppugnet; quid aliud petis,  
nisi, ut tibi sua præcipua maiorumque suorum ornamenta condo-  
net, ut ipse a se desciscat; & quod maiores eius elogium peperer-  
runt, ipse autem sanctissime adhuc cõseruauit, nunc denique in gra-  
tiam tuam prodat ac deserat? Quales tandem hæ sunt preces-  
sualet animum indicant? amicum ne, an hostilem? At certe mi-  
nus hostilem in ipsum animum prætereferbas, cum armatus de ius-  
re Francie regni contendebas, cum regis nomen illi eripere, ac ti-  
bi asserere conabar, quod nunc facis, dum instas, ut pulcherrimum  
nomen, quod iam in celo scriptum est, ipse per summum dedecus  
amittat. Nec enim certe par iactura esset, Regis Francie nomine  
per uim spoliari, & Christianissimi per turpissimam culpam amit-  
tere. Illo enim nomine, regni tantummodo terrestris, hoc autem  
cælestis & sempiterni hæres significatur. atque hoc quoad defen-  
det, Deus ipsi in illo altero tuendo nunquam deerit. Cognosce et  
ego postulationis tue æquitatem, qui ab illo petas, ut tua causa  
Rom. Pont. uicarii Christi autoritatem oppugnet, pro qua for-  
tissime propugnando maiores eius Christianissimi nomen sibi  
compararunt, & posteris suis cum regni hereditate reliquerunt.  
Sed si nihil aliud, nonne tibi spem omnem aliquid ab eo impetrā-  
di contra ecclesie cõsuetudinem præcidere debebat uox illa ipsi-  
us Regis Francisci, qua nulla unquam maiori plausu a populo  
christiano est excepta, cum hoc tuis oratoribus, qui ad res in ec-  
clesia nouandas, amicitie iure opem eius & auxilium imploras-  
bant, respondit, aliis omnibus in rebus se tibi amici & fratris ani-  
mum præstaturum; in iis quæ contra religionem fierent, obsequi  
nec uelle, nec posse: denique usque ad aras constantissimum se tibi  
amicum fore. O uocem dignam eo, qui non nomine solum ac ti-  
tulo, sed re ipsa Christianissimus erat; ut si maiores eius nunquam  
antea id nomen habuissent, nunc certe optimo iure decerni illi ac-  
tribui

tribui deberet. Qua enim re alia magis, q̄ tali respōso animū ue  
re Christianissimu declarare potuisset? Quā tenui ergo spē ad  
eū, rogo, accessisti? Quā bona spē quīuis alius ad eūdem accedes  
ret, qui ut Pōtificis partes defenderet, postulatū ueuīret? Quā  
bona ego ipse, qui id nunc ago, ad talē Principē accederē, suppli  
citer rogans reip. Christianæ nomīne, non solū ne te contra ec  
clesiæ consuetudinē, & ipsam primam sedem omnia molietem  
adiuuaret, sed ut potius memor maiorum suorum, & suæ perpe  
tue consuetudinis in defendenda ecclesiæ concordia, omnibus  
modis te oppugnaret, & omnes conatus tuos reprimeret? An ue  
ro illum putas meas preces talī in causa reiecturum, etiam si per  
sona nihil auctoritatis apud eum haberet, quando causa ipsa a  
quocunque ageretur, apud omnes christianos principes, nedum  
apud Christianissimu, auctoritatem ad persuadendum tantam  
asserret? Ego certe si nihil aliud in Rege Francisco, præter gene  
rosos illos spiritus ipsi a natura datos, quos omnium uoce cele  
brari audio, agnoscerem; attamen post tantam tuam crudelitātē  
in illos uiros, quorum uitæ innocentiā, sanctitas, & doctrina, tū  
li Regi ignota esse nō possunt, quæ uniuerso orbi christiano fue  
runt notissima, minime dubitarem, nō iam per maiorum decora;  
aut per res ab ipso præclare gestas, sed uel per illa ipsa, quæ in eo  
apparent generosi animi signa eum obrestans, impetrare, ut si te  
oppugnare, aut impiis tuis conatibus obuiam ire noller, saltem  
ne te adiuuaret; idq̄ profecto ab eo obtinerem, quod nullo rogā  
te generosissimam eius naturam iam pridem uideo impetratit.  
Ab hoc ergo desertus, quousq̄ te Deo impune illusurū esse spes  
ras? Quid potes nūc expectare, nisi maximum iræ Dei flagellū?  
an in quibus spem adhuc habuisti, mendaciis, quibus libri causę  
tuę defensionem cōtinētes sunt referti, & mortis ac cruciatuum  
minis in cos qui contra sentire audeant, iis etiam nunc fidis? ho  
rum ope flagellum omne effugere te posse puras? An non Esaia  
audis, hæc tibi remedia dicentem parum profutura? ad te certe  
& tui similes sic loquitur in persona Dei, uestra consilia sic expli  
cans. Audite uerbum domini uiri illufores, qui dominamini sus  
per populum meum, dixistis enim percussimus fœdus cum mor  
te, & cum inferno fecimus pactum; flagellum inundans non uest  
niēt super nos, quia posuimus mēdaciū spem nostram, & in mē  
dacio protecti sumus. En Esaia tanquam si consiliorum tuor  
um cōsciū fuisse, ita omnia illa exponit. Quis enim nescit hæc  
adhuc tua consilia fuisse, ut primum libris mendacibus causam

*Generosissimu Fran  
cisci Regis animus  
non fuit ipsum Hun  
rici factis fœuere,*

*Libri causam regiam  
defendentes mendaciis  
suis referti,*

*Isa. xxviii.*

”

”

”

*” Hic rex menda  
cis & moris mortis  
fuit.*

T

## LIBER

tuam defenderes; Deinde etiam pacto quod fecisti cum morte, si qui uestro mendacio resistere uellent, ut morte plecterentur? Et nunc existimas, si ab omnibus deseraris, his te duobus prædiis in tuo ipsius regno satis munitum esse posses? At audi quid statim adiungit Esaias. Delebitur hoc fœdus cum morte, non stabit: flagellum inundans ueniet super uos. Quid enim non mœdacia tua reuelata sunt? non mortis minas uides conremnis? nonne quo magis speras te hominibus timorem iniecturum, eo magis animas, & ad tibi palam obstitendum euocas? Quomodo ergo stabit pactum uestrum? quomodo hæc uos consilia defendent? Sed sine propheta, an hoc diuinare erit difficile? nonne animaduertis hostem istius causæ tuæ, & omnium conatuum tuorum porenissimum, flagellum inundans ueniet. Nonne uides quam potētem aduersarium Cæsarem ipsum habeas, qui non potest tibi non infestissimus hostis esse, nisi plane & naturæ leges contemnere, & religionis causam deserere uelis; quem utroque modo sic prouocasti, ut si uel scintilla generosæ naturæ in illo resideat, qui excellentissimam habet, uel religionis aliquis cultus, cui semper fuit deus dirissimus; facere certe non possit, qui se opponat conatibus tuis. Quantum enim dedecus illud est, quod clarissimæ illius familiæ inurere paras? qui amicam eius, Regis Hispaniarum filiâ, ipsam non minus omni uirtutis genere, quam familiæ splendore illustrem, post uiginti annos tecum matrimonio coniunctam, domo iam & thoro deturbatam, tanquam, quod dictum horribile est, meretricem exoletam reiciis, tuam uxorem esse negas, sed execrabilem & abominandam illius per tot annos cōsuetudinem dicis fuisse? Num tam insignem iniuriam familiæ suæ abs te impositam pati inultam poterit, generosissimus ille Cæsaris animus? num tantum dedecoris in se recipere, ut qui sæpe alienissimos etiam hostes magno suo labore, ac periculo, mediocribus iniuriis prohibuit, idem nunc nobilissimam feminam, & sibi sanguine coniunctissimam, in tam atroci iniuria, uel deserat, uel adiuuare non posse confiteatur? At hanc tu tantam iniuriam, qua uix ulla excogitari posse grauior uidebatur, altera multo maiore adiuncta, leuissimam reddidisti. Quales enim sunt iniuriæ priuatæ, si cum publicis conferantur? quanta autem, & quam publica est altera illa iniuria, non dico unius & alterius regni, sed omnium regnorum, quæcumque Christo seruiunt? Incepisti tu quidem a priuata in uxorem

*Carolus Cæsar non potest non esse hostis Henrico.*

*Caterina Cæsaris æquum inuicissimæ ab Henrico. viii. trallata*

In uxorem tuam iniuria, sed ita tamen priuata, ut simul duorum amplissimorum regnorum, Hispaniæ & Angliæ nomini, turpissimam & maxime abominandam ignominiam maculam aspergeret, cum sapientissimos quosq; ex iis regnis homines auctores per errorem nefarii & incestuosi matrimonii constitueret; Angliæ uero priuatim præsentem pene perniciem afferret. Sed illic confiteri non potuisti; nec tibi satis esse uisum est, si uxorem tuâ Cæsaris amicam contumeliosissime tractasses: nisi etiam in sponsam Christi, matrem tot regum, tot nationū uniuersi populi christiani parentem, sine qua non modo nulla respublica, sed ne priuata quidem cuiusquam stare posset, iniurius esses. At quanta raris dem hæc in ecclesiam iniuria fuit: nulla quidem in Christi sponsam tenuis esse potest, quæcunq; inferant, maximæ sint oportet. Sed tamē hæc abs te illata ira excellit, ut liquido delectet in animo te habere ipsam funditus euertere. Nam quid aliud facis, cū spiritum Dei, pignus amoris in spōsam, pignus uitæ, & sempiternæ durationis, auferre ab ea conaris? Quid enim nonne hoc conaris, cum tot ab illa, spiritu Dei auctore, constituta ac decreta, tot longissima & nūquam interrupta consuetudine confirmata, nunc deniq; tanto interuallo in dubium reuocas: sed dicam nē in dubium reuocare, quæ penitus rescidisti, & quibus contraria statuisti? Si tātum dubitares in iis quæ ecclesia approbauit, tum sane iudicio tuo ecclesiam Dei spiritu priuares. Nunc uero cum contra statuas atq; illa decreuit, quantulum illud est de spiritu Dei, quod ei relinquis? Nonne manifeste ostēdis te illius aduersarium & hostem esse te eius auctoritatē modis omnibus uelle extinguere? Nam qui aliter existimari potest, cum ei tutorem suum ipi a Christo sponso relictum eripere coneris? Petro Christus ouium suarum curam commisit. Quod cum fecit, ecclesiam ei commisit: illum ecclesia lubet animo pastorem accepit, & annos iam plus mille & quingentos perperuo agnouit, cum nūc tū diuellere ab illa studes. Nec uero diuellere tantum, sed quasi supra mare non satis fidenti animo ambulantem, quia in multorū animis uacillare eius auctoritatem uides, postq; Christus eum uocauit, & eius auctoritatem confirmauit, demergere studes, & auctoritatē penitus extinguere, ac te ipsum eius loco substitueres. Ac ne hoc quidem solum, quod sane æquiore animo ferendum esset, si saltem unum illi caput, unum tutorem præsideres; uerum in multa capita ipsam distrahis, multos ei tutores inponis, id quod manifeste ad ecclesiæ exitium spectat. Te autem unum ex

*Henricus viii. ecclesiam suam euertere studet.*

*Henricus spiritum Dei ab ecclesia auferre conatur.*

*Petrus pastor, & tutor ecclesiæ.*  
lo. xxi.

*Henricus sibi Petri locum constituere studet.*

## LIBER

*Ecclesia Hierosolymitanam tu  
torē habere recusat.*

præcipuis constituis. At uides ut illa te reiiciat, ut ealem tutore  
horreat & auersetur. Nec sane mirum. Qui enim uxorem tuam,  
sanctissimam fœminam, quæ tot signa dedit ecclesiæ spiritus in  
se habitatis, tam probrosc tractaueris, fieri posse speras, ut Chri  
sti sponsa te tutorem accipiat: nunquam hoc, mihi crede, obtin  
bis. At tu tamen omnibus modis te infers. antea quidem blandi  
tiis & promissis apud eius filios, ut te ad ipsam inducerent, ages  
bas. blanditiæ nihil profecerunt, persuasi non sunt. Hic tu illos  
cum terrore ac minis, tum ui & omni genere crudelitatis aggressus  
es. A Sathana postulasti, ut omnes inferorū portas in eccles  
iæ filios, qui tibi restitissent, patefaceret. Quid multas apertæ  
sunt, id enim Deus permisit. Nihil uides eas ualuisse, non magis  
contra illos, q̃ contra ipsum tutorem, cuius tu authoritatem op  
pugnas. Quid ergo nunc tu: ut immanem istam iracundiam tuā  
saties, ex ecclesiæ filiis, qui tibi aduersari ausi sunt, præcipuos se  
ligis, quos omni tormentorum genere excruciatos eneces, ut ita  
ecclesiam ulciscaris. hoc quidem te uideo fecisse; & nūc reliquos  
persequeris. Sed nunc quid Cæsar: num qui priuatam illam iniu  
riam in tuam uxorem, amitam suam, negligere sine magno suo  
dedecore non potest, hanc communem in ecclesiam spoliā Chri  
sti, suam uero & omnium Christum confitentium parentem, adie  
ctam, inultam esse patietur? Num qui per hos mēses omnibus se  
periculis ultro exposuit, ut eos ulcisceretur ecclesiæ hostes, qui  
latrociniiis oram Italiæ infestabant; te qui sic ecclesiam uexas, ut  
nemo unquam post acceptam publice a regibus fidem Christi,  
nec externus, nec domesticus hostis uexauit, impune in præceptis  
os ecclesiæ filios grassari permittet: præsertim cum & minori pe  
riculo, & maiori facilitate tuos omnes conatus reprimere, & im  
pedire possit: qui sane multo maioris sunt momenti, quo maiora  
sunt ea mala, quæ animæ, quam quæ corpori & rebus tantummo  
do externis, inferuntur? Piratarum certe, quos Cæsar hoc tempo  
re oppressit, crudelitas, nūquam ultra corpus processit: & ad cor  
pus quidem hætenus peruenit, ut quos cepissent, bonis spoliā  
tos pro seruis haberent, eos præsertim quorū opera uti possent;  
quibus tamen etiam ipsis permittebant, ut se pretio redimerent.  
Tu autem cum nulli piratæ cedis in diripiendis ecclesiæ bonis,  
tum non contentus corpora plus q̃ captiua, in carcerem, ubi ne  
mini usui esse possint, condidisse, animas etiam ipsas in seruitu  
tem abducis; quod nec Sathanas, nisi potestate a Deo accepta, fa  
cere audet. Tu tibi hoc etiam potestatis in omnes sumis, nō mo  
do ut

*Nemo uirquam fecit  
ecclesiam uexauit, ut  
Henricus, viii.*

*Henrici crudelitas  
maior, quam Pirataru  
rū, quos Carolus Cæ  
sar domuit.*

do ut neminē patiāris libere quā sentiat effari, sed ne opīniones quidē rectas intus in animis inclusas habere, quo seruitutis genere nullum miserius ne fingi quidem potest; ut multo tu crudelior, q̄ ullus Pirata, audacior, q̄ ipse Sathanas omnibus uideare; Tum uero ita ecclesiæ infestus hostis, ut cum nemine nisi cū Sathana conferri possis. An hæc Cæsar studiosissimus salutis reipublicæ Christianæ non uidet? an si non uideret, deessent qui dicerent? qui referrent? qui hanc imminētem reipublicæ Christianæ cladē, ante oculos ponerent? An ego ipse, qui hæc scribo, si cæteri cunctaretur, id facere dubitarem? An me cum patriæ amor, & ecclesiæ charitas eo impellerent, posset aliqua priuata causa, uel ullius periculi proprii metus, retinere? Equidem testor & patriæ amorem, quem mihi natura ipsa indidit, & ecclesiæ charitatem, quam a filio Dei infusam ex animo deponere non possum, si Cæsarem audirem cum omni sua classe in altum iam prouectū, cursum ad ipsam Turcarum regiam Constantinopolim direxisse; jectis omnia mihi pericula proponerentur, nūquam quiescerem donec ad eum peruenirem: ac si iam Hellepontī fauces tenētem conspicerem, ut primum conueniēdi facultas daretur, in hæc uerba apud eum prorumperem. Cæsar quid paras? quid cogitas? quō isto tanto apparatu nauigas? si amor reipublicæ Christianæ te mouet, ut Regem Turcarum hostem antiquum nominis Christi, bello aggrediaris, an non unde maius periculum reipublicæ nostræ imminet, & ubi præsens iam malū, & nouus hostis urget multo q̄ Turca infestior, eo potius cursum cōuertere te oportet? Tu quia uides tot millia christianorum dura seruitute a Turca premi præclarum putas tot populos liberare. & est quidem egregium. sed si hoc laudandum, an non multo gloriosius, tot millia animarum erepta e gremio ecclesiæ, & iam in salutis suæ discrimen adducta, præsentī periculo eximere, & ecclesiæ ac fidei Christi restituere? Tale porro periculum imminere, eumq; iam exitis se hostem, qui hæc conetur, & magna etiam ex parte confecerit, non potes dissimulare Cæsar te scire. Quod si id magis est laudandum; magis etiam necessarium uidetur ei malo in nos iam grasse sancti ante mederi, q̄ corporum libertati consulere; & quidem ita magis necessarium, ut nisi ei malo statim occurras, frustra hoc quod nunc magis coneris, etiam si summotis ex Asia Turcis uictor illinc reuertare. Quid enim quæso tum p̄fecisses, si pro iis quos ex Asia expulisses, noui inter nos Turcæ exorti essent? Nā quid aliud sunt Turcæ, quod ad religionē attinet, nisi secta quæ

*Henricus neminē patitur libere effari que sentiat.*

*Oratio ad Cæsarem, hortans, ut Henricum Anglorum regem potius quàm Turcam bello aggrediatur.*

*Præclarus est animus, quā corpora e seruitute eripere.*

## LIBER

Arriani.

Origo omnium h<sup>er</sup>e-  
t<sup>er</sup>icorum, neque caput  
ecclesie.

Turcicum semen in  
Anglia satum gladio  
defenditur ut cresca-  
re possit.

Monachos montem  
Athen interfectos Tur-  
cos plurimos fuisse.

dam christianorū, qui ab ecclesia catholica olim descivere: Nec enim Christi nomē Turcū odio habent, nec Euangelia reiciū; sed ut Arriani olim, eam dignitatem Christo adimunt, ne sit fili<sup>us</sup> Dei: ab Arrianorum autem secta multa hausserunt; & magnū quidem prophetam Christum dicunt, & matrem eius Mariam non parua in ueneratione habent. Origo porro religionis Turcarum eadem, quæ omnium hereticorum est, ab ecclesia enim primum defecerunt, capite eo quod a Christo relictum est, reiecto: atq; ita sensim a Christi doctrina desciverunt. Quid igitur? semē hoc Turcarum nonne apud nos late sparsum uidetis? Vtinam quidem ita pusillum esset, ut uidere nō posses. Sed uidisti, quod maxime dolendum est, in tua Germania. Verum illic nondum plāne Turcicum semen, quia nondum autoritate publica, nec imperio unius, qui reliquis omnibus dominaretur, & cogere posset; sparsum est, eoq; minime adhuc desperandum est posse iterū germanam illam Germanorum ecclesiam, adulterino semine oppresso, efflorescere, & ueros atq; uberes catholicæ ueritatis fructus parere. Sed ubi non minus florebat uera religio, sic in Anglia sparsum nunc est hoc semen, ut uix a Turcico internosci queat, idq; autoritate unius coaluit. Quod autem satum est, ut crescere possit, gladio defenditur; gladio contra disputantibus omnibus respondetur. Atq; hoc prorsus Turcicum, sic enim eorum secta creuit. In hoc uero a Turcico differt, quod neminem ea secta cogit ad secum sentiendum. Qui Turcarum religionem non impugnat, etsi diuersam profiteat, apud eos tutus est. Quin bonos uiros quāuis contra sentientes, in honore & ueneratione habet; cui rei testimonio sunt Monachi illi Græcorum in monte Atho incolentes, quos ipse Turcarum imperator plurimi facit; eum ad illos etiam sæpe mittat, qui suo nomine petant, ut pro se orent, & suam salutem Deo, cui illos charissimos esse credit, commendent. Nemo uero toto eius imperio si taceat, cuiuscunq; is sectæ sit, ulli poenæ est obnoxius. At ubi nouum hoc & pestiferum semen iactum est, in eum qui tacet, non minor poena constituta est, quam in illum qui maxime aduersatur. En enim qui unus maxime & uirtute & doctrina excellebat, Thomas Morus ob silentii crimen est interfectus, monachis uero, quo sanctiores & religio flores sunt, eo plus periculi impendit; omnium autem lingue gladii terrore retinentur. Quid quæris amplius Cæsar? si quantum periculi ex hac capitis reiectione ecclesiæ imminet nōdum hæc præclara initia, hæc uis, & crudelitas in sanctos uiros satis ostendunt,



dunt, uel ipsi Turcæ, quos contra bellum paras, documento esse possunt, qui hoc aditu patefacto, Christi ecclesiâ oppugnare aggressi sunt, cum supremi capituli auctoritatem reiecissent, & pro ea gladii imperium induxissent; quo quidem sic se multis iam seculis euenit, ut scro ecclesiâ suos filios repetat, quos iam matris obliuio exeperit. Quod si ne Turcarum quidem secta satis ostendit magnitudinem eius, quod iam dudum oratione significo, periculi; ipsa sane Germania abunde id efficiet, si tecum animo resputabis, quam quæta olim, quâ pacifica, quam religiosa prouincia fuerit, quâ denique rebus omnibus creuerit, quoad se in unitate ecclesiæ continuât; & rursus hæc recentia tēpota attendes, quibus & bello intestino uexata, postquam caput ecclesiæ repudiâuit, & in uarias sectas diuisa ita iactatur, ut nullus finis malorū fore uideatur, nisi iterum (quod Deus concedat) ad unitatē capituli reuertatur. Hęc certe unius capituli agnitio, firmissimū semper propugnaculum ecclesiæ fuit, hoc semper omnium primū aggreduuntur hæretici, hoc catholici semper defendunt, hoc ipsum Cæsar sic nuper in Anglia est defensum ab illis heroibus ecclesiæ filiis, ut nuda potius corpora telis hostium obicienda putauerint, q̃ præsidium illud deserendum, quo expugnato, facillimus inde ad oppugnandā ecclesiā aditus Christi hostibus pareret. At expugnātū tamen est, fortissimis quibusq̃ ex ecclesiæ filiis, qui sese opposuerant, interfectis. Quod quid mirum est accidisse, cum ducem hostes Regem haberet? Nondum uidelicet in tantis ecclesiæ malis, ad ullum regem hæc peruersa contagio contra ecclesiā sentiendū peruaserat. Peruasit aliquando ad nostrum, qui eodem plane modo suam hanc sectam defendit, quo Turca Mahumetanam, gladium enim stricturn ostendat omnibus qui dissentire a se audeant, Neq̃ quicquam nunc tantopere optat, q̃ sibi spacium ad se confirmandum dari, ut multo maiorem postea ecclesiæ perniciem inferat, quā ab ullo Turca illata sit, & inferet plane maiorem, si id quod cupit, assecurus erit. Tu ne igitur Cæsar hoc illi spatii dabis, qui tantum amorem in rem publicā christianam prætefers, ut te omnia illius causa facere ostendas? Cū hæc pars reipublice male affecta, manum, opem, uires tuas imploret, cum ita maturum sit malum, ut diutius remedia differri non possint, si prodesse debeant: tu uires, tu auxilia aliò conuerteres; ut ne spes quidem, propter longinquam absentiam tuam, & anceps bellum contra potētissimum hostem, reliqua esse queat, posse nobis, qui periculosius laboramus, q̃ illi ipsi, ad quos e seruicute li-

*Germania quoniam multis  
laborat possit repulsa  
tum ecclesiæ caput.*

*Capituli uicinis agni-  
tis, propugnaculum et  
defensio.*

*Rex Angliæ eodem  
modo suam sectam  
defendit, quo Turca  
Mahumetanam.*

*Latinitas.*

# LIBER

berandos nunc properas, in tempore subueniri. An omnium tuorum spem & expectationem destitues, praesertim cum ea sola spes in causa fuerit, quo minus adhuc domestica sua auxilia experiri uoluerint; quo minus suis se uiribus defendere tentarint? Noli enim putare Caesar, Anglis generosos spiritus deesse; noli existimare, sinceræ religionis amorem esse penitus extinctum. Huius rei coniecturam certam facere potes ex illorum morte, qui religionis causa se immolandos religionis hostibus praeberunt. Si Deus septem millia uirorum Heliae tempore, cum Prophetae ab impio Achab, suasu impiæ uxoris Iezabel interficerentur, seruauit, qui non curuarent genua ante Baal: noli existimare hoc tempore, quo gratia spiritus multo est magis diffusa, hanc impiam Iezabel, quamuis ad eandem sagacissimam, ueros religionis cultores occidere omnes potuisse. Mihi crede, integræ adhuc legiones in Anglia latent eorum, qui non curuauerunt genua ante Baal. Quos omnes si uenias, Deus ipse qui cõseruauit, ad te adducet. Sunt autem iidem Angli Caesar, qui multo leuiore de causa ipsi sine auxilio externo, pœnas male administratæ reipublicæ a regibus suis sumpserunt; Qui reges suos ob profusus in reipublicæ damnum effusas pecunias, ad rationes reddendas citatos, cū eas approbare non potuissent, corona se & sceptro abdicare coegerunt. Hos porro spiritus cum adhuc retineant, nihil eos a tanta iniuria regis uindicanda retardat, neque iam diu retardauit, praeter spem & expectationem tuam; ad quem ita hanc causam pertinere putant, ut nisi naturæ tuæ deesse uelis, quam ex plurimis praclare abs te factis sibi persuadent esse generosissimam, nisi religionis amorem, cuius constat te studiosissimum, deponere, te non posse hanc causam non suscipere pro comperto habeant. Per te autem facilius & minori negotio ac regni damno his tantis malis occurrere possent iudicant, quod si suis manibus idem tentarent. Idque recte sane ita existimant, & merito te expectant. Sed quo nunc Caesar longe ab iis refugis? Quid te relicta tanti momenti causa quædomi habes, tam longe a tuis, unde minus imminet periculi abducit: an te milites tui eo trahunt? An eorum uoluntas propior est ad orientis res componendas, ubi hostes antiqui sunt, quod ad occidentem, ubi noui? At qui milites Caesar? Nempe Hispani tui, quibus iure optimo plurimum fidis, quorum gloria in tuis bellis maxime emineuit. Verum si ipsi uobilem illam Isabelle progeniem, miseria & luctu oppressam, in causa omnium iustissima suam fidem & opem implorare audirent; scio Caesar, nondum praestantissima

*Angli nec generosi animi, nec religionis amore desti.*

*Hi. Reg. xlii.*

*Angli reges suis diuile malis priuauerunt.*

*Angli ab iniuria Regis uindicanda, sper, quam in Cesare habent, retardat.*

*Iniuria quam Henricus rex Carinae regis Hispania filius, Caroli Caesaris amicitie intulit, & Cesariis & Hispanorum omnium gloriam aperiuit.*

stantissimæ illius sceminae memoriam ex illorum animis ita esse deletam, ut dignam tanta matre filiam, auxilium a se frustra petere sicerent. Scio nihil tam desideratū illis esse posse, quod non libentissime relinqueret, ut huic nobili mulieri opē ferret: quos uel Hispaniæ regni solus honor, de quo in hac causa maxime agitur, satis moueret, si tantummodo audirent Regis Hispaniæ filiam, uiginti annos in matrimonio habitam, tandem meretriculæ causa, e domo eiectam, tanquam si mimi alicuius aut balatro nis filia ex ultima barbarie ad regium cubile surrepisset, & non a generosissimo rege parente, e regno nobilissimo rite uxor data esset. hanc illi tantam iniuriam, æquo animo paterentur, quā uix infimæ conditionis homines ferrent? Cum uix reperiri possit homo tam sordido animo, qui non uel uitæ suæ periculo, tantum in filia dedecus ulcisci non omnibus modis quæreret; hanc iniuriam in Regis sui filia Hispani, quorum generosos spiritus per hosce annos tot uictoriarum continuata series satis indicat, non ulciscuntur? Hanc inquam tantam iniuriam nobilissima Hispanorum natio in ipsas suas uictorias incurrentem, negligere poterit; aut aliquid ei rei præuertendum putabit, quæ tam aperte & tuum Cæsar honorem & Hispaniæ gloriā petat? Quid enim magis ignominiosum uobis esse queat, quam cæteras nationes ita existimare, Hispaniam uel nolle, uel non posse tam contumeliosam iniuriam sibi illatam uindicare? Sed certe existimari ita nō potest. Quod ut liquido cognoscas, patere tantum Cæsar me tuos milites alloqui: & uidebis, omnes simul ac Isabellæ Reginæ filiam, ac neptem, de honore, de fortunis omnibus, de regni hæreditate periclitantes, & fidem atque auxilium suum implorantes audierint, ad eius nominis mentionem proras, si per te liceat, conuertere. Verum ego Cæsar, neque te, neque milites tuos quicquam Cæterinæ amitæ tuæ causa rogo. Neque enim illa uult quicquam pro se rogari; nihil illa de indignissima sorte sua queritur; facile iniquitatem fortunæ suæ tolerat, quæ in eam sic sæuit, ut quo præcipue tempore, te maxime omnium florente, florere deberet, ipsa miserrima omnium conditione sit: & quo felicius tibi res tuæ domi forisque cedunt, eo se iniuriosius tractari & grauius premi experiatur. Sed de se nihil priuatim laborar, nihil queritur, nihil denique sua causa postulat; pro Angliā Cæsar postulat, cui dara est, in quam quasi generosa planta translata & insita est, quā tantquam alteram patriā amare debet, & certe amar. Pro hac rogar, si sua causa cum huius tam nobilis & sibi modis omnibus charis

*Cæterina Cæsarem  
ora pro Angliā, cuius  
semper fuit amantissima.*

simæ prouinciæ causa ita confueta est, ut sua neglecta, necesse sit illam pessimo loco constitui; & proinde quam adueniens pacatis simam, puineiam offenderit, seditionibus ac bellis intestinis dis uexari; id quod sine exitio ac pernicië eius accidere non potest; si sua causa ita est cum religione coniuncta, ut si illa deferat, necesse sit religionem deserui, antiquam ecclesiæ fidem deleri, sectas nouas non solû in illa insula, quam religiosissimâ inuenit, exoriri, sed contagione quadam in reliquis etiam prouinciis spargi, totamq; ecclesiam perturbari: etsi hoc tantum malum, quo nullû grauius esse potest, quo uno cætera mala continentur, non coniectura, quasi tempestas aliqua impêdens prospicitur, sed iam a des se iam etiam eo usq; inualuisse cernitur, ut nullorû periculosior conditio in Angliâ sit, quam illorum qui maxime religiosi sunt; & qui antiquam ecclesiæ fidem ac consuetudinem retinēt (Quis enim eorum tutus ibi esse potest, cum in sanctissimos uiros Rosensem ac Morum adita summæ crudelitatis exempla esse constet?) Si deniq; hæc omnia Cæsar eiusmodi sunt, ut principum omnium, qui Christi nomen charum & uenerandum habent, maxime animos mouere & excitare ad opem ferendam debeant: Tū petite, ne ideo tardius ad afferendum reipublicæ Christianæ auxilium accurratur, quod cōmunis causa se etiam priuatim attingat, quæ Regis Hispaniæ Ferdinandi filia, ex Isabella matre suscepta, & tua Cæsar amita sit, præsertim si nihil indignum tantis maioribus, nihil indignum hac illustri consanguinitate, & tam nobili regno unde est profecta fecit; neq; unquam in tanta quiduis audendi licentiâ, & tam immanibus inimicis, tale quidpiam sibi obiectum est, Tum rogat Cæsar, si tibi Deus eas opes dedit, quibus tam potentem hostem, Turcarum regem, tot regnis imperitantem, non excipere modo inuadentem, sed quiescentem ultro lacessere possis, ut unde maius malû, q̃ a Turca reipublicæ christianæ impendet, tibi autē uictoria minime dubia, periculi nihil ostenditur; eo primum subuenias. Hoc te per propinquitatē, quæ tibi cum ipsa tanta intercedit, per Regni Hispaniæ decus, quod in hac causa agitur, per reipublicæ Christianæ salutē, qua nihil antiquius nobis esse debet, supplex rogat, ne cum possis eodem tempore, consulere & honori familiæ tuæ, & eius regni gloriæ, quod te tot uictoriis clarissimum reddidit, tum autem a republica Christiana talem cladem auertere, qualis a multis seculis nulla illata est, aliquid huic tam sanctæ, & tam publice utili, tibi que priuatim gloriosissimæ cogitationi præuertendum putes; cum præsertim

*Religiosissimi quip maxime periclitantur in Angliâ.*

præsertim quicquid hic egeris, id quasi instrumentū tibi & subsidium futurum sit ad ea facillime perficienda quæ nunc inimatu re exequi paras. His enim rebus compositis, & tepestiuius, & minori negotio, uiribus tuis auctis potius quàm diminutis, reliqua agredi, ac perficere poteris. Sed quid ago, qui orationis quali æstu ablatus, pene uideor oblitus, quo cum sermonem habeam? Tanquam enim cum Cæsare, nō tecum Princeps agerem, oratio nem hic ad Cæsarem inclusi. Vt igitur eo reuertar, unde digressus sum; Animaduertis opinor, qua maxime ratione te rebus tuis consulere putabas, si Morum & Rossensem tanquam graues aduersarios sustulisses, multo maiores te inimicos iustissimis de causis tibi accersuuisse, uniuersos quidem Principes christianos cōmuniter, proprie autem Cæsarem ipsum, quo plures simul coniunctæ causæ eum magis quàm quenquam aliū stimulare debent. & eo quidem tempore tute illū tibi hostem reddidisti, quo & inimicis maxime formidabilis euasit ppter uires his paucis annis mirum in modū auctas, & amicis præsidio esse potest: qui si nulla priuatim iniuriā a te affectus esset, tamen reipublicæ nūc causa non posset non tibi infensissimus hostis esse. Hoc autem nunc dico, non tam de Cæsaris officio & pietate loquēs, quàm de reliquis Principibus christianis, quàm etiam de ipso Rege Christianissimo, a quo non te pudet cōtra ipsius honorem, ut tali in causa te adiuuet, postulare. Si sane Pontifex Romanus, cui Rex Christianissimus, ut illo nomine est dignissimum, tanquam Christi uicario obedientiam præstat, hoc tempore pro sua a Christo accepta in uniuersam ecclesiam autoritate, suberet eum has partes suscipere, ut tuos conatus reprimeret, & te armis coerceret, Cæsarem autem quiescere, & ad alias reipublicæ partes constituendas se conuertere; profecto si uel suis, uel maiorum suorum præclare gestis rebus constare uellet Rex Galliæ, non posset hanc prouinciā sibi a summo Pontifice fidei causa delatam recusare; non posset non promptissime suscipere, etiam si frater eius germanus esses. Quam cum recepisset, nō minorem certe laudem omnium bonorum iudicio, tuos in ecclesiam conatus domi reprimendo auferret; quam ipse Cæsar, si ex Turcarum tyrannide Constantinopolim eripuisset, atque haud scio an etiam maiore, quo perniciosius id quod nunc agis, premit ecclesiam, quam omnia mala quæcūque uel a Constantinopoli, uel ab omnibus quibus Turca imperat prouinciis timeri possunt. Vide ergo quo tua & tuorū consilia riorum prudentia te deduxit, qui hinc rebus, quas nullo more,

*Redi ad Henricum Regem.*

*Maior gloria, reprimeret Henrici conatus, quam expugnare Constantinopolim.*

## LIBER

*Horius oēs christi-  
anos Principes ho-  
stes reddidit.*

nullo exemplo, summa autem iniquitate, uel impietate potius suscepisti; omnes Principes, quotquot christiani nomen tueri uolunt, necessario tibi hostes reddidisti. Quid enim habes, quod cum aliqua saltē specie iustitiæ dicere possis, uel in matrimonii tui, uel in hac, quam nunc contra unitatem ecclesiæ es ingressus, causa, Petrum & omnes successores eius a gubernaculis ecclesiæ summouens, & te ipsum supremum ecclesiæ caput constituens? Quid in alterutro istorum dicere potes? At in matrimonio scio quid sis dicturus. proferes tot gymnasiorum perscriptas authoritates, quæ priorem illam matrimonii tui coniunctionem minime iure diuino licitam fuisse decreuerunt, proindeque non potuisti Pontificem dispensatione iustam illam facere. At ego hic tibi respondeo, ut nihil post hac habeas quod dicas, non illud quidem, quod omnibus uideri potest, quanquam sit iustissimum, & recte responderi possit, ecclesiam hanc non habere consuetudinem, ut qui student in gymnasiis, tales causas decidere habeant; eoque nec illorum iudicium ullius momenti esse; sed illud dico, omnes eos quicunque tuæ causæ fauerunt, mendaces fuisse, te decepisse, & ipsos deceptos esse, hoc nunc dico. Verum quo modo id dicam, fac auscultes nec enim conuiciari libet, ut sine causa tot homines mendaces fuisse dicam. Iam enim affirmo Deum ipsum, omnes quicunque tuæ sententiæ fauebant, decepisse, & permisisse, ut mendacium pro uero diceret. Sed quo argumento nixus hac dico? Nempe illo quod mentiri non potest. Veri enim prophetæ Dei me docuerunt, oēs illos qui causæ tuæ fauerint, fuisse pseudopphetas. Atque hic iterum testari uolo, conuiciandi causa me nihil dicere; sed si Deus ipse per ueros Prophetas suos hoc idem dicat, non possum, quod ille mihi certo ostendit, non proferre. quo autem modo, nunc ausculta, & audies non me sed Prophetam ipsum loquentem, sic enim ait Ezechiel tuam causam exprimes.

*Gymnasiorum iudici-  
um super causis, nullius momenti est.*

*Omnes fauores regis  
causæ & decepti  
principis fuerunt, & re-  
gem deceperunt.*

*Ezech. xliii.*

” Homo, homo, de domo Israel, qui posuerit immunditias suas in  
” corde suo, & scandalum iniquitatis suæ posuerit contra faciem  
” suam, & uenerit ad Prophetam, interrogans per Prophetam me;  
” ego dominus respondebo ei in multitudine immunditiarum suarum,  
” ut capiat domus Israel in corde suo, quo recessit a me. Post  
” quæ, sequitur statim. Et Prophetæ cum errauerit, & loquutus fue-  
” rit uerbum; ego dominus decepti Prophetam illum. Audis ne  
” Princeps iudicium Dei de omnibus, quos tu consuluisti, & de sen-  
” tentia Dei in causa tua, quam, cum perspectam haberet immunditi-  
” am tuam, tibi per illos respondit? Cum tu ueritatem celans

eos interrogares, Deus etiam celauit eos ueritatem; & ut ad mendacem interrogationem mendax responsum tibi darent, permisit. Verum hic negabis te immunditias in corde tuo habuisse cum illa interrogares; dices te sincero animo omnia in ista causa egisse, nihil dissimulasse, cum exquireret hominum doctorum sententias de lege diuina, quid tibi per eam in fratris uxore ducenda licitum fuisset. Et quæ est inquit arrogantia audere de alterius animo, & uoluntate pronuntiare contra eum ipsum cuius in corde cogitationes latent, quæ soli Deo & illi cuius sunt cogitationes, notæ esse possunt. Sed possunt etiã aliis Princeps, si Deus illas reuelari uelit, si is cuius sunt, nõ possit clam habere. Nunc autem dico, Deum non esse passum te celare quod intus habebas; sed quia cum ipso dissimulares, omnibus tuam dissimulationem patefecisse; ac quæ in corde occulta habebas, omnibus manifestasse. At hoc quo modo; cum toto eo tempore, quo hæc causa agebatur, non modo domi tuæ, sed semper quasi in sinu tuo illam habueris, quam expulsa uxore cupiebas in eius thorum inducere; sed ita tamen in sinu, ut in omnium oculis uersaretur, quæ omnibus cupiditatem tuam patefaceret, nec animum tuum occultum esse sineret; & eam, uix dum dictis sententiis a pseudoprophetis, non expectata illius auctoritate, cuius erat sententiã ferre, uxorem duxeris; dubitamus ne quid in corde habueris toto eo tempore, quo Dei & æquitatis sententiã te querere profitebaris. Affirmemus ergo, de tuo animo, idque sine ulla arrogantia, te immunditias in corde tuo habuisse; cum doctorum hominum sententiã de matrimonio tuo rogares. De quo si quenquam dubitare arbitrarer, qui uel minimum quippiam in tua causa nosset; tot testimonia afferrem, ut uel cæcus si non uidere, certe palpare cogitationes tuas & intimos sensus tuos in illa causa posset. Cum ergo hoc nihil certius esse possit, te immundissimo animo interrogasse; sequitur sententiã Dei de tuis Prophetis recitata ab Ezechiele. Secundum iniquitatem interrogatis, erit iniquitas Prophetæ. Hoc idem expressum & impletum est in libris Regum in impio Achab, cuius animum alienauerat a uero cultu Dei uxor impia Iezabel, quemadmodum nunc tuum nouam Iezabel a ueritate auertisse in hac causa constat. Ille uero cum Deum per Prophetas consulere uellet, dicit scriptura in persona Dei, Quis decipiet Achab; egressus est autem spiritus, & stetit coram domibus, & ait, ego decipiam illum. & ait dominus, in quos & ille ait, egrediar, & ero spiritus mendax, in ore omnium Prophetarum

*Hoc casu nonnulli  
dixerunt corde habebat,  
quam doctorum hominum  
sententiã de lege diuina exquireret.*

„ Ibidem.

„ iii. Reg. xxi.

„

„

„

V

# LIBER

*Sicut Achab, ita et  
Hericus decipit et  
a spiritu mendaci.*

*ii. Theff. ii.*

*Ezech. xliii.*

*Hericus rex fabula  
est in ore omnium.*

eius. & dixit dominus, decipies, uade, & praualebis; egredere & fac ita. Sed num in solis Achab prophetis praualeuit? an etiam in omnibus qui Achab facta sequuntur? Quæ cum tu maxime ex primas, in tuis etiam prophetis eundem spiritum prauale uideamus, ut a te decepti, te etiam decipiant. Atque hanc Dei permissio nem nemo melius exprimit quam Paulus, de iis loquens, qui ueritatem audire noluerunt; a qua sic tu in hac causa abhorruisti, ut primum odio & indignatione tua, deinde morte dignos iudicaues ris, qui in ueritate defendenda perstiterunt. De talibus autem dicit Paulus. Dilectionem ueritatis non habuerunt, ut salui fierent; & ideo mittet eos Deus in operationem erroris, ut credant mendacio, ut iudicentur omnes qui non crediderunt ueritati, sed consenserunt iniquitati. Hæc Paulus. Sed redeamus ad Ezechielem, qui primus nos huius diuini iudicii de iis qui simulato animo Dei oracula interrogant, admonet; & uideamus quid præ terea dicat de eo homine qui immunditias habens in corde, prophetas Dei interrogat. Hæc enim omnia ad te sic pertinere uidentur, ut omnia quæ tibi postea in hac causa acciderunt, & quæ nunc flagella iræ Dei pateris, diuinasse uideatur. sic autem ait ad eum, qui tali animo interrogat. Et ponam faciem meam super hominem illum, & faciam cum in exemplum & in prouerbum, & disperdam eum de medio populi mei, & sciatis, quia ego dominus. Hic ego si tibi narrarem in iis locis in quibus mihi contigit uerari postquam a patria & regno tuo discessi, quod in omnium ore & uocibus sis fabula, quæ etiam ii qui ante te nunquam propter regium nomen cognouerant, propter summam iniquitatem & impietatem familiare iam nomen tuum habeant, ut nullius nomen frequentius citetur, cum de Tyrannide uel impietate sermo est: quæ non solum in constrictis, sed in omni consensu hominum cuiusque ordinis ab infimis ad summos omnium uocibus laceretur: hæc si tibi dicam me scire, & quotidie cum magno dolore animi audire, tu mihi non credes. Sed si hoc credis, summam iniustitiam, summam impietatem & tyrannidem homines probrosos & infames facere posse, hæc sic nunc de te ubique percrebuerunt, ut si omnibus locis publicis per orbem Christianum scripta proponeretur, quo ab omnibus legi possent, melius aut certius cognoscere non possent. Quæ quidem maxime Dei in te uindictam ostendunt; qui primum tuam gloriam, & famam extinguere in omnium animis uoluit, deinde te etiam ex suo populo disperdere, & prorsus eicere. Considera autem adhuc paulisper si potes, quo pacto  
Deus



Deus hæc quæ ad ignominiam tuam pertinent, geri & administrari uoluit. Primum permisit Sathanam ad te uenire, qui tibi hoc in animum immitteret, ut gloriam tuam & potentiam in regno tuo augeres; quod ita futurum persuasit, si supremum nomen omnium potestatum quæ in terris sunt, tibi sumeres. Tale enim nomen est, supremum ecclesiæ caput in terra, hæc autem uia rectissima fuit, ut infra omnes homines qui sunt in terra, deicereris. Sed quo pacto hoc suaserit Sathanas? Quid autem querimus quo pacto, cum Sampsonis librum habeamus, qui instrumentum Sathanæ fuit ad id tibi persuadendum? An uero aliquid latet, quod Sampson & reliqua Sathanæ instrumenta tibi in aurem dixerunt, quod literis noluerunt mandare? Latet quidem hoc maxime, quo pacto Sathanas te assumpsit in montem excelsum ualde, & ostendens non omnia regna mundi, ut Christo, quem adducere non potuit illa omnia offerendo, ut suo testimonio filium Dei se pronuntiaret, cum tamen esset uere filius Dei: sed bona omnia ac possessiones sacerdotum, te adduxit ac peruenit, ut qui uix pedis locum nunc habebas in ecclesia Dei, supremum te ecclesiæ caput esse diceres, cum tibi promitteret sese ea omnia daturum, si te supremum caput ecclesiæ profiteri uelles. Reliqua commisit Sampsoni, ut per scripturas hoc etiam probaret. Scriptum est enim (inquit in persona Sathanæ Sampson), Honorificate Regem, hæc theologia Sathanæ fuit persuasio, qui postea te statuit supra pinnaculum templi; & non ille quidem dixit, si caput ecclesiæ es, mitte te deorsum, sed cum tu ad aspectum possessionum sacerdotum lubenter & prompte hoc nomen tibi arrogasses, is te sic deorsum præcipite egit, ut qui duo capita appetisti, iam sine capite appareas. quod enim te habere putas ex regio nomine tam firmum, ut tolli non possit; uix simulachrum regii capitis dici potest: & illud ualde iam debile, ut, qualecunque est, diutius hære non possit. cum omnes illæ uirtutes, bona illa naturæ omnia, quæque a Christo acceperas, unde capiti uis quædam uitalis accedit, illo casu dilapsa sint, ut iam ne reliquias quidem ullius uirtutis quisquam in te possit agnoscere. Quam uero fracta & dissipata sint omnia, quæ uel speciem aliquam in te uirtutis referebant, quo pacto Deus manifestius declarare nobis potuit, quæ cum in Morum & Roffensem, & cætera uasa spiritus sancti, monachos inquam illos, seuire te permisit: Nonne in ea re liquido omnibus ostendit, ne scintillam quidem iustitiæ, aut ullius uirtutis reliquiam in te esse? Nam si ulla omnino superesset, tunc sane erga tales homines aliqua ex parte

*Sathanas quo arte  
Henricum Regem  
lauit.*

*Libri Sampsonis  
Instrumenti Sathanæ.*

*Nulla iam uirtutis  
reliquia in Henrico  
conspicitur.*

## LIBER

eam ostendisses. Sed quo omnibus numeris impleretur Ezechielis prophetia infamiam tibi tuique similibus inter cætera prædictis, quod immunditiam in corde habens, Dei sententiam & legis per sacerdotes interrogasti, uide ut tempus ipsum, uel potius tali tempore primum illustrata egregia uirtus illius, quæ tute ipse inimicissimum tibi iustissimis de causis reddidisti, cum sua sponte amicissimus semper fuisset, facta tua satis illa quidem per se ad omne dedecus exposita, magis tamen ad infamiam sempiternam nominis tui euulgauerit, & per omnium ora traduxerit. Quo enim tempore Caroli Cæsaris inuicta pietas aduersus barbaras gentes, hostes religionis nostræ, in Africa cum summo uitæ periculo res gerebat, & iam uiginti millibus captiuorum Christianorum liberatis uictor redibat, quo nihil multis sæculis addecus & gloriam, & ad salutem Christiani nominis præclarius factum est ab ullo Principe; eodem tempore tu scorti tui causam agens, optimum quæque in regno tuo ueræ fidei defensorem, ipse falsissimum nomen fidei defensoris gerens, ad eandem & cruciatu requiebas; quotquot autem nancisci posses, eos non humanus aliquo modo, sed quasi fera amisso humanitatis sensu, non occidebas, sed laniabas: quorum multos etiam nunc in uinculis habes, quos multo inclementius tractas, omnia illis horribilia intentans, quæ Barbarossus religionis nostræ hostis suos captiuos tractaret, eos quos nuper Cæsar in Africa liberauit. De Roffensi uero, qui diuturni carceris miseriam perpeffus in hæc usque tempora uitam produxit, quis est qui ætatem eius maxime iam affectam, imbecillitatem ualitudinis qua semper fuit, & tenuitatem corporis notam habens, eum uel unum mensem potuisset in carcere perdurare existimasset? Ego certe cum istinc ante triennium discederem, ne si exquisitissima quidem cura in tuenda ualitudine domi suæ uteretur, afflictam in eo naturam animaduertens, ad unum annum posse uitam extendere iudicabam. Atque hoc etiam postea accepi, cum Londinum accersitus esset, ut in carcerē conderetur, in itinere ad aliquod tempus ob uirum imbecillitatem animo defecisse. Nunc uero cum hunc constet quindecim toros menses in illo tætri carceris squallore uitam retinere potuisse, quis tandem non agnoscat manum Dei supra naturam, qui eius uitam ad tuum summum dedecus magis illustrandum produxit, ut tuo gladio, non fato suo uir sanctissimus periret? Et ut adhuc facinus illud tuum maiori iniquitate cumularetur, permisit, ut in numerum Cardinalium etiam cum in carcere agens referret;

ut cum

*quo tempore Carolus Cæsar in expugnandis nostræ religionis hostibus occupatus fuit, eodem tempore Henricus fidei defensores occidit.*

*Roffensi, mihi a Deo seruatus, post in carcere reuersus perdurare non potuisset.*

ut cum eum postea necauisses, intelligerent omnes te non solum optimum episcopum, in quem nullam haberes animaduertendi causam, sed Cardinalem etiam, in quem tibi iuris nihil esset, una cum præcipuis religionis nostræ professoribus occidisse; idque eo tempore quo Cæsar præcipuis christiani nominis hostibus profligatis, & uiginti millibus christianorum a durissima seruitute ac crudeli tandem morte liberatis, sempiternam sibi apud Deum uictoriæ coronam, & perennē apud homines famam ac gloriam adeptus est. Ita tempora ipsa actiones tuas cum Cæsaris aduersarii tui rebus gestis contenderūt, quo insigniores essent, ut quo tempore omnium templorum parietes tabellis uotiuius captiuorum uestiuntur ad summam Cæsaris gloriam, & per uniuersum orbē christianum supplicationes passim fiunt ob eam illustrem uictoriam, eodem tempore pro omnium templorum foribus diræ exerationes in te expectentur; Cæsar bonorum omnium uocibus appelletur, ut in te non solum crudeliorem hostem religionis quā Turca ipse, & Barbarossus, sed longe magis exitiosum ecclesiæ, quā omnes a quibus unquam oppugnata sit, arma conuertat; Pontifex denique, ut te quasi putre iam & mortuum membrum a corpore abscindat, omnium pene mortalium precibus flagitetur. Quæ ne diutius differatur, uide quid non calu aliquo, sed diuina agens te providentia acciderit, cum præter omnium expectationem Cæsar in ea loca perductus sit, ubi cum Pontifice de sanandis reipublicæ christianæ uulneribus, quæ tu magna ex parte inflixisti, commodissime cōsilia coram inire possit. Romam enim peruenit Cæsar eo quidem tempore, quo uictor barbarorum, & omni alia cura liberatus, malis iam intestinis tollendis totus operam dare posset. Tu autem aduersus diuinas humanasque opes ad tuorum scelerum uindictam conspirantes, quid molieris? quid reperies, quo te defendas? quo confugies? cuius auxilium implorabis? externorum ne? At certe non natura ipsa magis regionem istam a reliquo orbe discluit, cum eam Oceano circumfuso insulam fecit, quam te libidines tuæ & impia in ecclesiæ concordiam consilia excluderunt omni externo auxilio, eorum quidem certe qui christiani aut esse, aut etiam haberi uelint. Qua ergo re cōfides? populorum ne imperio tuo subditorum præsidio, quorum cōmodis ita consuluisti, ut qui nunc ex commerciis quæ cum externis habent, res suas tueri atque amplificare soleant, utpote mercaturis faciendis plurimum uictitantes, paulo post omni reliquarum gentium commercio tua causa arcēdi sint? quod perinde sane illi has

*Rossius in carcere  
agat in Cardinalem  
numerus relatus est.*

*Cæsar Cæsar post  
illusterrimā in Afri  
ca partem uictoriam  
uenit Romanus.*

*Henricus nec de ex  
ternis, nec a suis auxi  
lium sperare potest.*

## LIBER

bebunt ut si fortunis omnibus & uictu etiam necessario priuati  
 abs te essent. Qua ergo re illis persuadebis, ut tantum detrimen-  
 ti sustinere uelint, ne quid inter ea de infamia dicam, cum tanquā  
 Turcæ hostes religionis, aut tanquam perfidi Iudæi habebunt,  
 & omnibus despiciatui erunt? cum igitur omnibus temporis ex-  
 cludentur, ubi nunc magno suo cum emolumento permutare mer-  
 ces solent; quo orationis genere iis persuadebis ut tibi adhaere-  
 ant? An merita tua in illos commemorabis? At illi cum non uer-  
 ba solum attendent, sed res etiam spectabunt. Quid ergo? Tu po-  
 teris in tot annorum spatio, quibus in pace, sine ullo hoste regna-  
 sti, ullum tuum uel mediocre in eos meritum ostēdere? profecto  
 non poteris; at illi contra multas tuas iniurias & damna sua pos-  
 terunt. Quid igitur facies? quo te uertes? fidem ne sacramenti,  
 quo tibi obstricti sunt, implorabis? Ita ne uero? qui fidē illis nun-  
 quam serualisti, qui unus tot millia decepsisti, qui nihil eorum pre-  
 stitisti, quæ tu regnum iniens sancte iurauisti te facturum, nunc  
 expectas, ut fides illos ad opem tibi in suam perniciem ferendam  
 possit obligare? Ac cum Deus sit omnis fidei & iurifurandi uin-  
 culum, tu aut tā aperte Deo & ecclesie bellum indixeris, fidemque  
 freris, postulas ut religio alios in fide tibi seruanda retineat?  
 Verum quis nō uidet, ut Deus omnia tibi humana auxilia prorsus  
 præciderit: ut regni tui fundamēta prorsus subruerit? Quid  
 enim? cum tibi iustitiæ bonitatis, clemētiæ, liberalitatis famam  
 eripuit; an non fundamēta regni tui una cum spe omnis subsidii  
 euerit? num aliqua his firmiora regnorum fundamenta esse pos-  
 sunt? an non sola sunt? num regnum aliquod stare potest, ubi hæc  
 non sint? num homines cum adiuuare, a cuius animo hæc abesse,  
 & contraria affatim adesse exploratum habeant? An uero satis  
 experti non sunt, cum per annos septem & uiginti, quibus regna-  
 uisti, nihil præter rapinas tuas potuerint agnoscere; siquod autē  
 liberalitatis signum interea dedisti, id in omnibus potius aliis,  
 q̄ iis quæ ad publicum commodum pertineret, animaduertierint.  
 primis enim regni tui annis immanes pecunias incassum profus-  
 disti; quas ærarii iacturas, ut refarcires, omne postea genus ho-  
 minum spoliasti, Nobilitatem semper ludibrio habuisti, populū  
 nunquam amasti, clerum omnibus modis uexasti ac spoliasti, no-  
 uissime autem homines dignissimos, qui diutissime in uita mane-  
 rent, decora regni tui, columnas ecclesiæ Dei, flores generis hu-  
 mani (ita enim appellari debent, qui præcipuos se inter homines  
 fuisse, non uita solum, sed ipso etiam uitæ exitu ostenderūt) cru-  
 delissime,

*Henricus fidem non  
 seruat.*

*Fundamenta regni.*

*Henrici merita in re  
 pub. Anglican.*

delissime, nulla causa, ne falsa quidem huiusmodi quæ iusta uis-  
deri posset, non tanquam homo, sed tanquam rabida fera lan-  
asti. An non satis uideor summam tuarum in regno administran-  
do actionum comprehendisse? Quid quæso aliud uere dicere pos-  
set, si quis uellet te mortuo, capita rerum tuarum in sepulchri in-  
scriptione proponere, præter ea quæ modo retulisti nisi forte hoc  
etiam placeret adiungere, pro quo obtinendo ingētes thesauros  
effudisti; te publicis omnium gymnasiorum authoritatibus in-  
cæ stuosi nomen tulisse; quo quidem elogio magnis sumptibus &  
summa contentione comparato, uiam tibi patefecisti cum perni-  
cie regni tui, optimorum uiro-  
rum cæde ac parricidio, perturba-  
tione deniq; totius populi Christiani, ad gloriosum illud, quo ti-  
bi nihil unquā ignominiosius excogitari potuit, supremi in An-  
glia ecclesiæ capituli nomen. Num alia sunt in rebus tuis gestis  
illustriora, quæ potius sepulchro tuo inscribi debeant? Equidem  
nihil uideo. Illud enim Sardanapali, quod Aristoteles dixit me-  
lius bouis, q̃ Regis sepulchro inscribi posse. Hæc habui, quæ exa-  
turata libido, Haufit. & cæc. tibi Regi non modo ferendum, sed  
etiam optandum esset, ne quid probrosius inscriberetur, & ut re-  
liqua quæ non minus uere possent tollerentur. Sed quis tibi de  
sepulchro polliceri audeat? quis nō potius, qui iudicium Dei no-  
uerit in superbum regem Assyriorum, qui dixerat, supra astra  
Dei exaltabo solium meum, sedebo in monte testamenti, in late-  
ribus aquilonis: similis ero altissimo, & reliqua superbix plena,  
quæ Esaïas recitat: quis, inquam, qui id nouerit, nō potius expe-  
ctet eandem in te Dei sententiam, qui eandem superbiam imites-  
ris? eam autem sic Esaïas exprimit. Omnes reges gentium unī  
uersi dormierunt in gloria, uir in domo sua, tu autem proiectus  
es e sepulchro tuo quasi stirps inutilis, pollutus & obuolutus cū  
his qui interfecti sunt gladio, & descenderunt ad fundamenta la-  
ci, quasi cadauer putridum, non habebis consortium, neque cum  
eis in sepultura. tu enim terram tuam disperdidisti, tu populum  
tuum occidisti. Sed quid quærimus, Dei de te sententiam ex  
Esaïa? Nonne siquid leges ecclesiæ ualent, quemadmodum quis-  
dem apud omnes pios ualent, iam pridem hæc in te sententia la-  
ta est, qui homines Deo sacros e clero, & in his presbyterū Car-  
dinalē, non minus perpetua uitæ innocentia, q̃ senectute ipsa  
uenerabilem, uiolaris, & nefario iudicio damnatos occideris?  
nonne hoc uno nomine, ne alia enumerē, tibi sacris templis pios  
rum congressu, & semel omnibus, quæ ecclesiæ sunt, communia,

*Hæc uis magni sum-  
ptibus iocæ: tuiusq; no-  
men comparasti.*

*Sardanapali epigraphi-  
um.*

*„ Esa. xliii.*

*„ Ibidem.*

*Henricum legem eccle-  
siæ iure sepulch-  
ri priuauit.*

# LIBER

interdictum est: ut si quis casus te nunc eriperet, ius sepulturæ legiti-  
 mæ non haberes? Verum quid tibi post mortem futurum sit,  
 quod tu quā minimū, uel nihil potius curas, omittamus. De peri-  
 culo tantum loquamur, quod tibi in uita etiam num agenti im-  
 minet. Quod quidem tale est profecto, Pōtifice præsertim & Cæ-  
 sare ad causam adiunctis, & nunc in commune consultantibus,  
 qua ratione his ecclesiæ malis, quorū tu magnam partem author  
 fuisti, medeātur: ut iam securis ad radicem posita esse uideatur.  
 Quid tu igitur? cum sic omni dedecore & ignominia notatus sis,  
 cum omnium pene mortalium odio flagres, cum præcipuæ Chri-  
 stianorum potentia, & humanæ diuinæq; opes iam conspirare ui-  
 deantur, ut tam perniciosum reliquo corpori membrum abscin-  
 dant, quo confugies? quod tibi auxilium parabis? ut omnia quæ-  
 ras, certe nunquam reperiēs. Sed potest ne alicūde ab amico tuo  
 quopiam inueniri? potest ne contra tot simul urgentia pericula  
 comparari auxilium? posset quidem, si periculi tui magnitudinē  
 agnosceres. Verum hoc est maximum tibi in malis, q̄ te tutum  
 esse putas, cum nemo multis sæculis Rex uicinior extremæ rui-  
 næ extiterit. At tu diuitiis tuis fidis, quas ingentes ex spoliis ec-  
 clesiæ congestisti. Verum hoc existimare debes, nullum unquam  
 & tyrannis, quorum miserabiles casus passim in historiis legun-  
 tur, auri penuria periisse: sed omnes abundasse iis rebus, quibus  
 tu fidis. amicorum inopia omnes perierunt, quos iniusta auri &  
 diuitiarum possessio omnibus inuisos fecerat, & hostiū insidiis  
 magis obnoxios reddiderat. Quod si præter aurū amicos etiam  
 te fideles habiturū esse speras, ne tu profecto uehementer eris,  
 & te ipsum perniciosè decipis. Nec enim habebis. Vtrum autem  
 habiturus sis, nec ne, noli quærere ab iis, qui nunc se tibi uendit  
 tant; facta potius tua consule, & merita in amicos qui iam e uita  
 excesserunt, ac cum repereris, quos aliquando intimos habuisti,  
 partim reiectos a te inhumaniter, & dolore animi ad mortē coac-  
 ctos, cuius rei Eboracensis & Comptonus testimonio apud os  
 omnes esse possunt; alios a te ipso iniustissime necatos, ut nūc Ros-  
 sensem, & Morum, quibus nunquam amiciores ullos tuiq; certe  
 amantiores habuisti: si huiusmodi facta amicos conciliant, tum  
 te plurimos habiturū existima. sin autem iam etiam conciliatos  
 abalienant, cognosce aliquando quanto in discrimine uerferis.  
 Quod si hæc te nihil mouent, fac aliorum exempla consideres;  
 eius in primis Regis, quem pater tuus secum acie cōgressum ui-  
 ctor occidit. Is enim paucitate militum patris tui animaduersa,  
 arbitratus

Luc. iii.

Henricus ingentes di-  
 uitias ex diripiendis  
 ecclesiarum cōsumit.

Henrico amici defuncti,  
 quorum auxilio consi-  
 da.

Henricus amicos suos  
 occidit.

Ricardus. iii. ab Hen-  
 rico. vii. uictus. Vide  
 Poi. Hist. Angl. lib.  
 xxv. fo. D. lvi.

arbitratus sibi minime defuturos amicos fideles ex iis, quibus ipse tyrannice imperauisset, maximis contractis copiis, prælio experiri cum illo statuit, itaq; desertus a suis ac proditus, nullo negotio a paucissimis uictus est. Sic tu si in aliquod huiusmodi tempus incideris (atq; hoc tibi tanquam ab oraculo dictum putato) ne cui salutem quidem tuam tuto committas, reperire poteris; omnibus diffides; intus pavor, & foris gladius (ut de similibus uaticinatus est Propheta) te sic urgebunt, ut si rem marti committas, non possis non miserabiliter mori. Vbi ergo auxilium, ubi remediū tot tuis malis, si neq; in diuitiis, neq; in amicis spei quicquam superest? An omnia sunt desperationis plena? minime equidem ita sentio, quin potius (ac uide, quo progrediar) si modo te ipse non deceiveris, ut instantem iam tibi perniciem agnoscere nolis, sed omnia tuta ac periculo uacua putes: idem ego, qui iam dudum uideor tibi nihil relinquere, ex quo salutem sperare possis; ego inquam, nō solum remedium esse dico, sed me etiam illud habere, & nisi tu recuses, adhibiturum esse profiteor. Sed quale tandem est quod dixi? Est ne uel tuum malum tam leue, uel facultas mea tanta, ut te saluum præstare possim? Tam cito aut meq; ipsius tenuitatis, aut malī tui grauitatis oblitus sum? Ego uero utrūq; noui, & me nihil admodum præter cæteros posse, & te grauiori malo oppressum esse, q̃ quisquam unquam Rex fuerit; idem tamen, Dei auxilio fretus, remedium me præsentissimum habere profiteor. Id autem quale sit, alio libro, quādo hic pene ultra modum excreuisse uidetur, exponam.

*Dicit. xxxii.*

*Henrico promittitur  
remedium si sua mala  
la agnoscat.*

LIBER QVARTVS.



**ENTVM** est aliquando tandem Princeps ad eum locum, quem ego iam dudum, quasi quēdam ex longa iactatione portum expetebam; ut postquam ea quæ tute tibi contraxisti, mala ac pericula demonstraui; deinceps expeditissimam salutis uiam tibi ostendam. In quo, si usquam alias, attentiosne tua, & in auscultando æquitate mihi in primis opus est. nunquam enim rem maioris momenti a quoquā audies: nisi aliquid maius corporis simul & animi salute cogitari potest. Quæ enim sum dicturus, ad utriusq; salutem sic pertinent, ut nisi ea nunc ex me audieris, sero sis fortasse aliorū reme-

*Prius, ut Rex attente  
ac benigne audiat.*

# LIBER

dia auscultaturus, sero auxilium imploraturus. Mala namq; omnia ante te opprimet, q̄ quisquā succurrere atq; opitulari possit. Quare si unquam ulla in causa, nunc maxime attente omnia audire te oportet. Sed quo pacto me de tua salute loquentem auscultare possis, quo pacto credere iis quę sim dicturus, qui si ulla uerborum contumelia ostendere possit animū inimicum, ea dixi in nomen & facta tua, quę nemo unquam hostis tibi obicit, nec plura posset obicere, q̄ maxime hostili in te animo esset? Quid ergo inimico ne, qui tam aperte, & tanta uerborum licentia tibi insultauerit, operam dare, aut aliquid credere debes, quasi de salute tua postea dicturos? Auscultare quidem nihil prohibet etiā inimicum princeps; neq; ego tamen, utcunq; ex uerbis atq; oratione hostis uideor, tibi unquam inimicus fui, nec aliud nūc a te peto, nisi ut me tua causa benigne audias. postea tantum credes, quantum tibi res ipsa persuaferit in rem tuam fore. Nunc tantū auscultā. Et ut aliquo exemplo illustri proposito libētis, quem inimicum iudicas, auscultes; audi uocem magni illius regis, quē Deus elegit secundum cor suum, qui fuit rex idem & Propheta. Is igitur cum ab hoste suo Semei non solum maledictis incesseret, atq; omni probrorum genere laceraretur, cum & filium Belial & hominem sanguinum appellaret, sed lapidibus etiam ab eodem peteretur; quam rem milites Dauid, ac duces qui circumstabant, non ferentes statim uolebāt conuiciatorem interficere; prohibuit, & dixit. Dimittite eum ut maledicat. dominus enim pręcepit ei ut malediceret. & quis est qui audeat dicere quare sic fecerit? Dimittite eum ut maledicat iuxta pręceptū domini, si forte respiciat dominus afflictionem meā, & reddat mihi dominus bonum pro maledictione die hac hodierna. Hęc regis Dauid patientia fuit princeps, non solum in auscultando inimici & hostis uerba, quę statim interficere potuit, sed prohibendo ne quid malī illi propterea accideret; cum tamen nihil pręter conuicia diceret, nihil salutare promitteret. Quam nunc patientiā hactenus a te postulo, ut quę ex oratione tibi inimicum iudicas, cum animo nemo sit amicior, pro tua salute loquentem audias; pręsertim cum idem dicere uerissime possim, quod Dauid de illo suo conuiciatore credebat, Dominum mihi iussisse, ut tibi hoc meo scripto maledicam; cui ipse postea bonum pro maledictione reddat, si me æquo ac patienti animo auscultaueris. Quid enim putas ne me sponte fecisse, ut te tot maledictis onerarem, quot in nomē tuum & famā proximo libro congestis Et quando unquā simile

Obiectio.

Dilutio.

Dauid inimicum maledicentem patienter audiuit.  
ii. Reg. xvi.

”  
”  
”  
”  
”

Deus iussit auctori, hoc suo scripto, Regi maledicere.



simile quicquam feci: qui eo usq; semper abstinui a maledictis & conuiciis, etiam in homines me multo conditione inferiores, a quibus tamen aliquando uehementer laceffitus essem (id quod possunt testari, qui mecum familiarius uixerunt), ut multis mea hæc lenitas, lenitudo potius quædā & demissi humilisque animi signum uideretur. Et sane ita semper natura abhorruī a maledictis, ut facilius paterer me uel iniuria ab omnibus reprehendi, q̃ alterius iniquitate adduci, ut aliquid contumeliosius in quēquā dicerem, aut etiam maledicta maledictis ulciscerer. Quid ergo si talis mea & natura & consuetudo est, ac semper a puero fuit, commississem unquam, ut in regem, & in eum quidem regem, cui me subdicitum fateor, in eum qui nō modo nulla me priuatim iniuria affecit, sed maximis ultro beneficiis cumulauit; in eum denique, qui hoc ipso tempore, quo alios qui eādem quam ego sententiam defendunt, acerrime insectatur, mea studia benignitate sua fouet; in hūc igitur talem maledicta unquam mea sponte dicerem, nisi qui in me maius imperium habet, hoc mihi imposuisset. Sed quæ mysteria nunc loquor? a quo sum iussus? quis dominus me talia loqui iussit? Idem Princeps qui communis tibi mihiq; est dominus; Christus inquam me illa scribere iussit; non ut conuitium tibi facerem, sed ut peccata tua ostenderem, quod sane ita feci. Probe enim mihi, teste Deo, conscius sum me nihil in te dixisse, quod maledicti nomen mereatur. criminum certe uim omnia habent. fundamentum in ipsis tuis factis omnia habent: non mera uerba, non maledicta aut conuitia sunt, quæ in te dixi. Sed quo pacto Christus hoc me iussit faceres? hoc modo Princeps. illud Christus uidit: ut multa abs te contra omne ius fasque esse commissa, sic etiam quædam te recte ac præclare fecisse. Quemadmodum autem iustitia illius ea quæ perperam facta sunt, uindicare solet, sic benefactorum mercedem ac remunerationem ipsius benignitas præmittere non potest, quam quidem magno cum scōnore semper tribuit. In hoc uero genere bene a te pieq; factorum cum nihil sit, quod magis omnibus ex partibus gloriam Christo reddat, q̃ meæ educationis suscepta abs te cura, qui me unum ex omnī nobilitate Anglica elegisti, quem & uirtutibus & literis a puero instituendum curares: quantum quidem ego profecerim, nihil refert: si parū, mea culpa est: tuum certe beneficium permagnum est, taleq; plane, ut nec rex pater principi filio maius dare possit, nec quisquam omnino hominū quod amplius & Deo gras

*Natura auctoris alie  
iussima ab omni ma-  
ledicentia.*

*Non maledicta in re-  
gem auctor concessit,  
sed Regis peccata ipsis  
ostendit.*

*Auctorem Rex Hæ.  
literis & uirtutibus  
instruendū curauit.*

*Agnoscit maximum  
Regis in se beneficium.*

# LIBER.

*Christus auctorē re  
gi de se bene merito  
maximā mercedem  
repensere voluit.*

*Ioānes Baptista.  
Mat. xi.*

*Erātem reducere ad  
viā rectā maxie  
mū est beneficium.*

*Lu. iii.*

*Pœnitentia, priuileg  
ium humani generis.*

*Mat. iii.*

*Angelis peccantibus  
non est concessa pœ  
nitentia.  
David.*

*Psal. l.*

*Psal. xxxv.*

tius sit, in alterum cōferre. Huius ergo tanti in me beneficii, gra  
tiam tibi perire noluit, & ut omnium quæ ab hominibus in hos  
mines proficisci beneficia possunt, maximū illud est quod tu in  
me cōtulisti, sic quæ maxima homini ab homine tribui merces  
poterat, quæq; beneficio tanto debita erat, eam me tibi rependes  
re uoluit. Quænam igitur ea est tibi grauiter & perniciose er  
ranti, errorem indicarem, & ad rectam uiam te, si sequi uelles res  
ducerem; deniq; ut imminens tibi periculum denunciarem, & cer  
tissimam salutis rationem ostenderem. Hoc maius beneficium, il  
le quo nemo inter natos mulierum maior surrexit, patria suæ &  
ciuibus in pernīcie ruentibus conferre non potuit. Hoc ego  
nunc a Christo excitatus, tibi & ciuibus meis tribuo. Tibi iam  
errorem tuum indicaui, & nunc sum paratus uiam etiam rectam  
monstrare. Tibi summum periculum in quo uersaris, notum iam  
feci, tibi securim ad radicem arboris positam denunciaui, & nūc  
salutem tuam, si auscultaueris ostendam. Ausculta tantum, & ses  
quere jac tum audacter pronunciare audebo, omne periculū eua  
simus, uicimus. Habeo princeps in manibus id quod mihi Chris  
tus dedit ad te seruandū; habeo inquam in manibus illud, quod  
si a me acceperis, uicimus. quid amplius quæris? Et cum honore  
quidem uicimus. Habeo princeps priuilegium humani generis,  
priuilegio enim opus est, ut salutem consequaris. Tale autē pri  
uilegium est, quale ne angelis quidem peccantibus Deus concess  
sit. Sed quid moror ostendere? Pœnitentiam age princeps, pœni  
tentiam age, & appropinquabit regnum cēlorum. Pœnitentiam  
oportet agas, & (mihi crede) non tanto cum dedecore cecidisti,  
quanto cum honore resurges. Hoc quidem est priuilegium meri  
to Christi hominibus concessum, per quod a morte ad uitam res  
uocamur: Quod quidem tantum est, ut nec angelis peccantibus  
concessum sit. Sed qua uia, quo modo, Rex regem doceat, modū  
tu ab eo rege audies, qui cū Deo esset carissimus, tamen permis  
sus est cadere, ut reliquos omnes modum resurgendi doceret,  
quem in se expertus esset, hoc autem Deo promisit se facturum,  
si subleuatus a terra esset qui grauiter cōcidisset. Dicebat enim,  
Docebo iniquos uias tuas, & impii ad te conuertentur. An Da  
uid regem sequi te piget Princeps? Sequutus es peccantem, fac  
nunc sequaris & pœnitentem. Ille enim miser etiā factus est pec  
cato, ut de se dicebat quod tu eodem modo de te ipso possis dice  
re. Miser factus sum, & curuatus sum usq; in finem, & lumbi mei  
impleti sunt illusionibus, & nō est sanitas in carne mea. Ac licet  
propheta

propheta esset, tamē non magis agnoscebat peccatum suum quā tu nunc tuum, donec ab alio propheta, quem illi Deus admonendi causa miserat, edoceretur. Sed ut audiuit Nathan admonentem, statim dixit, Peccaui: & cum illo uerbo audiuit a propheta. Et dominus transtulit peccatum tuum. O princeps, si ego nunc idem uerbū abs te audirem, qui iussu Dei te de peccato tuo admonui, an non putas me etiam mandatum a Deo habere, ut tibi dicam, Et Deus transtulit peccatum tuum: Habeo certe, etsi grauius tu longe quā Dauid peccauisti, tamen non minus cito audies peccatum tuum esse translatum quā Dauid. Habeo quidem hoc in mandatis a Deo, ut tibi dicam, & quaecunq; præterea ægrum animū uel sanare, uel consolari possint ostendam; eandem deniq; uiam, per quam hæc omnia Dauid est assequutus, patefaciam, si modo ingredi, & per eam Dauid regem sequi non recuses. Sed cur reculares? An dux tibi displicere potest? Sed melius confidere, cōuerte paulisper oculos, & intueri qualis sit. Nimirum is est princeps, cuius Christus ipse non est designatus filius dici. Ipse Dei filius Princeps naturam humanam assumēs, filius Davidis dici uoluit. & tu ducem Dauidem ad salutem tuam auersaberis? An ipsa erroris confessio, & pœnitentia, sine quibus nulla nec apud Deum nec apud homines honoris uel salutis spes esse possit, te retardat? Quid in his uides uel dedecoris uel difficultatis quod te moretur? Si illum qui erat propheta summus, non pudebat confiteri errorem suum: si ille cum peccatū commisisset, peccatum non agnoscebat, donec ab alio admoneretur; tu princeps post grauissima & horrenda optimi cuiusq; iudicio a te commissa peccata, probrosū tibi esse duces, grauitareni scelerum confiteri te nescisse antequam admonereris; aut post admonitionē discere, peccaui, & de peccatis pœniteres? Quid cogitas? Quid speras? quid te retardat ab hac confessione peccati? An expectas aliam uiam magis honorificam? an hæc ipsa tibi non maxime honorifica esse potest, in qua omnium sæculorum nobilissimū regem, ducem atq; exemplum habes? At tibi hoc affirmo, si omnes homines quicūq; ab initio conditi humani generis, in hunc usq; diem prudentia & consilio præstitisse existimantur, in unum cogere uelut, ut de tua salute consulere, nunquam illos nec expediriōre, nec magis honorificam rationem hæc per pœnitentiam errorum confessione ostēdere posse; immo nullam aliam ullo ingenio excogitari posse. Sed quid tu Princeps, an nō satis honorificam esse ducis? Scis ne quid sit pœnitentiā agere, & culpam confiteri?

X

*Dauid nō prius agnosuit peccatum, quam a Nathan esset admonitus.*  
ii. Reg. xii.

*Dux Regi illustrat ad pœnitentiam duci non potest, quam Deus uidet.*

*Nulla Regi saluissima ratio circa pœnitentiam, & erroris confessionem.*

# LIBER

Nulla unquam natura  
creata potest crimine  
vacare.

Hominis dignitas in  
penitentia consistit.

Peccatum uiciale na-  
turae soboles.

Carnis

Spiritus.

Penitentia.

Ep. lx.

Hier. ii.

An sine culpa uis haberis? At hoc nulla unquam natura creata, utcumque in suo genere præstans esset, conlequipotuit. Id quod non tam hominis casus in perfecta natura creati, quàm angelorum cæteris omnibus dignitate naturæ excellentiù ruina, satis nos docere potest. Non ergo hæc præstantia ab homine natura iam mihi sero expectanda est, ut peccatis erroribusque uacet. In quo igitur dignitas hominis, ac præstantia existit? Nempe in hoc princeps, in hoc ipso, in quo tu dedecus atque infamiam times: in penitentia inquam, ut cum natura humana erroribus uacare non possit, simul ac iis implicatam se sentiat, statim inde expediti nitatur, & non tanquam sus ceno inuoluta libenter in peccati sordibus conquelescat; quoque magis inde euocetur, eo profundius se immergat. Nihil enim princeps tam deturpat hominis naturam, quam peccatum; cum peccatum nihil aliud sit, quam degeneris ac uiciatæ naturæ, quæ in sacris literis nomine carnis exprimi solet, soboles quædam; quæ si crescendi tempus nanciscatur, quo magis se diffundat, eo magis naturæ generosæ, quem spiritum eadem sacræ literæ uocant, fructus corrumpit, donec omneis tandem absumat, breuiterque tale quiddam sit peccatum, quale si exemplo declarare uolumus, in generosis multis plantis uermes fructum absumentes, quos ex ipsa morbida arboris parte in perniciem fructus sepe uidemus enasci. Quo malo affecta ipsa quidam planta, si sensum alii quem haberet, non posset non grauiter offendit, & omnibus modis significare, se nihil magis cupere, quam hoc tanto se premere malo liberari; etiam ipsa se adiuuare non posset, cultoris manum imploraret, ut tantum malum in intimis suis uisceribus hærens ac penitus defixum, cui mederi ipsa non posset, quoquo modo eximeret. Talis quidem in animo mali agnitio est penitentia, quasi sensus quidam generosæ plantæ relictus, per quem & perniciem suam aduentantem sentit, qua quidem maxime offenditur; & cum seipsam liberare non possit, ad agricolam clamat, ut malum tollat. Et tu nunc princeps planta Dei es. Sic quidem Propheta dicit, non magis de aliis quam de te loquens in persona Dei, Germen plantationis meæ ad glorificandum. Sic sane es a Deo factus, tanquam generosa planta, tanquam uitæ quæ fructus ad Dei gloriam uberes pareret, de qua in alio loco alius propheta. Ego plantauit in te omne semen uerum. At nunc maior lues hos fructus uastat, quam ulla ex uermibus in arboribus timeri possit; cui tu ipse mederi non potes. Quid ergo ad uinitorem non clamabis? non ostendes te tuo malo offendit? An ita in te omne generosæ naturæ semine consumptum

sumptum esse palam facies, ut ne malum quidem tuum sentias? At non potes non sentire, si uel minimum uitæ semen in te relictum sit, quod reliqui omnes & uident & sentiunt. quid ipsa tot iam annorū sterilitas nonne id satis ostendit? uinitor porro ipse ad te misit, qui malum tuum tibi, spectante uniuersa ecclesia, monstraret. Ipse uero aliud nihil expectat, nisi ut manū suam implores, ad omnem uocem uenire est paratus. Adhuc te clamante, dicet, ecce adsum. O summā eius benignitatē. De te aut Princeps quid hic dicam, si talī in statu positus eius opem recuses implorare? Quid ego hic dicam? quid quisquam hominū? quid tu ipse, si recules? An hoc quod quidem solum reliquum est, quod cum aliqua honesti specie dici possit, te non poenitentiam recusare, modo apud animum tuum constet te errasse, sed donec ueritas contrariæ partis in animo tuo elucescat, quæ tibi errorem tuū monstrer, in tepestiuam omnem poenitentiam esse mentionem. Quod si rationes meæ necessario concluderent, & quænam ueritas esset liquido ostenderent, tum quidem recte me ac tempestiue facturum, si monerem, ut qui contrariam sententiam tueretur, erroris poeniteret. Cum autem in obscuro adhuc lateat, quam ego assero uero ueritatem esse, immaturum tibi uideri de poenitentia agere. Quando ergo erit maturū Princeps? differemus ne in illud tempus, dum per rationes ueritas in eiusmodi causis sic explicetur, ut nulla amplius dubitatio in animo tuo relinquatur? An tum lo ut eris de poenitentia te admonēdi, qui grauissima multa commisit, cum tuam sententiā probatum erit falsam esse? Hoc quis dem nunc fateberis. Sed ausculta Princeps dum unum dicam, quod prima facie arrogantius fortasse dictum uidebitur, uerissimum tamen est. Si in iis de quibus hoc in opere disputatum est rebus, rationes meæ non effecerunt ut ueritatem tu cerneret, dico nullius hominis rationes id efficere posse. Sed cur hoc dico? an quod ipse omnia quæ in hac causa dici possint, sic & ingenio comprehendisse, & oratione explicuisse me putem, ut nullā cuiusquam facultatem reliquerim, uel copiosius eandem causam uel enucleatius efficaciusque posthac agendi? Nihil equidem minus cogito Princeps, neque id ullo modo mihi arrogo. Sed ut ante me in hac ipsa causa agenda multa sæpe a multis & prudentius excogitata, & commodius enunciata esse confiteor, quā ego ullo studio cōsequi potuissem; ita nō dubito quin adhuc eodē modo ab aliis etiam possint. Verum quod negaui, si meæ rationes non effecissent, ut tu ueritatem causæ huius animo cōprehenderes, nul

1. Isai. viii.

12

Obiectio.

Solutio.

Rationes nullius hominis megi possunt ueritatem Regis ostendere, quoniam quæ sunt in hoc opere adduxit

*Ratio imbecilla, ad  
comprehendenda eccle-  
siæ dogmata.*

lius hominis rationes id unquam effecturas; dixi equidem non tam de hominum ratione utentium facultare, ingeniose loquens, quam de ipsius rationis vi: quæ quanquam plurima sane percipit, ad quæ frustra sensus aciem intenderemus; ualde tamen imbecilla est, minimumque ualet iis comprehendendis, quæ fide potius diuinitus inspirata: quæ scientia per causas, & rerum argumenta parua constant: cuiusmodi fere sunt quæ ecclesiæ magno consensu comprobauit. In his igitur dico non esse rationi locum, non certe magis quàm sensui oculorū in solis lunæue magnitudine comprehendenda. Supra rationem sunt Princeps omnia quæ in præcipuis ecclesiæ dogmatibus continentur, & quæ ex his deriuantur, quæ etsi ratione tractari posse non negauerim, atramen ne in his quidem lucida illa ueritas in qua animus acquiescit, ratione peruestigari atque erui potest. Nec enim hominem, magistrum, a quo penitus animis inserantur, habet: Deum habent. & nisi quis a Deo illa discat, nunquam Princeps in his ueritatem uidebit, quæ autumis ratione & ingenio ualeat. Immo si quis in præcipuis illis dogmatibus, in quibus minorum ueritas continetur, ratione rimari ueritatem uelit, contra eueniet; Quo enim magis ratione nititur, eo minus penetrabit, eo longius ab eo ueritas se subtrahet. Ad sponsum ecclesiæ, qui ecclesiæ dogmata discere, & in his ueritatem perspicere uelit, cōfugiat oportet; ad quem quicumque ratione sua nixus contenderit, nunquam propius accedet. Statim enim sponso ab eo auolabit. Ita namque in canticis is loquitur, Oculi tui, inquit, me auolare faciunt. Non ergo oculis rationis, qui proprii oculi sunt hominis, utendum est ei qui ueritatem a sponso quaerit. Sed quid faciendum? Hoc ipsum, quod non possum non perpetuo auribus tuis inculcare, pœnitentiam ut agas, uel ob hoc tatum, quod cum ratio tua aliud tibi probaret; atque multorum sæculorum ecclesiæ consensus ostēderet; contempta ecclesiæ consuetudine, rationi potius cesseris; & quod ea tibi dīctaret, ecclesiæ cōsensui prætuleris. Hoc quidem Princeps maximum peccatum est, ex quo multa postea grauissima scelera cōsequuta sunt; quorum si te pœniteat, ad uerum doctorem te ecclesiā adducet, qui te omnem ueritatem edocebit. Simul ac enim rationi fidere cōpisti, uerus doctor, a quo solo ueritas in eiusmodi causis est perenda, qui solus animum illustrare potest, sese tibi subtrahit: neque unquam ad te redibit, nisi pœnitentiam agas. Audi uero quid Esaias propheta dicat de hoc doctore, cum ad pœnitentiam & fletum populum Israhel, qui propter peccatū, cōgnitionem

*Viri ad dogmata eccle-  
siæ, a sponso eccle-  
siæ querenda.*

Cont. vi.

*Rationem consuetu-  
dini ecclesiæ præfere-  
re, scelus est,*

gnitionem ueritatis amiserat, & a uero doctore aberrauerat, hor-  
 tat ur. Plorans, inquit, non plorabis, miserans miserebitur tui: ad  
 uocem clamoris tui, statim ut audierit, respondebit tibi, & dabit  
 uobis dominus panem arctum & aquam breuem, & non faciet a  
 te auolare ultra doctorem tuum. Et erunt oculi tui uidentes præ-  
 ceptorem tuum, & aures tuæ audiēt uerbum post tergum monen-  
 tis. Hęc est uia, ambulate in ea, & ne declinetis ab ea, neq; ad dex-  
 tram, neq; ad sinistram. Hęc Esaias non tam ludæorum popu-  
 lo, q̃ omni pœnitenti uerbis Dei p̃mittit. En ergo uia Princeps,  
 si ueritatem scire desideras; qua nusquam declinandū esse Pro-  
 pheta monet, qui hanc assequi speret. Sed quid Princeps? quia  
 iam de ecclesia loquimur, & quo pacto ueritas in eius dogmati-  
 bus agnosci possit; an oblici sumus, quæ initio huius operis, de  
 ecclesia & eius origine, ac statu diximus? an non illa satis decla-  
 rant id quod nunc asseueramus, rationis instrumentum non suffi-  
 ficere ad clarissimam illam in ecclesiæ decretis ueritatem, in qua  
 animus acquiescit, indagādami ratio quidem in ueteri domo, in  
 ea societate, quæ per naturam prudentia humana cōgregatur, mas-  
 xime ualet: In ea uero quæ supra naturam est, quæq; non per ra-  
 tionem humanam, sed per spiritum Dei cogitur, quid faciet? Vis  
 ut dicam Princeps, quid faciet? Idem plane, quod in politia hu-  
 mana is qui nihil præter sensum afferat, nullū rationis usum ha-  
 beat. Quid autem faciet in ciuitate bene constituta, qui humana  
 prudentia caret? Nempe hoc eum facere oportebit, ut obediat  
 illis, qui prudentia, rerumq; usu præstant. Sic est in ecclesia, quæ  
 uī regitur multo superiore, q̃ sit ratio, planeq; talī, ut infinitū sit,  
 quanto hæc plus rationem antecellat, quā ratio sensum superet.  
 Spiritus enim Dei sic rationem humanam uincit, ut ne conferri  
 quidem inter se possint, ut autem sensus non potest iudicium fer-  
 re in iis quæ propria rationis obiecta sunt, nec in iis ueritatem  
 perspicere: sic nec ratio in iis quæ spiritus Dei iudicat uera; qui  
 omnia iudicat, a nemine iudicatur. Animalis autē homo (ut in-  
 quit Paulus, loquens de illis qui anima tantum rationali in iu-  
 dicio rerum utitur) non percipit ea quæ Dei sunt, nec enim, in-  
 quit, potest. Si non potest, quid aliud faciet, q̃ quod dixi oportere  
 eum facere, qui in ciuitate humana prudentia constituta agēs,  
 nullum aut certe tenuem prudentiæ usum habeat: ut cedat obe-  
 diatq; prudentioribus? Hoc idem ratio faciet in ecclesia, quæ spi-  
 ritu Dei regitur: sese illi summitter, & cōstitutis ab illo ulero ac-  
 cedit; non iudicabit de iis, nec enim potest inferior uis de sup.

„ Hs. xxx.

„

„

„

„

„

„

*Ratio in politia forte  
 late multum ualet.*

*Sensus,  
 Ratio.*

*Spiritus Dei.*

„ i. Cor. ii.

„

„

*Ratio cedere debet  
 spiritui Dei, qui regit  
 ecclesiam.*

## LIBER

R. i.

*Ratio non potest  
dicere de iis quæ spi-  
ritus Dei statuit in  
ecclesia.*

*Adam à diuini præ-  
cepti viam discessit, co-  
dit.*

*Libertate et simplices  
primi viderunt lucem  
veritatis in ecclesia.*

*Rationis filiorum ab-  
stinentia ei qui veritatem  
discere velit.*

periori iudicare. Atque hoc quidem est, quod primi illi fundatores ecclesiæ a Christo architecto constituti, dixerunt, se prædicare euangelium ad obediendum fidei. Hactenus enim progredis-  
tur ratio humana, & in hoc dumtaxat ualet, ultra siquid libi su-  
mat, idest, ut cognoscere uelit ac iudicare de iis quæ spiritus sta-  
tuit, non potest non in præceptis ferri. Sic primus noster parēs ce-  
cidit, cui ad declarandam præcipuam uim hominis naturæ, præ-  
ceptum ad obediendum datum est, cuius postea quæ iudex esse uo-  
luit, ut ratione duce inquirere auderet de uis præcepti diuini, sta-  
tim cecidit, præstantiam autem naturæ suæ una cum salute per-  
didit, cum obedientiam perdidit; Cuius quidem recuperandæ nul-  
la excogitari ratio potest nisi per poenitentiam, quæ secum obe-  
dientiam afferat. Poenitentiam ergo agas oportet Princeps, si ul-  
lum lumen ueritatis in iis quæ ecclesia statuit, uidere uolueris.  
Sine poenitentia nunquam poteris, quæ spiritus Dei statuit, uide-  
re, etiam si reliquis omnibus ratione præstares. sed ut supra scrip-  
psi, eo minus perspicias, quo magis ratione præstiteris, si eam du-  
cem sequeris, de qua re si adhuc dubitas, uel illud argumentum ex  
euentu rerum sumptum facile rem totam declarabit, si quis ad ini-  
tia & incrementum ecclesiæ, in qua tot iam nationes in spiritu Dei  
congregantur, cogitationem conuerterit, & secum consideratauerit,  
qui primi, qui ultimi, ad tantum lumen percipiendum, quod per  
spiritum Dei in ecclesiam illatum est, accesserint. Illic enim uide-  
bit primos hanc ueritatis lucem uidisse, eos qui longius ab omni  
prudencia, sapientia, & ratione humana abfuerunt: idiotas inquam  
homines & simplices, qui nec prudentiæ partem ullam, nec sapien-  
tiæ attigerant: postremos uero omnium reges, & illos qui ma-  
xime prudentia humana niti solent, atque ipsos philosophos, quibus  
propositum est quæ per rationem humanam sciri possunt, ea  
ut inuestigent. Vt ergo si in uniuerso hominum genere ultimi fue-  
runt quorum in animis lumen ueritatis appareret; cum caligino-  
sa omnia, & ignorantia obruta tenebris dici uerissime possint,  
quæ illi sua uel prudentia in agendis rebus, uel in percipiendis  
rerum causis sapientia consequi potuerunt, si cum iis conferant,  
quæ ipsi postea diuino hoc lumine illustrati clarissime uiderunt;  
item in singulis hominibus usu uenire solet, ut quo plus ratione  
polleant, eoque nitantur, tardius ad lumen ueritatis perueniant.  
Neque uero unquam perueniunt, nisi reiecta omni rationis fiducia,  
se tanquam paruulos cum omni summissione & obedientia ad dis-  
cendam ueritatem præparent. Hoc enim est de quo ipsa ueritas  
Deo



Deo patri gratias agit, cum dicit. Gratias tibi ago pater quod abscondisti hæc a sapientibus, & prudētibus, ac reuelasti ea parvulis. Nulla porro præparatio ad tantum lumen percipiendum esse potest præter eam, quam ille qui missus est ob hanc causam, ut homines se ad diuinum lumen percipiendum præparēt, edocuit: qui non erat illa lux, sed ut testimoniū perhiberet de lumine: qui cum se vocem clamantis in deserto esse dixisset, nihil autem aliud clamaret, nisi parate uia domino; explicans quid his uerbis significaret, hoc solum dixit, poenitentiam agite, & appropinquabit regnum Dei. En tibi nunc Princeps unde ueritas petenda sit: en uia quæ ad eam ducit. quid iam cunctaberis? quid te retardabit quo minus eā statim ingredi uelis? An duces adhuc quaeris? Si quaeras, ecce, non eum solum, quem modo tibi nominavi, nobilissimum Regem & Deo charissimū Dauidem: sed nobilissimos quoque in humano genere duces habebis; omnes denique quotquot aliquam honoris, aliquam uere felicitatis partē, uel in præsentī uita gustarunt, uel in futura sperarūt. Nihil enim hic necesse est unum aliquem nominare; omnes hac uia incesserunt, neque alia sane ad felicitatem uia esse potest. Sed quid cunctaris? An asperum tibi uidetur poenitentiam agere? An difficile rationem propriam abdicare? quid si asperum, quid si difficile? an ideo relinquendum? & ubi uirtutem inuenies, ubi honorē, si aspera omnia & difficilia fugies? quis unquā uel Deo charus, uel apud homines clarus fuit, qui aspera recusaret? An non ideo clari homines, quia præclare se in rebus arduis gesserunt? an alibi usquam uirtutis sedes est, quā in arduis & difficilibus? Sed præmium paulisper intueri, non solum enim maximæ miseræ declarationis, sed felicitatis ipsius adeptio promittitur; & ab eo promittitur, qui nunquā nec fallit nec fallitur. An huius tanti boni consequendi spe proposita, in quo omnia bona comprehendunt, aliquid durum aut asperum tibi uideri potest, quod eo perducatur? An non facile tibi persuadebis, cum hoc laboris præmium uideris, omnia aspera, quæ diu certe durare non possunt, perpetienda esse, ut perpetua postea felicitate fruaris? Persuade tantum hoc tibi Princeps, & ego tibi nec durā, nec difficilem uiam esse ostēdam. Quid enim est difficile in iis ad quæ te nunc hortor? An primum rationem propriam in iis quæ non nisi diuino lumine perspicua sunt, abdicare, ut pro rationis lumine, diuino lumine in perspicienda ueritate utaris? An lucernulæ lumen Princeps tibi gratius est splendore solis? Quid putas esse rationis lumen,

„ Mat. xi.

„

„

„ Ia. i.

„

„ Mat. iii.

„

Poenitentia non flagitium resistenda, quia data est aspera.  
Χαλπὸς τὸ καλόν

Virtutis arduis habitata.

Virtutis præmium considerandum.

Rationis lumen quoniam sit obscurius illo lumine quod per Christum in animis nostris fulget.

## LIBER

quod a natura habemus, si cum eo lumine comparatur, quod supra naturam per Christum, qui splendor patris est, in animo nostro fulget: ne obscurissimæ quidem lucernæ nomen profecto meretur, si cum eo quod a Christo habemus, comparatur. Quod si claritate cum illo comparandū non est, hoc tibi uerissime persuadere potes, nec tam iucundum unquam uolueribus cœli esse posse post tenebrarum abscessum orientis solis splendorem, ad cuius aspectum in uoces & cantus excitantur, omne genus animi malium exhilaratur, quā animo humano cui tāquam lucerna in loco tenebroso, dum solis ortus expectatur, ratio est data, minima scintilla diuini luminis, quod sane uerum & naturale lumen animi est, ut sol omnibus quæ sensu sunt prædita. Quod enim ex ratione lumen habemus, tale est, quale animantibus lumen lunæ, quale etiam excluso & solis & lunæ lumine lucernæ lumē. quod et si necessitas, absente sole luna uel; quādo alia ratione uidere non possumus, non ingratum facit; tamen nullo modo tam iucundum esse potest iis quibus naturale lumen solis splendor præbet. Verum autem & naturale lumen animi, est Deus, est Christus ipse, qui est splendor patris. Quid ergo hic Princeps? malignam ne lunæ, uel etiam lucernæ lucem præferes lumini solis? Aegre ne tibi persuaderi patieris, ut lumen rationis dimittras, quo lumine diuino gaudeas? At hoc quidem nūquam dices; illud fortasse dices quod a multis dicitur, lumen rationis nos usu experiri, in omnibus nostris actionibus utile nobis esse; illud autem quod diuinum lumen dico, te non satis intelligere quale sit. quodcumque autem sit, magis id in futura nobis sperandum esse uita, quā in presentia, quæ tota rationis usu gubernetur. Hæc si dicas, non absurde quidem dicentur, dum quo modo accipienda sunt, intelligatur. Quid ergo? Tolle ne ea quæ modo de diuino lumine dixi, illud quod rationis uis in gubernatione rerum humanarum maxime est perspicua? Minime sane, si quod non minus perspicuum est, animaduertere uelimus; rationem si suum ducem spiritum Dei lumen diuinum præferentem sequatur, maxime posse in rebus humanis: si ipsa sibi dux esse uelit relicto lumine diuino, & spiritui; non magis proficere posse, quā Adam post maledictionem labor suus profuerit, cui dixit Deus, Maledicta terra in opere tuo; spinas & tribulos germinabit tibi. Ita quidem res se habet. Vbi cumque ratio sibi relicta, honorem sibi, utilitatem, uel iucunditatē parere cogitat ac nititur, ibi contra accidere uidemus, ut ignominiam, damnum, & contraria omnia iis quæ expectauit sibi conciliet.

*Ratio, nisi spiritum  
Dei tanquam suū  
duxem sequatur, iusto  
erat cœli.*

*Gen. iii.*

20

22

ciliet. Id quod uerum esse inueniet, quicunque rationē spiritui Dei illustratam habens, historias omnium temporum, uel ciuitatum uel singulorum etiam hominū euoluerit. Illic enim animaduertet, quoties homines relicto diuino lumine, tranquillitatem sibi, uel aliquid in uita utile parare conati sint, contraria omnia sibi ipsos accersiuisse. Id quod si exemplis uti uellem uel superiorū temporum uel nostrorum, tam manifestum facerem, ut nihil clari⁹ esse posset. Et plane uterer, nisi ea res lōgius me ab eo, quod propositum habeo, ut de rebus ecclesiæ loquar, abduceret. non enim de actionibus in lege naturæ, cuiusmodi sunt de quibus nunc commemoro, loqui est propositum. Sed si de iis dicere uellem Princeps, in tuis ipsius actionibus, cum ea prius exponerem quæ acta sunt, postquam reliquisti quæ spiritus diuinus dictabat, & te totum tuæ rationi ac prudentiæ dedidisti; an me probationes deficerent quibus id planum facerem, te cum iucundam, uel tam cum honore ac securitate quæsisisses (de quo sane dubitari a quoquam non potest) cōtraria omnia tibi contraxisse, id est cū summo dedecore summum periculum; cuius exitus non poterit non acerbissimus tibi esse, nisi iterum rationem spiritui adiungas, quem in omnibus ducem sequatur. Sed ut aliæ probationes decissent, nonne uel hoc unum qualiter se res habeat testatissimū facit; quod in tanta facultate, quantam habuisti ad res maximas gloriosissimasque gerendas, in tantis naturæ doribus, tanta rerum externarum abundantia, amore populorum, copia præclarissimorum ingeniorum, in tot annorum constanti ac perpetua pace, nihil unquam gessisti, uel tuo ipsius iudicio, quod aut ad Dei honorem, aut ad gratam tui memoriæ posteris relinquendam pertineret. & siquid, quod speciem mediocris cuiuspiam laudis haberet aliquando gessisti: tute ipse id obruere penitusque ex hominum memoria delere maxime studuisti. Vnde hoc? An tibi ratio defuit? non defuit illa quidem, sed quæ illustrata lumine diuino esset, defuit; quo lumine absente nihil unquam uera laude dignū cogitari potest. Sed ingrediamur ecclesiam Princeps, de eius enim dogmatibus quærimus, quo pacto in iis ueritas sit perspicienda. An hic nullum lumen præterquam rationis quæres? An quia diuinum lumen magis proprium est futuræ uitæ, nullū hic eius usum esse dicēs? Et qui possumus hoc dicere, qui non possumus id non fateri, ecclesiam spiritu Dei totam regī? Quid primū illud dogma ecclesiæ, Christum esse filium Dei, unde nam hausit ecclesiā? unde Petrus ipse, qui propter hanc cognitionem beatus

*Henrici. viii. fuisse in  
dicant quem cetera se  
ratio, spiritui diuino  
non obediens.*

*Diuini luminis usus  
est in ecclesia.*

## LIBER

filii Dei iudicio pronuntiatus est? An non lumine diuino percipit, reuelante ipso patre: an non ipse hoc satis ostendit reliquis omnibus qui quasi uixæ petreæ superedificati essent, unde lumē ueritatis in ecclesia sit petendum, ex quo fonte emanent, quæ Christi filii Dei cognitionem dant, & ad eum pertinent, qualia sunt quæ in ecclesia discuntur? Sed quid Princeps? cum quæ ratione cognosci possunt, ecclesia credenda proponit, nonne in eo satis ostendit hanc uiam cognoscendi magis esse proprium filiorum ecclesiæ, quàm illam quæ rationis usu nititur? Age uero si in ipsis hominibus diuersas has cognitiones, quasi digito monstrare possem, non uetera exempla consectans, aut ad primam illam & modo nascentem ecclesiam recurrens, in qua ecclesiæ filii donis spiritus sancti magis abundabant; sed his ipsis corruptissimis temporibus, quibus multi existimant cognitionem eam quæ per lumen diuinum habetur, in hominibus esse penitus extinctam, homines certos & tibi notissimos proponens, qui constantissime decretis ecclesiæ adhaeserunt de quibus dici non possit ratione se persuasos esse: an alias adhuc probationes tu requireres? Quid dices Princeps de Roffensi & Moro cæterisque, quos ualè quædam spiritus sancti uere possumus appellare, qui ad extremum usque spiritum ueritatem dogmatum ecclesiæ defenderunt: quo lumine illam uiderunt, cuius amore ita exarserant, ut nullo nec præmio, nec cruciatu proposito diuelli ab ea potuerint? Quid hic quæso dici potest: ut quisquam maxime calumniari uelit, quid dicere hoc fortasse, illos nec diuino, nec rationis lumine ullam omnino ueritatem uidisse: sed pertinacia quadam animi cum falsam opinionem defendere initio cepissent, mori prius statuisse quàm desistere eam uideri. Verum Princeps exerce quæso paulisper rationem tuam; & horum qui ita loquantur, orationem perpede. Atque hoc primum ipse qui illos homines probe noueras, tecum fac consideres, quales nam in reliqua uita fuerint. Ego uero hoc solum te rogo: ut quem fuisse memineris, qui ante id tempus ex quo hæc causa publice agitari cœpta est, ullius imprudentiæ eos accusarit? Sed nunc de Moro uno loquor. An eo quisquam in omni regno tuo, quoad ille uixit, prudentior habitus est? nemo plane, omnium qui eum nossent iudicio nominari potest, qui fuisse uideatur ingenio & prudentia cum illo comparandus. Qui ergo sic prudentia præstaret; cum ea causa incidisset, ut si sententia desisteret, non modo omnia incòmoda, molestiasque uitare, sed honoribus apud te & gratia reliquos omnes anteire posset; an credibile est eo imprudentiæ

*Roffensi & Moro  
diuino lumine illu-  
strati ueritatem uide-  
runt.*

*Morus, prudentissimus  
uir.*

dentia deuenisse, ut non solum honoribus se & gratia tua spolia-  
ret, sed omne genus calamitatis, tantumq; omnino mali, quantum  
homini ab homine inferri posset, non sibi tantum, sed uxori, sed  
liberis, & uniuersæ familiæ accerferet, ob hoc tantum, ut uel sum-  
ma ratione persuasam sibi opinionem defenderet? Profecto si ra-  
tionem ipsam tuam audire uoles, nunquam ea tibi dicet fieri pos-  
tuisse, ut propter opinionis retinendæ pertinaciam, ac contentio-  
nem, quæ præsertim emolumentum nihil ostenderet, homo omnium  
prudentissimus, si nihil aliud q̃ humanam prudentiam sequeretur,  
tot & sua & suorum commoda libens prætermitteret, & sibi exis-  
tium, illisq; calamitatem ultro conciliaret. Fuit ergo Princeps  
aliquid supra omnem rationem & prudentiam, cuius splendor ani-  
mo eius oblatu, sic omnia obscuraret, quæ humana prudentia  
tanquam maxime uel experenda, uel fugienda proponit, ut ne ap-  
parent quidem. Quod uero de Morô dico, idem de reliquis o-  
mnibus existimari debet, qui uitam potius q̃ amabilem illum ue-  
ritatis aspectum deserere maluerunt; nempe hos etiam diuino lu-  
mine animos illustratos habuisse, a quo ueritas illis ostensa sit,  
non a ratione; quæ nisi diuino lumine illustrata, lucere non pos-  
test, in iis dumtaxat quæ ad fidem pertinent, non magis profecto  
q̃ lucerna priusquam ab igni accensa sit. Sic Princeps omnia  
diuina eloquia sunt ignita lumine diuino. Ignitum eloquium tu-  
um, inquit Propheta. In quorum uirtute inuestiganda, si ratio ali-  
quid ualeat; lucem suam inde mutuetur oportet, a diuino scilicet  
igne. Sine illo nihil nisi in perniciem suam, & ad se restringen-  
dam potest. Quo fit, ut qui huic tãquam duci fidat, sæpe sibi ad-  
uersetur; sæpe sententiam mutet; qd̃ prius defenderat, idẽ postea  
oppugnet. Cuius rei si exempla quærerem, tu ipse Princeps non  
ne mihi suppeditare multa posses, eos enumerans qui per te ad  
episcopatus honorem euecti, aliud priuati, aliud iam episcopi fa-  
cti de dogmatibus ecclesiæ senserunt? hoc quidem te eis crimini  
uertentem nonnunquam audire memini. Ex iis uero qui post ade-  
ptum episcopatum diuersa de iisdem rebus senserunt, quot exem-  
pla tibi præbuit hæc quæstio de authoritate summi Pontificis?  
quæ nullo actiores aduersarios nunc habet, q̃ eosdem, qui sta-  
tim post adeptum pontificatum acerrimi erant propugnatores.  
Cuius mutationis causa etsi experts malitiæ esse non potest, tas-  
men coniuncta ignorantia etiam malicia est, cum duci cæco sis-  
dunt, idest rationi suæ. Sic enim est Princeps qui rationi soli sis-  
dunt, etsi uident, sunt tanquam non uidentes: uident & non ui-

*Veritatem cum uita  
difficili defendere ne-  
mo citra diuini lumina  
splendoris potest.*

*Psalm. cxviii.*

*22*

*qui rationem uirtute,  
sine diuino lumine  
non.*

*Hæc leuitatem Rex  
Stephano Garimero  
Vnionisti Episcopo  
obicit.*

*qui rationi solum, ut  
dicit, & non uident.*

# LIBER

*2. uero diuinum cer-  
tissimam cognitionem  
præbet.*

*1. Jo. i.*

*Fides Christiana ex  
diuino lumine accen-  
sa est.*

*1. Jo. v.*

*Mat. xiii.*

*Cognitio quæ uisum  
diuino lumine illu-  
strata, facile perit.*

dent; eoq; sententiam sæpius mutant. Qui uero a lumine diuino rationem incensam seruant, uniusmodi semper sententiam & opinionem afferunt, quam nulla nec uis nec ratio labefactare, aut conuellere potest; quæ longe certior illis est, quàm ea quæ oculis, auribus ue percipiuntur. Quam exploratam cognitionem uolēs exprimere Ioannes Euangelista de uerbo uitæ loquēs, ita dicit: Quod auribus audiuius, quod uidimus oculis nostris, quod perspeximus, & manus nostræ attrectauerunt de uerbo uitæ. Talem certe cognitionem tam certam, tam exploratam, præbet lumen Dei. Atq; hinc Princeps, ex hoc inquam lumine tãquam ex igne, lucerna accensa est, ea quã nos christiani profiteamur, fides; neq; aliter stabilis aut permanens esse potest. per hoc lumen credimus, & cognouimus Iesum esse Christum, Iesum esse filium Dei, & seruatore mundi. Sic enim inquit Ioannes. Omnis qui cognouit Iesum esse Christum, ex Deo natus est, non enim hoc libri atramento scripti, nec hominum uoces, & testimonia docere possent. Quod siquãdo ex iis uidemur aliquam cognitionem haurire, tamen nisi lumine diuino illustretur, ita est tenuis, ut facillime leuissima quaq; ex causa euanescat, id quod Christus in euangelio non obscure significauit, similitudine quãdam atque imagine usus seminis, quod quidem cum scribitur, partim secus uiam cadit, idq; pedibus conculcatur; partim super saxa, inter ue spinas spargitur; ac ne sic quidem ad frugē bonam peruenit, sed aut a spinis suffocatur, aut a uibus prædæ est. Talem enim cognitionem uel aduersæ res, uel diuitiæ, uel deniq; uoluptates sæculi statim extinguunt. Quod si res ipsa non satis clara esset, quã multa nobis Princeps aula tua exempla suppeditaret eorum hominum, quibus post agitatæ quæstiones de dogmatibus ecclesiæ, uel timor, uel sæculi amor omnem ueritatis cognitionem sustulit. Sed nunc non tam de iis loqui est propositum, qui scientiam ueritatis aliqua simili de causa amiserunt, quam de illis, quibus nec sensus per signa quamuis magna, nec ulla doctrina auribus percepta, quantūcunque in se uera, stabilem & firmam ueritatis cognitionem in iis quæ ad Christum pertinet, dare potuit. Quo in numero cum Ioannis eius qui Baptistæ cognomen habuit, discipuli se fuisse manifeste ostendant: iidem nobis, quid de reliquis, qui talem præceptorem non habuerint, nec tot signa uiderint, existimare debeamus, satis præscribunt. Illi igitur (ut in euangelio scriptum legimus) cum sæpius uocem magistri audissent, qui Iesum esse Christum, ipsumq; uere agnum Dei peccata mundi

mundi tollere testatus esset, atq; adeo digito monstrauiſſet: nullo tamen eius testimonio perſuaderi potuerāt, ut hoc ita eſſe certo crederent; ſed ſemper titubabant, & in ſententia uacillauerāt: donec eādem Ioannes, tanquam ipſe etiā dubius, eos ad Ieſum mittere cogeretur, qui ipſos doceret, planeq; perſuaderet eſſe Chriſtum. Quod niſi ita factū eſſet, ut a Chriſto ipſo id aliquando diſcerent, nunquam ſane exploratam de eo cognitionem haſuiſſent, nunquam fidem firmam ac certam tenuiſſent. Neq; uero Chriſto in carne adhuc uerſante diſcipuli aut apoſtoli, hoc de quo nunc loquor, cognitionis & fidei genus ab eo hauſerāt; ſed poſtquam per paſſionem glorificatus eſt, adhuc expectaſſe leguntur ſpīritum Dei, ſpīritum Chriſti, a quo ipſi omnem ueritatē docerentur: qui ſpīritus, linguarum ignearū ſpecie illis apparuit. Atq; hic ille ſpīritus eſt, qui in illa fide, quæ Dei donū eſt, & ſupra omnem quæ ab hominē excogitari poteſt, cognitionē, ac ſcientiam firmam ſtabilēq; donat. Quid enim exiſtimari ne poteſt Princeps, quæ per hominum ſcripta, per hominū testimonia, per miracula deniq; habentur, Chriſti diuinitatis argumēta, ad conſirmandos in fide Chriſti animos hominum maxime ualere; aut ab iis noſtram fidem originem habuiſſet? Si ita eſſet, Iudæi quidem eſſent omnium maxime dediti Chriſto, quos a Chriſti fide alieniſſimos uidemus. apud quos plura testimonia per ſcripta, per hominum uoces, per miracula de Chriſto habentur, q̃ apud ullam aliam gentem: apud quos Chriſtus omnia ſua miracula edidit, quos ſolos docuit, apud quos & natus & mortuus eſt; quos cum reliquit, non inde ſe ad alias nationes contulit, ſed in eorum conſpectu ad cælos aſcendit: & tamen qui magis, q̃ Iuſdæi, a fide Chriſti alieni ſint, reperiri nulli facile queant. Non ergo fides noſtra ea eſt, quæ ab externa aliqua uoce, aut ſigno colliigitur. Illa quidem ad tempus perſuadere poteſt, quemadmodū multi per ſæpe ſignis commoti Chriſtum filium Dei eſſe conſeſſi ſunt: ut Centurio, cum magnam illā Chriſti uocem, in ipſa emiſſam animæ exhalatione audiſſet: ſed niſi ea fides lumine ſupernaturali (tale enim lumen eſt, quam nos fidem Chriſti ac catholicam appellamus) illuſtretur, ac tanquam inchoatio quædam formam perfectionemq; inde accipiat, protinus euaneſcit. Nec ſane mirum quicquā in eo accidit. Illa enim fides, uel opinio potius, a ratione ſuum lumen expectat; ad illam reſpicit; ratio uero cum ex miraculis, ex testimoniis, ex ſcriptis fidedignorum hominum multa collegerit, quæ ſane non negauerim in hominum mētribus

*Ioannes baptiſta diſcipulus fuiſt ad Chriſtum miſiſe, ut ab ipſo ueritatem diſceret.*

*Apoſtoli ſpīritus Dei docuit omne ueritatem.*

*Fides quæ ex miraculis aut ſcripturis colligitur, ſupernaturali lumine eget, ut ſit perfectior.*

*Fides catholica.*

## LIBER

lumen aliquod cognitionis posse accendere, tandem tantū proficiet, quātum qui in humida materia magnā parua candela adhibita flammam excitare conetur. Quā in re aut nihil proficiet, aut hoc eerre assequetur, ut fumum fortasse ignis signum efficiat. quo si contentus non sit, & adhuc speret ex illo candela ignis uolo, claram se posse flammam excitare, nimirum omnis eius labor hunc deniq; exitum habebit, ut candela cōsumatur, ipse uero sumi molestiam patiatur, & se maioribus q̄ ante, tenebris lucerna consumpta inuoluat. Sic quidem est Princeps, qui cognitionem filii Dei, qui est Christus Iesus, ex ratione miracula ac testimonia externa colligente, in hominum animis accendere uelint, primum quidem talem fumum excitabunt, ut magnum quidē prophetam fuisse Christum agnoscant; talem autem fidem habeant, qualē illi de quibus Christus apostolos suos ita interrogabat, quem dicunt homines esse filium hominis? cum illi responderent, alii Eliam, alii Hieremiam, aut unum ex prophetis. Quod si persecrauerint ratione inquirere, tandem ne talem quidem in omnibus extitisse credent, qualis prādicatur; sed multa quæ de eo ferantur, fama inferiora esse ducent. Quod si similia signa de aliis referantur, ut de Apollonio Tiano multa eius generis miracula narrantur; aut tantum credent Apollonio quantum Christo; aut quæ de utroq; referuntur, fabulas esse iudicabunt: fabulas itē, quæ de Dei prouidentia in rerum humanarum, & omnium aliarum gubernatione dicuntur. Hic quidem finis cognitionis eius, & fidei est, quæ nullam sui originem supra rationem humanam agnoscit, quæ in summam tādē perfidiam, impietatem, ac sui fiduciam delinat necesse est. Sed uides ne Princeps qualis hic finis sit? Si uideres, principium quidem omnis miserie & infelicitatis uideres, non illius solum quæ futura prādicatur, sed huius etiam, quam nemo in hac quidem uita prorsus effugere, aut declinare possit. Id quod pluribus sane uerbis differerē, nisi uererer, ne nos ea res lōgius ab eo sine quod te iam properare cupio, retraheret. Ad illam enim fidem, qua Deo per Christum totū inicitur ac fidimus, te iam rapere laboro, quā qui adipiscantur utcunq; miseri ante fuerint, in beatorum numerum statim referuntur; ad eam inquam fidem, per quam solam ingressus ad mysteria diuina cognoscenda datur: de qua, si in scripturis ueritatis lumen quæras, per Prophetam dicitur, nisi eredideritis nō intelligetis. Quid aliud uis Princeps nunc dicam de hac fide? si omnia quæcunq; dici de eius præstantia possent, & quanta bona secum

*Fides humana  
non parit uir, ac  
fidei.*

*Mat. xvi.*

*Apollonius Tyaneus.*

*Fidei uera.*

*Isa. vi.*



secum afferat, colligere uellem; enumeranda sane mihi omnia essent; quæ ab initio humani generis præclare acta sunt; quæque postea, quoadiu erit humanum genus, præclare & feliciter agi publice priuatimque poterunt. Hac enim omnia illius fidei ad quam nunc te hortor, fructus sunt, de qua uerissime dici potest; siquam umbram felicitatis in hac uita, quæ cum corpore degitur, humanum genus unquam est adeptum, eius authorem atque effectricem fuisse huius fidei imaginem, ad quam nunc ueluti ad archetypum exemplar contemplandum, mentis tuæ oculos conuertere cupio. siqua uero maior ac solidior felicitas speratur, ad eam hinc desumum, id est, a fide perueniri; sine fide autem, uel hac uera, uel illa adumbrata, non modo nullum genus felicitatis, sed ne uitam quidem sibi quæquam posse promittere. Hac enim fide Princeps, siue in se, siue in imagine sua (imaginem autem appello illam fidem quam a natura habemus; quæ semper affert secum cognitionem impotentiae & imbecillitatis nostræ, implet uero animum salubri fiducia ac spe, nos per Dei benignitatem consequi posse quod expectamus), Hac inquam fide nulla unquam gens caruit, quæ quidem in rebus humanis aliquid sit quod homini expectandum uideatur, assequuta. Atque hic Princeps si mihi liceret in hunc campum digredi, ut Regum, uel populorum res præclare gestas, uel quam se rebus suis gestis adeptos putabant umbram felicitatis excuterem, hoc quidem in omnibus planissimum facere non dubitarem, ut quæque gens plurimum in Deo spei ac fiduciae posuisset, ita maxime quod optauisset consecutam esse; contra autem ut quæque in suis uiribus, in suo ingenio, in ope humana plurimum sibi esse præsidii statuisset, ita spe sua destitutam, minimam partem eorum quæ expetisset adipisci potuisse; qui uero eo impietatis deuenissent, ut omnia in suis uiribus, omnia in ope humana ponerent, eos ab omni ope humana destitutos, non ab hominibus, sed a Deo ipso funditus esse sublatos. Sic in his historiis hebræorum numerosissimum Sennichareb regis exercitum, qui de sua potentia contra Deum gloriatus esset, non ab hostibus, sed ab Angelo Dei deletum esse legimus. Sic Gomorra & Sodomam ciuitates, quæ in seipsis, & ubertate agrorum suorum, felicitatis fiduciam locauerant, manu Dei funditus euerfas. Sic etiam apud alias nationes impietatem, & omnino fiduciam humanarum uirium quæ quidem ad contemptum Dei prouidentiae processisset, maximis cladibus constat esse sancitam. Sed de hac nunc fide non est nobis propositum loqui. Neque hæc sane

*Fidei imago.*

*Fiducia in Deum fecit  
licetissimos homines ef-  
ficari.*

*Fiducia sui miseros  
reddidit.*

*iii. Reg. xix.*

*Gen. xix.*

## LIBER

*Filidivus vii, et of  
ficia.*

illa est Princeps, ad quam te hortor: Sed de illa quæ & hæc constinet, & perpetuo duraturam nobis felicitatem, & regnum cum Deo affert; quæ supra naturam nostram infinito intervallo nos tollit, cuius uel minimam scintillam nemo uidere potest, quin omne genus felicitatis quæ in terris uel sentiri, uel animo cõprehendi possit, statim contemnat, ac pro nihilo ducat. quæ si forte diuitum oculis oblata sit, ut ab iis cerni possit, non modo ut libenter diuitias abiiciant, sed paupertate etiam ut delectentur facit. Sapientibus autem facile persuadet, omnem ut sapietiam suam contemnant, & stultos se haberi minime indignentur, iis uero qui in honore & gloria uiuunt, omnes ut honores negligat, & despectui habeant, immo ut ignominia etiam gaudeat. Quid hoc est Princeps? quid hoc est? nam aliquos esse tales nihil attinet ostendere, qui tam multi sunt, ut propter multitudinem uix nominari queant. Legiones enim multas huius generis hominũ ecclesia proferre potest. Quid ergo hoc est? quid sibi uult, quod tot homines non coacti, sed sua sponte, omnia quæ iucunda naturæ esse communis hominum sensus iudicat, sæpe uisi sunt res relinquere; & quæ miseriam afferre iudicat, ea eligere & consecrari? An homines miseria delectari possunt? an quisquam miseriam libenter eligat? at hoc ne fingi quidem potest. Quid ergo est? Quid aliud dici, quid cogitari aliud potest, cum nemo ultro miseriam expetat, cum corporis uoluptates quantam uim habeant, nemo non satis, & plus quàm satis sentiat atque experiatur, reperiantur autem qui & illas, & omnia in quibus ceteri summam felicitatis sram existimant, sponte relinquunt, nisi eos maius aliquod lumen, quod maiora ipsis bona, maiorem felicitatem ostendat, mentis oculis uideret? Sed quale lumen hoc est, quod hi uident, alii non uident? quod genus hoc felicitatis quorundam hominũ proprium, quod aliis miseria uidetur? hic quidem aliud dicere non possum quàm quod Christus respondit querenti ubi ipse habitaret. ueni, inquit, & uide. Sic si queras quale lumen est hoc, quod quidam ita delectentur, ut lumen solis præ illo contemnere uideantur, ueni Princeps & uide. ueni inquam eo unde excidisti. ueni in ecclesiam Princeps, ibi Christus habitat, ibi hoc gratum, quod queris, lumen uidebis, idem illud lumen in quod Angeli (ut scriptura dicit) intueri cupiunt, quod ab illius uultu repletur: de quo Paulus non tam pro se quàm pro omnibus qui in ecclesia sunt, ita gloriatur, se lumen supra id quod in Moyse facie apparuisset, uidisse. illud enim dicit euacuatum esse. de hoc quod

& ipse,

*Is. i.  
Veni, & uide.*

*Christus, & uenit  
lumen in ecclesia habet.  
i. Pet. i.*

& ipse, & omnes ecclesiæ filii uiderent, ita ait. Nos uero omnes reuelata facie gloriam domini speculantes, in eadem imaginem transformamur, tãquam a domini spiritu. O Princeps, si uel una scintilla huius luminis, perrupta densissima hac caligine, quæ te circũsistit, ad oculos animi tui perueniret; nihil prorsus, nec tam uiolentum, nec tam iucundum in uniuersa rerum natura esse posset, quod te retineret, quo minus relictis rebus omnibus, & rus ptis quæcunq; te morarentur uinculis, cum quæres a quo illa scintilla defluxisset. Nunquid audisti regnum cælorum uim pati, & uiolentos rapere illud? De iis hoc dicebatur, qui iucundissima quæq; in natura relinquentes, per omnia aspera Christũ quærebant, a quo in eorum animos scintillæ eius gloriæ peruenerāt. Hæc uero ab iis tantum uidentur, qui in ecclesia se continent, extra ecclesiam nullum lumen Christi apparet. Eo ergo accedendum omnibus qui ullam partem huius tam immensi boni gustare uesunt; & tibi Princeps, si eius particeps esse uelis, eodem redeundum. Sed quid cunctaberis ne ad hoc tantum bonum accederes? An uiam ad ecclesiam es oblitus? An nescis eandem esse, quæ ad Christum ducit? An non recordaris illius uocem, qui præcursor domini est appellatus, qui missus fuit ut uiam præpararet domino, & homines in eius occursum excitaret? Pœnitentiam agite, clamabat ille, & appropinquabit regnum cælorum. Hæc est uia quæ ducit ad ecclesiam, quæ ducit ad contemplandam gloriam relucentem in facie Christi, quæ cælum & terras exhilarat. Sed rectas facite semitas eius uia; idẽ præcursor admonet. Noli dissimulare Princeps. Noli excusationẽ peccati quærere. Hæc enim semitæ minime sunt rectæ. Hæc quidem prima specie uidentur perducere ad ecclesiam, ubi Christus regnat. Sed reuera recta conducunt ad portas inferi, ubi sæuissimus & perennis humani generis hostis tyrannidem exercet. Fac ergo semitas rectas, aperte, ac sine omni dissimulatione fatere peccata. Sed quid (inquies) uidebo ne statim hoc quod tantum prædicas lumen, si præteritorum pœnitentia ductus, ad ecclesiæ obedientiam redieris? Quem uere pœnit Princeps; is nunquam hoc quæret; immo se indignum iudicabit, qui hoc lumen uideat, in quod nemo unquam, quauis innocens, ex natura sua, aut operibus dignus fuit, qui uel oculos attolleret. Hæc uero sunt superbi mercenarii uerba, quasi mercede lachrimas fundentis, qui dominum audet interrogare de tempore, tãquam pactus cum eo, ut simul ac lachrimas ostendisset, lumine diuino impertiretur. Hæc sunt elati illius pharisæi

„ ii. Cor. iii.

„

„

„ Mat. xi.

Regnum cælorum uim patitur.

Lumen Christi extra ecclesiam non apparet.

Mat. iii.

„ Permissa est uia ad ecclesiam.

Semite recte.

# LIBER

Luce. xviii.

Vere poenitentis signum.

Idem.

Vere poenitentis flagellum optat.

Idem. xxiii.

Rex filium regis exposcit, ut grauius ab eodem corriperetur.

uerba, quæ dominus in Euangelio reprobat, qui in templo oras dicebat, ieiuno bis in Sabbato, decimas de omnium quæ possides propter quæ iudicabat sibi deberi a Deo, ut omnia quæ petisset, impetraret. At sic nullo modo is quem uere penitet; Cuius & oratio & status in publicani persona exprimitur: de quo sunt Christi uerba; & publicanus a lege stans nolebat nec oculos ad cælum leuare, sed percutiebat pectus suum dicens, Deus propitius esto mihi peccatori. dico uobis, descendit hic iustificatus in domum suam ab illo; quoniam omnis qui se exaltat, humiliabitur; & qui se humiliat, exaltabitur. Ecce hic Princeps uere poenitentis uerba, audis ne queso, ut nec oculos attollere auderet, quos in terram demiserat. An talem censes postulaturum statim fuisse se, ut sibi luminis illius, quo pulchrius quicquam in cælo non uidetur, contemplandi facultas daretur, qui ne hoc quidem se dignum iudicabat, ut ad cælum oculos tolleretur. Nunquam ergo is quem uere poenitentia cepit, ut aliquod donum iure suo a Deo exigat, in animum inducere potest. In omnibus potius debitor esse Deo agnoscet, nihil sibi iure deberi contendet, præter flagella, quæ non modo non recusabit, sed etiam optabit. Hoc quidem maximum poenitentis signum, cuius uerba si adhuc distinctius audire cupis, quia ad te maxime pertinent, ausculta quæ dicit Ecclesiasticus ille, quem cum consiliorum suorum poenitentia cepisset, & dolor, quod a Deo relinqui uideretur in consilio eorum, qui sibi prauorum facinorum authores fuissent, id quod tibi nunc accidit, sic orationem ad Deum dirigens, ait. Domine pater, & dominator uitæ meæ, ne derelinquas me in cogitatu & consilio eorum, nec sinas me cadere in illa exprobratione. Quis enim dabit in cogitatu meo flagella, & in corde meo correptionem sapientiæ, ut in orationibus eorum quæ feci, non parcatur, & peccata mea non prætereantur. Ecce hic Princeps quam non refugiat Dei flagella, sed etiam optet: neque his ignosci cupiat, quæ ignorans fecit. Cupit grauius ab aliis corripi. Quam hæc omnia abs te conueniret dici, qui multa grauius peccasti, partim perniciosius consiliis inductus, partim tua sponte, partim ignorans. Te uere nunc præuenit Deus: antequam tibi in mentem ueniret id optare, ad te misit qui te grauius corripere, qui oratione sua nihil peccatis tuis parceret. Quid enim putas ne Princeps me mea sponte fecisse, ut te tam grauius corripere, peccata tua & scelera tibi ante oculos ponerem? sponte quidem hoc feci. Sed (Deum & ipsam charitatem testor) sic sponte, ut nihil eo me impulerit præter tuum amorem,

amorem, & studium salutis tuæ, qui cum sententiam abs te rogaret in dogmatibus fidei, uiderim te non solum in illis, sed in reliquis omnibus, quæ ad salutem tuam pertinent, frustra querere, nisi prius delicta agnosceres. Idem enim uere existimare potes tibi dictum, quod populo illi scelerato, electo tamen, querenti a Propheta Dei uoluntatem, Deus ipse respondit, quasi eorum desideria irridendo, quod nescientes se peccatorum pōdere premi, neq; illa agnoscentes, Dei uoluntatem & mandata sciscitarent. Sic autem ait Propheta in Dei persona, Me de die in diem querunt, & scire uias meas uolunt. quasi gens quæ fecerit iustitiam, & quæ iudicia Dei non dereliquerit, rogant me iudicia iustitiæ, & appropinquare Deo uolunt. Hoc idem cum te Princeps agere uiderem, rogare iudicia iustitiæ Dei, quem scire maxime Dei iustitiam dereliquisse, & tamen non cessare uias domini interrogare; quid aliud accommodatius ad salutem tuam facere potui, monitus a Iudæorum, & Prophetæ factō, in quo tuum representatur, q̄ quod ex imperio Dei fecit Esaias eodē loco, quo populum peccatis oppressum hæc interrogantem damnat: Ita enim ibi loquitur. Clama, ne cesses; quasi tuba exalta uocem tuam, & annuncia populo meo scelera eorum, hoc idem prorsus a Deo in salutem tuam mihi dictum iudicabam: qui quasi Rex qui iustitiam fecerit, iudicia Dei q̄reret, & scire uelles uias Dei; quas quidem nunquam prorsus intelliges, nisi primum tibi ob oculos peccata tua ponantur, ut ea agnoscas: deinde etiam tollantur. Hæc enim sunt, quæ luminis, id est, ueritatis in præceptis Dei aspectū prorsus auferunt. Quare iis, qui ad diuinum ueritatis lumen penetrare uoluerunt, cū peccatis redundarent, dicit Propheta, Tolle offendicula a facie tua, & uidebis, offendicula intelligens peccata, id quod adhuc manifestius dicit. Peccata, inquit, uestra, & iniquitates uestre diuiserunt inter uos & me, ut faciem meā uidere non possitis. Primum ergo, qui ueritatem queris, quæ relictæ in facie Dei: tibi peccata sunt agnoscenda, deinde etiam tollenda. Quo ergo modo, cum hoc populo peccatore querēte Dei mandata usus est Esaias, ut primum peccata illis sua in memoriā redigeret, deinde uiam, qua tolli possent ostenderet; eundem nunc tecum, idem querente, ipse usurpauit. Quid ergo nunc tu facies? An in me, qui præ cæteris dedi operam ne peccata tua te lateant, uia autem ad ea delenda maxime pateret, tanquam in maximum aduersarium impetum facies? uita mea: omnibus modis infidiaberis? Sed hic nihil opus est fidiis. Siquid enim inde

„ *Isa. lviij.*

„

„

„ *Henricus iudicia iustitiæ rogitat quasi Rex qui iustitiam fecerit.*

„ *Ibidem.*

„

„ *Peccata ueri luminis aspectum auferunt.*

„ *Isa. lix.*

„

„

„

„

„

„ *Henricus Rex Anglorum uitæ infidelis, qui ipsum suorum scelera admonuit.*

## LIBER

lucri facturus sis; si hoc ad salutem, si ad honorem tuum pertinet  
at si tibi ad utilitatem cedat, ut ego moriar, non semel quidem  
sed sæpius, si fieri possit; Deum autorem uitæ testor, libenter  
etiam moriar. Sed hoc nunc maxime considerare te oportet, quid  
tibi mors mea prodesse possit. An hæc illa uia sit, qua honorem tu  
um prolapsum erigere hominum in te beneuolentiam nunquam  
magis quam hoc tempore labefactam (sic enim esse nemo, nisi cecus  
adulator, negare potest) fulcire, pericula tui urgentia decli-  
nare, uel minimam partem eorum, quæ amisisti, recuperare pos-  
sis, si ipse e medio tollat? An potius, si hoc committeres, mala tua  
hac ratione multo magis augeres; me uero si uel casus aliquis  
sustulisset, utilissimum & aptissimum tibi ad hæc omnia recupere-  
randa instrumentum desiderares? Certe si amor erga salutem &  
honorem tuum aliquid possit, quemadmodum quidem non potest  
non multum ualere; ego nulli unquam cedam eorum qui uel ma-  
xime in rebus tuis uersati sunt: facultatis uero tantum habebo,  
quantum mihi fons ipse sapientiæ dabit, uel quantum tunc ipse  
conaberis ad hunc fontem accedere, a quo quia longius te abdu-  
xeras, in hæc omnia mala incidisti. Quid est (inquit Propheta  
ad Israel, & idem ad te) quod in terra aliena inueterastis? Coinqui-  
natus es cum mortuis, deputatus es cum iis qui descendunt in in-  
fernum; dereliquisti fontem sapientiæ. Hoc uno malorum omni-  
um causas est complexus. Hunc porro fontem cum te dereliquis-  
se res tuæ actæ maxime declarent; ego si redeas, quæcūque amisisti,  
maiori cum gloria & scenore recuperabis. Disce, inquit Prophe-  
ta, ubi sit prudentia, ubi sit intellectus, quæ quidem aliunde non  
hauriuntur, quam ab hoc fonte unde profluunt. O Princeps, si gusta-  
res hanc prudentiam, hanc sapientiam ex hoc fonte haustam, quæ  
te puderet ueteris & sapientiæ & prudentiæ, & reliquorum omni-  
um in quibus unquam aliquam spem honoris, uel iucunditatis  
posuisti; de iis enim omnibus dicit Propheta. Erubescetis super  
hortis, quos feceratis, qui sunt tanquam quercus foliis defluen-  
tibus. Quod si ad hunc fontem accedas, ut inde honorem, inde sa-  
lutem, prudentiam & sapientiam haurias; eris tanquam arbor  
plantata secus decursus aquarum, cuius folia non defluent, quæ  
fructum dabit in tempore suo. Germinare quidem hic incipies,  
applaudentibus & hominibus, & angelis, fructum uero in cælo  
reperies. Sed conuerte te Princeps, ad hunc fontem. Noli machi-  
nari malum iis, qui tibi uiam ad tantum bonum muniunt, & pa-  
tescunt, id quod maxime profecto faciunt, qui dant operam, in

eoque

*Cædendoris Regi  
plus danti quam co-  
modi offerat.*

*Henricus fontem sa-  
pientiæ reliquit.*

*Henricus Regem, vi-  
rescit ad fontem sa-  
pientiæ.*  
*Idem.*

*Hic.*

*Phil.*

eorū sunt plurimū occupati, ut peccata agnosceas. Hoc uero nūc iterum dico. Cum ultra mortē nihil malī hominī ab homīne excogitari possit; quod ad me attinet, cum iucunde semper & libenter uiixerim, quia sic est uoluntas Dei, multo iucundius, & libentius, quandocūq; Deus uocauerit, me moriturum spero, dico autem quandocūq; uocauerit; quia nisi ille uocauerit, ac permiserit, machinari quidem inimici poterunt, perficere certe nūquam poterunt. At si permiserit, uel sola recordatio illius uitæ, quam pro tali morte mihi paratā esse certo scio, nō posset non omnem quem inimicus animus dolorem excogitaret, facile superare, & gaudio immenso animum complere. Quare quod dixi, ad me nihil attinet, siue ipse uiuam, siue moriar; ad eos maxime attineret, siquī essent qui talia mihi machinarētur; ad te maxime Princeps attineret, siquid tua culpa mihi accidisset. Quæ res, quando ad me minus pertinet, tibi ipsi etiam atq; etiam considerata relinquitur. O quanto magis rebus tuis prodesset, ut de tuo flagello cogitares; & quod supra recitauī de ecclesiastici oratione, scilicet pius usurpares, Deumq; rogares, ut tibi peccata tua cōdonaret, potius q̃ cogitares quā ratione aliorū in te benefacta, quia tuæ uoluntati, uel prauæ potius cupiditati repugnent, malefactoris cōpensares. Quanto magis conueniret, quod reliquum est in oratione Ecclesiastici, abs te dicis quod sic se habet. Extollentiam oculorum ne dederis mihi, & omne desiderium auerte a me; aufer a me uentris concupiscentias, & concubitus concupiscentiæ ne apprehendant me, & animo irreuerenti & effrenato ne tradas me. Audin Princeps quid tandem oret; ne tradatur animo irreuerenti & effrenato. Cui magis conueniret hæc a Deo petere q̃ tibi, qui reliquis regibus omnibus christianis in fide & obedientia ecclesiæ Romanæ manentibus, non modo defecisti ab ecclesiā, sed eam omnibus modis oppugnasti; qui ecclesiæ consuetudinem, & decreta multis iam sæculis firmata, sic animo effrenato, & irreuerenti reiciis, ut quæ a tuo priuato cōsilio domi sunt statuta, ueteribus ecclesiæ decretis longe præferas, quorum præcipua in dubium uoces, nulli autē satis credas. quis quæso magis irreuerenti & effrenato animo peccare posset? Sed aduertis ne quanta hæc sit irreuerentia? An cum quanta sit ecclesiæ dignitas, ignores: simul quantam illi reuerentiam debeas, te ignorare est necesse. Sed potes ne ignorare ecclesiæ dignitatem, cum audis in scriptura spōsam Christi ecclesiam nominari, pro qua is mors tuus est, ut eam suo sanguine lauaret, integram autem & imma-

Mors nemini ab inimicis, nisi Deo permittente, inferri potest.

Henrico uultus esset de suo flagello, quam de aliorum catæ cogitare.

„ Eccl. xxiij.

„

„

„

„

Henrici irreuerentia effrenatus in ecclesiā animus.

Irreſpecte dignitas.

epheſ. v.

## LIBER

*Ecclesiæ decreta comp  
demonst maior præ  
latorum mores.*

*Autoritas ecclesiæ  
an scripturæ minor.*

297

culatam redderet? An quia uitiiis & peccatis eam deformatam, & inquinatam uides, maxime in præcipuis, ut tu iudicas, membristi: idcirco minorem illi reuerentiā habes; & ideo deficiis ac recedis ab eius decretis? Sic quidem tu dicis, hæc rationem contemptus tui affers. Sed ausculta paulisper Princeps. Cum de decretis ecclesiæ tantum loquimur, iam nihil nobis cum hominibus, quālibet improbi sint qui ecclesiā regunt. Si ecclesiæ decreta nō minus q̄ tu, eos condemnant; si multo etiam magis, cum non solum coram hominibus, sed coram sponso ipso summo iudice testimonium contra illos dicant; quid tu ab ea desciscis, quæ idem demonstrat quod tu? Sed quæ hæc irreuerentiā Princeps, quod iudex eius dogmatum esse uelis, & post tot sæcula tāquam debitorem ad rationem reddendam uocare, nihil deniq; admittere præter id quod tuo & tuorum iudicio fuerit probatum? An tu hic, quod solum dici potest, id dices: te non ad iudiciū tui, sed ad scripturæ sacræ normam ecclesiæ decreta exigere? Sed quid? num ecclesiā tot sæculis, quot sponsa Christi appellata est, cum ipsa locum & authoritatem scripturis dederit, non intellexit, quid iis conueniens, quid repugnans esset? An ipsa amissim ad petram applicare nesciit, quæ scripturis ut regulæ uim ac nomen obtineret, dedit? an non tum applicauit, cum quales libri reciperentur, quales reici cerentur, decreuit? quam uero nunc absurdum est, ut quibus ecclesiā authoritatem dedit, iis tu plus tribuas, q̄ ipsi ecclesiæ? ut scripturas admittas, quæ non nisi ex ecclesiæ decreto authoritatem habent; ecclesiā quæ a nullo nisi a Christo Dei filio authoritatem habet, & scripturas in honorem atq; authoritatem adduxit, paruipendas? Sed uide quā Paulus uas electionis, qui in terram usq; cælum raptus est, ubi arcana Dei uidit, illam non paruipenderit, uel potius quanto in honore habuerit. Ille enim Corinthiis scribens, cum quiddam statuere uellet, quod ad morum honestatem ualde conferret, eiusq; rationem ipse eam attulisset, quæ cuius æquo rerū æstimatori satis esse deberet, animaduertens tamen, si authoritas præcepti ex ratione solum pederet, nullam unquam posse tam firmam asserti, cui contentiosus animus non aliquid aliquando obicere contra posset; quid fecit? an satis habuit suam unius authoritatem interponere, quæ sane non poterat non maximi momenti esse, cum nemo eorū ad quos scribebat ignoraret, quis Paulus esset, cuius dictū firmitus omni ratione haberi deberet? Sed quid fecit? ut omnem contentionē plane præcideret, & omnium ora obstrueret, disputationi deniq; loci nihil



ei nihil relinqueret, sic uno uerbo conclusit. Siquis autem uidet  
 cōtentiosus esse, nos talē, inquit, consuetudinē nō habemus, neq;  
 ecclesia Dei. Ecce hic quāti pōderis uoluit esse consuetudinē ec-  
 clesiae Dei; cuius adhuc autoritatē multo magis in epistola ad  
 Timotheum explicat, cum ecclesiam firmamētum & columnam  
 ueritatis appellat; adeo ut huc tandem recidant omnes rationes,  
 omnes disputationes, etiam scripturā ipsā, quā etsi regulā nos  
 men, ac uim obtinent, tamen huic columnae ueritatis quā est ec-  
 clesia, innitantur necesse est. Huius ergo dogmata, huius decre-  
 ta, autoritatis pondere, omni & scripto & rationi sunt praeferen-  
 da; cuius tu nunc Princeps minimam habere rationem uideris,  
 quia, ut dicis, animaduertas eos qui ecclesiam gubernent, ab ec-  
 clesiae decretis plurimum descisiuissē. Quid enim aliud dicere pos-  
 res? At ob eam ipsam causam multo magis ecclesiae in decretis  
 suis ueritatem admirari deberes, quē eoldem uel maxime conde-  
 mnat. Sed si ecclesiae uim atq; autoritatē ex iis quos uides, me-  
 ritis; non potes non uehementē falli. Qui enim maxime regit ec-  
 clesiam, minime omnium uidetur; qui est Christus ipse; ut cunq;  
 tibi uideantur mali homines gubernare. Nōdum Princeps tem-  
 pus est, ut quotquot in ecclesia sunt, uita immaculata, & sine ru-  
 ga sint. Hoc quidem tempus expectamus. Nūc uero, ecclesia est  
 tanquam sagma missa in mare, ex omni genere piscium congre-  
 gans, in quam tam boni q̄ mali conueniunt; & tanquā arca Noe,  
 in qua animalia & munda, & immunda. Nec tamen tam immun-  
 da esse possint, ut a Christi spiritu ecclesia relinquatur, qui quis-  
 dem in eius dogmatibus semper relucet. Si fuerit ecclesiae multi-  
 tudo ut arena maris, tamen Christus semper sibi aliquos reserua-  
 bit, in quorum animis spiritus sanctus remaneat, ut cunq; multi-  
 tudo corrupta sit. Quid enim putas Princeps? Si in lege naturae  
 cum hōes corruptissime uiuerent, sic ut non magis ante dilu-  
 uium, q̄ & post, & hoc etiam tempore, dici posset, omnis caro cor-  
 ruperat uiam suam; nunquam tamen ulla ciuitas reperiri potuit,  
 quae sic esset corrupta sic sensum naturae praeceptorum amisisset,  
 ut omnino ueritatem in illis perspicere nō posset; quo pacto uis  
 in ecclesia Dei, pro qua Christus mortuus est, ut in ea perpetuo  
 Dei spiritus maneret, sic eundem spiritum esse extinctum, ut pos-  
 sit ueritatem a mutis libris, qui semper contentionis materiam  
 hominum ingeniis praebent, q̄ ab ecclesiae consensu, quae nunquā  
 caruit spiritu Dei, & obedientia, quae maxime grata est Deo, hoc  
 modo docet; petendam putes, praesertim cum Christi ipsius pro-

„ i. Cor. xi.

„

„ i. Tim. iii.

Met. xiii.  
 Ecclesia non respicitur  
 ac male re. tione.

„ Spiritus sanctus non  
 relinquit ecclesiam pro-  
 pter malos.  
 i. p. x.

„ Gen. vi.

„

# LIBER

1p. xliii.

Mat. xxviii.

Hier. xxxiii.

missum ecclesia habeat, fore ut usq; in finem sæculi, & in æuū ipse spiritu suo semper præsto sit ecclesiæ, neq; unquam ullo temporis momento inde absit. Si ergo, ut ppheta Hieremias inquit in persona Dei, pactum meum inter diem & noctem, & leges cæli & terræ non posui, equidem & semē Iacob & Dauid serui mei proficiam. Sed cum pactum eius inter diem & noctem sit positū, si leges naturæ stant, si nunquam tam corrupta natura fuit, ut nō hunc sensum uerum habuerit, honorandum esse Deum, honorandos parentes, alteri non esse faciendum quod sibi quis nolit fieri, quæ omnia sunt dogmata naturæ, a quibus etsi homines improbitate sua sæpe discedant, manet tamen hic sensus ueritatis in natura; quanto magis in ecclesiæ præceptis, quæ Christus supra naturam in hominum mentibus inseruit, remanebit, utcunq; homines sua deprauata uita sensum eorum se amisisse ostendent, semper tamen Christus aliquos sibi reseruabit, per quos hunc ueritatis sensum illustrari uelit, qui non a natura hunc sensum ueritatis habent in opinione tantum positæ, aut per rationes ex naturæ fontibus hausas demonstratæ, sed supra naturam per fidem illustratā spiritu diuino; cuius claræ cognitioni, nihil quod per uiam naturæ cognoscimus comparari potest. Atq; hi quidē sunt, in quorum cordibus Paulus dicit fulgere illuminationem euangelii gloriæ Christi, qui est imago Dei, quos, ut inquit Petrus in epistola, Christus uocauit in admirabile lumē suum, quibus deus nīq; Prophetā dicit, Præceptum domini lucidum, illuminās oculos. Quam cognitionem per Christum habemus, qui est splendor Dei; quæ ne antiquis quidem patribus ante Christum defuit, etsi non ita copiose ab illis hausta; utpote quibus promissa magis q̄ præbita esset: nisi forte ab eo uno ubertim hausta est, qui primus supra rationem & naturam, Deo credidit, qui fuit Abraham, cuius semini promissus est Christus; de quo Christus dicit, Abraham uidit diem meum, & gauisus est. Ab illis uero post Christū uberrime est hausta, qui maxime Abraham fidem & obedientiam sunt imitati, quem Paulus patrem credētiū appellat, quē Deus obedientia & fide fecit clarissimum. Hoc uero genus cognitiois per spiritum Dei nunquam in humano genere sic fuit extinctum, ut non aliqua eius scintilla maneret; sine quo lumine natura ipsa nihil quod ad se tuendam pertineret, facere unquam potuit. Sed tum prolixè effusum est, cū quod Abraham promissum fuerat Deus persoluī; Cum filius Dei, splendor patris, Abraham semen apprehendit; Cum lumē illud quod illuminat omnem hominem

Abraham fide & obedientia clarissimus.

Is. viii.

Ro. iiii.

Heb. i. & ii.

Io. i.

minen<sup>ti</sup> hunc mundum, caro factum est, tum quidem natura humana ex nobilissime hanc cognitionem per spiritum Dei, qui semper manet in ecclesia, hausit: licet omnes qui sunt in ecclesia, non eodem modo gustent: sed ut Christus membra in ecclesia honore differentia posuit, sic quæ magis, & quæ minus gustent, eadem habet: non enim omnibus datum est nosse mysteria regni Dei: nemo vero extra ecclesiam agens eam gustare potest, sed ii demum, qui Abraham fidem & obedientiam imitantur. Omnes vero tales, vbicunque locorum sint, in ecclesia sunt: qui enim sunt extra ecclesiam, ab Abraham fide & obedientia abluunt. Tales sunt de quibus Paulus dicit. Quod si opertum est euangelium, in iis qui pereunt est opertum, in quibus Deus huius seculi cæcavit mentes infidelium, ut non fulgeat illis illuminatio euangelii gloriæ Christi, qui est imago Dei. Ut autem illi, qui cæcus natus sit, nulla ratio ostendere queat, quale sit lumen hoc, quo nos ea omnia quæ sub sensum oculorum cadunt, comprehendimus: eodem modo qui oculis tantum corporeis est præditus, animum vero cæcatum habet, nulla ratione persuaderi potest, esse aliquod lumen supra hoc quod sensu percipitur: imò stultos iudicabit omnes qui ita dicant. Sed tu Princeps, cum homines prudentissimos videas, pro dogmatibus fidei libenter morrem oppetere, id quod alijs qui eandem, quam illi, lucem cernere non possunt, stultitia videtur: persuadere merito tibi potes, alio modo illis fulgere veritatem, quam his qui rationis tantum lumine vtuntur: nam cum ne ipsi quidem in iis quæ tam constanter ac fortiter defendunt, rationis lumen desit: sed abunde potius adsit: omnino aliud quoddam lumen est, cui ratio recta nunquam repugnat: sed qui hoc vident, rationem prorsus abiciunt, quemadmodum nos orto sole, lucernas solemus. Ut vero propius accedam ad eos homines, qui nuper pro ecclesiæ decretis vitæ potius relinquere, quàm quod semel aspexerant, veritatis lumen non agnoscere voluerunt: cum hoc constet, nullos in vniuerso tuo regno nec prudentiores, nec doctiores omnium iudicio, prius quàm hæc dogmata in questionem venissent, habitos esse: quid aliud de iis existimari potest, nisi splendidius lumen veritatis illis affulsisse, quàm quod a cæteris qui eadem mentis acie præditi non essent, posset comprehendi? viderunt Princeps, viderunt: nec enim aliter dici potest. Nec vero rationis lumen illud fuit: quæ etsi plus, quàm sensus, videt: tamen cum a sensu cognitionem hauriat, ut ipsæ sensus operationes, simul ac obiecta remoueris, evanescent,

Ro xii, et, i. Cor. x.

Mat. xii.

1. ii. Cor. iiii.

Aliud lumen fidei,  
aliud rationis.

# LIBER

sic omnis quæ inde habetur cognitio, nunquam animum stabilem  
 & firmum in veritate reddere potest: nunquam efficere, ut potius  
 vitam, quæ omnium rerum humanarum est iucundissima, quæ a tali  
 principio haustam cognitionem repudiet. Sed per illud lumen  
 videntur, quod omni vita est iucundius: per lumen Christi, & spi-  
 ritum eius, per spiritum Dei, quæ animæ nostræ vita est: & lumen,  
 quo nunc immortaliter fruuntur. Hoc ergo Princeps si tu vide-  
 re & eo frui cupias, sine quo nulla vita, & cum quo summa felici-  
 citas: ad Abrahamæ fidei & obedientiæ exemplum te componas  
 oportet: ad ecclesiam redeas necesse est: extra quam non magis  
 fieri potest ut vel veritatis cognitionem vel salutem consequaris,  
 quæ fieri potuit, ut qui extra arcam Noe erant, ab aquis diluvii fer-  
 uarentur, semper in hoc seculo imminet animis diluvium, qui so-  
 lam ecclesiam perfluum habent. Ad ecclesiam ergo reditu-  
 dum tibi est Princeps, qui nimium longe ab ea discessisti: et si  
 redeundum est, poenitentiam agas oportet: hæc enim demum  
 via ad ecclesiam ducit. En ergo quæ ad poenitentiam re-  
 uoluimur, & quæ aliter fieri potest, cum de reditu ad salutem sit to-  
 tus sermo, & hæc vna via sit, quæ ad salutem peruenitur: iun-  
 runt hæc sola ducit ad ecclesiam, ubi salus est: hæc sola via ad per-  
 cipiendum lumen veritatis, quod a spiritu Dei deriuatur: Ad  
 quem enim, inquit Propheta, respiciam: nisi ad humilem, & con-  
 tritum, ac tremulentem verba mea: de qua cum pauca adhuc dixis-  
 set, hic te tanquam in limine ecclesiæ relinquit. Quid autem di-  
 cere aliud possum, præter ea quæ iam dixi? An exempla summo-  
 rum, & clarissimorum virorum poenitentium proferam, in quorum  
 numerum libenter te conferas, ut vno ex iis quasi manu apprehen-  
 so, maiori tua cum dignitate, ecclesiam sic comitatus ingrediaris?  
 O Princeps quàm longe a tuo animo recederet omnis honoris ac  
 dignitatis recordatio, si vere te tui erroris poeniteret: quàm tu nul-  
 lum honorem peteres, nullum agnosceres, nisi si quis ex reieci-  
 do omni honoris nomine, & te ipsum maxime demittendo, atque  
 indignum omni honore iudicando, contingere honor posset? At  
 qui maxime potest Princeps: hæc enim vera radix honoris est,  
 unde necessario qui splendidissimus honor dici potest, efflore-  
 scit: verba enim Christi sunt. Omnis qui se humiliat, exaltabi-  
 tur, ex quibus etiam consequitur, qui se maxime humiliauerit, ma-  
 xime exaltatum iri. Et quia Christus super omnes se humiliat-  
 uit, factus obediens usque ad mortem, mortem autem crucis: ideo  
 datum est illi nomen, quod est supra omne nomen, ut in nomine  
 eius

Hortatur Regem, ut  
 ad ecclesiam redeat.

a. l. xvi.

Verus honor ex hu-  
 militate paratur.  
 Luca. xiiii.

Philip. ii.

eius omne genu flectatur, celestium, terrestrium, & inferorum  
 Nemo vero vnquam veri honoris fructum gustauit, qui non ante  
 sui contemptum gustauisset. En Abraham quanto honore apud  
 Deum & homines fuit: sed non prius, q̄ ipse sese terram esse &  
 ciuerem agnouit: ita enim dixit, cum ipsi supra omnem, quæ ex-  
 cogitari posset, dignitatem, honor a Deo promitteretur: Ego ter-  
 ra & cinis. Dauid vero ex pastore sublatus ad tantum regnum, il-  
 lustratus tot victoriis super omnes inimicos: quo magis a Deo  
 attollebatur, eo magis suam ipse indignitatem agnoscebat. Quis  
 ego sum domine, inquit, aut quæ domus mea, vt præstares mihi  
 talia? Sed si hunc honoris splendorem, qui ex tali radice humili-  
 ratis efflorescit, oculi tui ferre adhuc non possunt, ac ducem quæ-  
 ris ad pœnitentiam, quem sequi saluo honore possis: quem nam  
 maiori tua cum dignitate sequi possis, q̄ illum, quem toties iam  
 nominaui, Dauidem Regem vnum omnium clarissimum, & Deo  
 charissimum, cui lachrymæ panes erant die ac nocte, qui lachrymis  
 rigabat stratum suum? Verum si tibi hic videtur tantum excel-  
 lere, vt cum desperes consequi posse. En tibi multo propinquius,  
 ac nobilissimum pœnitentiæ exemplum. Theodosius Romani  
 imperii tum florentissimi moderator, & Imperator felicissimus:  
 qui post graue facinus admissum, cum aliquâ diu nullum pœniten-  
 tiæ signum dedisset, immo ne culpam quidem agnouisset, tandem  
 singulare obedientiæ & pœnitentiæ exemplum, cum maximo ec-  
 clesiæ fructu omnibus se præbuit: crimen vero tale fuit, vt magnâ  
 iuris speciem præ se ferret: in quo non tam factum, q̄ modus &  
 ratio reprehendi posset: sic enim de eo memoriæ proditum legi-  
 mus. Cum Thessalonice, magistratus Imperatoris, a populo ma-  
 le mulctari, & pulsi essent: Imperator vt hoc rescivit, ne tantum,  
 ac tam audax populi facinus, quod pessimi exempli in posterum  
 fore videretur, diutius inultum esset, statim cohortes armatas in  
 eam urbem intromisit, non quæ sceleris auctores comprehende-  
 rent, sed quæ promiscuam, nullo meritorum discrimine, plebem  
 cederent. Talis fuit animaduersio eius, tale factum: in quo qui-  
 dem negari non potest, quin populus graueis poenas ob iniu-  
 ria affectos Principis ministros mereretur, neq; hoc scilicet in il-  
 lo reprehensum est, quod non prætermittendam tantæ audaciæ  
 animaduersionem iudicasset, sed illud, quod non potius in sceler-  
 tis auctores inquisisset, qui sane omni genere suppliciorum erant  
 digni, q̄ in populum milites immitteret: cum dubitari non pos-  
 set, quin multi eius culpæ expertes essent, quibus tam audax fa-

”

Abraham.

” Gr̃. xviii.  
Dauid.

i. Para. xvii.

P̃s̃l. xli.  
P̃s̃l. vi.Theodosius Impera-  
tor.



& pœnitentia scribo, etsi tua precipue, tamen omnium etiam: qui tecum ceciderunt, causa scribo: quæ autem tibi, eadem illis quoque ad salutem patet via: ego vero omnes saluos maxime cupio: ac ne illius quidem saluti inuideo, cuius amorein constat omnium horum maiorum esse causam: imo vero in prius saluam esse volum: erit autem salua, ac ne honoris quidem sui iacturam ullam fecerit, si tecum ad obedientiam, & pœnitentiam redierit: nouit enim Christus, quod natura non potest, etiam iis quæ corrupte sunt, florem virginitatis reddere, quod si tu illam iterum post pœnitentiam ad amorein receperis: o quanto suauiores & dulciores amores erunt, quos iam non inhonesta concupiscentia, sed Christus omnis suauitatis niensura excitabit, & coniunget: o quanto admirabilior tu Princeps & iucundior omnibus appareris, post pœnitentiam ad Christum & ecclesiam rediens: quantam primum in teipso animi suauitatem sentires, quam nunc sentire non potes, peccatorum conscientia exacerbatus: quàm tum sentires te non modo graui onere leuatum, sed totum renatum, renouaram autem ut aequilæ iuuentutem tuam: quàm gratus porro omnibus tuis erit aspectus tuus post pœnitentiam, qui infinita mala, quæ necessario illis propter tuam ab ecclesia defectionem impendent, cum summa animi sollicitudine timentes & expectantes: si ad obedientiam redieris, non modo ista maxima sollicitudine, & quasi certa pernicie se liberatos sentient, sed antiquum illum erga te amorem, veterem spem, quam de te adolescente omnium virtutum indole ornato concipiebant, molto magis renouabunt: plura abs te bona, quam vnquam ab vlllo Rege laxi atque hilares expectabunt. Neque vero eos spes sua fallere poterit: si enim post tam grauiam peccata, & grauiora quam vllus vnquam Rex in isto regno commisit, ad Christum redieris: nobiliorem plane te & prastantiorẽ reliquis omnibus quicunq; istic imperium habuere, Christus te restituet. Ecclesie denique vniuersæ quàm gratum spectaculum erit, quæ te tanquam nouum & maxime admirandum Christi opus intuebitur: neque enim quanti momenti ad omnes controuersias, quæ ipsam nunc miserabiliter diuexant, sedandas, futurus sis reditus ad obedientiam tuus, ignorare potest: eoq; non minus aliquid nunc pro te, ut vitæ restituaris orat, quam sanctæ illæ formæ pro Lazaro Christi amico, quem Christus ad illarum preces in vitam reuocauit, orarunt. Nec vero cupidius plurimi ex Iudeis ad Lazarum visendum conuerterunt, ut cum tanquam maximum Deum miraculum aspicerent, quàm omnes & populi & natio/

*Anna Bullens postea  
à regem interfecit.*

*Quædam commotio  
ter fuit secuta iux  
mentem Henrici re,  
gii.*

*Psal. cxi.*

”

10. xi.

nes concurrent ad hoc spectaculum, ut te morte extinctum multo grauiore, quanto scilicet animam quam corporis mors est grauior, cum maximo gaudio suscitatum aspiciant. Audeo vero dicere, neminem nec amicum, nec hostem fore, qui nō maximo gaudio de tua poenitentia afficiatur, & maioribus quam vnquā antea amicitia vinculis coniungi tecum cupiat. Sed quid de gaudio, quod populus omnis christianus hic in terris ex tua salute est acceperurus, dico, cum ne cælum quidem experts huius gaudii sit futurum? neque enim vel tacita animi cogitatione accingad poenitentiam potes, ut non id statim in cælo sciatur. Si autem bona fide resipueris, hoc iam dico, si Angeli in terris, Christo nato, concinendo laudes Dei, gaudium suum testabantur, sic Christum in animo tuo nunc mortuum renasci & suscitari si cognouerint, fieri non posse ut gaudium suum contineant: sed quod in Christi natiuitate cantabant, idem canticum vsurpaturos esse. Gloria in excelsis Deo, & in terra pax hominibus: cuius tu canticum fructum & veritatem in teipso primum senties, cum occulta, ut Paulus appellat, dedecoris, quæ intus in animo latent, ex quibus, quicquid mali, vel dedecoris foris apparet, erumpit, aufertur primum senties; tibi autem a Christo idem dici audies, quod in secunda circumcisione populi Israel, post transitum Iordanis, Iosue illorum duci Dei verbis dictum est. Hodie abstuli a vobis opprobrium Aegypti: hoc enim senties tolli, cum pro terrenis & humanis cupiditatibus, quæ te longe infra dignitatem tuam seruum Pharaoni, nec meliori conditione quam bruta animalia, constituerunt, ceclestia & diuina desideria tibi a Christo inferi senties; qui solus replet in bonis desiderium tuum, ex quibus animi pax & tranquillitas consequetur, & iam odor alterius generis felicitatis in regno Dei, quæ vna cum Angelis eius perpetuo frueris: hæc enim bona veram poenitentiam consequuntur: si prius, ut Iosue Dux populi electi in transitu Iordanis ad terram desideratam, lacte & melle fluentem, sacerdotes præcedere Dei verbis iussit, sic tu Dux populi Dei in hoc transitu ad regna æterna desiderata & promissa, permittas sacerdotes Dei præcedere, nec te illis vlla ratione præferas: nec enim sic Iosue fecit: & tum audiuit a Deo, Hodie incipiam te exaltare coram omni populo Israel. Idemque tibi promittit, si Iosue exemplum in hoc sequareis: victoremque te, ut illum, omnium inimicorum tuorum faciet. Sed aliquando tandem vi deo modum esse orationi statuendum: non enim expectandū est, dum illa me deficiat: in qua sane nullum finem iuuenio, præsertim cum

Lucæ. ii.

”

”

ii. Cor. iiii.

Solentur ac gaudium  
quod vere poenitentes  
intus sentiant.

Iosue, v.

”

Psal. cii.

”

Rex debet sequi sacer  
dotes non præcedere.

Iosue. iii.

”

”

Peroratio.



cum de iis, quæ ad salutem tuam pertinent loquor, non certe magis quàm in meo erga te amore, unde illa omnis oratio ducitur: qui (ut dicitur, secundum non habet. Et sic ergo abruptumus orationem: & finem faciamus, si hoc tantum de vniuersis & singulis quæ in hoc libro scripti attestatus ero, me non aliter sententiam meam in his, de quibus rogatus sum, dixisse, quàm fecissem, si ad tribunal Christi dicere debuissem. Atque hæc tamen perinde erunt, ut ea acceperis: nam si quo animo a me scripta sunt, acceperis: hoc iam affirmare audeo, Christum in maximam & tuam & regni tui totius salutem, ea esse conuersurum: si aliter interpretatus eris, mihi profecto nocere non poterit per uera interpretatio, nisi hætenus, quod illi exitiosa fuerit, cuius salutem supra omnes res humanas cupio. Ego quod mei officii fuit, abunde feci. Buccina, ut inquit Ezechiel de iis qui impendentis propter peccata calamitati & dei vindictæ homines admonent insonat. Quod si tu auscultare recusaueris, sequantur in te verba Prophetæ. Audies, quisquis ille est, sonum buccinæ & non se obseruauerit, uenerit per gladium, & rulerit eum: sanguis ipsius super eum, & ceteris sonum buccinæ audiuit, & non se obseruauit, sanguis eius in ipso erit. Ego uero qui Dei sententiæ ueritatem aperui, peccata ostendi impendentis calamitatis admonui, & rationem effugiendi monstraui, quicquid acciderit, coram Deo & hominibus, hoc meo scripto fidem meam libero. Atque hæc tandem Dei misericordia per Christum fretus: propheta uerbis pro uobis concludam: Conuertimini, & agite penitentiam, & non erit uobis iniquitas uestra in ruinam.

Ezech. xxxiii.

Ezech. xviii.

**Excussum Romæ, apud Antonium  
Bladium Afulanum.**

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----

Errata.	Fol.	Pag.	Lin.	Sic corrigenda.
Semel abdicere	vi	1	71	semel abdicere
si qua	vi	1	16	si qua
adix trahitur	xviii	1	11	adhortentur
ineptum	xviii	1	17	impetum
denaues	xix	1	36	debaues
populi scilicet	xxii	1	37	populi scilicet
sue sacerdotis	xxiii	1	45	sine sacerdotis
humani generis	xxiii	1	51	humani generis
fratrum	xxiii	1	52	fratrum
necessarium	xxv	1	11	necessarium
poscebant	xxviii	1	21	poscebat
nidellat	xxix	1	9	videllat
quia si	xxix	1	17	qui si
illi diceret	xxix	1	14	illi diceret
possint	xxix	1	21	possint
explicetur. Vt igitur	xxix	1	22	explicetur. Vt igitur
duodem	xxix	1	17	duodecim
teratio	lix	1	3	teratio
significatur	lx	1	21	significatur
nam pro se alterum	lxi	1	17	nam pro se alterum
querum adducas	lxi	1	26	querum adducas
beatitudi	lxi	1	8	beatitudi
non possum vehementer	lxv	1	1	non possum vehementer
ut faciem cognoscere	lxvii	1	1	ut faciem cognoscere
qui ita rā fecisset	lxvii	1	34	qui ita rā fecisset
est iudex	lxvii	1	7	est iudex
manu Dei lapidibus	lxvii	1	7	manu Dei pignus lapidibus
tantum infamia	lxvii	1	40	altum infamia
desiderata	lxvii	1	26	desiderata
horrendum	lxvii	1	28	horrendum
e celo	lxviii	1	18	e celo
seditionis	lxviii	1	7	seditionis
dumtaxat	lxviii	1	31	dumtaxat
et circumfrent	lxviii	1	31	et circumfrent
peruulgata	lxi	1	10	peruulgata
ac summo in	lxi	1	35	ac summo in
demississet	lxi	1	33	demississet
omnium semina	lxi	1	31	omnium maiori semina
virtutis	lxi	1	3	virtutis
ckerebant	lxi	1	17	ckerebant
incestuosa	lxvii	1	15	incestuosa
intelligens	lxvii	1	21	intelligens
decreta tot longissima	cx	1	19	decreta longissima
reipublice Christiane	cx	1	7	reip. Christiane
quod nunc magis	cx	1	37	quod nunc agis
coeperit	cx	1	6	coeperit
Isabelle regine	cxiii	1	25	Isabelle regine
permisiss	cxiii	1	12	permisiss
ne tu pro	cxvii	1	26	ne tu prolecho
belige	cxix	1	14	belige
dimitte eum	cxix	1	26	dimitte eum
proprium filiorum	cxix	1	8	proprium filiorum

FINIS.





